

MC3

.A28917u

INSTITUTE  
OF  
ISLAMIC  
STUDIES

21293

★

v. 2

McGILL  
UNIVERSITY







25

---

←









# ایس انقصاب

قسم ثانی

جلوس ہ، ایونڈن برسہیدہ قدر

---

محرری

احمد مدحت

---

استانبول

۱۲۹۵

(۱۸۷۸)

باب عالیہ تقویم وقایع مطبعہ سنہ ۱۲۹۵ طبع اول نمشدن


# اسی انقلاب

## قسم ثانی

جلوس ہمایوندن بر سندیہ قدر

بر تار یخ یالکز شوّات عصری حاوی اولہ جق اولسہ  
فذلکہ اصولیہ وقوعاتی کون کون یاخود ہفتہ ہفتہ آی آی  
قیدایدوب اوتار یخک ابواب وفصولی دخی اکا کورہ تقسیم  
ایلک پک طوغری اولہ یلور ایسہ دہ تار یخنی ضبط ایلدی بکمز  
زمان کبی دوات علیہ وملت عثمانیہ نک بسبتون تجدد وانقلابی  
ایچون اساس اولان بر زمانہ و ہر بری مسائل متسلسلہ  
ومتابعہ دن متشکل وقوعات خصوصندہ بو صورت تقسیمہ  
مراجعت اولنق جملہ سی بر وقعہ دن عبارت دیمک اولان  
مسائلک پارچہ انمنی و پراکنده لکنی ایجاب ایلہ چکی کبی  
وقوعاتک محاکمہ سی جہتنی دخی اشکال ایدہ جکندن ابواب  
وفصولی مسائلک تنوغنہ کورہ تقسیم ایلک جہتی ارجح  
کورلمشدر . شو حالہ اشبو قسم ثانیز اساساً بش بابہ تقسیم  
اولنوب باب اولدہ ابتدای جلوس و احوال شتی و باب ثانیہ  
محاربات داخلہ و باب ثالثہ مسائل حاضرہ نک صورت  
دولہ سی و باب رابعہ تدریقات اساسیہ و جدیدہ و باب خامسہ





احوال حربیه کشیده سلاک سطور قلمی قرار شد برلشدن  
 اشبو بش بابك هر بری دخی حاوی اوله جقلى وقوعاتك  
 ایکنجی درجه ده کی تنوعنه کوره ایکنجی برانقسامه ده تابع  
 اولوب شو حالده ایکنجی انقسامدن هر برینه فقره تغیری  
 مناسب کورلشدن

## باب اول

ابتدای جلوس واحوال شتی

اشبو باب اول اساساً بش فقره یه منقسم اولوب برنجی  
 فقره ده جلوس واکا متعلق بعض مراسمدن و ایکنجی  
 فقره ده ذات شاهانه مک مآثر خاندان پروریسمدن و اوچنجی  
 فقره ده سرایجه بعض اصلاحات مهمه دن و در دنجی فقره سنده  
 بعض مقدمات اجراآت ملکیده دن و بشنجی فقره سنده بعض  
 مقدمات اجراآت عسکریه دن بحث اولنه بقدر

## برنجی فقره

جلوس واکا متعلق مراسم

خاقان سابق سلطان مراد خان خضر تلیپنک شرعاً

و طبیعت تحت سلطنتدن وقوع مفارقتلری اوزرینه شهر یاز  
 فاروق و قار شوکتلو مهابتلو سلطان غازی عبدالحمید خان  
 ثانی افندمن حضرتلرینک سریر شوکت مصیر سلطنت  
 سنینیه ابتدای جلوسلری قسم اولده بر نبذجک حکایه  
 و بیان قلمش ایدی . تخت شوکت بخت عثمانی بی قشریلره  
 برابر طوب قیوسرای همایونده بولنان ارکان دولت و بندکان  
 سلطنتک ایلک بیعتلرینی متعاقب بر یاندن مواقع معناده نک  
 آتدیغی یوز برر پاره طو پلرمینت بخش وقوع اولان جلوس  
 همایونی عالمه اعلان ایلدکلری صروده دیگر طرفدن پادشاه  
 نوجاهمن افندمن حضرتلری تکرار خرقة سعادت دائرة  
 جلیله سننه عزیمتله هر امید و اعتمادی کسیدی موفقیت  
 شاهانه زندن عبارت قالان اشبو ملت معظمه ایچون بارگاه  
 جناب رب العزت عرض حاجت و تضرع و نیازده بولنمشلردر .  
 بعده تشکیل قلنان منتظم آلائی والا ایله عساکر شاهانه و تبعه  
 صادق طرفندن تکرار آقشلانه رقیالی کوشکنه و اورادن  
 تهیه ایدیلان سلطنت قایغنه را کباً طولمه بغچه سرای همایوننه  
 عودت شاهانه وقوع بولهرق شومناسبتله دوتنمای همایون  
 طرفندن دخی ایکنجی دفعه اولوق اوزره طو پلر انداختیله  
 سلاملنمشلردر .

شو صورتله اجرا بیوریلان رسم جلوس هر حالده  
 بر بیعت خصوصیه ایله ختام بولمش اولدیغندن بیعت عمومیه نک



دخی اجرائی ایچون شعبان شریفک اون بشجی بازار ایرتسی  
 کونی تعیین اولنه رق یوم مذ کورده تشریفاتی دیوان  
 همایوندن یازیلان تذاکر مخصوصه ده ملکیده دن رتبه ثانیه  
 اصحابیله طرق سائرهدن دخی بورتبه نک معادلی اولان اصحاب  
 رتبه و رؤسای ملل و سائر طوله بجه سرای همایونه  
 دغوت بیوریله رق چله سی طاقم طاقم و صنف صنف حضور  
 همایونه مثول ایله رسمایعت عمومیه بی ده اجرا ایملشدرد  
 حتی در سعادتده بولنان اعتبار عمومی عثمانی و شرکت عمومیه  
 عثمانیه و قره دی لیونه و جمعیت عمومیه عثمانیه و سائر بانقه لری  
 هیئتیه معتبران صرافان دخی حضور همایونه چیقارق رسم  
 تبریک و تمینتی ایفا ایلد کلری صروده اعتبار عمومی عثمانی  
 دیرکتوری موسیوژان لوراندو تبریک جلوسه دائر چله هیئت  
 ظرفندن بالو کاله عرض ایلدیکی مقاله ده عصر جلیل عبدالحمید  
 ثانیده امور مالیه و تجاریه و خصوصیات صناعیه نک مظهر  
 ترقی اوله جقلری مأمول بولندیغندن بحثله بانقه لریه موجود  
 اولان اقتدار لک دخی او یولده صر فته چله جقه حاضر بولندیغنی  
 عرض اولمقدن ناشی جناب شوکت مآب پادشاهی دخی  
 زراعت و صنعت و تجارتک ترقیلری امرنده در دست بولنان  
 بلند همت و عاطفت ملوکانه لری بی در میان ایله حسن مقابله ده  
 بولندیلر .

هله ملل خمشه رؤسای حضور همایونه دخول ایله

جلوس مسعدت مانوس جناب شهر یاری بی تبریک ایلد کلرنده  
 «تبریکاتکردن ممنون اولدم . مملکتکیزک معمور یئندن  
 و تبعه مزک قوانین عدلیه مزدن تمی استفاده لریله از دیادی  
 رفاه و سعادت حالرندن بشقه برشیده امل و هوسم یوقدر  
 و تبعه مک هر صنف و فردی حقوق مشروع و عه لینه کافل  
 اولان مساعداتدن متساویاً استفاده ایله متعیم اوله جقلرینی  
 ینه تعالی اظهار اولنه حق آثار فعلیه ایله مشاهده ایدرلر .  
 کر کدر که انلر دخی اشبو مساعداتله مسعود الحال اولمق  
 ایچون کندیلرینه عائد اولان وظائفی کمالیه تلقیده بربرلینه  
 تقدم و مسابقت ایدرجه سنه سعی و حرکت ایلسونلر»  
 کلمات حکمت بیناتی لسان حقایق بیان حضرت شهر یاریدن  
 شرف صادر اولمشلردز که قاعده مساوات و اصول عدالتک  
 اس اساسی کی بر کلام عدالت انجام اولمسندن ناشی مستعملرینی  
 دریای تشکر و محمده مستغرق ایلشدر .

بر زمانبری بین ال وکلا اتحاد و اتفاق افکارک خلاقی  
 بعض حالر کورلمکده و از جمله دور جلیل مراد  
 خانیده مجرد بر استزاج و تعاطی افکار قبیلندن اولمق  
 اوزره در میان اولدان قانون اساسی بحثلرنده بوتشت افکارک  
 علامتتری اورتمیه حقیقه مقده اولدیغی دهها وقیله داخل  
 دائره اطلاع همایون اولمش بوانمسیله ینه ابتدای جلوس  
 اشناسنده وکلای فحاهی خصوصی بر ضرورتنه نزد مکارم



وَقَدْ هَمَّ بِإِثْنِهِ قَبُولَ وَأَنْوَاعِ الْفَتَاةِ وَزَعَايَةِ جَهْلِهِ سَنَى  
 دِلْشَادِ بِيُورْدَقْدَنِ صُكْرِهِ أَصْلَاحَاتِ وَأَجْرَاتِ مَتَصُورِهِ  
 دَائِرِ أَوْرَتِهِ حَقِيقَانِ بَخْتِ أَوْزَرِيْنِهِ يَكْ كُوزِلِ بِرْمَنْسَبَتِ  
 دُوشَهْرِكِ دَوْلَتْمَزْكِ حَالِي دُوزَلْتْمَكِ وَمَسْتَقْبَلِي تَأْمِينِ أَيْمَلِكِ  
 اِيچُونِ اتْفَاقِهِ مَحْتَاجِزِ . نَظَرْمَدِهِ اتْفَاقِ هَرِ قُوْتِهِ فَاقْدَرِهِ  
 وَاتْفَاقِ هَيْئَتِ وَكَلَادِنِ بَاشْ-لَايُوبِ طَبَقَةِ طَبَقِهِ هَرِ كَسَكِ  
 دُهْنَدِهِ بِرِشْمَلِيدِرِ . وَفَعْلَالِي دِهْ دَائِمًا بُونَقْطَطِهِ تَوْجِهْ  
 اِيْتَلِيدِرِ . بَوَانْجَمَنَكِ تَرْتِيْبِي دِهْ يِنْمَكْرَدِهْ زَوَالِ بُولْمَزِ بِرِ اتْفَاقِ  
 زَابْطَهْ سِي تَأْسِيْسِ اِيْمَكِ مَقْصَدِيْنِهِ مَبْتَنِيْ اَوْلَدِيْغَمْدِنِ اَمِيْدِ  
 اِيْدِرْمِ كِهْ سَزْدِهْ بُونِيْتْمِيْ بِاِلْخَاصَةِ حَسَنِ تَلْقِيْ اِيْدِرْمَسْكَزِ .  
 بُونَكِ اِيچُونِ مَسْئَلَهْ اتْحَادِيْ دَائِمًا آثَارِ فَعْلِيَهْ سَيِلَهْ اَثْبَاتِ  
 اِيْتَكْزِيْ اَمْرٍ وَتَوْصِيَهْ اِيْلَرْمِ «بِيُورْمَشْلَرْدِرْ كِهْ اَشْ-بُوكَلَاتِ  
 سَلَامَتِ غَايَاتِ دَخِيْ پَادِشَاهِ نُوْجَاهِ اَفَنْدَمَزِ خَضِرْتَلَرِيْنَكِ  
 نَصْلِ نِيَّاتِ جَلِيلَهْ سَلَامْتَجُويَانَهْ اِيْلَهْ تَخْتِ شُوكْتِ بَخْتِ عُمَاْنِيْ يِي  
 كَشْرِيْفِ بِيُورْمَشْ اَوْلَدَقَلَرِيْنِهِ دِلَالَتِ اِيْتَمَسِيْلَهْ جَهْلِيْ اِسْتَقْبَالْمَزِ  
 اِيچُونِ يَكْ بِيُوكِ اَمِيْدِهْ دُوشُورْمَشْ وَقَانُونِ اَسَاسِيْنَكِ وَضْعِي  
 كِيْ اَجْرَاتِ عَظِيْمَهْ لِيْ دَخِيْ اِلْحَقِ عَامِهْ يِي بُوَانْتَقْظَارْلَرْنِدِهْ  
 حَقْلِيْ چِيْقَارْمَشْدِرِ :

وَقَوْعِ جُلُوسِ هَمَّ بِإِثْنِهِ التَّجْمِيْعِ يَعْنِيْ شُعْبَانِ شَرِيْفِكِ  
 اَوْنِ سَكْرَنْجِيْ پَنْجَشَبِهْ كُونِيْ اِيچُونِ قَلَنْجِ اِلَايِ وَالْاَسْمَكِ  
 اَجْرَاسِنِهْ قَرَارِ وَبِرِيْلَهْرِكِ بُوَقْرَارِ اَوْلْجِهْ اَنْبِيْشَارِ اِيْمَشْ اَوْلْمَقْدِنِ

ناشی ادرنه و قلبه و اذمید و قلعه سلطانیة و وارنه و سانب  
 کبی بلاد متجاوره دن برآ شمد و فرل و بحرآ واپورل ایل  
 نیکلرجه خلق استانبوله کلد کیری کبی دها چهارشنبه  
 کونندن بدآ ایل بوغاز ایچی و اطهر و ایاستفانوس خلقی دخی  
 فوج فوج استنبوله اینککه باشلامش ایدی . هله پنجشنبه  
 کونی واپورل بانار درجسه ده ازدحامک زیاده لکندن ناشی  
 معتادندن فضله ظهورات واپورلی چیقار یله رق بلاشبهه  
 در سعادت و بلاد ثلثه نک تکمیل اها ایسی استانبوله دو کلدیلر .  
 و حضرت خالدن استانبول سوری خارجیله ادرنه قیوسنه  
 و اورادن دخی باب همایونه قدر عسکر ترتیب و اقامه ایدیلر رک  
 تعیین اولنان کدرگاه همایون اوزرنده صورت مخصوصه ده انشا  
 ایداش بولنان کرویتلر ایل خانه لره دکانلره و حتی طاملر  
 و دیوارلر اوزرینه یرلشدیلر که اقل تخمین ایل اهلای  
 هر قومه نک مقدار التی ایدی یوز یکی تجاوز ایلر ایدی .  
 شهر اداکان حضرت اتک الای و الای تماشا بیورملری  
 ایچون مالیه نظارتنه مخصوص اولان دائره تعیین بیورلدیغی  
 مثللو در سعادتند ، مقیم سفرای دول متحابه ایله معیتی مأمورلی  
 واجبتی معتبرانی ایچون دخی استانبول سوری خارجنده  
 مخصوصاً چادرلر رک و تهیه ایداش ایدی .  
 کدرگاه همایون اوزرنده صف بسته سلام و احترام  
 اولان عسا کر شها نه غصه جلیل عبید المجید خانیده

اولدیغی کبی ستری و پانطالوندن مرتب اونیفورمه‌نی  
لابس ایدیلر .

ذات شوکت سمات حضرت پادشاهی وقت ظهرده  
سلطنت قایق‌ریله بحرأ حضرت خالد رضی الله عنهن مقام  
مبارک‌ریته عزیمت بیوردقترندن ذاتاً دوناتمش بولسان  
دونئای همایون آرمه‌یه عسکر چیقارارق و طوپلر اته‌رق  
«پادشاهم چوق‌یشا» آوازه‌ریله رسم سلامی بالایفامقام ایوب  
انصاریده تقلید و تقلد سیف آیین بهینی اجرا بیوردقندن  
صکره علما و وکلای فحام و رجال کرام و بزی و بحری امرای  
عسکریه بیوک اونیفورمه‌لرینی لابس و نشانلرینی حامل  
و حائز اولدقلری حالدۀ تشکیل ایلدکلری الای والا ایله  
ذات شوکت سمات حضرت پادشاهی حضرت خالددن  
باب همایونه قدر کذرگاه شهر یار یلرنده ایستاده بولنان عساکر  
شاهانه و اهالی صادقه‌نری طرفندن دخی سلام‌لنوب  
آلتشلا نشاردر .

آلای رجالتی ترتیب و سوقه مأمور اولان سواری خدمۀ  
همایونک اونیفورمه‌سی عصر جلیل مجیدیده اولدیغی کبی  
مائی چوقه‌دن پانطالون و قرمز چوقه‌دن ستری و مور  
قطیفه‌دن مئمول براته‌زدن عبارت و جله‌نی صرمد شیرید  
و غیطان ایله مزین غایت کوزل برقیافت اولوب رکاب همایون  
جناب پادشاهیده کیدن پیاده خدمۀ خاصه دخی پنه‌بو



اونیغورمه‌تی لایس اولمقدن فضله باشلرینه توکلر  
 وصورغوچلرده تعلیق ایلمش اولدقلرندن هیئت عمومیه‌ز یله  
 جداً حلاوت بخش انظار اولمقد، ایدیلر .

دارالسلطنه‌یه ادرنه قیوسندن دخول ایلدکده الای  
 والاطوغریجه فردوس آشیان سلطان سلیم اول حضرتلرینک  
 تربت شریفه‌زینه بالتوجه اشبوسلطنت سنیه عثمانیه ایچون  
 مرتبه‌عالیه خلافتی قزاقش اولان اول شهریار عالیته‌بارک  
 قبر انوری زیارت بیورلدقدن صکره والد ماجد شهر یاری  
 سلطان فردوس آشیان غازی عبدالمجید خان حضرتلرینک  
 تربت شریفه‌زینده ودها ایلروده فاتح بلده طیبه جنت مکان  
 سلطان محمد ثانی حضرتلرینک مرقد مبارک لرینه دخی کیدیلهرک  
 لوازم زیارت بالایفا باب همایوندن طوب قیوسرینه دخول  
 ایلدکدن صکره خرقة شریفه دائرة جلیله سنده ملت ناجیه‌نک  
 استحصال اسباب شوکت واجلالی امرنده توفیقات صمدانیه‌یه  
 مظهریت دعاسیله اشتغال ایدلمشدر . نهایت ایکندیدن  
 صکره ایدی که یینه بحرأ طولمه بقیچه ساحل سرای همایوننه  
 عودت شاهانه وقوعبولهرق ارتق بو رسم بهین اوزرینه  
 قلوب عثمانیانک اکتساب ایلدیکی فرح وانبساط جدتعریفه  
 صیغایله جک خصوصاتدن اولمامله اوکون بتون اهالی  
 بزعید اعظم مسرور ایله مسرور اولوب قالدیلر .  
 ذات ملانکسمات حضرت پادشاهینک اخلاق حسنه

ملکانه نرینه سوز اولمبوب هله جله بندکانه حلم ونوازش ايله  
التفات بیورلمسی کبی اسلامیتک ال بیوک شانندن و عثمانلیلغک  
الک ممدوح شعارندن ایکن برخیلی زماندنبری مشاهدہ ایدیلہ۔  
مامکده بوانان حسناته مع زیاده مالک و وجوه مکارم و محامد  
ایله مجبول بولملمندن ناشی شعبان شریفک یکرمی بشنجی  
پنجشنبه کونی دخی فلکک سوار عز و اقبال اوله رق طوب  
قپو سراینه و اورادن اسکی علی پاشا جوارنده واقع خرقة  
سعادت دائرة جلیله سنه عز یمتله ذات سامی جناب مشیختیناهی  
و مجلس مشایخ ریعی عثمان افندی حاضر اولدقلری حالده  
شر فجنش محفظه تعظیم و ابجال اولان خرقة مقدسه حضرت  
فخر المرسلینی بالکال تعظیم و تکریم زیارت وار سالحیه سنت  
سنیه سنی دخی ایفایه مبادرت بیوردقندن صکره باب سر  
عسکری یه تشریف شاهانه وقوعبولمش ایدی • اثنای  
ورودهما یونده رهگذار شوکت مدار جناب جهانبا یلر ینک  
ایکی طرفنده ایستاده مقام سلام اولان جنود شاهانه لریله  
امرای عسکریه و باب والای مذکور مأمورین ملکیه سی کولر  
یوز و نیکاه مرحمت اکتانه شهر یار یلری ایله دلشاد و کامبین  
بیورلمقدن ماعدا او اقشام دائرة جلیله مذکورده ترتیب  
و تمیه قلنان او توز کشیک طعام سفره سنه لطفاً و تنزلاً  
رغبته بیکباشی یه قدز امرای عسکریه دن و باب والای مذکور  
مأمورین قلمیه سنندن ایجاب ایلان ذواتی دخی عاطفه و تواضعاً

سفره به قبول بیورم شد در که شویله بر معامله نازکانه یقیه لرده  
 دکل هیچ برو قنده امثالی کورلماش مکارم و محامدن بولمغله  
 بتون قلوب عثمانیانی ممنون و خوشنودا یلشدر . حتی بوسفره نك  
 ترتیباتندن اولمق اوزره انواع اطعمه نفیسه موجود اوالدیغی  
 حالده مجرد التقات جهاندرجات همایونلر ینك نفراته وارنجیه به  
 قدر بالعموم هیئت عسکر یه یه عائد بولندیغنه دال اولمق ایچون  
 یاب سر عسکر ی قشله همایوننده ارامساز اولان افراد  
 عساکر ملوکانه یه مخصوص اولهرق طبع ایتدیرلش بولنان  
 درلو و پلاو و خوشابدن جلب و یالکز انلردن تناوله رغبت  
 بیورم شد . بواقشام لسان حکمت بیان ملوکانه دن سر فصادر  
 اولان نطق همایون پادشاهمزك افکار شهر یار یلرنده اولان  
 سر بستی ایله وطن و عسکر واسباب شوکت و ظفر امرنده کی  
 حسیات عالچنابانه لر ینی ترجمه و توضیح ایده جك نیجه مزایا  
 ایله مالا مال و مشحون بولندیغنه مبنی نطق مذکور ایله اولیابده  
 طرف سر عسکر یدن عرض اولنان جواب بوقشك آثار  
 متمم سی جهته [ ۱ ] رقیله درج و حفظ ایدلدی .

غبطه فرمای دوائر دولت اولان اشبوتشریف همایون  
 قیامن مقرون حضرت پادشاهی فیوضاتندن بحر یه هیئت  
 عسکر یه سنك دخی مستفیض اولمری امل التقات بزور یسی  
 ایله شغبان شریفك یکر می طقوزنجی بازار ایرتسی کونی  
 ترسانه عامر لر ینی دخی بالتشریف ایکنجی حوضده تعمیر

وانشاسی رهین ختام اولان مجیدیه فرقین همایونیه واسطه تجارت و نمایش و ارقادی و ایورلرینک بحره صورت اخر اجنی تماشا و فابریقه همایونلرینی و انشآت عمومی بحریه بی معاینه بیوردقن صکره دیوانخانه عامر هی دخی بالتشریف اوراده ده ترتیب اولنان اوتوز کشیک سفره ده عینله باب والای سرا عسکریده اولدیغی کبی بیکباشی به قدر بندکان ایلله برلکده ینته عساکر ملو کانه لرینه مخصوص اولان طعامدن تناوله رغبت کوسرلمشدر . اشبو تشریف شاهانه ده ایرادیوریلان نطق همایون ایلله طرف قپودانیدن عرض اولنان جواب دخی [ ۲ ] رقیله آثار مهمه جهته درج اولندی . طوبخانه عامرله ینته وقوع بولان تشریف شاهانه رمضان ایچینه مصادف اولمقدن ناشی رسم مذکور بر رمضان افطاری اصولنده اجرا بیورلمشدر .

سلطنت سنیله جه هر تبدل وقوع عنده ذول متحابه سفر اسنک یدلرنده بولنان اعتمادنامه لرینی تجدید ایللری قواعد ذولیه ایجابندن بولنسیله بالجمله سفرای ذوالاحترام یکی اعتمادنامه لرینی برر برر خاکپای همایونه تقدیم ایشلردر که بودخی مراسم جلوسدن اولمق مناسبیله شوراده مسکوت عنه بر اقلماق لازم کلمش و رسم مذکور حقننده بر نمونه اولمق اوزره اوستریا سفیری اصالتلوقونت زیحی جنابلرینک اعتمادنامه جدیدینی صورت تقدیملری بروجه آتی حکایه اولنمشدر .



سفیر مشارالیه اعتمادنامه جدیدینی تقدیم ایچون رمضان  
 شریفک ایکنجی چهارشنبه کونی تعیین وتخصیص قلمش  
 اولسایله یوم مذکورده سریاوز حضرت شهر یاری سفیر  
 مشار الیهی سفارتخانه سسندن مابین همایونه کتور مکه  
 مأمور بیوریلوب مابین همایوندن ترتیب و ارسال اولنان  
 سلطنت عربله سفارتخانهیه کیدرک سفیری و سفارت  
 وقانچلاریا مأمورلیله سفارت معیتند بولنان واپورلر ضابطانی  
 علی مراتبهم عربله اركاب ایلشدر • ذوات مومی الهمك  
 جمله سی بیوک اونفورمه لرینی لابس و حائر اولدقلری  
 نشانلری حامل ایدیلر • عادت قدیمه دن اولدیغی اوزره  
 سرای همایون قپوسنده عساکر شاهانه سلام طور مقده و مابین  
 همایون موز یقه سی ترنمساز اولمقده بولندیغی حالدده هیئت  
 سفارت قپودن کیرنجه مابین همایون مشیری مقامنده بولنان  
 داماد محمود جلال الدین پاشا ایله خارجییه ناظری ضغوت  
 پاشا و تشریفاتی خارجییه و دیوان همایون باش ترجمانی  
 بیوک اونفورمه لرینی لابس اولدقلری حالدده هیئت سفارتی  
 سرای همایون حولیسندن استقبال ایلدیلر •

ذات همایون جناب پادشاهی کذلک اونفورمه لرینی  
 لابس و عثمانیه و مجیدییه نشان ذیشانلرینی حامل اولدقلری  
 حالدده برنجی قات دیوانخانه سسندده سفیر مشارالیهی حضور  
 همایونلرینه قبول و اعتمادنامه جدیدی حسن تلقی پور دقلری

کبی سفیر مشار الیهک معیتند بولنان مأمورین و ضابطان  
تشریفات اصولیه علی مراتبهم ذات شوکت سمات حضرت  
پادشاهی به عرض و تقدیم قلندیلر • اوستریا ایپراطوری  
و مجارستان قرالی حشمتلو فرانسوا ژوزف حضرت تتری  
جانبندن سفیر مشار الیه جنابلرینک عرض ایلدکاری آثار  
مودت و خلوصه ذات مکارم صفات جناب پادشاهی دخی  
تأمین توجه و خلوص طریقله حسن مقابلهده بولندقدن  
ماعداءمانک حضرت تاجدار یلری آسایش و استراحتی انجق  
اصلاحات لازمه و تنسیقات دائمه طریقهده بوله ییله چکنه  
دائر و اولبابده افکار و نیات همایونلرینی مبین سردودر میان  
ایدیلان خصوصات ذاتاً احوال و مسائل شرقیه ایچنده  
بولنان سفیر مشار الیه جنابلرینک جسامتینی ارتدیر مقله براز  
وقت ذات شاهانه ایله خصوصی ملاقاتده بولمنسینی دخی  
استیذان ایلمش و بیدریغ بیوریلان مساعدۀ سنیه اوزرینه  
رفاقتهده بولنان مأمورین و ضابطان دوائر سائرده اعزاز  
و اکرام ایلدلمکه کوتوریلوب حضور همایونده یالکز خارجییه  
ناظری صفوت پاشا ایلله برده سفارتک برنجی سرکاتبی موسیو  
قوشک بولندرق بر ساعت قدر دخی ملاقات خصوصیه دوام  
ایلمشدر • اشبو ملاقاتده قونت زیجی جنابلرینک مسائل  
حاضره اوزرینه اوستریا دولتک افکار و مطالعاتنی بیان  
ایتمش اولدقلمری ذرکار بولنوب ملاقات خصوصیه دخی

ختمه رسیده اولدقدن صکره هیئت سفارتینه مابین همایون  
 عربله معززاً مکرماً سفارتخانهیه ایصال ایدلشددر .  
 سائر سفرای متحابه نك اعتمادنامه لازینی تقدیم ایلدکلری  
 ائنده روسیه سفیری جنرال ایغنائیف در سعادتده بولمیه رف  
 مؤخرأ متبوعی اولان ایمراطوردن استحصال ایلدیکی یکی  
 اعتمادنامه ایلده در سعادتده کلدگده عینله سفرای سائریه ایدیلان  
 احترام کبی اودخی احترامات فائقه ایلده حضور همایونه  
 قبول بیورلمش ایدی . انجق اعتمادنامه تقدیمی رسمنده ایراد  
 ایلدیکی نطق « تخت عثمانییه جلوس همایونلرینی متبوعم  
 ایمراطور حضر تلرینه اخبار ایچون واقع اولان تبلیغات  
 رسمیه جواباً تسطیر اولنان نامه ایمراطوری حقمده کی  
 التفات ایمراطوری ثمره سیله ینه بنده کره تودیع و واسطه مله  
 حضور شاهانه لرینه تقدیم قلمشدر . دولتین پیننده کی  
 روابط دوستانه نك محافظه سی مأمول اولوب منافع طرفینك  
 وقایه سی خصوصنه حاضر در . بحر سیاهی بحر سفیده  
 ربط ایدن وسائط تجارتیه مالک المولقله برابر ممالک شاهانه ده  
 برطاقم مذهبداشلی دخی بولندیغندن طسولای بولمکده  
 تگون ایدن وقوعاته ایمراطور جنسابلری نظر بیقیدی  
 ایلده باقدمز . دولت علیه اهالیسنك نائل رفاه اولمسی  
 دولتمرك منافعنددر . دواتم وقوعات مؤلمه اخیره نك عدم  
 تجددی ایلده صلحک تأمین ارزومنده در . جلوس همایونلری

دولتک پک مخاطر دلی بر وقتند شرف و قوغتبولدیغنی ایمر اطوز  
 پک رعناً یلیدیکی کبی مطلوب عالی بیورلدیغنی حالسده سیات  
 واقعنه نک دفعی و بر انتظام داخلینک استحصالی دخی ممکن  
 اوله جغنه قانعدر . اولبایده مساعی شاهانه لرنجه موفقیت  
 کامله یی تمی ایلر « طرزنده اولمسی واحوال زمانه کوره  
 یونطقده بر طاقم شایان دقت و اهمیت نکته لرمندر جبولمسی  
 مناسبتیه ار باب تدقیق نطق مذ کوری بر نگاه تعجبله تلقی  
 ایلشلا ایدی . طرف اشرف پادشاهیدن و یریلان  
 جواب صوابده ملکی معمور و اهالی یی مسعود ایتک روسیه  
 ایمر اطورندن اول واندن زیاده کندی امل همایونلری  
 بولندیغنی قضیه سنک جداً بر طور ترقی پرورانه ایله  
 درمیان بیورلمش اولمسی احوال سیاسیه نک غوامضنه وقوف  
 ایله استقبالی کشف ایدنلرک کالیه تقدیر و تحسینلرینه مظهر  
 اولمشدر .

❖ ایکنجی قهره ❖

ذات شاهانک بعض مائر خاندان پرورسی

خاقان اسبق عبد العزیز خان حضر تلرینک دورنده  
 خاندان شوکت عنوان شهر یاز یاری اعضاسندن یالسنر  
 انجال نجابت ایشتمال همایونلرندن ماعداسی بر نظر دیکر



و بر چشم غریب ایله کور یله رک هله او اخر سلطنتلرنده  
سلطان مراد و سلطان عبدالحمید و سائر انجال کرام عبد  
المجید خانینک دائره مخصوصه لرنده عادتاً کوز حبسی کبی  
بر حالدّه بولندقلری بو خاندان جلیک التیوز ییلاق اصدقاسی  
بولان عثمانلی طرفدن بر نظر حزن و تأمغله کورلمکده  
ایدی . ذات علانکسمات حضرت عبدالحمید ثانینک دها  
شهرزاده لک زمانلرندن بری هر کسک بر نظر مخصوص  
شکرانله مشاهده ایلد کلری مکارم اخلاق و محاسن اطوار  
همایونلرندن ذاتاً بو مقوله احوال منتظر اولمدیغی کبی عقیب  
جلوس همایونده خاقان سابق سلطان محمد مراد خان حضر تلرینک  
چراغان ساحلسرای همایونه نقلی خصوصه مأمور  
بیوریلان نامق پاشا ایله سعدالله بک افندی به برادر عالی  
کهرلرینک کمال عز و احترام ایله نقلی و هر کونه اسباب  
استراحت و عافیتلرینک استکمالی و اطبانک وقوعبولان  
توصیه لرینه حرفیاً رعایت ایدلمسی قطعاً اراده و فرمان  
بیورلمشدر . شهر یار عائله پرور و شه نشاه مر احم کستر  
افندمر حضرتلرینک برادر عالی رینه اولان محبت قلبیه لری  
سائر اعضای خاندان شوکت اساملری حقنده اولان  
مودت و محبت مخصوصه لری کبی بر درجه فوق العاده  
بولندیغندن دائماً سلطان مراد خان حضرتلرینک اسباب  
و وسایل استراحت و عافیتلرینی تفحص و تحریردن خالی

قالیه رَق حتی دو قُتور قاپولیون افندیڭ بو بابه اولان سغی  
وورزشی ممنونیت شاهانه یی مستلزم اولمسیله دو قُتور مومی  
الیهک خدمتی تقدیراً و تحسیناً سینئه اقتضاری اوچنجی  
رتبه دن بر قطعه نشان ذیشان ایله تزیین بیورلمشدر .

بروقتدنبیری بسرای همایونجه نظر تأسف ایله کوریلان  
اسرافات و ابذالاتک اوکی المنق جمله مقاصد شهر یاریدن  
اولوب فقره مخصوصه سنده ایضاح ایدیه جکی اوزره  
نسزای همایونجه الزم اولان تصرفاته مباشرت قلمقله برابر  
خاقان اسبق عبدالعزیز خان حضرت تریله سلطان مراد  
خان حضرت تری قاملیلاری اعضاسنه بشقه بشقه و مستوفی  
معاشلر تخصیضی فرمان بیورلمش و تنظیم اولن ان دفتر  
مخصوصنده [ ۳ ] کور یله جکی اوزره جمله سنک یکونی  
بشیوز اون بیک غروشه بالغ اولمشدر .

هله رمضان شریفک اوچنجی پنجشنبه کونی ذات  
خلافت سمات حضرت پادشاهینک برادر عالی کهرلری  
دولتلو نجابتلو رشاد افندی حضرت تری و دولتلو نجابتلو  
کمال الدین افندی حضرت تری ایله برلکده فیطون سوار  
عز و اجلال اوله رقا یا صوفیه جامع شریفنه عز یمتله ایکندی  
نمازینی برلکده ادا بیوردقلرینی کورن افطار عمومیه خاندان  
سلطنت اعضای شوکت اتساعتک بو صورتله یکدل و یکجهت  
بولملرندن و ذات شیوکت سمات حضرت پادشاهینک

خاندانجہ مقام ابوتہ ترتب ایلین وظائف اول صورتہ حسن  
ایفا بیورملرندن طولای فوق الحد ممنون ومتشکر قالمشدر  
بوندن ماعدارمضان شریفک سکرنجی صالی کونی طوبخانه  
عامرہده واقع قصر همایونده رشاد افندی حضر تریله  
برلکده افطار بیورملری و بغدادالعید شوال شریفک اون  
اوچنجی کونی بالجله برادر مکرملری برابر اولدیغی حالده  
پرتو پیاله و ابور همایوننه را کبأ هکبه لی اطهده کائن مکتب  
بحریه بی تشریف ومہتابدن جله جہ استفادہ ایچون کیجه  
ساعت ایکی بحق راده لرنده عودت بیورملری و ذی القعدة  
الشریفه نک اوچنجی صالی اقشامی دولتو نجابتلو رشاد  
افندی و کمال الدین افندی و نورالدین افندی حضراتیلہ  
خاقان اسبق جنت مکان سلطان عبدالعزیزخان حضر ترینک  
انجال کرامندن دولتو نجابتلو یوسف عز الدین افندی  
ومحمود جلال الدین افندی وشوکت افندی ومجید افندی  
حضر اتنی حضور همایونلرینه جلب ودعوت ایلہ نیجه  
التفات ونوازشدن ماعداجله جہ برلکده طعام و کیجه ساعت  
درده بشہ قدر صحبت ایللمسی هب جناب شوکت مآب  
افندمرک مآثر جلیله خاندان پروریسنہ دلالت ایللیجک  
احوالندر کہ خاندان جلیل سلطنتک اصدقاسی وخیرخواهی  
بولتان عثمانلور بو مثالو احوال مشکوره بی دایما بر نظر  
ممنونیت وشکران ایلہ کوررلر

آشبو تار یخچایی سرای همایون پادشاهی وقوعات  
و شئون داخلیه سنه مخصوص اوله رق قلمه المقدمه بواند یغمردن  
واثر ناچیرده موقع بحثه چکیله جک خصوصیات یك متنوع  
و متعدد اولدیغندن ذات حمید الصفات حضرت شهریارینک  
محبت ذوالقربی ایله مجبولیتلری حقنده سالف الذکر فقراتی  
انجق برر مثال اولوق اوزره عرض و درمیان ایشلر در  
یوقسه خاندان جلیل پادشاهی لرینک الک صغیر السن اعضاء  
شوکت احتواء سی دخی بر محبت مخصوصه ولی النعمی ایله  
کامیاب اولوب جملہ سی حقنده هر کون مشهود انظار  
مقر بین اولان التفات و نوازشلر الحق جملہ بی ممنونیتله متحیر  
ایلمکده در .

### ❖ اوچنجی فقره ❖

سرایحه بعض اصلاحات

بر دولت و ملتک اس الاساس اصلاحاتی تصرف  
قضیه سندن عبارت بولندیغنی دعوا ایدنلر هر زمان اثبات  
مدعا یه مقتدر اوله یلورلر . بوقضیه ذاتاً اداره و تصرف  
کتابلرینک باشلیجه برمجشی اولوب دولتی بر فاملیایه و یا خود  
فاملیایی بر دولته تشبیه ایلیان مدققلر اودولت و یا او  
فاملیانک وارداتی نه قدر چوق اولورایسه اولسون بونکله  
مسعودیت قزانهمیه جغنی و حقیقت سعادت مصارف جهته



دَقْنَه حَصُولَه كَلَوْب شَو حَالده سنوی الی بیک غروش  
ایراد و بشیک غروش مصارفی بولنان بر فقیر فاملیانک  
سنوی یکر می بش بیک غروش ایراد و اوتوز بش بیک  
غروش مصرفی اولان بز فاملیان دهاز نکین دهباختیار  
عداوانه جغنی حکم ایدرلر .

ایرادی ایله مصرفی اراسنده کور یلان فرق عظیمدن  
ناشی و بو دخی محضاً اسرافات بینهایه دن حصـوله کلمش  
بولنمستندن طولای فقیر و غیر مسعود بر حَالده بولنان دولت  
علیه نك اصلاح احوال تضرفیه سنه شمیدی به قدر بر قاقچ  
دفعه ابتدار قلنش ایدیسه ده اسرافاتک ال بیوک منبعی  
بولنان سرای همایونه هیچ بر کیمسه اطالهُ دست اصلاح  
ایلیه مدیکندن خارجاً ایدیلان تصرفات ایله احوال دولت  
اول فاملیایه بکزر مش ایدی که چولوق چوجوق  
و خدمتکارلر آچلغندن هلاک اولوق درجه سنده تصرفه  
قالقیشلیدیغی حَالده فاملیانک مقام بوتنده بولنان ذات تصرفدن  
حاصل اولان فائده نك بز قاقچ مثلنی کندی اسرافات و ابذالاتی  
ایله استهلاک ایلر .

هله بر زمان سرای همایونک اسرافات و ابذالاتی بجهله نك  
بحق نظر مخصوص اهمیت و دهشتنی بر درجه ده آچش ایدی که  
عمومی خشنود سزلغک ال بیوک بر قسمی بوندن عبارت  
بولنمشیدی . زیرا بودجه به ادخال ایدیلاندن ملحدابعض

قواری بودجه زدن بالالترام آرتدیو یلوب تفریق اولنان  
و « اداره مخصوصه واپورلینک حاصلاتیدر » و یاخود  
« املاک همایوندن فلانجه چفتلکک و یافلانجه معدنک  
ایرادیدر » دیه مابین همایونه تقدیم اولنان و حالبو که حقیقده  
ذکر اولنان اداره لک دکل سائر غیر مشروع یرلک وارداتی  
اولان مبالغ کاملّا حسابیه قاتیلور ایسه تکمیل ممالک شاهانه  
وارداتنک شبهه سز ثلثی و بلکه نصفه قریب بر مقداری  
یالکز سزای همایونه صرف ایدیلور ایدی . خلقت کوزی  
بونى کوردیکی کبی درت کون اول بش پاره سی اولمدیغی  
حالده مابین همایون حضرت پادشاهی یه انتساب ایدلکدن  
پک آز بر زمان صکره میلیونلره مالک اولان و حظوظات  
نفسانیه سی اغورنده بیکلرجه لیرالری بر طور مسرفانه  
ایله صرف ایدن ذواتی دخی بر دقت مخصوصه ایله معاینه  
ایدلک بحق آه تحسیرله دولت و ملک حالنه آجیرلر ایدی .  
ذات حید الصفت حضرت شهر یارینک جله خصائل  
هستیمسنه زندن بر یسی دخی سفاهت و ابذال و اسراف کبی  
بر انسان کاملی تزین ایده میة جک اولان سیئنه لردن تنفر  
قضیه سی اولوب باخصوص که هر درلو اصلاحات و حسناتک  
منبغی و مرکزی مقام جلیل خلافت اوله جغی حقیقتی هیچ  
بر زمان نظر اعتبار و انتباهدن اوزاق طوتمدقلرینه مبنی  
شهراده لکری زمانده دخی دائره خصوصیه لری اداره سنی

هر عاقل نعمتشناس و تصرف استیمناسک تحسین و آفریننده  
 لایق اوله جق صورتده یعنی اسرافات شفاقت پروریدن  
 بعید و تام بر شهزاده عالی نژاده به لایق اوله جق یولده حسن  
 اداره به موفق اولدقلری کبی ابتدای جلوس همایونلرنده  
 سرانجه دخی اصلاحات و تصرفات اساسنی وضع ایلیه رک  
 از جمله بر زمانلر سرای همایونده ال بیولک مأموردن ال کوچک  
 مأموره وارنجه به قدر بر صورت مسرفانه ده مکمل و مکلف  
 سفره لر مرتب و معین اولوب حالو که بونلرک یوزده سکسانی  
 احتیاجدن فضله اولسایله همان بالعموم بشکطاش خلقی  
 طبله کار مثللو خدمه دن فضله اطعمه یی بالمبايعه مطبخ اخاذینه  
 بيله احتیاج کورمز لر ایکن شو اسرافک اوکی بردن بره  
 قپانه رق صنوف مأمورین و بندکانک مراتبه کوره برقچی  
 ایچون بر سفره تعیین اولنش و مقصد اصلی مأمورین  
 و بندکانک اطعمی اولدیغنه کوره اوسفره بو مقصدی تمامیه  
 استحصال ایده بيله جک درجه مکملیت و مکلفیته تهیه ایدیلوب  
 لزوم و احتیاجک خارجنده اولان اسکی اسرافاتدن دخی  
 کلی تصرفات حصوله کتورلمشدر .

اصطبل عامرۀ جه الترام اولنان تصرفات دخی ینه شایان  
 اهمیت برشی اولوب موجود اولان عرب و بنک حیواناتک  
 لزومدن فضله پی اول امرده عساکر شاهانه به ترک واجسان

قلندرق اسکی حاکم همان نصفه مساوی بر تصرف حصوله  
کتورلدیکی کبی دهها صکره لری حرب ایچون کوریلان  
لرزم اوزرینه احتیاج صحیحک ایجاب و اجبار ایلدیکی  
مقداردن ماعدا حیوانلر تمامیه سواری و طوبجی عساکر  
شاهانه خدمته بالاعطا اصطبل مذکورجه تصرفاتک مرتبه  
غایه سنه وارلمشدر . تصرفات واقعته نک مأمورین و خدمتیه  
اولان شمولیده مسکوت عنه بر اقیله مز . لزومندن زیاده  
غلبه لکک لزومی درجه سنه تنزیلیله بویوزدن دخی بیوک  
بیوک تصرفلر وجوده کتورلمشدر :

بر وقتلر سرای همایون تخصیصات سنیه ملوکانه  
دائره سی داخلنده اداره ایدیه میه رلک محدود ندیم پاشا مثللو  
محرم احوال و اسرار اولان ذواتک طرق دیگردن چاره ساز  
اولمیرینه لزوم کوسترلدیکی حالده جناب شوکت مآب عبدالحمید  
ثانی نک شو صورتله مشهود انام اولان تصرف پرورلکری  
اوزرینه معاذالله تعالی تخصیصات سنیه خارجنه چیقلاق  
تصورلری بیلک مستبعد اولوب بالعکس دهها ابتدای جلوس  
همایونده لوندره دستکاهلرنده در دست انشا بولنان زرهللی  
ممدوحیه فرقتینک تقاسیطی کذران ایتسنن ناشی فابریقا تور  
پروتست و ایتکه قالقشمش ایکن مخصصات همایونلریله  
چقلمکات شاهانه لری حاصلاتندن مجرد تصرفات حسنه  
و اداره مشکوره ثمره سی اوله رق مترکم بولنان یوزیکرمی



يٰۤاَيُّهَا اَيُّهَا بَحْرُيَه نَظَارَتَه مَعَاوَنَتَه بُولْمُشَلَرْ وَفَقَطْ فَرَقَتِيْڭ  
اِكْمَالِ اَنْشَاآتِيْ اِيْچُون يَالَكْر سَكْسَان يِيك لِيْ اِكْفَايِت اِيْدَه جَكْمَنْ  
اول مَقْدَارِي فَايْرِ يِقَاتُورَه بِالَارْسَال اِيْشِي بِتُورْمُشَلَرْدِر كِه  
شُو عَلَايِم حَسَن اِدَارَه نَك اِحْوَال آتِيَه اِيْچُون دَخِي بِر بِيُوڭ  
تَأْمِيْن اُولَه جَنَغِي تَفْصِيْل وَايْضَا حَه مَحْتَاج دَكْلَدِر .

اَنْدَن صَكْرَه كَذْرَان اِيْدَن اِحْوَال دَخِي تَصْرَف وَحَسَن  
اِدَارَه نَقْطَه نَظَر نَدَن بِاَقْلَق شَرْطِيْلَه يَك زِيَادَه شَايَان اِغْتِنَاذِر .  
زِيْرَا سَرَايِ هَمَايُون مَلُوكَانَه بِر حَكْمِدَار ذِيْشَان سَرَايِنَه لَاقِ  
اُولَدِيْغِي صُورَت صَحِيْحَه نَك بِرَاَزْدَه فُوقُنْدَه حَسَن اِدَارَه  
اِيْدَمَكْلَه بِرَابَر ذَات هَمَايُون حَضْرَت پَادِشَاهِي اَشَاغِيْدَه  
بَغْض مَقْدِمَات اِجْرَاآت مَلِكِيَه وَعَسَكْرِيَه فُقْرَه لُرْنَدَه  
كُوسْتَرِيْلَه جِكِي وَجَهْلَه فَن زِرَاعَتِك تَأْسِيْسِي اِيْچُون بِرْمَكْمَل  
زِرَاعَت مَكْتَبِيْلَه مَأْمُورِيْن مَلِكِيَه يَتَشَدِيْر لَمْسِي اِيْچُون بِرْمَكْمَل  
مَكْتَب مَلِكِيَه نَك كَافَه مَصَارِفَاتِيْ عَهْدَه سَنِيَه لَرِيْنَه آلُوب  
بُونْدَنْدَه مَاعْدَا هَلَال اِحْر جَمْعِيْتَه وَ مَهَاجَرِيْنَه وَ سَأْر لَازِم  
الْمَعَانَه اُولَان هَرْ شَيْئَه تَصْرَف وَ حَسَن اِدَارَه ثَمْرَاتِيْلَه بِرَقَات  
دِه سَا قُوتِي اَرْتَان سَمَاحَت صَحِيْحَه وَ حَقِيْقِيَه اِيْلَه يَتَشْمَكْدَه  
بُولْمُشَلَرْدِر كِه اِيْشْتَه وَطْنِك بُو كُونَكِي حَالِي اَوْزَرِيْنَه لَزُوم  
وَ اَحْتِيَاج صَحِيْح كُورْدِيَكْمَز حَسَن اِدَارَه نَك مَثَالِي بُو قُضِيَه  
بَاهِرَه ذَنْ بَشَقَه هِيْج بِرْشِي دَكْلَدِر .

اَشْبُو حَسَن اِدَارَه صُورَتِيْڭ اَهْمِيَّت صَحِيْحَه سَنِي مِيْدَانَه

چیمق و سترای همایونک سائر زمانلرده کی صورت اداره سیله  
تطبیق قلمق ایچون وقتی وزمانی ایله وقت غزته سنک اون  
اوج مارت تاریخی و ۵۰۵ نومرولی نسخده سنده مندرج  
برقره بی بورایه عیناً درج ایتکه لزوم کوردک :

« جنت مکان سلطان عبدالعزیزخان حضرت تلیله خاقان  
سابق سلطان مرادخان حضرت تلینک دیوناتی حسابلرینک  
تدقیق ورؤیتی ایچون نامق پاشا ایله بعض وکلا و مأموریندن  
تشکیل ایدن قومیسون تدقیقاتنی اکیال ایدوب مضبوطه سنی تقدیم  
ایتمشدر . سلطان عبدالعزیزخان حضرت تلینک دیونی جامع  
شریف و ابدیه میریه مصارفی مستثنا اولدیغی حالده ایکیزینک  
ایرادن و سلطان مراد حضرت تلینک زمان سلطنتلر ایله  
اندن اولکی دیونی سکزیوز بیک ایرادن عبارت اوله رق  
بونک بشیوز بیکی کوچه اوغلنه و قصوری دأرهمی خلعتک  
معاشاتیلله سائریه اولوب بونلردن بشقه دها بعض کسانه  
برطاقم بورجلر اولدیغی کبی مدت معلومه ظرفنده تسویه  
ایدلک و ایدندیکی حالده صاتیق اوزره دوات علیسه نک  
بدایت ظهورندنبروسلاطین عظام خزینه ننده ادخار قلمش  
اولانلرله سلطان عزیز حضرت تلیری زمانسنده یکیدن النان  
مجوهرات ووقعه دن صکره سلطان مشارالیه حضرت تلینک  
قادینلر ایله انلرک منسوباتنک مالی اولدیغی حالده مصادره  
اولنان مجوهرات خرساکی افندییه اولان بورجلره مقابل

رهن آيداش و يوزيك ليراده ولاياتدن حواله كوسترلمش  
اولديغي واشبو مجوهرات ترهين ايديلان بورجلر مشارالیه  
سلطان مراد خضر تلي ينك اثنای سلطنتلرنده اولميو بانندن  
اول ايداش و سلطان عز يز خضر تلي ينك قادينلر يله انلرك  
منسو باقی اللرندن النان مجوهرات مال ذاتيلری اولسوب  
ضبط و مصادره قلمسندن طولاي دعوا ايتك اوزره بولمخ  
ايدوكي مسموعات صحیحه دندر . ايلروده مضبطه صورتی  
در دست ايدلديكي حالده عيناً درج ايديله جكدر »

بدایت ظهور عثمانیامدن بری سلاطین عظام افندیلریمز  
خضر اتنك خزینه لرنده جمع و ادخار ايدیلان مجوهراتدن  
وسائر ذیقیت اشیادن هر بری بر زمانك و بر شهنشاهك  
یادکاری اولمسندن طولاي قیمتلری جهمان دكر شیلر اولدقلى  
جهتله بولرك تصرف و حسن اداره سزلك نتایجنسندن  
اوله رق دیون ذاتیه مقابله ترهين ایدلمسی و دیون مذكوره نك  
وقت و زمانيله تأدیه و تسویه قلمیه جغی دركار بولنديغندن  
اشیای مذكوره نك اول صورتله الدن چيقارلمسینه یول  
آچلمسی هر حیثیلى یورکی آتش نأسفله داغدار ایده چکی  
دركاردر . حتی خزائن همایونده خاندان شوكت عنوان  
عثمانی نامه اوله رق مدخر و موجود بولنان اشیانك اموال  
ذاتیه کبی تصرف ایدلماسی و بناء علیه بولرك ارثاً و رثه  
شرعیه به انتقال ایدیه مامسی و تخت شوكت بخت اوزرنده

هانکی حکمدار جالس اولور ایسه انک نضارت و تحایه سنی  
التده بولنسی قانون قدیم حکمنه قونلشد که بونده کی حکمت  
اشیا و آثار مذکوره نك الی ماشا الله محافظه سنی تأمین ایتمکدن  
عبارتدر . ایشته اسراف و سوء اداره هر ذات ایچون الک  
بیوک معایب و سیئاتدن اولدیغی کبی بر حکمدار ذیشان ایچون  
تهلکه سی آحاددن دها زیاده بولندیغنه شوقضیه دال اولوب  
نامق پاشا ریاستی تختنده بولنان قومیسون اول ضرورتله ایفای  
وظیفه ایلمکدن صکره سرای همایونجه ایجاب کیفیت  
بالاجرا اشیا مذکوره نك تأمین محافظه سنه همت بیورلمشدر .  
اداره ذاتیه سنه مقتدر ارله میان بر آدمک سائر هیچ بز  
شیئه دخی مقتدر اوله میه جنی عند العقلا مسلم بر قضیه  
ایسه قضیه مذکوره دن عبرت و انباه آلق دخی محب عقل  
و حکمت اولانلر ایچون مقتضیات ضروریه دندر .

دور جلیل عبدالعزیز خانیده مرکز اجرا آت دیلمک اولان  
مایین همایونه باب عالی طرفندن وقوع بولان معروضاتک  
اغلبی هفته لرحه و آیلرجه کوشه نسیانده قاهره قونلردن  
بر طاقی ایسه منظور همایون بیورلمق سزین ارادات سنیه سی  
شرف صدور ایلمدیکی و بودخی جنت مکان عبدالعزیز خان  
حضر تلرینک او یله مفردات امور ایله اشتغاله میل ور غبت  
کوستر ماملرندن ایلرو گلادیکی حقنده بر چوق روایات عجیبه  
حال شهنشاهی نك استغرابنی موجب اولمقده بولنش ایدی .

جلوس همایون میامن مقرون حضرت پادشاهیده ایسه  
 عرضلرک کافه سی کونی کونسه منظور شاهانه بیورلمق  
 قاعده سی قطعاً وضع اولندیغی کبی حتی بر طاقم عرضلر  
 اوزرینه شرفصدور بیور یلان ارادات سنیهنک قلم مشکین  
 رقم شهر یاری ایله مسطور بولندیغی دخی کورلمش وشو حال  
 ایله کلیات اموردن جزئیات اموره وارنجیه قدر حضرت  
 پادشاه حقایق اکاه افندمرک بالذات اشتغال بیوره جقلری  
 استدلال قلمش ایدی .

ینه جلوس همایونه کانهجه قدر ذات حضرت پادشاهینک  
 مهمام اموره استشاره طریقیله صورت ویرمسی عادت  
 مرعی اولیوب غایت صدر اعظملرک معروضات شفاهیه سی  
 استماعه رغبتله اکتفا ایدیلور ایکن شوکت مآب افندمر  
 حضرتلری مهمام و معظمت امور اوزرینه وکلای فخاملرینی  
 تحت ریاست شهنشاهیله عهده مجلس صورتیله جلب و جمع  
 بیورمق وایشلره اوراده استشاره دورا دور ایله قرار  
 ویرمک عادت مستحسنه سی وضع و تأسیس بیور مشلر ذر که  
 یو یوزدن مادی و معنوی حاصل اولان فوائد و محسنات  
 ارباب ادراکک مطالعه و ملاحظه مخصوصه نرینه متوقف  
 قالور .

برملتک انن الاناس ترقیسی علم قبائلی اوزرینه مؤسس  
 اولمق بدیهی و آشکار اولوب شو قضیه دورا خیر من ده دخی



تسلیم ایدلمش ایدیسده اجرا آته دأر ایدیلان تشبشلیریا  
لزوم حقیقینک خلافتنه و یاخود کلیتدن یالکز بر جزوی شامل  
شیلر اولوب حالبو که بزده نیجه عصمر لردنبری منشأ علما  
اولان مدارس علمیه اصول تحصیلک اصلاحی لازمهدن  
ایکن بونلره علماً بر نظر اهمیتله باقلمقدن ماعددا سیاست بر  
بیوک نظر دهشتله باقله رق حتی بعض زمانلر کلیاً اورتهدن  
قالدیرملری ده تصور ایدلمش اولسی اربانه معلومدر ذات  
حمید الصفات حضرت پادشاهی اشبو مؤسسات قدیمه علمیه نک  
اصلاحی مراد بیوره رق اول امرده درسلسلرک بر طرز  
مطلوبه افراغندن بدأ ایله برده نظامنامه قلمه النمش وایشک  
اتماننه قدر دوام بیور یله جنی در کار بولنش ایدیسده او  
زمانلر طلبه علمونک الچوخی فی سبیل الله محاربهده اولوب  
اندن صکره دخی غوائل عظیمه دیپلوماتیکه وحریه میدانه  
چیقدیغندن بوم تصدک جدأ و حقیقه اتمامی وقت مرهونه  
قالمشدر .

وقوف شهر یار یلری نهر جهتی شامل ومحیط بولنسان  
شهنشاه دقایق اکشاه افندمرن حضر تلرینک زراعت  
خفته کی نظر همایونلری پک مهم اولوب طرق فیض  
وسعادت میانده طریق زراعتک بزی دهاکسیدیرمه بر  
صورته منزل مقصوده ایصال ایلیسه جکی دخی ملکمرک  
زراعت اولان قابلیت مخصوصه سیمله مسلم بولمتدین نشی

دها ابتدای جلوس همایونده شرفصادر اولان براراده سنیه  
 موجبجه ذات حضرت پادشاهی به مخصوص اولان  
 مصلق چفتلکنده برزراغت مکتبی تأسیس و کشادینه تشبث  
 قلمش ومؤخرآ ویریلان برقرار اوزرینه دوت یوز نفر  
 شاگردانک تعلیمه کافی بر مکتب انشایی ایله کتب لازمه نك  
 ترکیجه به ترجمه و تألیفه دخی مباشرت قلمش ایدی . بوندن  
 ماعدا افکار حقایق دثار حضرت پادشاهی به کوره  
 داخل ممالیکه، اصلاحاتک مبدئی ناحیه لر وقضایر حکومتی  
 اولوب کرک پای تخته و کرک ولایت مرکز لرنده انتظامات  
 و اصلاحاته نه قدر سعی و غیرت ایدلسه قضایرله نواحیده  
 مقتدر و مستعد مأمور لر بولندقدن صکره نشر و تعمیم  
 اصلاحات کبی مقصد حقیقی تمامیه حصوله کلمیه جکندن  
 مأمورین ملکیده مخرج اولوق وقضایرله ناحیزه وارنجهیه  
 قدر هر نقطه ده قواعد و حکمت حکومت و اوقف مأمور لر  
 بولندیرمق آمال خیر اشمالیله مکتب سلطانی داخلنده  
 کذاک مصارفی تخصیصات سنیه دن تسویه ایدلک اوزره  
 برده مکتب ملکیده نك کشادینه اراده پادشاهی شرف تعلق  
 ایلش ایدی . واقعا ایلروکی فقر اتمزده ایضاح و تفصیل  
 قلنه جنی وجهله نیجه غوائل مشکله دیپلوماتیقیه و مشاعل  
 مده شه حریه حیلولتیله اشمو مؤسسات نافع نك دخی  
 مکملاً موقع فعل و اجرایه وضعی تأخر ایلش ایسه ده اخیراً

مکتب ملکیتک کشادینه اراده سنیہ یادشاهی شر فصادر  
اولمش بولمنسنگ دخی دلالت ایلدیکی وجهله بومثلوقویه  
کلمش اولان اجرا آتک کافه سنده فعلیاتک دخی تأخر  
ضمن وریسی چوق زمان امتداد ایدمیه جکندن هر کس  
اجرا آت مذکورهی فعلاً دخی حصوله کلمش اولمق نظریله  
تلقی ایلشدر .

ثروت ملیه مزک بویله صوک درجهیه قدر تنزلنی ایجاب  
ایلیان اسبابک ال باشلیجه سی معمولات اجنبیهیه ایدیلان  
رغبت اولوب نظر حکمت اثر ملو کانه بوحقیقتی دخی  
احاطه ایلسیله نفس نفیس همایونلری ایچون فسحانه  
عامرلری معمولاتندن البسه اعمال ایتدیره رک بند کان  
شاهانه لری دخی او یوله تشویق بیورملری اوزرینه هر  
کسده معمولات داخلیهیه بر میل ورغبت مخصوصه حاصل  
اولشدر . عسا کر شاهانه لری امر اوضا بطاننگ ملبوساتی  
ه ب معمولات داخلیه دن اعمال ایدلسی حقننه اصابت  
افزای وقوع اولان اراده سنیه ملو کانه بومقصدک اتمامنه  
کافی اولدیغی درکاردر . معمولات داخلیهیه رغبتله  
کندی اقیچه مزدنینه کندی مملکت مزک استفاده سی اوته دنبری  
اصابتی تسلیم اولمش بر قضیه اولوب حتی هر که فایر یقه سنک  
تأسیسی دخی بواساس اوزرینه مبتنی بولندیغی حالده مؤخرآ  
کیفیت نظر اهمیتدن دوشور یلوب مذکور فایر یقه دخی

معطل برحاله کمالش ایکن ذات شش و کت شمسات حضرت  
 پادشاهی خاصه مذکور فابریقایی بانشر بف ایکیوز قدر  
 دستگاهلرندن اوتوز دانه سنک همان اینلتدیرلسنی و سمرای  
 همایون ایله دوائر سائره میریه نک مفروشاتی ایچون هب  
 بوفابریقه معمولاته رغبت قلمسنی فرمان بیور مشلردر .  
 برمالکده صنایعک ترقیسی صنایع مذکوره محصورلا تده  
 کوستریله جک رغبتله مناسب اولوب ملت کندی معمولاته  
 عرض رغبتله صنایعک بر درجه لازمه ده ترقیسنی تشویق  
 ایلدکدن صکره نقاستده مرتبه غایه بی بوله جشق اولان  
 معمولاته ممالک سائرده دخی رغبت اولنه جغندن اوحالده  
 لوازم ضروریه ایچون ملیو فلرجه پاره نک خارجه حقیقه سی  
 منع ایدیله رک و مبالغ مذکوره ملی ایشجیلر اننه کچور یله رک  
 ثروت ملیه محافظه ایدلش اولمقدن ماعد خار جسدن دخی  
 جلب ثروت طریق آچلش اولور کد بوباده بلچیقسا  
 ایله انکلتزه کوزی آچیق اولان بر ملت ایچون پک زیاده  
 لازم الامثال برر مثال اولمق اوزره عرض ایدیله بیلور .

هر مملکتده اولدیغی کبی ممالک محروسه شاهانه ده دخی  
 بر مکمل و منتظم پریس و جاندارمه هیئته احتیاج تام  
 کوریلوب اگرچه اسکی سکا نلرک عساکر ضبطیه صورتده  
 تنظیمی بومقصدی بر درجه یه قدر حصوله کتورمش

ایدیسه ده عساكر ضبطیه نك شمديكي حالده بالخاصه  
طشمرلرجه پوليس وجاندارمه وتخصيدارلق ايله دواثر  
حكومت خدمه لکی کبی یکدیگرندن فرق کلی ايله فرقلی  
برچوق وظائف جمع ایتش اوللری بوایشلر ایچنده مطلوب  
اولان انتظاماتی منع ایلمکدن ناشی باب والای ضبطیه جه  
ایسک ایجاباتی بالمطالعه نضامات مقتضیه سنک تنظیمه  
باشلامشدر .

مأمورین ملکیه ویریلان اهمیتک صورت ودرجه سی  
بوندن اول عرض ایدلمش اولوب انجق مکتب ملکیه نك  
کشادله مأمورین لازمه یتشدیر بلنجه یه قدر دخی ایشه بر  
چاره سریع اولق اوزره باب عالیده داخلیه نظارت  
جليله سنک اداره سی النده برانتخاب مأمورین قومیسینی  
کشاد ایدلمش وشمدی یه قدر قائمه قالمق دینلان وملکاً  
ومصلحه اهمیتنی پک یسوک اولدیغی حالده ماده اوئستنده  
اهمیت ویرلیسه رك اکثریا اوشاق مقوله سی ادملر نصب  
واقامه سیله اداره ایتدیریلان مأموریتلره امکانک مساعده سی  
یتدیکی مرتبه ده اهل وارباب اولانلرک انتخاب وتعیینی و  
مأمورلرک اوللری اولدیغی کبی یالکز برتوصیه نامه ايله  
اجرای مأموریتی خصوصه نده درکار اولان درلو درلو  
مخدورلرک دخی احساسی ایچون بعدما مأمورین مومی الیه



با اراده سنيه اجراى مأموريتلى اصول اتحاد اولمشدر (\*)  
 انتخاب مأمورين حقنده كى شواصول براساسدن عبارت  
 اولوب واقعا ايشك بودر جه سنده دخى پك چوق منافع و محسنات  
 كوريله جكى بيدار ايسده بو اصولدن بحق استفاده يعنى  
 ايلروده مأمورينك لزوم و ايجابى و جملله انتخابيله برابر هر  
 مأمورك كندى طريقتده تفيضى درجائى دخى دائما كوز  
 او كنده بولنق ايچون اول امرده مأمورلك نره لردن نشأت  
 ايلدكلى و شمدي به قدر هانكى مأموريتلرده نصورتله استخدا  
 اولندقلى حقنده ترجمه حاليله يديلرنده بولنان اوراق مصدقه  
 طلب اولمش و بونلر سبجل مخصوصده حفظ ايلدكلى كى  
 بوندن صكره جملله سنك اجرا آتته نظارت كامله و متماديه ايله

---

(\*) مدبرلك و قائم مقاملى و حقى متصرفلغه وارثيه قدر مأموريتلردور  
 جليل عبدالعزىز خانیده او قدر سه استعمالات ايله توجیه اولنور ایدی که  
 حرم های بوندن و یا خود اغواتدن بریسنك رجا بولو اوفاجق برتذکره سی  
 دخى امور حکومتن بتون بتون غافل بولنان بر آدمه مدبرلك قائم مقاملى  
 و حقى متصرفلى بيله توجیهنه مدار او اور ایدی . پادشاه حقیقت آگاه  
 افندمن حضرت تری التماس و توصیه نك قیوسنى اول امرده سرای های بونلری  
 منسو باقى ایچون قیامق اقتکار یله حرم های بوندن اولابده هیچ برکسد ایچون بر  
 سطر یازلاماسنى شدید فرمان بیور مشلر و بونك اوزرینه اصحاب استد عا طرفلرندن  
 خاکپای شاهانه یینه حرم های بون جانبدن عرضحال تقدیمی کبی بر یول آچق  
 ایستلنده (مأموریت ایستیانلر داخلیه نظارتنده کى قومیسونه مراجعت  
 ایتمسولر اورانك بيله جكى ایشدر) بوللور شاد تامله عرضحاللری بر تلخه بوقه  
 دخى له الحمد اچلندن قیامشدر . داخلیه نظارتنده کى انتخاب مأمورین  
 قومیسوننده ایه قرائت و کتابتدن و امور ملکیه و قوانین موجوده دن بر امتحان  
 و بر تلخه مأموریت انده مامق مقرر اولمشدر .

تمجّل مذکورده و قوّاتک یوریدلسی قرار قطعی التّه التّمشدره  
اگر غوائل حربیه و مسائل دیپلوماتیقیه حیولت ایتماش  
اولسه ایدی شو یولده مقدمانه بدأ و مباشرت قلنان مفردات  
اجراآت و اصلاحاندن دهانجهزی موقع حصوله کله جکی  
درکار ایدی . انجیق غوائل مذکورہ نک سلطنت سنیہ بی نه  
درجہ لره قدر اسغال ایلدیکی هرکسک نظرکاه مشاهدہ  
مناسفانه سنده بولندیغندن شو حاله کوره اجراآت و فعلیاتک  
یاکنز بو درجه سی دخی بالوجه شایان تقدیر و تشکر  
کورلمکده در .

دور جلیل عبد الحمید خانینک اعظم اجراآتی قانون اساسی  
و هیئت مبعوثان واعیان ایله بونلرک بر اجتماعده وضع و تأسیس  
ایلدکاری قوانین و نظامات اولوب انجیق بومسئله انقلابات  
واقعه مزک اس اصلیسنی تشکیل ایلان بر مسئله مخصوصه  
و مستقله بولنمندن ناشی بو کیفیت ایلروده مستقل بر باب اوله رق  
موقع بحثه چکلمش و بناء علی ذلک بوفرده اکا دائر تفصیلات  
و یرلماک لازم کلمشدر .

### بشنجی فقره

بعض مقدمات اجراءات عسکریه

دور جلیل عبدالعزیز خانیده اسباب جنک و جدالک

همیشه سینه نه در جبهه قدر بذل نقدینه اهتمام ایدلش اولدیغنی  
قسم اولده و فقره مخصوصه سنده عرض و بیان ایلش ایدک  
بونکله برابر بر دولتک هیئت عسکریه سی کبی عظیم و جسم  
بر هیئتک علی الدوام شایان اصلاح جهتلری بولنه جنی دخی  
در کار اولغله عصر حاضرده جهت عسکریه جه بر طاقم  
اجراآت مستحسنه کورلش و بونلرک مقدمات اجراآت میاننده  
مسکوت عنه براغلمسی تجویز قلنامشدر .

اولا عسا کر ظفر مآثر پادشاهی نیک زخاف اصولیه  
شالوار و صالطه دن مرتب اولان اونیفورمه سی حرکات  
حریه و سفریه ایچون اغراق و یرمکدن خالی قالمیه جنی نظر  
اهمیه الیغله اونیفورمه لار عصر جلیل عبدالمجید خانیسده  
اولدیغنی کبی ستری و یا نظا لوندن مرتب و عسکرک چو یکلکنی  
و چاپکلیکنی تسهیله کافی برصورتیه تحویل ایدلشدر . بوضرده  
عسا کر بریه و بحریه ایچون یاپیلان نمونه لار بر قاج نفقاته اکسای  
ایدیلرک مابین همایونده حضور همایونه چیقار ندیغنی زمان  
البسه مذکورده نیک دست کرم پیوست همایون ایله دوز تلمسی  
وهیئت شاهانه دن باطبع متأثر اولان افراد مذکورده نیک « بن  
سزک بابا کرم اولاده سز بنو کندی اولاد صحیحجه مسکن  
قور قیکز شو یله طور کز » یوللوکلات انتفات غایات ایله داشاد  
بیورلمسی پادشاهمزلک عسکر پرور لکریله برابر دوجه التفاتلرینی  
وزا کت مخصوصه شهر یار یلرینی دخی موازنه یه مدار اولغله

صورت مخصوصه قید و اشعاره شایان کورم شد.

هر شیده اولدیغی کبی عسکر لکده دخی ترتبات جدیه  
و صحیحیه او ایشک مینی علیهی بولنان فوننه اهمیت و یرمکه  
حاصل اوله جغی بدیهی و اشکار اولمقله اگرچه دور عبدالعزیز  
خانیده سایان پاشانک همت مخصوصد لریله مکاتب عسکریه پک  
کوزل بر یولده اصلاح ایدنش و تدریس قلنان فنون عسکریه  
دخی خیلی وسعت و یرامش ایسه ده مستعدان ضابطانندن برحق  
ذوات علی الدوام معلم صفتده بولوب حالبو که اراقده برکه  
بولرک حسب الزوم تبدیلی مجددأ تعیین اولنا نلرک بر زمانه  
قدر عجمیلکرینی استلزام و هر حالده متعدد ضابطانک مکاتب  
اشغالی هیئت عسکریه جه بولردن ایدیه جک استفاده نک تأخیر  
و تعطیلنی ایجاب ایلدیکنندن کوچک بیوک بالجمله مکاتب  
عسکریه ده عمل یتشدیرلک ایچون بر مخرج اولمق اوزره برمنشأ  
معلمین تشکیله قرار و یرلشد.

دور جلیل عبدالعزیز خانیده امر بقایه سپارش قلمش اولان  
تفنگر ایله مهمات حریددن بر بیوک قسمنک اقچه سی هسوز  
تأدیه ایدلماش بولندیغی جهته دور عسکر الحمید خانیده  
خرینه نک صوک درجهیه واران ضرورتیه برابر ذکر اولنان  
سپارشلر تقاسیطی یمدری یتشدیرانش اولمسیله اسلحه و مهمات  
اشبو محار به نک ایجاب ایلدیکی درجهیه ابلاغ و ایصال قلندیغی  
کبی تقاسیطی تأخر ایلسنندن طولانی فابریقاتور طرفندن

پروٹسٹولرہ قیام ایڈیلان ممدوحیہ زرہلی فرقتینک بقیہ مضارف  
 انشائیہ سی جیب ہمایوندن بالاعطا انک دہ اکالنے امر ویرلشدرہ  
 عصر جلیل عبد الحمید خانینک ال بیوک اجرات عسکریہ سی  
 موکب ہمایون ایلہ عسا کر ملیہ نک تاسیسی قضیہ سی اولدیغنه  
 شہہ ایڈیلہ مز • قسم اولدہ فقرہ مخصوصہ سنندہ تفصیل  
 ایڈلیدی و جہلہ اسلحہ جدیدہ نک انتشارندن طولایی بالجمہ  
 دوئتک تکثیر عسکر خصوصندہ کوردکاری مجبوریت  
 اوزرینہ تنسیقات عسکریہ لرینی برطرز جدیدہ افراغ ایڈلکاری  
 صرہدہ دولت علیہ عثمانیہ دخی تنسیقات عسکریہ سنی بالتجدیدہ  
 نظامیہ ردیف و مستحفظ کبی صنوف معلومہ یہ منقسم بولنان  
 جنودک مقداری بشیوز یکی تجاوز ایتدیرلش ایسہدہ اوروپا  
 تنسیقات عسکریہ سنک عسا کر ملیہ نامیلہ میدانہ قویدیغی دیگر  
 برہئت عسکریہ یہ بزدہ اہمیت ویریلہ مدیکی کبی در سعادتن  
 عسکر اخذی دخی ہنوز تصور دہیلہ یوغیدی • قانون مساوات  
 نمون اساسی عثمانلیغی تشکیل ایدن اقوام میانندہ تکالیف  
 ووظائفجہ برکونہ فرق و امتیاز براقدیغندن ہیئت میعو ثانیجہ  
 دخی بالمداکرہ ویریلان قرار اوزرینہ در سعادتن و بالخصوص  
 تبعہ غیر مسلہ دن دخی عسکر آلمسی لازم کلمش ایسہدہ اوارالق  
 بعض یطریقخانہ لرجہ فصلسہ محاربہ حاضرہ اثناسندہ عسکر  
 اخذندن طولایی صیر لانیشلر وقوعہ کلدیکنندن غوائل حربیہ  
 میانندہ بوتلری اور کوتامک ایچون غیر مسلم عثمانلیلر دن عسکر



الشمسی صورتی بانثا خیر استانبول اهالی مشتمله سنه کلنجه بونلردن  
 علی الاصول قرعه ایله عسکر اخذی اول امرده بر مکمل تحریر  
 نفوسه احتیاج کوستروب زمان ایسه اکامساعد اولدیغندن بلا  
 استینا یکر می یاشندن قرق یاشنه قدر استانبول وتوابعی نفوس  
 ذکوری عسکر ایدیلوب بوندن موکب همایون نامیله اصل  
 قومانداسی ذات حضرت پادشاهی یه محول برکوزل هیئت  
 عسکر یه وجوده کتورلمشدر . اون سکن دأره یه منقسم اولان  
 پای تخت بهر بر سکن یوزدن بیک نفره قدر موجودی اولق اوزره  
 یکر می اوچ طاہور عسکر میدانه چیقارمش و افراد مرقومه نك  
 اونيفورمه لرینی و پلاسمه لرینی کندیلرنجه تدارك ایتسی نظام  
 مخصوص اقتضاسندن بولنمش اولمسیله سلاحرلی دبو یلرده  
 موجود و هفته ده ایکی کون تعلیم ایله مشغول و حین حاجتده  
 پای تختك مدافعه و محافظه سنه حاضر و مهیا بویله مکمل بر قول  
 اردونك بلا مصرف وجوده کتورلمش اولمسی جداً و حقیقه  
 اجراءات مفیده و جسمیه عسکر یه دن معدود بولنمشدر .  
 بو تشکیلاتده پای تخت اهالیسنك کوستر دکوری مآثر  
 وطنپروری دخی الحق شایان مدح و ستایشدر . واقعا اجراءات  
 مذکوره دن مقدمه بعض ارباب جمیت استانبولده عساکر ملیه  
 نامیله بویله بر هیئت عسکر یه نك وجوده کتورلمسینی امل ایدنمش  
 و اولابابده برده جمیت تشکیل ایلش ایدیسهلرده باب سرعسکریدن  
 ماعدا بر مرجع و مرکز عسکر ی بولنمق مجاز اولدیغی جهتله

تثبت مذکور دولتجه بحق منع ایدلمش وسالف الذکر صورت  
منتظمه ده مطلوب تمامیه حاصل قلمشدر .

عسا کر ملیه کلتجه بو صورت موکب همایون هیئت  
عسکریه سندن دهاجسیم ودها مهم برشیدر . زیراعسا کر ملیه  
نامیه یاد اونان خدمت عسکریه بالجمله ولایات شاهانه  
بالتعمیم اسنان وخدمات نظامیه وردیفه و مستحفظه دن اول  
وسکره بالجمله اهالی ذکوره بو خدمت شامل اولدیغی کبی  
اسنان ار باندن بولندیغی حالد هنوز اسملرینه قرعه اصابت  
ایتمانلر و قرعه اصابت ایدوب ده هنوز خدمت عسکریه  
دعوت اولتیمانلر دخی داخل بولندقلرندن بو هیئتک مجموعی  
حادثا هیئت نظامیه وردیفه نک مجموعی راده سنه یعنی درت  
بشیوز بیك نفره بالغ اوله بیللجکی تخمین قلمشدر . هیئت  
مذکوره اگرچه تماما تشکیل ایدیلوب وجوده کتورلماش  
ایسه ده بو امر عفتیک اوله وهله مرتبه حصوله ایصال  
دخی ممکن اوله میهرق تمامی تشکیلی ایچون براز زمانه لزوم  
کوریه جکی آشکاردر . اشبو عسا کر ملیه اسلحه و ایسه سنی  
یواش یواش کندی کیسه سندن تدارلر و دبو یلرده حفظ ایلتک  
و خدمت باشنده بولندقلری زمان تعینات اکیله دن بشقه معاش  
وسا ره نامیه برشی الماق اساسی اوزرینه مبتنی وایکی قسمه منتسم  
اولوب برنجی قسمه عسا کر ملیه معاونه دینیلور که بونلر حین  
حاجتده عسا کر نظامیه وردیفه یه امور حریبه ده معاونت ایچون

مانعی از قدرت و استعدادی که چوق اولانلردن ترتیب  
قلند جق و اینکجیسی ایسه یا لکز کندی کوی و قصبه لرینی محافظه  
ایچون سائرالی سلاح طوتانلردن مرتب اوله جقدر .

ایشته شواجر آت تمامیه موقع حصوله ایصال ایدلدیکی  
زمان سلطنت سنیه عثمانیه نك مجموع قوه عسکریه سی برملیون  
درجه سنه بالغ اولوب مصارف عسکریه سی ایسه اصلا مزدا  
اولیه جفتدن دور جلیل عبدالحمد خانینك شو موقعیتی اصلاحات  
عسکریه مزنی مرتبه غایه سنه ایصال ایلیه جقدر . ( . )

اجرا آت عسکریه میننده الیز یاده نظر اهمیتته الله جق بر فقره  
دخی تنسیقات موجوده من اقتضاسنجه سلطنت سنیه نك مؤخرأ  
ظهور ایدن روسیه محاربه سی ابتدا سنده مجموع عساکر  
موجوده سی ذریوز الی بیک درجه سنه انجق واره بیلش  
اولدیغی حالده مجرد همت مخصوصه پادشاهی ایلهر طرفه  
ویرلان او امر شدید و تشویقیه اقتضاسنجه بر یوز الی  
بیکدن زیاده ده عسکرک مقدار اصلی به علاوه سی قضیه سی  
اولشدر . انجق بوقضیه صرف اجرا آت عسکریه دن عدا  
اولتمقدن زیاده ترتیبات حریه دن عدا اولتمه شیان اولغله اولیایده  
ایجاب ایدن بعض ایضاحات دخی محاربه بابنده اعطا اولنه جقدر .

( . ) بوراده موکب همايون و عساکر ملیه دید صورت نسکافی خبر و پردیکمزهیت  
عسکر به مؤخرأ ( عسکر نکید ) نامیلده منتظم و مؤسس صورتده تاسیس  
ایدلش ایسه نه بویکیفیت اینکجی ساندجهوس اجرا اتمدن بولتمغله سنه مذکوریه  
تاند اولان جلدده درج اولتمق لازم گلشدر .

## ایک کنجی باب

محاربات داخلیه

اشبو ایک کنجی باب دخی اساساً بش فقره یه منقسم اولوب  
برنجی فقره ده ابتدای جلوسده شورش و یا آسایش داخلینک  
بولندیغی حالدن و ایک کنجی فقره ده صربیه محارباتندن و او چنجی  
فقره ده قره طاغ محاربه لرندن و درنجی فقره ده صربیه  
متار کدریله مصالحه سندن و بشنجی فقره ده دخی قره طاغ ایله  
بر مصالحه یه منجر اوله میان متارکات و مذاکراتدن بحث  
اولنه جقدر .

### برنجی فقره

ابتدای جلوسده احوال داخلیه

ابتدای جلوس <sup>۳</sup>مایونده صربیه و قره طاغ ایله اوچ  
هفته ایچون برقیصه متارکویه قرار ویرلمش ایدیسه ده اشقیای  
مرقومه شرائط متارکویه رعایت ایده میدرک و بونی عساکر  
شاهانه بی غافل آلامق ایچون برنوع خدعه حربه صورتنده  
استخدام و استعمال ایتکی مریجمع کوره رک اراقده بر هجومدن  
خالی بولند قلمری جهتمله دولت علیه بولرله هنوز محارب عد اولنه

بیلکده ایدی . بلغارستان جهتلرینه کلنجه واقعا صتریه  
اوزرینه اجرا اولنان حرکات عسکریه بلغارستانی ده فعلاً  
و ماده، حال عصیاندن چیقارمش و طرف طرف آسایش حالی  
اعاده ایلمش ایدیه ده هنکام وقعه ده کویا اهالی مسئله مسئله  
بلغارلر اوزرینه هجوم ایدرک قادی و چو جوق دیموب راست  
کتورد کاری بلغارلری عموم قتل و اعدام ایلد کارندن  
طوتدیر یلوب مجرد روسیه نك ترغیب و ترویجی ایلد بر بیوک  
دعوا آچلمش ایدی . بلغارلرک و کلی صفتیه اور و پایه  
فرار ایدرک هر طرفی انواع شکایت مفسدت آمیزلریله تصدیع  
ایلیان زانقوف و بالابانوف نام کسنه لرک انکاتره دولته تقدیم  
ایلد کاری فریاد نامه [ ۴ ] رقبه آتار متممه قسمی میانه  
دزج ایلدیکندن بونک مطالعه سیله معلوم اوله جغی اوزره  
بلغار مفسد لر نك شکایات واقعه سی صرف تزویر و افترا دن  
عبارت بولندیغنه واقف احوال اولان هر اهل انصاف  
شهادت ایلر ایه ده روسیه نك مداخلات جبارانه سی هر  
حقیقی ستره کافی اولدیغی کبی نیجه ترتیبات متقدمه مستوره سی  
دخی او مقوله اکاذیبک حقیقت محضه صورتنده ترویج نه  
کفایت ایلدیکندن و موسیو غلادستون کبی ناموس قلمنی  
بر قاق پوله صاتان ار باب قلم دخی دیگر جهتدن یاردم ایلد کارندن  
ارتق بلغار مظلومیتی قضیه سی بتون اور و پایه ولوله ویرمش  
و بر طاق دول متفححه متعدد مأمورین مخصوصه ار سالیله

کیفیتک تحقیقنه مسارعت ایلدکری کبی سلطنت سنیة عثمانیه  
دخی مأمورین متعددہ دن ماعداسعداللہ بک افندینک ریاستی  
تحتندہ اولہرق اعضاسی مأمورین عثمانیہ واجنبیہ دن مرتب  
برمختلط قومیسونی ایجاب ایدنلرک محاکماتی مأمور یتیلہ فابہ یه  
اعزام ایش ایدی .

بر طرفدن اثنای مسئلہ ده خانہ لری محترق اولوب آچیقده  
قالش بوانسان بلغارلرک یکیدن خانہ لرینی بالانشا اسکان وایواری  
ایچون مأمورلر چیقار یلہرق ازوقت طرفندہ طقوز یوزدن  
متجاوز خانہ انشا ایدلدیکی کبی دیگر طرفدن فلبہ قومیسونی  
دخی تحقیقات ومحاکمات لازمیہ بالابتدار بلغارلر طرفندن  
عیوقہ چیقار یلان فریادلرلہ اعلان ایدیلان موادمشتکا بہانک  
یوزده طفسان سکزی صرف بہتان ومحض اسناددن عبارت  
اولدیغی تحقیق ایش واولیابادہ تنظیم اولنان صحیح المفاد لایحدر  
(\*) مطالعہ سندن دخی کیفیت معلوم اولہ جہنی اوزرہ  
شکایات واقعہ میانندہ یوزده ایکی نسبتندہ قالان شدت لرک ده  
جہلہ سی بلغارلرک ایلک عصیانیلہ حقیقہ چولایغی چوجغی  
قور یماق درجہ سنده متجاسر اولدقلری خباثت شدیدہ نک  
منعی اثناسنده و بر صورت انتقام جو یانده ایتاع ایدلش  
اولدقلری مرتبہ ثبوتہ وارمش و بر طاقم سادہ دلان مغفلین

---

(\*) اشو لایحہ لری برنجی قسمده دخی دوشن مناسبت اوزرینہ ویریلان  
تفصیلات بیانندہ جلد اولہ (۵) وقیلہ اجزای متممہ دن اولہرق درج اولمش  
اولقلہ اورایہ مراجعت لازم کلور .



کویا بلغارستان مسئله سندن طولایی مأورین واهالیدن بر  
چوق مسلمانلرک بالحا که اعدام اولنه جقلرینه منتظر ایکن  
للہ الحمد والمنة اوله بر جزایی استلزام ایله جک جنایات اهل  
اسلام علیهنه مرتب و ثابت اولماشدر .

واقعا اسلاو غیرتکشی اولان برطاقم مفسدلرک چوق  
زعمانه قدر اشبو بلغارستان مظلومیتنی دیلرینه وردوقلرینه  
سرمایه ایدینه رک نیجد رساله لرله غزته لر صحیفه طولیدر دقلری  
کبی حالا دخی سوز صره سی دوشورد کچه بوقضیه یی در میان  
ایتمکده ایسه لرده اخیراً روسیه محارب به سنک وقوعله بلغارلرک  
قازاقلردن الدقلری جسارت اوزرینه مظالم سابقه یی تکرار  
ایتملری و یار و اغیارک نظر تأسقلری شمنی وادرنه طرفلرنده  
صیدیان ونسوان برطاقم اهل اسلامک مجروح اولدقلرینی  
عین الیقین کور ملری بلغارستان مظلومیتی و ترک ظالمیتی  
حقنده کی تزویرات سابقه نک ماهیتنی بوسبتون میدانه قویمش  
وبدخواه لر طرفندن تاریخمزک بو صحیفه سنه سورلکه چالیشیلان  
سیناه لکه ینه کندیلرینه سیلدرلشدر .

بوسنه وهرسک جهته کلنجه تاریخمزک قسم اوانده  
ایضا حانی اعطا قلندیغی وجهله قره طاغ اشقیاسی محضا  
صعوبت و منساعت موقعه لرندن طولایی صربه اشقیاسی  
درجه سنده تنکیل ایدیه میه رک باخصوص اخیراً بیلک ومدون  
طرفلرنده برر غلبه یه دخی نائل اولدقلری وبوشه قاتلک بوسنه

وهرسك جهتلرينه اذعكاسى ايسه طبعى بواندبغى جهتهله  
 اورالده شقاوت بلغارستان كې بالىكليه تميرلنه مامش و طرف  
 طرف كرن اشقيا باندازى اوتته ده بروده اجراى ملعنشدن خالى  
 قالماقده بولمىش ايدى . بوسنه وهرسكده شقاوتك اشبو دوام  
 واستمرارى اسبابى پك ساده شيلر اولمىسه دوام مفسدشدن حاصل  
 اولان استغرابى دفع ايچون انلرى ده ايراده لزوم واردر .  
 شويله كه اكر بوسنه وهرسك اشقياسى بلغارستان اختلالنى يپانلر  
 كې بر قضا و يا خود ناحيه اهانيسنك اياقلمىسى صورتنده تمشد  
 ايلش اولسه لر ايدى اجرا اولنان حر كات عسكر يه ائناسنده  
 بونلرك دخى البته تنكيل اولنه جقلى شبهه سز ايدى . انجق  
 اشقياي مرقومه حقيقه خيدود و سرسرى مقوله سى اوله رق  
 تا خرو اتستاندن برى محلا دن طولانوب كلش و يا خود برى  
 طرف اهانيسندن وار باب صنعت و يا تجارتدن اولد قلى حالده  
 مجرد عصيان ايچون كندى او ينى مالى ياقه رق ميدانه چي قمش  
 طاقدن اولد قلى كې حر كتلى دائما صورت علانيه ده اولمىوب  
 طاغلرده اختفا و فرصت بولد قجه اجراى شقاوته اجتر ايلد كلرندن  
 و پك ده باشلى صعيه جق اولور ايسه اوستريا و صربيه  
 و قره طاغ طرفلرينه قاچد قلرندن ايسته يوسبلره دىنى بوسنه  
 وهرسك قطعه سنده شقاوتك ارقه سى قطعياً انه ميوب اورالرك  
 اسايشى مختل عد اولمقده بولمىش ايدى .  
 دها كريد مسئله زائله سى ائناسنده اتنده اختبار اقامتله

اسباب عصیان تهیه و تسهیل ایلان و برزمام اداره سی دخی  
 موسقه و ده مقیم اسلاو قومیه سی النده بولنان جمعیت فسادیه  
 شوقار یشق زمانی فرصت اتحاد ندن خالی قالمیه رق یانیه  
 طرفلرینک روم اهلایسنی افساد ایچون بذل ماحصل اقتدار  
 ایلدکری کبی کرید اهلایسنی دخی قورجالامغه باشلامش لرایدی  
 افسادات واقع لرینک یانیه اهلایسنی اوزرنده کی تأثیراتی اگرچه  
 پک آز کوراش و اوده فعله چیقامیه رق حکم سر قالمش ایسه ده  
 کریدلیر لرنده بولنان استقلال اداره یه قریب بر امتیازی  
 بو جمعیتک تشکیل ایش اولدیغی عصیان نتایجندن اوله رق  
 قزانمش بولندقلری جهته بودفعه تکرر ایلان افساداتک بولنر  
 اوزرنده کی تأثیراتی ده از یاده جه کوراش و کرید مجلس ملیسی  
 امتیازات اولیه یی تعدیل بوللو بعض مستدعیاته قیام ایش  
 ایدی . شو حال اوزرینه اول زمان رجال دولندن بولنان  
 قدری پاشا مأموریت مخصوصه ایلله جزیره مذکوره یه  
 کوندریلوب اهالی نامنه ایدیلان مستدعیاتک درجات و ماهیاتی  
 تحقیق اولندقدده و اقعاً سلطنت سنیة عثمانیه نک بوشللو مستدعیاتی  
 هر زمان بر نظر مخصوص عاطفت پروری ایلله تلقی بیوردیغی  
 معلوم ایسه ده صرف امور داخلیه دن عبارت بولنمی جهته یله  
 هر زمان باقلمی ممکن اولان خصوصات مذکوره نک غوائل  
 عظیمة حاضره میانته قالمی لازم کلیه جکندن وقت مرهونده  
 اصلاحات مذکوره یه دخی عطف لحاظه تدقیق ایدلک کبی

برقرار ايله ايشه صورت ویرلشدر . حقیقت کیفیت  
 اراشدیر یله جق اواسه کرید اهاالیسی نامنه اورته یه قونیلان  
 استدعاری فی الحقیقه کرید خلقنک استدعاری اولیوب اوته دن  
 برودن واکثریسی یونانسه تاندن کریده کلان برطاقم افکار  
 مفرطه وغریبه اربابنک اثر تحریکی اولدیغی کندیلکیله  
 میدان چیقار . حتی قدری پاشا میچولاکی اسمنده برادی  
 تحریک و تشویق ایشنده پک ایرویه کتمش کورمسيله برارالق  
 مرقومی تحت الحفظ در سعاده کوندرمش ایدی . بوراده  
 مرقومک اشقیاسرکرده لرندن اولدیغی وکریده ینه برفساد  
 چیقارمق تشببده بولندیغی تواتر بولش ایدیه ده کندیسی  
 روسیه دولتک کریدقونسولوسی موسیوژان میچولا کینک  
 قونداشی اولوب اتنه مکتبلر نده تخصیصیل المش وآووقاتلق  
 شهادت نامه سی المش بولنمسيله کیدونیا قضاسی اهاالیسی طرفندن  
 کرید مجلس عمومینسه اعضا انتخاب قلندیغی اکلا شلمش  
 وفی الواقع اوارالق کریدجه ایجه قاریشقلق مشهود ایه ده  
 ایش هنوز عصیان علنی درجه سنه وارمیدیغی جهته مرقومک  
 دخی سبیلی تخلیه قلنشدر .

زمانک کوستردیکی استعداد مخصوصه مبنی اولمیدر که  
 اوارالق خرسیتیانلق عالمنک افکاری علی العموم بر صورت  
 غریبه ده بولنوب یوزغاد طرفلرنده برقاچ کردلرک ادنامرتبه ده  
 معامله سیربازانه لری ارمی غزته لرینک زبانه تعریضی برقاچیش

اوزاتملرینه قدر نسبت کو سترمش ایدی . او طرفلرجه بوکی  
معاملات موقعجه واهالجه درکار اولان تأخراتک ایجابات  
طبیعیه سندن اولوب شمدی به قدر بو مثللو جزئیات احواله  
اهمیت کلیه ویريله مز ایکن بو کره اودخی کویا اهل اسلامک  
خرستیانلر علیهنه بر حرکت عداوتکارانه سی طرزنده کو سترملکه  
چالیشمش ودر سعادته طبع ونشر اولنان ارمنی غزته لری  
شدت لسانده خدمعروفک دخی خارجنه چیمش ایسه ده در حال  
اجرا اولنان تحقیقات رسمیه ده قضیه نک بحثه بيله دکری  
اولدیغی تحق ایملکه جهت اعتراضده بونانلرک اظهار مضمیر  
کی کو ستر دکری بر غفلت یانلرینه کار قالمشدر .

بونان ماعدا ابتدای جلوس همایونده ممالک محروسه  
شاهانه نک سائر هر طرفی آسایش کامل ایچنده اولوب بالخاصه  
ملت نجیبه اسلامیه وقت وزمانک اهمیت فوق الغایه سنی  
حتمیه ولایقیله تقدیر و تمیز الملش و سلامت استقبال امیدینی  
محضاً بلند همت جلیله حضرت عبدالحمیدخان ثانی به حصر  
ایتمش اولدقلرندن هر کس وجودنده کی قانک صوک طامله سنی  
وکیسه سنده کی افچه نک صوک حبه سنی عثمانلیلرک و مسلمانلرک  
محافظه شوکت واجلال و تأمین سلامت و اقبال واستقبالی  
بولنده فدا ایتک ایچون حضرت پادشاه نو جاهک ایلک  
اشارت مخصوصه ملوکانه لینه انتظار ایتکده بولنمش ایدی .  
فصل که چوق وقت تأخر ایتمیان وقوعانده بوفیداکارلغی

او قهرمان و صادق ملت آثار مادی و حرکات فعلیه سیله  
اثبات الملشدر .

## ❖ ایکنجی فقره ❖

صربیه محارباتی

قسم اولده محاربات داخلیه فقره سنده صربیه محارباتنک  
علیکسناج محاصره سنه قدر صورت دوامنی اجمال الملش  
ایدک . واقعا اوارالق اوج هفته مدتله بر متر که حقه سنده  
بعض الفاظ تعاطی اولنمش ایدیسنده ایش جعداً حکمسن  
الفاظ درجه سنده قالمش ایدی . زیرا صرب بلیسلاک بوندن  
مقصودلری بعض تدارکات حربیه وقت بوله بیلکدن  
عبارت اولوب یوقسه حقیقتده شرائط متار که بی هر کون  
اخلالدن خالی قانزلر ایدی .

محاربه نك تکرر و تجدیدینی حکایه ایتمزدن اول صربیه نك  
احوال عسکریه سنه دائر مختصراً اولسون بعض معلومات  
محیط اسنه لزوم کور مکده یز . نیجه سنه لردنبری امن و آسایش  
ایچنده بولن صرب امارتی مدت مذکوره ظرفنده ادخار  
الملش اولدیغی قوت تقدیه و عسکریه بی دوسقوه و پترسبورغ



شهر لرنده منعقد اولان پانسلاو یزم قومیتلرینک کوندر دیک  
نقود و کوکلو طرزنده طو پلادیغی جنود ایله بر قاندهسا  
تکثیر ایلد کدن وغزته لرک حساب و تخمینلرینه کوره  
مجموع قوتنی یوزاللی بیک درجه سنه قدر واردیر دقن  
صکره (\*) بوندن مقدم دخی اشارت ایدلدیکی وجهله جنزال  
جر نایفی الینه الدیغی سیغاره بی کر چکدن استانبوده یاقق  
مرتبہ سنده امیده دوشوره جک بر قوتله محاربه یه باشلامش  
واردولرینی بر کره صوفیه وفایه قرلرینه ایندیره بیلور ایسه  
ایاقلندیره جغی بلغارلر طرفندن معاونت کلیه یه نائل اوله جغنی  
دخی حقیجه بر امید ایله امید ایلیرک حتی نیش طرفلرینه  
وقوعبولان ایلک تجاوزنده بلغارلره و یرمک ایچون هر نفرک  
صمرته برده یدک تفنک و یرمش ایدی .

قسم اولده بیان ایدلدیکی وجهله امارتک اشبو قوت  
کلیه سی هر طرفده دوچار اولدیغی مغلوبیتلر اوزرینه  
استهلاک ایدلد کدن صکره صلح جهته میراجعت ایچون هیچ

---

(\*) اشاغید تفصلاتی بیان اولده جق علیکسناج محاربه سندن صکره المانیا  
خرتدلرینک و یردکلری حسابیه کوره صریلورک بادی محاربه ده موجود  
بولند یرد قلی عسکر یوز المی بیکدن دخی متجاوز و عادتایوز سکسان بیک  
درجه سنه قریب اولوب حتی بونلردن اوتوز بیک قدری محاربات واقعه ده  
قرلدیغی و مجروح اولدیغی زمان همان یرلرینی اکمال ایچون یکیدن آدم  
طوبلامق کی غیرتله دخی بولمشلر در .

اولمزايسه بانيا طرفلارنده بره مظفر يته احتياج كورن امارت  
 اقچه وعسكرجه يك دوشكون بر حالده قالمش و محارباتك بقية  
 السيوفي بولنان ضابطان ونفرائي ايسه جيسار تاريني بوسبتون  
 غيب ايدرك اوستريا و مجارستان طرفلارينه فرار ايدنلر  
 چوغانديغى كېي خدمت عسكريه دن قور تلىق ايچون پرمقاريني  
 و قوللاريني كسان نفرات دى چوغالمش و حتى بولنر اولوم  
 جزاسيله تهديد ايداد كلرى حالده بونك دى بر فائده سى  
 كوريله مامش ايدى .

اوارالق بكرمى بر اغستوس تار يئخيله بلغراد قارشوسنده  
 واقع زمليندن چكيلوب بتون اورو پاغز تهرى طرفندن كمال  
 اهميتله تلىق ايدىلان بر تلغرافنامه ده خبر و يرلدىكنه كوره  
 تاريخ مذكور دن اون كون مقدم روسيه نك بلغراد مصلمت  
 كذارى موسيقار تقوف امارتك خارجيه مديرى بولنان موسيو  
 ريستيج ايله صورت مخصوصه ده ملاقات ايدرك امارتك  
 بولنديغى احوال عسكريه ده دائر ايراد ايلديكى سؤالره جواباً  
 ريستيج صربيه نك مغلو بيت متابعه سيله دوچار اولنديغى  
 احوال مدهشه و مهلكه يي غايت سوزش ايله حكايه ايلد كدن  
 صكره بو تهلكه دن قور تلىق ايچون روسيه نك معاونت  
 كليده سندن بشقه چاره اولنديغى عرض و بيان ايتمش  
 و « صربيه نك ايسته ديكى شى روسيه دولتك آچيقندن  
 آچيغه ايشه مداخله سيمى اوله حق ؟ » ديه قارتقوف طرفندن

وقوع بولان سواله دخی ریستیج طرفندن « صریح حکومتی  
 بانیه جهتهنده بر دفعه اولسون مظفر اولمد قجه محاربه یه ختام  
 ویره مز . شاید بو دفعه دخی عسکرسناجده مغلوب اولور  
 ایسه البته بانیاجهتهنده بر محاربه تدارکاته مجبوردر . روسیه نك  
 آچیقدن آچیغه مداخله سنه هنوز احتیاج کوره میز . شمذیلک  
 ایسته دیکمزشی روسیه ضابطانیله بر مقدار عسکرینک بلغراد  
 طرفنه کچمسندن و لزومی قدرده پاره کوندولمسندن عبارتدر .  
 زیرا بزم صربلی ضابطانمز هیچ بر شئه یرامیوب نفر آتمزدخی  
 اولانجه جسارتلرینی غیب ایتدیلر . روسیه ضابطانی  
 جنکدن قاچان عسکری چو یروب جنکه سوق ایتک ایچون  
 قامچی برینه قلنج و طبانجه قولاندقلری و حریرقلری اولومله  
 تهدید ایلدقلری حالده ینه فائده کور یله میور . روسیه دن  
 کله جک عسکرک کافه سنی اون باشی و ضابط صفتیله طاوورله  
 تقسیم ایده جکز . اچسده یی دخی لوازم حریره صر ف  
 ایلیه جکز » جوابینی و یرمش ایدی . بو ملاقاتدن بر قاج  
 کون صکره موسیو قارتقوف امارتک استدعاری اسعاف  
 اولاندیغنه دائر دولتی جانبندن تلغراف الدیغنی رسماً ریستیجه  
 بیلدیردی . اندن صکره موسقوف خزینه سیله قیشله لرندن  
 چیقان اچچه و عسکر بلغرا ده یا غمغه باشلادی هر کون یکر میشر  
 اوتوزر موسقوف ضابطیله افراد عسکر یه سی بلغرا ده موصلت  
 ایدرله . بونلر روسیه دن یوله چیقدقلری وقت بهر ینه یوز الیشمر

رو به حسایله خر جراه ویرانیکندن صریه یه ورو ذایتد کوری  
زمان بر اقیچه طلب ایتمز . مملکتین امارتی ظاهر حالده بونلرک  
کندی طو پر اغندن کچما ملرینه دقت ایدیور کبی کورینور  
ایسه ده بو حال بر کوسترشدن عبارت اولوب حالبو که حقیقته  
مرور لرینی تسهیله دخی یاردم ایلر .

ایشته تلغرافنامه مذکورک نتیجه سی شوندن عبارتدر .  
مملکتینک مرور خصوصنه یاردم ایلدیکی ایسه پک میدانده  
برشی اولوب او اراق مملکتین ایله روسیه اراسنده بر مقوله  
عسکریه دخی دردست تنظیم اوله رق اگر روسیه دولتی سلطنت  
سینه ایله محاربه ایلر ایسه مملکتینک دخی دشمن ایله برلک اوله جغی  
سویلمکده ایدی . حتی روسیجق جوارنده واقع برغوس  
اطه سنده اولاح عسکر لر یله عثمانلی افرادی اراسنده وقوعه کلان  
بر حادنه [ ۵ ] مملکتین امارتنک آچیقدن آچیغه خصوصته دخی  
دلالت ایلشدر .

الحاصل صریه امارتی علیکسناج استحقاقات ایچنده  
صوک درجه یه قدر طیامق قرار یله یاوور و مواقع سائره دن بر  
خیلی عسکری دخی علیکسناجده جمع ایلش وانندن صکره صوک  
محاربه ایچونده دلیغراد و بانیه طرفلرنده تدارکاته باشلامش  
اولدیغی حالده اغستوس واسطنده حرکات حریه بالتجدد  
صرب استحقاقاتدن عسا کر شاهانه اوزرینه ایدی لان اشلره  
عثمانلیرک سینه کشای بسالت و مقاومت اولد قوری قدر عثمانلیر

طرفندن ایدلان آتسه صر بلورك برنجی خط مدافعه سی عد  
اولنان استحکامات مقاومت ایده مامکه باشلامشردر ۰ احد  
ایوب و علی صائب پاشا طرفندن مشترکا سردارا ارم عبدالکریم  
پاشایه یازیلان و طرف مشارالیه دن دخی در سعادت تبلیغ اولنان  
یکرمی اغستوس تاریخی بر تذکره مفادینه نظراً مشارالیه مانک  
قارشولرنده اولوب ضبطی محال عد اولنان یوکنک طاغرایله  
استحکامات اوزرینه صاغ جناحدن سلیمان پاشا و صول  
جناحدن عادل پاشا فرقه لری و بونلره احتیاط اولق اوزره دخی  
ارقه جهتلرندن حسین صبری پاشا فرقه سی سوق اولنهرق  
صباحلین ساعت ایکیدن اقسام ساعت اون بره قدر طقوز  
ساعت دوام ایلان محار به ده دشمن مهاجمه عثمانیانه بر درلو  
طیانه میهرق پک قاریشیق و طاغلق بر صورتله علیکسنج  
استحکاماته قدر فرار ایش و مذکور طاغرایله استحکاملر  
عساکر شاهانه ضبطنه کچهرک بو محار به ده دشمنک میدانده قالان  
تلفاتی اوزمانه قدر امثالی کورنیان بر درجه یه وارد قدن ماعدا  
ایکی طوب و اوچ طو پارلاق و پک چوق اسلحه و اشیا سائر  
دخی اغتنام قلمشدر ۰

زایچار و قزواج طرفلرنده وقوعبولان محاربات دخی  
ایچه اهمیتلی شیرایسه ده بحمد تعالی جله سنده مظفریت کاملا  
بزم طرفده قالوب حالو که او ائناده ال نتیجه لی محاربه علیکسنج  
مظفر یاتی اوله جغی جهتلله اطراف و اکنافده بولنان عساکر

عثمانیه دخی اورایه جمع ایدلش و بناء علیه اصل نظر اهمیت  
 علیکم مناجه منحصر قالمش ایدی . استحکامات مذکور هک درکار  
 اولان متانت و مناعتی مناسبتیه طوب ایله دو کلمکده اول قدر  
 بیوک تأثیر لر مشاهده اوانه مدیغندن مر میلری استحکاماتک  
 ایچنه دوشورمک ایچون در سعادتن زومی قدر هاو نلر ار سال  
 قلمش و بونلرک اتشی حقیقه استحکامات مذکور ده متحصن  
 اولان دشمنی پریشان ایلشدر . دشمن نفس علیکسناجه  
 صوقولوب لایقوله تضییق ایدلمکه باشلادقدن صکره نظامیه  
 و چرکس سواریلرندن ترتیب ایدیلان فرقه لر دیغراد ایله اولان  
 طریق مراسله بی کسمکه و اول صورتیه علیکسناج تسلیمینی  
 تسریع ایلکه مأمور ایدیلوب بونلر بر چوق ایش کوردکاری  
 کبی بر دفعه سنده دخی علیکسناجدن رجعت حالنده بولنان  
 قافله یه بالتصادف یوز قدر افرادی و فیطونلر ایچنده بولنان  
 ایکی بیوک ضابطی قتل و اعدام ایلشدر و اشیاچه دخی دشمنه بر  
 چوق ضرر و یر مشلدر .

نفس علیکسناجه کلنجه یوقاروده عرض اولنان بیوک  
 محاربه دن صکره دیگر بر بیوک محاربه دخی ایلولک اون التنجی  
 کونی وقوعبولوب طرف سردار اکر میدن ینسه اوتار یخده  
 چکیلان تلغرافنامه ده و یریلان تفصیلاندن اکلاشلدیغنه کوره  
 اوصباح ساعت یارم راده لرنده دشمن مور او انهرینک قارشو سندن  
 اشارت اولق اوزره ایکی طوب انداختنی متعاقب سلیمان باشا



و حافظ پاشا و عادل پاشا فرقه ریه سلامی و حاجی حسین پاشا را  
 لوالی اوزرینه آتش ایتمکه باشلا دیغندن و حتی اراده کی کوچک  
 بر دره بی بالمرور حافظ پاشا لوالی اوزرینه برده هجوم ایلدیکندن  
 بوکا مقابل عساکر شاهانه دخی دشمنك صول جهته امثالی  
 کورلماش بر هجوم کوستروب دشمن دخی امثالی کورلماش  
 برهن یمتله رجعت و میدانه ضابطان و نفراتدن يك کلیتلی تلفات  
 ترك ایلش ایدی . حافظ پاشا فرقه سی اوزرینه هجوم ایدن دشمنك  
 مقداری اون بشیک راده سنده اولوب اشبو مهاجرلک شدت  
 محاربه سی ساعت التی راده لرینه قدر دوام ایلدیکی حالدده بوزلمدیغی  
 کبی اوای مذکورک صاغ جناحنده واقع اووه جهته دخی  
 دشمنك ایکی طابور پیاده سیله بر مقدار سوارسی کورندیکندن  
 انلره مقابل سوق اولنان بر طابور پیاده و برالانی سواری دخی  
 بوفرقه بی رجعته مجبور ایلشیدی . حالبو که دیگر جهته دخی سلامی  
 پاشا ایلله حاجی حسین پاشا لوالی اوزرینه ده یکریمی یک قدر  
 دشمن هجوم ایلدیکندن او طرفک مهاجماتی ده یک زیاده شدت  
 کسب ایللرک بنصرته تعالی دشمن مقهورا رجعته مجبور اولدیغی  
 زمان بتون صحرا لاشه ایلله طولمشدر . محاربه نك اشدتلی بر  
 زماننده کویا عساکر شاهانه یه بر شاشقیلق و یرمک ایچون  
 علیکسناج سرکوپر یسندن دخی ایکی اوچ طابور پیاده چیقاروب  
 نیش یولنی کسمک اوزره مور او بویندن برنمایش اجرا ایلش  
 ايسه ده قارشولرینه سوق اولنان اوچ طابور پیاده ایلله ایکی باوک

سوارى بونلرى دخی کمال انہزام ایله رجعتہ مجبور ایدوب  
میدانده کلی مقتوللری قالمشدر . الحاصل صباحک ساعت  
یار یمندن اقسامک ساعت یار یمنہ قدر دقیقه سی دقیقه سنہ تمام  
اون ایکی ساعت دوام ایدن طوب و تفنک اتشیلہ اطراف اتش  
ایچنہ قالمش و ہر طرف انسان نعشیلہ طولمشدر .

اشبو تلغرافنامہ دہ سردار اکرم حضرتلری دخی اوچ ہفتہ  
متارکہ نامیلہ استحصال اولنان تعطیل حرکات مساعده سندن  
دشمنک مرادی سائر طرفلری تعرضدن بالتأمین بتون قوتنی  
علکسناجہ جمع ایتک اولدیغنی حکم ایله حتی یالکز بلغراد ایله  
درینا نهری طرفلرندن طقوز طاہور جلب ایلدیکی اسراک  
افادہ سندن اکلاشلدیغنی خبر ویرمکدہ درلر .

مؤخرأ اون طقوز ایلول تاریخیلہ طرف سردار اکرمیدن  
چکیلان تلغرافدہ ویریلان تفصیلاتہ کورہ اشبو محاربہ دہ  
دشمنک درتیکدن متجاوز تلفاتی کوریلوب بزم طرفدن بش  
ضابط ایله یتش ایکی نفر شہید و قوماندانلردن سلامی پاشا  
ایله برابر اون ایکی ضابط واو چیوز اون ایکی نفر مجروح  
وقوعبولمشدر .

ینہ بو تلغرافنامہ سردار اکرمیدن اکلاشلدیغنی کورہ  
ایلواک اون سکرنجی جمعہ ایرتسی کونی دخی علکسناج  
اوکنده برعظیم محاربہ وقوعبولہرق مغلوبیت دشمن طرفندہ  
قالمشدر . شویله کہ دشمن علی السحر موروا اوزرنده بولنان

کوپری باشندہ یواش یواش طوپ و تفک آتشنہ باشلایہ رق  
ساعت ایکی رادہ رندہ ایسہ آتش اشتداد ایتکله و حافظ پاشا  
لوا سنک صول طرفنہ هجوم کوسر مکلہ میرالای محمد علی بک  
قومانداسندہ بولنان اونیه دردنجی طاہوری دفع اعدایہ  
مسارعت و بونلرک صول جناحنی تأمین ایچون مؤخرأ  
کوندریلان ایکی طاہور دخی آتشنہ مبادرت ایدرک محاربہ کرکی  
کبی قز شد قدن صکرہ سلیمان پاشا بالذات ایکی طاہور دهاالہ رق  
محاربہ یہ کیر شمش و شو حالہ ایدیلان بر هجوم دہذا تآاردوی  
نجیز ایتکدہ بولنان بر استحکامی دها ضبط اولمشدر .  
شو محاربہ دوام ایلرایکن دشمن بر دیگر فرقه ایلہ سلامی پاشا  
و عادل پاشا فرقه لری اوزرینہ دہ هجوم و آتشنہ بدأ ایلدیکندن  
مذکور فرقه لر طرفندن . مقابلہ یہ بالمسارعت بر جنک خوزیرانہ  
ایلہ صر بلولر استحکاملرینہ طوغری قاچغہ باشلامشلرایسہ دہ  
قاچان دشمنک ارقہ سی بر اقلیوب تعقیبہ دوام ایدلدیکندن  
استحکاملری دہ ترک و فرارہ مجبوریت کورہ شلردر . اشبو  
محاربہ کیچہ ساعت ایکی یہ قدر دوام ایتمش و دشمن کرکی کبی  
یوز چویرہ رک قاچش ایسہ دہ کیچہ حالیلہ دها زیادہ تعقیبہ  
دوام اولنہ میوب عسا کر شاہانہ اولکی موقعلرینہ  
چکلمشلردر .

علکسناج اوکنده بورایہ قدر اجمال و حکایہ ایدلایکمز  
محاربات هنوز هجوم عمومی اسبابی تہیہ ایدلایکی جہتلہ

بر تضییق و محاصره دن و دشمن طرفندن مدافعه ارزو سیله  
ایدیلان تعرضله مقابله دن عبارت اولوب تشرین اولک یدنجی  
کونی ایسه حرکات تعرضیه و مهاجمه یدخی باشلامش و اصل  
علیکسناجی محافظه ایدن استحکاملر ایله اطراف و جوارده  
بولنه رق و خندقلر حفر اولنه رق ال صعوبتلی استحکام حالنه  
قولنش اولان اورمانلردن صحیحاً یا غمور کبی کله و قورشون  
یاغدیغی حالده مستحکم صرتلرک و تپهلرک بر طاقی و اورمانک  
بر مقداری عساکر شاهانه یدینه کچمش و غایت شدتلی بر یا غمور  
حرکات حربیه بی تصعب ایلدیکی حالده ینه آتشدن دوام  
اولنه رق و برقاق یرده دشمن ایکی اوج اتش اراسنه انهرق  
صحیحاً پک کلیتلی تلفات ایله بوزاشدر .

اشبو محاربه جونیس محاربه سی نامیله تاریخ عسکر یرده  
بر فصل مخصوص اشغال ایده جک اولان و درت بش کون  
امتداد ایلان محاربه عظیمه نک مبدئی اولوب کیجه نک ووردیله  
عساکر شاهانه هیچ بریره قلده نمقزین اولدقلری یرده قالمش  
و صباحی بولمشلرایدی . ایرتسی کونی یالکر دلیغراد کوپریسنگ  
کایدی منابه سنده بولان سیوری والک زیاده مستحکم طاغدن  
ماعدابتون استحکاملرک عساکر شاهانه یدنده بولندیغی  
کوریلنجه بو دفعه دشمن طرفندن استحکامات مذکور دنک  
استزدادی ایچون مهاجمه ید قیام اولمش ایسه ده تلفات کلیه ایله  
رجعتیه مجبور ایلدیکی کبی اوچنجی کونی نوبت تعرض ینه

بزم طرفه کلوب و قوعبولان مهاجده و محاربه شدیده ده دشمنك  
قرارگاهی اولان و دلیغراد کوپر یسنه یقین بولانان قونیک قریه  
جسیه سی ضبط و در دنجی کونی دخی هجو و مک ارقه سی  
بر اقلیوب قریه مذکوره نك ایلروسنده و دلیغراد کوپر یسندن  
قروشه و اچه کیدن شوسه نك اوزرنده واقع جونیس قریه  
مستحکمه سیله ینه بونامه منسوب اولان یوکسک طاغك اتکارنده  
واقع استحکامات متعدده ضبط و تسخیر تلمشدر .

ضبط اولانان استحکامات دشمنك خط مدافعه سنی تشکیل  
ایله ان جبال متسلله نك الیوکسک تپه لرنده و یکدیگری طوب  
آتش ایله مدافعه ایده بیله جك مسافه لرده اولوب کندیلری نكل  
مربع اوزره انشا ایدلمش و فضله اوله رق درونلرنده برده  
بلوق حاوس یا بلش اون دزت پارچه ردوت استحکاملر  
اولوب یکدیگری میاننده طریق مرسله محفوظه نك تأمین  
ایچون دخی برر و یارمشر بطاریه لق طوب طابیه لری و شو  
هیئت مستحکمه نك جله سنی یکدیگری نه انصاق ایلیان وارقه لرنده  
پیاده اوچینسك آتش ایده بیللری صورتیله یاپیلان خندقلر  
و سپرلر موقع مزبورى صحیحاً هجوم ایله ضبطی ناقابل برحاله  
قویمش ایدی . خصوصیه ذکر اولنان ردوتلرک هرزاویه  
خارجیه سی ایلروسنده و تمام هجوم ایچون مهاجرلرک انتخاب  
ایده بیله بحسکری یوللر اوزرنده شراره الکتریقیه ایله آتش  
ویرلک اوزره لفرلر دفن ایدلمش اولدیغی کبی استحکاماتك

آتش خطی داخلنده بولنان یکیدر دخی اغاج کوکری  
 و شرابیول کبی قازیتلر و سائر موانع صنعیه ایله سد و بند  
 ایدلش اولدیغندن هجوم ایله ضبطنه دشمن دخی احتمال  
 ویره میهرک اعتماد تام ایله مقابله یه قیام ایلش ایسه ده عساکر  
 شاهانه نك هجومی دخی او یله لطیفه ایله مقاومت ایدیلور  
 هجوملردن اولدیغنه مبنی بواثالمز استحکام انجق برقاج ساعت  
 طیانہ بیلہ رک نهایت یأس و فتور ایله تسلیمه مجبور اولمشدر .  
 افکار عسکر یه میاننده هر دولت عسکرینک استعداد عسکر یلرینه  
 دائر بر طایق اعتقادات مخصوصه بولنوب بولنر میاننده عساکر  
 عثمانیه ایچون اولان اعتقاد بو عسکرک برقلعه و استحکام ایچنده  
 بولندیغی زمان مدافعه ده صوک درجه یه قدر دواملرندن  
 و میدان محاربه لرنده و خصوصاً استحکام اوزرینه هجومده  
 اول قدر ایشه یاراماملرندن عبارت ایدی . بزکندی قهرمان  
 عسکر لریمزک وجوه مزیات عسکر یه سنی پک اعلا بیلدیگمز  
 جهتله شواعتقادک برجه هیچ بر تأثیری یوق ایسه ده افکار  
 عمومی عسکر یه اربابنک بطلان اعتقادینی اثبات خصوصنده  
 برهان اتخاذینه احتیاج کوریلان هجوملر محاربات اخیرده  
 برقاج دفعه وقوعه کلش وانلر میاننده دخی استحکاملر اوزرینه  
 ایدیلہ جک هجوملرده کی یرار لغمز جله دن زیاده شهادت  
 ایلله جک اولان مهاجمه اشبه جونیس وقوعه سی عد او انسه سزا  
 و احرا بولتمشدر .



شو عظیم بوز غنلق اوزرینه ارتق نفس علكسناج  
 قصبه سنده متحصن اولان دشمنك امید سلامتی بالکلیه محو  
 اولسیله بر کیمجه صکره خفیا و کاملاً قصبه مذکوره بی ترک  
 و فرار ایتسیله شهر مذکوره دخی عسا کر شاهانه مظفر اکیره رک  
 لوائی ظفر احتوائ عثمانی برج و بارو زینه رکز ایدلشدر .  
 مع هذا دشمنك قوه کلیه سی علكسناجده بر باد ایدلدکن صکره  
 ارقه سی برا غلیه رق ذاتاً کلیدی مثابه سنده بولندن کو پر یسی  
 وانی مدافعه ایدن تپه سی اله کچورلش اولدیغنی اولجه خبر  
 ویردیکمز دلیراد اوزرینه دخی همان حرکت ایدلمکله سایه  
 توفیق ربانیده قصبه مذکوره ده بر غیرتلی هجوم ایله یدضبط  
 و تسخیر کچورلدی .

اشبو مغلوبیت عظیمه دن صکره صرب امارتنك قرار ی بانی  
 جهته بر صو ك محاربه ده ایتمکن عبارت بولندیغنی اولجه  
 خبر ویرمش ایدك . انجق علكسناج مغلوبیتده ویردیکی  
 ضایعات و تلفات حصرو تعدادك خارجنده اولسی و محاربه  
 عظیمه مذکوره ده صر بلورك کوزی بتون بتون ییلدیغنی  
 کبی روس ضابطانی ایله کو کلو اوله رق کلش بولنان بیکلرجه  
 نفرا تك دخی کال یأس و فتور ایله اللرینی چکه رک بلغرا ده  
 طوغری صاوشملری ارتق بانیسا طرفنده صو ك محاربه تك  
 ترتیباتنده امکان ویره مامش و صورت انعقاد ی اشاغیده  
 فقره مخصوصه سنده عرض اولنه حق متار که تك حیلواتیله

علمسناج جهنتك محاربه سی دلیغراد ققچنده قرار قلیشدر .  
 اشبو علکسنسناج محارباتندن ماعداد صریبه محارباتنه نقل  
 کلام ایدنجه عثمان پاشا حضرتلرینک یکریمی ایدن اگستوس  
 تار یخلی برقطعه تلغرافنامه سسندنه تفصیل ایدلیدیکی اوزره  
 اگستوسک یکریمی اتنجی پنچشنبه کونی ساعت بش صولرنده  
 مشار الیهک یدضبطنده بولنان زایچار قصبه سنک شرق جنوبی  
 جهنتنده وپونجه دنیلان نقطه ده قره غول صفتیله ارامساز  
 اولان برطابور عساکر شاهانه اوزرینه صربلونک بش طابور  
 پیاده و برخیلی سواری والقی قطعه طوپدن مرتب برقره سی  
 اوچ قولدن هجوم ایلدیکی کبی قصبه مذکورنک غرب  
 شمالیسندنه کائن زیوزوان قریه سی اوزرنده کذلک قره غول  
 صفتیله ارامساز اولان برطابور اوزرینه دخی درت طابور  
 پیاده و سکر طوب و بر مقدار سواریدن صر کب دیگر بر  
 قره سی هجومه باشلامسیله حسن پاشا قومانداسیله درت طابور  
 پیاده و درت بلوک سواری و بر مقدار چرکس پونجه یه  
 و آصف پاشا قومانداسیله ده اوچ بچق طابور پیاده و درت  
 قطعه طوب و بر مقدار عساکر معاونه دخی زیوزوان  
 قریه سنه کوندر یلهرک بیوجک برحار به یه باشلامش وایچه  
 برزمان مطوب محاربه سیله اشتغال ایدلش ایسه ده ایشی چاپوق  
 بتورمک ایچون هجوم قومانداسی ویرلدکده پونجه اوزرینه  
 کلان قره یوزالیدن متجاوز تلفات بر اقدیغی حالده اوچوز

قدر مجروح لرینی بر ابر الهرق قاجغه باشلادیغی و ارقه سندن  
قوشدیریلان فرقه معقبه بر چوق تیغک و یاغمورلق و ورو و لور  
و ججهانه طو پلادیغی کی بر از دهائبات و متانت غیر تنده  
بوانان زیوزوان فرقه سی دخی اقسام ساعت اون ایکی یه قدر  
محار به ایدرک و بناء علیه دیگر فرقه دن زیاده تلفات و ضایعات  
و یرهرک بوزلمش و کجه خلول ایتک مناسبتیه او اقسام  
تعقیب اولنه مامش ایسه ده ایرتسی صباح ایکی بچق ساعت  
مسافه ده واقع یبارقه قریه سنه قدر قووالتمشدر .

یکی بازار جهته کلنجه چونکه او طرفه بوانان دشمن  
عسکرینک بر بیوک قسمی عاکسنج طرفه کتورلمش  
اولدیغندن یکی بازار طرفجه وقوعبولان محاربات اول قدر  
منیم و جسیم اولیوب بوسنه دن کلان بر تلغرافنامه ده خبر  
و یرلدیکنه کوره و یشیغراد قوماندانی قائم مقام شمسی بک  
اغستوسک یکر می ایکنخی کونی معیتی فرقه سیله صربیه ایچنه  
طوغری بر تعرض کوسستره رک قوترومان دیدکاری صرب  
کویندن بر بچق ساعت ایلروده واقع بر استحکامده تحصن  
ایلیان درت بشیوز صرپلوی طاغله طوغری فراره اجبار  
و استحکامی هدم و یوز قدر خانه یی احراق بالنار ایتدکدن  
صکره عودت ایلمش و یکی بازار فرقه عسکریه سی دخی  
یاووردن ایکی ساعت مسافه ده واقع تیره تین جبال متسلله سنه  
طوغری بر کشف تعرضی بالاجرا جبال مذکوره ایچنده واقع

استحکام کرده کی صر بلوری پریشان و استحکاماتی هتم  
ایلدیکی کبی یکی بازار فرقه سی قوماندانی محمد علی پاشا  
حضرتلر ینک دیگر بر تلغرافنامه سندن ا کلاشلدینی اوزره  
یکی واروش و یارانجه و سنججه یوللر ینک نقطه تلاقیسند  
صر بلور طابور نظامیه سیله بیک قدز کوکلو سندن عبارت  
برمفرزه سنده راست کاتب مصر میرالایلرندن ذکر یا بک  
قومانداسیله اوچ بحق طابور عسکر سوق اولنه رق دشمن  
تا بوچتک بالقاننه و برطاقم پراکنده لری دخی وزیجه طرفلرینه  
قاچیرلشدر . اغستوسک یکر می اوچنجی کونی صر بلور  
محمد علی پاشا اردوگاهنک صاغ وصول جناح لرینه شدتلی  
بر هجوم ایله رجعت خطنی دخی کسمکه چالشمش لر ایسه ده  
برجوق تلفات ویرمکدن بشقه هیچ برایش کوره میهرک  
قرار ایلشدر .

## اوچنجی ققره

قره طاغ محارباتی

قسم اولده احمد مختار پاشا حضرتلر ینک تره بین جوارنده  
بر موقع طوته رق قره طاغ اشقیاسنه بالمقابله حرکات تعرضیه سنک  
تکراری ایچون دخی بوسنه طرفندن ورود ایتک اوزره بولنان

بر مقدار تازه عسکره انتظار ایلدیکي بیان اولمش ایدی .  
 عسا کر مذ کوره نك وروديله مشار الیه حضر تلری ترتیبات  
 واقعه سنی ا کمال ایلد کدن صکره اغستوسک یکر می برنجی  
 کونی قلیبون قلعه سی التندن قره طاغ خط امتیاز بینی کچهرک  
 زاسلاب قریه سنی فتح ایلدیکي کبی ایرتسی کونی دخی قریه  
 مذ کوره نك دها ایلروسنه کچهرک وایجاب ایدن نقطه لری  
 بالاخذ استحکام پیارق غراهوه و غرادو یچه قریه لرینک  
 مابیننی تهدید ایتکه باشلامش ایدی که انخذ ایلدیکي شو موقع  
 خط امتیازدن ایکی ساعت ایچروده بولمش ایدی . بوتجاوزدن  
 اشقودره قوماندانلغنه و سائر ایجاب ایدنلره معلومات  
 ویریلهرک درویش پاشا حضر تلرینک یکر می بش اغستوس  
 تاریخی تلغرافنامه سنده خبر ویرلدیکي اوزره اغستوسک  
 یکر می دردنجی کونی ایشپوزی طرفندن دخی بر بقی طاہور  
 منتظم و منتخب نظامیه وایکی بلوک یرلی شمعانی پیر ناحیه سنه  
 طوغری تجاوزله درت ساعت قدر امتداد ایدن محاربه ده  
 برایکی بیک قدر طاغلو اشقیاسنی قاچر مش و پیر قوماندانی  
 میلوشک جسیمجه برخانه سیله دیکر اون باب خانه والی قدر  
 قولبه و برچوق اونلاقلر بینی یاقشدرلر .

ارادن چند کون مرور یله احمد مختار پاشا حضر تلرینک  
 یابدیغی استحکاماتدن قائم مقام عبد الله بك قومانداننده بولنان  
 درت عدد استحکامده متحصن ایکی طاہور عسا کر شاهانه

اوزرینه ایکی بیک بشیوزدن متجاوز قره طاغ اشقیاسی هجوم  
ایتمشز ایسه ده کلی تلفات ایله قاچغنه مجبور اولدقلری کبی  
ارقه لرندن تعقیب ایدن عساکر شاهانه دشمنک قارشو طرفده  
انشا ایدرک قره غولار یمری ازعاج الیمکده بولندیغی اویچ عدد  
استحکاملرینی دخی الیرندن آلمشز و غراهونه ک بر محله سنی اتشه  
یا قشلردر • پودغور یجه قوماندانی جیل پاشانک بر ایلول  
تاریخی تلغرافنامه سنه نظراً اشقودره ترتیبات عسکریه سنی  
اخلال اتمک و غرودا نام جبلده واقع بیقلا قریه سنی محافظه  
ایلیان بشیوز قدر استانبول کوکلور لیه برده جوارلرنده  
بولنان اوچیز قدر زیبک معاونه سنی بالاستیصال اشقودره  
ایله اولان خط مواصله بی کسمک خلیاسیله بشیک بشیوز نفر  
قره طاغلو اغستوس غایه سی اولان چهارشنبه کونی ساعت  
التیده هجومه باشلامشز ایسه ده استانبول و زیبک کوکلور ی  
کندیلر نیک اون مثلی اولان اشبو دشمنه کمال شجاعتله مقابله یه  
باشلادقلری کبی بر ساعت قدر اتشن صکره هجوم ایله دشمنی  
تعقیبه دخی باشلامشز ایسه ده اشقیانک اویچ بایراق ده امدادی  
کلسیله هجومی تعطیل ایدرک فقط یه مقاومتده ثبات کوسرتمشلردر  
ینه محل مذکور جوارنده واقع دینوش قریه سی محافظه سنه  
بولنان و معیننده بیک قدر اشقودره دلاورلری اولان شعبان بیک  
اوزرینه دخی اویچ بایراق طاغلو اشقیاسی هجوم انش ایسه ده  
میرمومی الیه عسکرینک یالکز نصغیله بونلره مقابله ایدرک



نصف دیگرینی استانبول و زیبک کو کلورینک امدادینه  
 قوشدیرمش و شو حالدیه ایکی طرفجه دخی دشمنه یشانلق  
 کله رک اوچوزدن متجاوز مقتول و مجروح ترک ایله فرار ائلمشدر.  
 بو محاربه اگرچه سائر محاربه لره نسبتله کوچک برشی کوزیلور  
 ایسه ده ایکی فرقه ارا سنده کی مقدارجه نسبتسزک نظر دقته انور  
 ایسه اهمیت ییودیکجه بیور و استانبول کو کلرینک همت واقعه  
 قهرمانانه سی دخی شایان تقدیر و آفرین کوریلور.

لوی قصبه سی خانه لری طاغلق و موقعی مناسبه سز  
 و محافظه سی کوچ بریرا لوب دروننده برده قلعه سی موجود  
 ایسه ده متانت و رصانتی مطلوبه موافق برشی اولدیغندن  
 و دروننده کی عساکر شاهانه ایسه غایت از اولدیغندن اشقیا  
 موقع مدکورک ضابطی کوزه الدیرمش و اوچبیک قدر  
 عسکرله کلوب تضیق التمه المش ایدی. هله برجه کونی  
 صبا حلین ساعت ایکی صورلنده قصبه مذکوره اوزریندا اوج  
 طرفدن دخی هجومه باشلامسبله موجود اولان عسکر آچیقدن  
 آچیغه مقابله ایدمه جکنی اکلایهرق قلعه یه چکلمش و اهالی  
 دخی بغض متینجه خانه لره ضیغمش اولدیغندن دشمن براردها  
 جسارت بوله رق مهاجمه یی کرکی کبی صیقشدیرمش ایدی.  
 او کون اقشامه قدر جنک دوام ایلدیکی کبی جوارده واقع  
 یاوراق قلعه سندن ایکی بلوک عسکر امداده یتشمسبله کجه ساعت  
 بر بجه قدر امداد ایدن محاربه ده عساکر شاهانه طرفدن یکر می

ایکی واهالیدن سکز نفر شهید و عسکر واهالیدن یکر می بش نفر  
و برده قادین مجروح اولمش و تاقصیه ایچنه قدر کیرن اشقیا  
یکرمی یدی باب خانه بی یاقش ایسه ده امیدینه نائل اوله میه رق  
قلعه اوکنده سواققلر اراسنده درت یوزدن متجاوز تلفات  
بر اقدقدن صکره فراره مجبور اولمشلردر . تلفات مذکوره  
میاننده درت نفر مشهور رئیسارک لاشه سی دخی بوانوب  
مدالیه لری اندیغی کپی محاربه نك شدنه نظراً دشمنك مجروحی  
البته تلفاتك بر بچق نسبتنده اوله جغی درکار وشویرارلق  
دخی باشلیجه موفقیتدن عد اولتمغه سزاواردر .

بو محاربه نك وقوعی اثناسنده کلیسوره نام محلدن دخی  
تعرضه باشلایان براق بیک اشقیا اوزرینه بیکباشی حسین ارکانی  
افندی قومانداسیله ایکی طابور عساکر شاهانه سوق ایلماش  
ایدی . محاربه یه طوتشد قورنده اشقیا قرق الی قدر تلفات  
و یروب قاجدیغی حالده عساکر شاهانه دن یالکز خفیفجه  
ایکی یاره لودن بشقه ضایعات اولماسی شایان تشکر در .

احمد مختار پاشا حضرتلرینك غراهوه مقابلنده طوتمش  
اولدیغی موقع اشقیایه پك بیوك شاشقعلق ویرمکده اولمسیله  
ایلولاک یکر می ایکنجی کونی اردوی همایونی بغته باصق  
قضدیه اشقیا متحصن اولدقلری یکر می قدر استحکامدن  
چیقارقی الواقع صباحلین ایرکندن غایت شدتلی بر باصقین  
یامیشلر ایسه ده ایدیلان حسن مقابله ثمره سیله بر فائده سنی

كوزه ميوب كير و اردو كاھلرينه فرار ايشلر و يالكنر شو  
 حر كته اردوي همايوني از عاج ايده يله جك بر موقعه ايكي  
 طوب تعبیه سيله في الواقع اردوي همايوني تعجيزه باشلامشلا  
 ايدى . بونك اوزرينه احمد مختار پاشا حضرتلري دشمنك  
 خط حربي تشكيل ايدن استحكاماته بريسي جبهه دن وديكري  
 صاغ جنا حدن اوله رق برهجوم مركب مانوراسي ترتيب  
 و ايجابني اجرا اجرا ايتسيله شو حر كته دشمن غايت متين  
 و مستحكم اولان يكرمي عدد استحكاملري ايجندن تعريف قبول  
 ايتن بر بوز غنقله چيقوب پرا كننده پریشان فراره شتابان  
 اولمشدر . استغراب اولنه جق مواد دندر كه يلدريم كبي بر  
 سرعتله اجرا اولنان شو هجومده عساكر نظاميه و معاونه لك  
 مجموع ضايعاتي حقيقه يكرمي نفرى تجاوز ايتديكي حانده  
 دشمنك يالكنر اورته ده قالن تلفاتي ايكيوزى تجاوز ايشلدر .  
 بو محارب به كبي بر جسيم محارب به دخی ايلولك يكرمي بدنجي  
 بازار ايرتسي كوني ايشپوزى جهتنده مارتينيك وينر و پاولويچ  
 ناحيه لرينه طوغرى تجاوز ايليان عساكر شاهانه ايله طاغاي  
 اشقياسي اراسنده وقوع و اوب درويش پاشا حضرتلرينك  
 يكرمي سكر ايلول تار يخلى بر تلغراف نامه سنده ويريلان  
 تفصيلاتدن اكلا شلد يغنه كوره اوجوارده سكر بيوك تپه  
 اوزرينه ترتيب اولنان سپرده تحشد ايليان اشقيا ايله دلاوران  
 عثمانيان سونكي سونكي به كيشلر ايكن اشقيا بر درنو تاب ياب

اوله میهرق تپه لردن بش دانه سی ضبط ایلدیککی کبی ایرتسی  
کونی اشبو بش تپه نك اشقیاسی دخی انضمام ایلدیکندن  
طولایی مدافعه چیلر نك مقداری ارتمش بولنان دیگر اوج  
تپه اوزرینه وقوعبولان هجومده فی الواقع اشقیقا مقاومت  
ایچون صولک درجه ده قدر چاشمش و حتی فریق مصطفی  
جلال الدین پاشا بو معرکده مجروح و امش ایسده لله الحمد  
واننه اشقیقا تمامیه منزه و پریشان اولدق طاغلو و دردل  
قره طاغلو لاشه سیله طولشدر .

مشار الیه مصطفی جلال الدین پاشا حضرتلری عن اصل  
لهلو اولوب خدمت دولت علیه قبول اولندیغی صرده  
شرف اسلام ایله دخی مشرف اولهرق یایه حدودنده  
و بالخصوص کربد محارباتنده پک بسولک خدمتله موفق  
اولمش ایدی . کورنرک روائتلرینه کوره اشبو قره طاغ  
هجومنده مشار الیه حضرتلرینک کوسه سردکاری غیرت  
فداکارانه کرچکدن کورنرله حیرت و یره جنک درجه ده  
اولوب الدیغی یاره ایسه مهلاک بر یاره ایدوکنندن اگرچه امر  
تداو یسنده امکاناتک مساعدده ایتدیککی درجه دن ییله زیاده اولهرق  
اهتمام قلنش ایسده تاثیر اوله میوب رتبه عال العال شهادتی  
احراز ایلشدر . شهید مشار الیه موتک تقریبی حسن ایلدکده  
اصلا فتور کتور مکسزین «بو کونکی حرکات تجاوزیه ده  
جریمه دار اولدیغمدن خسته خانه دهیم . اولادیمی اولاجناب حقه

و ثانياً ذات شوکت سمات جناب پادشاهی به حواله ایلدم «  
کلماتدن عبارت بولنان تلغرافنامه سنی مقام جلیل صدارته  
کشیده ایدرک تسلیم روح انلش و صکره دن خبراندیغنه کوره  
اوغلی طرف شاهانه دن یکدن یوز باشی نصب اوامشدر .

اشقودره بحریه قوماندانلغندن تشرین اولک اوچی  
تاریخیله مقام جلیل قپودانی به ورود ایلان بر تلغرافنامه ده خبر  
ویرلدیکی اوزره عسا کر بریه سر قوماندانلغی ایله بالاستشاره  
اشقودره کولی ایچنده بولنان اولکون و سرعت نام ایکی  
قطعه کوچک واپورلر قره طاغک موریک سواحله بالتسلیط  
سواحله مذکورده بولنان خانه لر احراق و برقاچ جمعیت اشقیا  
طوپ ایله پریشان ایدلش و هر نه قدر اشقیا طرفندن دخی سلمه  
نام موقعه کتور یلان بر قطعه طوپ استعمال ایدیلرک متعدد  
کله لر کوکرتیه اصابت ایتدیرلش ایسه ده برکونه مضرتی  
اوله میوب ذکر اولنان واپورلرک ایرتسی صباح تکرار سواحلی  
اشغاله باشلایه رق آتدقلری کله لر دن برخیلی ابنیه سی دهامحترق  
ومنهدم اولمشدر .

قره طاغ جهتنده ایدیلان محارباتک باشلوجهلری  
شونلر دن عبارت اولوب طبیعت موقعیه نک کوسرتدیکی  
صعوبت اوزرینه شوراده بوراده و متفرق بر صورتده تعرضلرله  
اهالی قرا و قره غوللری اشغال ایلان اشقیا ایله ایدیلان محارباتک  
کافه سنده تمامی مظفریت عسا کر شاهانه طرفنده قالوب اشقیا

ایچون مقهوریتدن بشقه برشی کورلماشدن • نهایت ارایه  
 فقره آیه ده حکایه اولنه جق متار که مسئله سی کیرمسيله اگرچه  
 مسائل مذکوره قره طاغلوایله عتمد مصالحه یه قنجر اولنه فامش  
 ایسه ده برارالق حرکات حربیه بی تعطیل ایلمش و مذاکرات  
 مذکورددن صکره تکرر ایلیان قره طاغ محارباتی ایسه روسیه  
 محارباتی ایچون تخصیص ایدیلان بشجی باده برقره مخصوصه  
 اوله رق درج ودر میان قلمشدن •

### در دنجی فقره

صریه ایله متار که و مصالحه

صربیه ایله ایدیلان محارباتدن دها قسم اولده مندرج  
 فقره مخصوصه سنده حکایه ایدیلان یعنی عصر مرادخانیه  
 تصادف ایلیان جنکرده اشتهای مرقومه نک کوردیکی مغلوبیت  
 حربیه دوام ایده میه جکنی اثبات ایلکله صلحک اعاده سی ایچون  
 دولتریننده اوزاقدن اوزاغه بعض مختاراته مباشرت قلمش  
 ایدی •

ایبو مصالحه مسئله سنه دأر جریان ایدن مختاراتک کافه سنی  
 انکلتزه خارجیه ناظری لورد دربی طرفندن پترسبورغده مقیم  
 انکلتزه سفیرینه ۱۸۷۶ سنه میلادیه سی تشرین اولنک



او تویزی یی ۱۲۹۲ سنه سی تشرین اول رومیسنک اون  
 سگری تاریخیله یاز یلان برقطعه تحریرات مفصله تمامیه جامع  
 اولوب کرک اشبو تحریراندن و کرک دسترس اولدیغمن  
 سائر اوراق رسمیه داخله ايله اول زمانک شؤنات بومیه سنه  
 دائر بتون غزنه لره درج اولنان حوادلک نظر محاکمه ده اچانندن  
 اکلاشلدیغی اوزره صریه امارتی روسیه طرفندن و پانسلاویزم  
 قومیه لری جانبندن کوردیکی معاونات بی نهایت ايله برابر اترق  
 محابه ده ثبات ایدمه چکنی اکلامسیله دولت متبوعه سنندن  
 طلب عفو و صفح ضمیمه دول معظمه نك وساطت ایتلرینی  
 بلغر ادهه مقیم دول مفخمه قونسلاوسلرندن خصوصی اوله رق  
 رجا ایتکه باشلامسیله بو حال اوروپا دولترینه تبلیغ اولندقه  
 انکلترة دولتی دول سائر میاننده سلطنت سنیة عثمانیه ده  
 زیاده دوستلقه مشتهر اولدیغندن وساطت ایشنی درعهده  
 ایش ايسه ده صریه امارتی اولجه عقد اولنان متارک لرده  
 شروط متارک بی اخلاص ایتش اولسی و هر نه زمان پانسلاویزم  
 معاونلری طرفندن براز ده معاونت کوره چک اولسه دول  
 معظمه نك توسطلرینه ده اهمیت و یرمیه رکینه عصیانده ثبات  
 ایده چکری درکار بولمسی اوزرینه انکلترة دولتی اول بول  
 پرنس میلانک آچیتدن اچینه بروساطت دولیه بی استدعا ایتسنه  
 لزوم کوسترمیشیدی .

ایمدی بریاندن علیکسیناچ طرفلرنده محاربه دوام ایده

طو رسون ديكر طرفدن دخي بلغرادده صلح املاري و دهـ  
 طوغريسي صلح مجبوريتلري آرتمش اولديغندن اغـستوسك  
 اون ايكنجى كوني پرنس ميلان انكلتره قونسلوسى طرفدن  
 ايديلان اخطار اوزرينه بلغرادده مقيم بالجله دول معظمه  
 قونسلوسلريني جمع ايدرك بونلر مياننده ارتق محاربه يه تحمل  
 ايده ميه جكني اعترافله دولت متبوعه لر ينك صلح ايچون  
 وساطت ايتلريني رجا ايدوب شو قدر وار كه قره طاغ امارتيله  
 اولجه بينلرنده منعقد اولان معاهده اقتضاسنجه ايكي امارتك  
 ايكي سي دخي صلحه مجبوريت كور مينجه يالكن بريسي مصالحه  
 ايده ميه جكندن و حالبو كه يوقاروده محاربه فقره لر نده بيان  
 اولانديغي اوزره قره طاغ امارتي صربيه قدر مغلوبيت متابعه  
 كور ميوب برايكي غلبه يه بيله مقتدر اولسندن ناشي صلحه روي  
 رضا كوستر ماسي احتمالدن بعيد اولديغندن صربيه ايله برابر  
 قره طاغك ده مصالحه يه ميل ايتدير اسني پرنس ميلان مذكور  
 قونسلوسلردن بشقه جه نياز ايلشيدى .

بونك اوزرينه كيفيت دولتلر مياننده مخابره و مذاكره  
 اولنه رق هر دولت در سعادتده مقيم سفرا سنه تعليمات مخصوصه  
 دخي ارسال ايلش اولمقدن ناشي سفر اى دول مفخمه انكليز  
 سفيري سيره انزى اليوتك سفارتخانه سنده بالاجتماع مذاكره  
 كيفيته ابتدار اولند قده روسيه سفيري جنرال اغنا تيف اوچ  
 هفته دن بر ماهه قدر بر متار كه عقدينك دولت عليه دن طلب

اولمسی اشد اصرار ایله در میان ایش و اگر چه اوسه نریا  
سفری بویله بر طلبك صورت عمومیه ده اوله رق باب عالی یه  
عرضنی موافق بولماش ایسه ده سفر ای سائر نك اکثریت  
واغلیت اراسی سفیر مشار الیهی دخی اقناع ایلیه رك متار که  
مذکوره دولت علیه دن قطعاً طلب اولمشیدی .

باب عالی یه کلنجه دولت علیه عثمانیه نك صریه ایله  
محار به یه عن اصل خواهشی اولیوب حدینك و حقنك خار جنه  
چیقه رق عصیان ایلیان اشقیایی تأدیب و تربیه ایله مشغول  
بولندیغدن اشقیای مرقومه طالب عفو و آمان اولسدقن  
صکره در یغ عاطفت بیورلیه جنی دخی درکار ایسه ده بونك  
ایچون متار که یه حاجت اولیوب متار که دنیلان شی هنوز  
تلغرافك ایجاد اولندیغی زمانلره مخصوص اصول و عادات  
دولیه دن اولدیغنه و هر طرفه تلغراف خطری تمیداید ایش  
بولنان شوز مانده ایسه طوغریدن طوغری یه شرائط صلحیه یی  
مذاکره یه کیر شمك لازم کلدیکنه و بوکا دخی باب عالی حاضر  
و آماده بولندیغنه بناء بر یاندن محار به نك دوامیلله برابر دیگر  
طرفدن دخی شرائط صلحیه اوزرینه سویلشیلله چکی باب عالی  
طرفدن دول معظمه یه جواباً بیان قلمشدر .

دول معظمه نك متار کدی التزام ایلد کربنی کورنجه جنال  
اغنائیف ایشی بر درجه تعجیل ایلکه باشلامشیدی که تعریفه  
صیغمز بوندن مقصدی ایسه درکار اولان متانت و رصانتیه

مبنی هجوم عثمانیانه هنوز مقاومت ایتمکده بوانان علیکسیناج  
استحکاماتی عساکر شاهانه طرفندن ضبط اولنمزدن اول  
متار که بی عقد ایتدیره رک بعده اورایه دها زیاده عسکر جلب  
وجعی ایچون صربیه امارتنه میدان و زمان قازاندر مق  
ایدی . اکر بوکا موفق اوله ییلسه ایدی امارت ایچون حقیقه  
بر بسوک خدمت ایتمش اوله جق ایدی . زیرا او حالده  
علکسیناجک قوه مدافعه سی دها زیاده آرتوب برایکی آی دها  
طیانه یلور ایسه قیش دخی حلول ایتمش اوله جغندن « ایشته  
علکسیناجی اله مدیکز قیش ده کلدی دولتر ایسه صلحک  
عودتنی آرزو ایدیوزلر » دیه یاصن پلورده نافع و مظفرانه بر  
مصالحه عقد ایتدیره یلور و یاخود کله جک یاز ایچون روسیه نک  
مصمم بوانان مهاجۀ عظیمه سی اثناسیلیم، علیکسیناجی دخی  
باشلوجه بر موقع عسکری اولمق اوزره الهه بولندیرر ایدی .  
بنا علیه شویله بر ترتیب اوزرینه باب عالینک متار که به یناشمدیغنی  
وطوغریدن طوغری به مصالحه ارزو سنده بولندیغنی و حالبو که  
بین الدول بر صلح عقد ایدیاور ایسه ایشک ایلروسی ایچون  
صلح مذکورک مانع اوله جغنی کوروب باب عالینک بر منوال  
مذکور و یردیکی جواب صوابی نه کندیسی قبول ایلدی  
و نه ده دول معظمه به قبول ایتدیر مامک ایچون الدن کلان  
همتی دریغ ایلدی .

مع هذا انکلیزه دولتی باب عالینک و یردیکی جوابه

قطعیاً رد یولو و مقابله ده بولنماشیدی . باب عالیك ایستدی  
شرائط ضمیمه نك نه کی شیلر اولدیغنی سؤال ایلشیدی .  
بوسؤاله جواب اولق اوزره نه کی شرائط ضمیمه عرض  
اولنه جق ایسه اكا بر صورت ویرامی ایچون اغستوسك اوتوز  
برنجی کونی باب عالیده وکلای فحام و سایر ایجاب ایدن ذوات  
کرامدن مرکب بر مجلس عمومی عقد اولنه رق مسئله اوراده  
میدان مذاکره الندی .

اوارالق صریه علیه نه اوله رق افکار عمومیه ده اویله  
برغلان واریدی که امارت مذکور نك نامنی خریطه عالمدن  
سیلك ایله خلق انجق تشفی ایده بیلورلر ایدی . صرب  
اشقیاسنك طرف طرف کوردکری مغلوبیت ایسه دولت  
علیه بی هر جهته مطالب مشروعه سننده حقلی کوسره جک  
درجه ده اولدیغندن مجلس مذکور خصوصات آتیه یه قرار  
و یردی .

اولاً - صربستان امارتنده بولنه جق ذاتک عتبه  
شاهانه یه عرض عبودیت ضمیمه در سعاده کلمی که بوقید  
ایچنده پرنس میلانک امارتدن عزلی مقصدی دخی اکلاشیلور  
ایدی .

ثانیاً - صربستانک دائره امتیازی خارچنده اولوب  
۱۲۸۳ تاریخنده بلغراددن کرک عسکرک و کرک اهای مسلمان  
تخلیه سی اوزرینه یالکز محافظلغی صرب بکنه تودیع اولنان

و حق تصرف و تملک قدیمی و جهله ینه دولت علیه یدنده  
حفظ قلنان قلاع اربعه نك كافي السابق عساكر شاهانه حفظی  
السنه النمسى .

ثالثا - صرستانده ملت عسكرك نك الغاسيله آدایش  
داخلینك محافظه سی ایچون اون بیک نفری تجاوز ایتماک  
اوزره عساكر نظامیه و یالکزیکی بطاریه دخی طوب  
بولندیرامسی .

رابعا - ممالک متجاوره اها ایسندن صرستانه هجرت  
ایدنلرک ۱۲۴۹ تاریخی فرمان عالی احکامینجه مملکتلرینه  
اعاده امارتک مجبور اولسی و قدیمدن برو موجود اولان  
قلاع مستثنا اواق اوزره صکره دن محدث اوله رقی انشا ایدلش  
بولنان بالجه استیمکاماتک هدم ایدلمسی .

خامسا - مقداری مؤخرأ تعین اولنه جق تضمینات  
حریبه نك صریبه امارتندن استیفاسی و ایفا ایده مدیکی  
صورته اولمقدار تضمینات حریبه فائضنك و یرکوی قدیمه  
ضم اولنسی .

سادسا - بلغرادى نیشه منتهی اولان تیمور یول خطنه  
ربط و الصاق ایده جک اولان شمندو فرك دولت علیه مأمورلری  
ویا خود کندی طرفندن انتخاب ایده جکی بر عثمانلو قومپانیاسی  
معرفتیله انشا و اداره ایتدیرمکه حکومت سنیه نك حق  
و صلاحیتی اولسی ماده سی .

شوماده لره مجلس مذ کورده اتفاق آرا ايله قرار ویريله رک  
 کیفیت خاکپای سامی جناب تاجداری به عرض اولند قدّه بو  
 مثللو معظمت مهامک او یله عندی براراده سینه لریله اجرای  
 ایجابی هیچ بروقتده تجویز بیورمیه رقایشه مشورت واستشاره  
 طریقله صورت و یرمک عادت مستحسنه شهر یار یلری  
 اقتضاسندن اولان پادشاهمن افندمن حضرتلری بو کیفیت دخی  
 بالاستشاره قرار و یرمک ایچون و کلای فحای مابین همایون  
 ملو کانه لرنده جمع ایش و تکت ریاست شهر یار یلرنده  
 اوله رق بر مجلس عقد بیورمش ایدی . بو مجلسده مواد  
 مذ کوزه بردها موقع تذکره چکلد کده واقعا دولتمزک صریبه  
 اشقیاسنه غلبه سی میدانده ایه ده شو مصالحه مسئله سنده  
 دول معظمه نک دخی ایشه مداخله ایتلرینه و بالخاصه روسیه  
 دولتمک درجه التزای میدانده اولوب صریبه امارتی ایه  
 الیوم یوز الی بیک عسکر جعنه مقتدر اولدیغنه و اگر  
 معاونلری طرفندن بر معاونت دها کورر ایه حربده دوامه  
 دخی مستعد و مقتدر کورلدیکنه بناء اشبو شرطلرک امارت  
 مذ کور و دول مفتحه طرفلرندن اغر کوز یلوب قبول  
 ایدلیه چکی وارد خاطر عالی اولدیغندن بختله شرائط مذ کوزه نک  
 بالاخره رد اولندیغنی کورمکدن ایه دها شمیدین تخفیفی  
 صورتی طرف اشرف حضرت شهر یاریدن درمیان  
 بیورلشیدی . مؤخرأ ظهور ایدن احوال ايله تحقیق و تبیین



ایلدیکی اوزره اشبو ملاحظه منیه پادشاهی حقیقه عاقبت  
 اندیشانه بر ملاحظه ایدی . زیرا صریحه امارتک هنوز  
 یوز الی بیک عسکره مالک اولمسندن وایشه مداخله دول  
 اجنبیهک دخی قارشمسندن وروسیهک ایسه التزام فوق العاده  
 سندن قطع نظر دولت علیهک اویله محازبات مدیده ایله  
 استهلاك ایده جک نه پاره سی نه عسکری و بالخاصه نه ذه زمانی  
 اولیوب بزم اشد احتیاج ایله محتاج اولدیغمن شی اصلاحات  
 داخلیه قضیه سی اولمغله بوقضیه حصر اشتغال ایدلک  
 لازم کلور ایدی . انجق غلبات واقعه یه نظراً اشبو شرطلره  
 امارت طرفندن ده دول معظمه جانبندن ده موافقت اولنق  
 ضروری بولندیغی ملاحظه سنده هیئت وکلای فحام ثبات  
 ایتمکله و بویله برقرار و ثبات عمومی به مخالفت ایسه شرائط  
 استشاریه رعایتدن هیچ بروقنده آیرلمیان پادشاه حقایق اکتاه  
 افندمن حضرتلرینک اخلاق حمیده قانون پروریلرنده بولنمغله  
 رأی عمومی به اعتراضده اصرار بیورلیوب شو قدر وار که  
 دوام ایدن مذاکرات متابعه نتیجه سنده اشبو شرائطک تماماً  
 قبول و یا تعدیلی ویرلرینه شرائط سائرتهک وضعی خصوصنده  
 باب عالینک دول مفخمه طرفندن کوستریله جک حکم نصفت  
 پروری و عدالت کستری به راضی اوله جغی دخی شرائط مذکوره  
 زیرینه ذیل ایدلشد .

باب عالی شرائط مذکوره یه ذیل ایلدیکی اشبو ماده

تعدیلیه ایله پک بیوک بر صلح پرورلک کوسستمش اولدقدن  
 ماعدا امل محض و مخصوصی مصالحه دن عبارت بولنق  
 خسیله کندیلکندن اولق اوزره متارکویه دخی رضا  
 کوسستمش وحتی متارکه مدتند صلحه دائر برشی یاییله مامسی  
 اوزرینه مؤخرأ متارکه نک مدتی ایلولک یکر می بشنه قدرده  
 تمدید ایلشیدی . انجق بوندن اول دخی بیان اولندیغی اوزره  
 کرک امارتک و کرک معاو نلرینک متارکه دن املری حقیقه  
 بر متارکه اولیوب وقت قازانق صورتندن عبارت بولندیغی  
 جهتله شو متارکه مدتی ایچنده صر پلور بریاندن امداد  
 واعانه الهرق قوتلرینی تزید ایتکده و دیگر طرفدن دخی  
 طرف طرف شروط متارکه بی اخلا ایلکده ایدیلر .

عرض اولنان شرائطه کلنجه بولر حقنده دول معظمه میاننده  
 جریان ایلیان مخبره نتیجه سنده شرائط مذکوره قبوله شایان  
 کورلیوبده صریبه مصالحه سنی محار به دن اولکی حالک  
 ابقاسی و بوسنه و هرسک ولایتلرنده اوتونومی یعنی مختاریت  
 اداره امتیازینک وضعی و بلغارستان ایچون دخی بوضورتله  
 بر نوع مختاریت اداره اعطاسی کبی شرطلره بنا ایلک  
 وهله پرنس میلانک امارتدن عزلی و قلعه لک استرداد  
 کبی شرطلر اصلا قبوله شایان کورلماک ایستلندیکنی صرب  
 امارتی تفرس ایدنجه در حال طورینی دکشدیرهش و از جمله  
 ایلولک یکر می بشنه قدر تمدید اولنان متارکه مدتند دخی

هنوز برشی یایله مامسی اوزرینه متار که نک تشرین اول  
ایکیسینه قدر تمیدی لازم کلد کده چونکه او ائنده اوروپانک  
تصور کرده سی اولان سالف الذکر شرائط دخی در سعادتده  
مقیم سفرانک کافه سی طرفدن باب عالی یه تبلیغ قلنش بولنسیله  
صریه امارتی بوندن برقات دها یوز بوله رق متار که بی ده  
قبول ایتیوب حرکات خصمانه حربه بی تکرار و تجدید  
ایلیشیدی . شو حدسزاک دول معظمه میاننده بالخاصه  
انکلتزه دولتنک جانی صیقمش و « متار که و مصالحه ایچون  
ابتدا توسط ایستیان سزاوادیغکز حالده شمیدی ده متار که بی  
اخلال ای دیورسکز ۱۰ کر صرب عسکری متار که به رعایت ایتمزده  
حرکات خصمانه بی تجدید ایلر ایسه هم بوندن امارت مشؤل  
اوله جق وهم ده امارت مذکوره انکلتزه نک معاونتدن محروم  
قاله جقدر » دیه بلغراده کی انکلیز قونسلو سی واسطه سیله  
امارته برشد تلی تبلیغ کوندلش ایسه ده امارت مذکوره بونی ده  
دیگله میهرک یوقاروده محاربه فقره سنده کورلدیکی وجهله  
محاربه بی تکرار ایلشدر .

بر کوچک صریه امارتنک دول معظمه ده رغماً بویله  
بر جرأت کوسترمسی شبهه یوق که شایان استغرابدر . ایچق  
اوزمانلر بوجرأته استغراب ایدن بولنمیدی . زیر ابونک روسیه  
مظاهرتیله وقوعه کلدیکنه کیسه نک شبهه سی یوغیدی .  
حتی امارته بوقدر جرأت و یردیکندن طولانی انکلتزه دولتنک

روسیه به بیانی جانی صقیله رق اسباب موجبہ سنی استیضاح  
ایلد کده اوندرده مقیم روسیه سفیری موسیو شوو الوف  
« دولت متبوعه امارته تکرار محاربه ایتامسنی توصیه  
ایتمش ایسه ده ابتدادن بر متارکه قطعیه عقدینی دخی کنیدیسی  
طلب ایلش اولدیغی جهتله بونک ایچون صریه امارتنک  
پلکده اوستنه دوشه رک اصرار ایلمسنی مناسب کور مامشدر »  
جوابنی ویرمش اولدیغی لورد در بزنک سالف الذکر تحریرات  
مفصله سنده در میان اولمشدر .

روسیه طرفندن کوستریلان التزامک و ضریه امارتی  
طرفندن جسارت ایدیلان حدسز لکک بودرجه سی دوات  
علیه ی غلبات واقعہ سیله برابر صوک درجه یه قدر دلکیر ایتک  
طبیعی اولوب با خصوص اوروپا دول مفتحه سی صلح شرائطی  
اوله رق عرض اولنسان مسائلی تعدیل دکل بلکه صرب  
اشقیاسنک غلبه تامه سی حالنده انجق طلب اولنه بیله جک  
صورته بوسنه و هرکسک و بلغارستانه مختاریت اداره ویرلمک  
کبی خصوصاتکده دوات علیه قبول ابتدیلمسی طرفنی  
التزام ایدنجه نصف و حتمایت دینلان شیک اقتضاسی روسیه  
طرفندن کوستریلان التزامه فدا اولنسی دخی صلح ایچون  
اولان امیدنی بالکلیه قالدیروب حرکات خضمانه یی تکرار ایدن  
صرب اشقیاسنه مقابله دن ماعداعلک سیناج اوزرینه هر طرفدن  
تعرضات شدیده په ده ابتدار اولنسی حقنده عیسا کر شاهانه

قوماندانلرینه امرلر ویرلمش واوروپانک ییسان ایلدیکی  
اشبو شرائطه دخی قطعاً وصراحتاً جواب رد اعطا

اولمشدر .

بو صورته تکرر ایدن محاز به ده شاید صریحاً بولر  
ایش کوره یلمش اولسه لایدی احتمال کهروسیه دولتی دخی  
مؤخرأ و متعاقباً کوستردیکی غایت شدتی برازدها تا خیرایلر  
ایدی . انجق صریحاً بولر بو کوره دخی علی الدوام مغلوبیتلر  
بشقه برشی کورمنجه روسیه لولر سریماً و عاجلاً بر متار که  
دها عقدینی ترویجه باشلامش و هله عکسناجست عساکر  
عثمانیه به عرض تسلیمیت ایتسی اوزرینه شدتی بتون بتون  
آرتدیزمش لایدی . اشته بومناستله ایدی که روسیه دولتی  
کویا اوزمانه قدر پولتیقه سنی قیالیدن قسالی به یوروتیور  
ایمش کبی بعدما آچیفدن آچیفه کندیسنی میدانه اته رق  
جنرال اغنائیف تشرین اولک او توزبری تار یخیله خارجیه  
نظارت جلیله سنه و یردیکی بر اولنی ماتومده « محر رامضا  
روسیه سفیری خارجیه ناظری دولتلوصفوت پاشا حضرتلرینه  
ز یرده محرر تبلیغاتی اجرابه مأموردر . بعض ایالات شاهانه ده  
برسنه دنبر و ظهوره کلوب صریحه و قره طاغ ایله محار به بی  
انتاج ایدن وقوعاته روسیه دولتی نظر یقیدی ایله باقه من  
روسیه ملتی روابط عدیده واحوال ماضیه ایله بالقان خرسیان  
اهالپسنه هر بو ط اولدیغی جهته وقوعات مذ کوره روسیه

ملتیجه بیوک تأثیر حاصل ایلشدر . ایمپراطور حضرتلری  
 تبعه سنک شومیل و محبتنه اشتراک ایدرک دول معظمه ایله متفق  
 اولدیغی حالده صلح و اسایشک اعاده سنه چالشمشدر چونکه  
 دول ضامننه صریحه و قره طاغده محار به دن اولکی حالک  
 ابقاسی ماده سنی مصالحه یه اساس اتخاذه اتفای ایلش  
 اولدقلرندن عساکر شاهانه نک اجرا ایلدکلی حرکات عسکر یه  
 بیهوده یرمه قان دوککدن عبارت قالور هله بو کونلرده دوکیلان  
 قانلر انسانیت طوقنور مرتبه لره کلش اولدیغی حالده ینه بر  
 نتیجه یی متبع اوله مدیغندن متبوع مقنم ایمپراطور حضرتلری  
 مدت جزؤ یه ایچون برمتار که عقدی ضمننده جریان ایدن  
 مکالماتک اغر کتمسبله بو حالک بر مدت دهادواننه مساعده  
 ایده مز ایلدی محرر امضا اشبو نوطه نک وقت تبلیغندن اعتباراً  
 ایکی دفعه ده یکر می درت ساعت طرفنده بلاقید و شرط الی  
 هفته دن ایکی آیه قدر حکمی بتون محار ینه شامل اولوق  
 اوزره بر متار که حقیقه عقد اولمیسو بده اردوی همایون  
 قوماندانلر ینه دخی حرکات عسکر یه نک در حال تعطیلی  
 ضمننده امر قطعی ویرلمز ایسه بتون اعضای سفارت ایله  
 ذر سعادت قی ترک ایده جکلی ایمپراطور نامه اوله رق باب عالی یه  
 بیان ایدر و بو وسیله ایله احترامات فائقه سنک تجدید تأمیناته  
 ابتدار ایلر» دیه الی هفته مدتله بلاقید و لا شرط بر متار که طلب  
 ایلشیدی . حال بو که باب عالی هیچ بر زمانده ایلدن بر اقامش

اولدیغی صلح پرورلکی بو کره دخی الدن براقاش ایدی .  
اشبو اولاتی ماتومدن براز اولجه روسیه دولتی ینه متارکه  
ایستیمی اوزرینه باب عالی برقاچ دفعه در عقد اولنان متار کد لک  
مدتی تسویه اموره کفایت ایده مدیکندن بودفعه الی هفته  
دکل الی آی مدتله بر متارکه عقدینی تکلیف ایش ایدی .  
انجق آمال ایچنده آمال دیگر کونی اولان روسیه دولتی متار که نک  
بو قدر اوزون اولمسی ده ایسته میه رک بهمه حال الی هفته دن  
ایکی ماهه قدر بر متار که نک قبول ایتدیرلمسی اصرار یله اش-بو  
اولتی ماتومی دخی و یرمشد .

شدنک بو صورتی یالکز ضربه متار که سنه مخصوص  
اولوب دیگر جهندن بوسنه وهرسک و بلغارستان ایچون اوروپا  
طرفندن طلب ایدیلوب ده دولت علیه جانبدن دخی جواب  
ردی و یرلش اولان مختاریت مسئله سنه کلنجه روسیه نک  
انکلتره سفیری قونت شو والوف لورد در بی به کیدرک «باب  
عالی بوسنه وهرسک و بلغارستان ایچون طلب اولنان خصوصاتی  
رد ایدیور . فقط بورده اصرار ایده جک اولور ایسه  
بوسنه وهرسکه اوستریا دولتی عسکر صوقه جغی کی بلغارستانه  
دخی روسیه دولتی عسکر ادخال ایده جکدر . بوندن ماعدا  
بوغاز ایچنده اوروپا درل متفقه سنک دو تناسی سوق اولنلی .  
اوستریا عسکر ینک بوسنه یه دخولنی دولت مشار الیه یه تکلیف  
ایچون موسیو سوماروف ویانه یه کیتدی . اگر انکلتره



بواحواله اعتراض ایده جک اولور ایسه یالکز استانبوله  
 کندیزی بر دونما کوندرسون . روسیه بونکله ده اکتفا  
 ایدر . او حالده بوسنه و بلغارستانه عسکر سوق ایتکده  
 حاجت قالمز « دیمشدر . . . . .  
 ایشک بور نکنده اولان اهمیت محتاج ایضاح دکلدرد .  
 حتی ایلروده بر مستقل بایدده حکایه ایده جکمز قونفرانس  
 و پروتوقوللر مسئله لرینی تولید ایلان ایلک شدت دخی بو  
 شدت اولمشدر . . . . . انجق روسیه دولتی شولسانی قوالانمقله  
 انکتره یی قوشقونلر دیر هجق بعض علایمی دخی کندیزی اظهار  
 ایتیش اولدی . زیر اکببولی بو غازندن دونما امرار یله  
 استانبوله ایصالی پارس معاهده سنه مغایر اولوب حتی بو معاهده  
 اقتضاسیجه بوسنه و بلغارستانه اوستریا و روسیه نك دخی  
 عسکر ادخالنه مقتدر اوله میه جقلری درکار ایکن شو والوفک  
 شو تکلیفی ایتیمی اولابده انکتره نك موافقتی استحصال ایدنجه  
 پارس معاهده سنی دخی بوزولش بتمش عدا یلک ایچون ایدی .  
 شو والوفک اشبو تکلیفنه مقابل لورددر بی « باب عالی طرفندن  
 ویریلان جواب رد اوزرینه دولتر جه یاپیله جق برشی وار  
 ایسه اوده اولیکی کپی متار که بی تکلیف ایتمکدن عبارتدر »  
 جوابی ویرنجه شو والوف نوعمار دجوابی دیمک اولان اشبو  
 جواب اوزرینه لیوادیاده بولنان روسیه ایمر اطور ینه یازدیغی  
 تلغرافنامه یه جواباً الیدیغی تلغرافده « صورت منتظره ده

ترك معاداته برقرار ویریه مدكدن بشقه اولبابده جریان ایدن  
مذاكرات دخی استانبولجه مشكلات غیر ملحوظهیه تصادف  
ایتمش اولدیغندن موراوا وادیسنده تکرار محار بهیه باشلاندى  
روسیه دولتی دوکیلان قانلره نظر بیقیدی ایله باقه میه جفندن  
دول ضامنه و متوسطهیه مسئله نك قطعياً حل و تسویه سی  
چاره لرینی مطالعه و تذکراتلرینه میدان و یرمك ایچون الی  
هفته لك برمتار که عقدینه و یا تعطیل حرکات عسکریهیه هر  
ایکی طرفی اجبار ایله محار به نك اوکی النمی روسیه امپراطوری  
طرفندن دول مشار الیه مه تکلیف اوانور « دینلش اولدیغنی  
لورد دربی به ارأه ایلدی .

لورد دربی شو تلغرافه دخی جواب تدارکندن عاجز  
قالدی ایسه ده حال بومرکزی بولدقن صکره تسویه مصلحت  
ایچون اتخاذ ایلدیکی تدابیر دولت علیه حقننده غایت وخیم  
حقیقه حق شیر ایدی . قونت شو والوفه « دولت علیه  
بوسنه و هر سك و بلغارستانه مختاریت و یرمك کبی شرائط  
صلحیه بی قطعياً رد ایده جك اولور ایسه او حالده برآیلق ده  
برمتار که استحصانه چالشه جغم فقط بوسنه و بلغارستانه عسکر  
و بوغاز ایچنه دونما ادخالی کبی پرنس غورچاقوفك واقع  
اولان تکلیفنه حالا بن موافقت ایتمکله قالم . بوکا هیچ بر  
دولت موافقت ایتمه جکدر و ایتمورلر « جوابینی و یروب دیگر  
جهتندن دخی در سعادتیه مقیم انکلیزه سفیری سیر هانری

البیونہ گوندر دیکي تلغرافنامہ دہ باب عالی شرائط مصالحہ فی قبول ایتمدیکي حالہ دہ لاقفل بر آی متار کہ یہ راضی اولمسی و متار کہ عقیندہ دخی مسائل حاضرہ یہ بین الدول بر چارہ بولق ایچون بردہ قونفرانس تشکیلہ موافقت ایتمی و شاید متار کہ بی قبول ایتمہ جک اولورایسہ دولت علیہ بی خرابیتدن وقایہ انکلتزہ دولتی بیہودہ برہ صرف مساعی ایتمش اولہ جفندن ارتق ہیئت سفارتی در سعادتن قالدیرہ جفنی بیلدیرمش و بو خصوص سیرہازی البیون طرفندن دخی باب عالی یہ تبلیغ قلمشدر .

ایشہ جنرال اغنائیفک و بر دیکي اولتی ماتو مک حکمی انکلیر سفیر ینک اشبو تبلیغی ایلہ دخی تأید الملشیدی . نہایت باب عالی نک بر ایکی آی دکل الی آیلق بر متار کہ یہ رضا کوستر دیکي حالہ روسیہ دولتک بونی دخی قبول ایتمیو بدہ الی ہفتہ دن ایکی آہ قدر بر متار کہ عقدینی طلبدہ اصرار ایتمسک حکمی انکلتزہ دولتی طرفندن صورلدقده و با خصوص «بوندن مقدم اوچ آیلق بر متار کہ تکلیف ایدن روسیہ دولتی ایدی» دینلد کده قونت شو والوف « احوال دکشمشدر . دولت متبوعہم او یلہ الی آیلق بر متار کہ تکلیفندہ راضی اولمز » دیہ پرنس غورچاقوفک تشرین اولک دردی تار یخیلہ بر قطعہ تلغرافی ارانہ ائلشدر کہ بوندہ « الی آیلق بر متار کہ حصولنی ارزو ایتمدیکمز صلح و آسایش دائمی ایچون نہ لازملی

ونه ده الویریشلیدر طن ایدرز • صربستان و قره طاغی  
 ذاتاً مشکل اولان حال و موقعلرینک اوله مدت مدیده تذبذبده  
 قالمسینه موافقت ایللری ایچون جبر و تضییق ایده میر •  
 الحاصل اورو پانک احوال مالیه و تجاریه سی بو مهلتدن بر  
 قات دهاسکته دار اوله جغندن انکسار منک اولکی تکلیفی  
 وجهله برآیدن اتی هفته مدتله بر متار که عقد اولنمسنده اصرار  
 ایتمک کمز لازم کلور • شوقدر که مکالماتک جریانجه لزوم  
 کورلدیکی حالده بومدت تمدید اولنه ییلور «دیه محررایدی •  
 نتیجه امرده باب عالی بو متار که مطلوبه پی ده قبول ایتمکده  
 اضطرار کوروب انجق اشبو متار که نک اولکی متار که لره  
 بکزه مامسی واولکیلرده کوریلان او یغونسز اقلرک تکرر  
 ایتماسی ایچون مدت متار که طرفنده صربستانه هیچ بر  
 طرفدن معاونت ایدلماک و صربستان طرفندن متار که نک  
 اخلاقی موجب حالات و قوعنده دولت علیه یه ترتب ایده چک  
 ضرر و زیان دول سته طرفندن تأمین قلمق و شو متار که نک  
 عقدینه دائر تنظیم اولنه جق مقاوله نامه یه دولت علیه ایله  
 دول ضامننه طرفندن امضا قونلق شرائطنی دخی دول  
 مفخمه یه عرض ایلش ایدی که اگر مقصد اولجه دخی  
 کورلدیکی وجهله هنکام متار کده صربیه یه امداد  
 یتشدیر یلرک احوال عسکریه سنی اصلاح ایتک اولیوبده  
 جدأ صلح ایچون بر چاره ارامق اواسه ایدی باب عالی نک شو

ارزوسنه در حال موافقت ایدیه جکنه هیچ شبهه یوق ایدی  
لکن روسیه نك مقصدی بو اولدیغی و صریحیه نك عهد  
شکنلکنه دائر سبقت ایدن تجربه اوزرینه دول معظمه دخی  
امارت مذکوریه کفالت ایده مدیکی جهته باب عالینک اشبو  
مطالب صلح جویانه سی قبول اوانه میهرق حتی متار که نك الی  
آی اولیوب یالکز الی هفته دن ایکی آیه قدر اولسی حقنده  
روسیه طرفدن کوستریلان اصراره بیله دولتر طرفدن  
مقابله ایدیه مامشیدی .

یالکز فرانسه جهوز یقی ایدی که اراده بر متار که لازم  
ایسه آنک دخی الی آی اولسی پک عاقلانه بر حرکت اوله جغنی  
ازجان و دل تصویب ایلیرک حتی دول سائره هنوز قبول  
ایتماش و بر قانچنک دهانه جواب ویره جکری دخی تحقیق  
ایلماش ایکن فرانسه جهوز یقی در سعادت سفارتخانه سی  
عسکری آنشه سی اولان موسیو توروسی حدود متار که بی  
تعیینه مأمور اوله جق مختلط قومیسونه اعضا نصب ایلشیدی  
واقعا انکله ره دولتی شو حرکت عاقلانه ده فرانسه دن کیرو  
قلمامق ایچون اشبو اعضا لقی صفتنی جنرال کباله توجیه ایلش  
ایسه ده دولت مشار الیها الی آی متار که بی روسیه یه قبول  
ایتدیره مامشدیر .

متار که نك الی و یا خود ایکی و یا بر آی اولسی مسئله سی  
او زمانلر غزتله محاکات دیپلوماتیکه سی ایچون او یله بر

سرمایه اولمش ابدی که هر کس اولاباده خاطر و خیاله کلیه جگ  
 نیجه افکار مخفی و غریبه بی غزته لره طولدیرمش ایدی •  
 مطالعات مذکور میانه باب عالینک درجه ثانیه ده اوله رق  
 میدانه قویدنی فکر البتہ ال مرجع ایدی • زیرا تا بحس  
 وده با غزته لرنک دخی تصویب و تحسین ایلدیک و جهله  
 اشیو متار که صحیحاً صلح مقصدی اوزرینه اولیور ایسه شرائط  
 صلح برابری هفته اینچنده قرارلشدیر یله ییلدیک حالده صلح  
 انعقاد ایشون مطلقاً النی آی بکلمکه احتیاج اولیه جغی و او  
 حالده آتی آیدن عبارت اوله رق عقد ایدلمش بولسان مدت  
 متار که نک لزومی مقداری متار که صور تیه استعمال و امرار  
 اولنه بیه جکی باب عالی طرفندن درمیان قلنش ایدی •  
 چه فائده که ایفاتیه ف جنایلری شو معقولاتک هیچ بر یسنی  
 قبول ایتمکده عناد و اصرار کوسستره رک و دول مقننه جه  
 اکثریت دخی انک طرفنده بولنه رق بالخاصه علیکسناجک  
 فتحی و اولجه بحث ایدیلان اولتیماتومک شدتی سلطنت  
 سنیه بی معقولات مغروضه سی اوزرنده اصرار دن منع ایلمسنه  
 و متار که نک اساسی ذاتاً باب عالیجه دخی قبول اوله رق یا لکن  
 بر مدت خصوصاً باقی قالان اختلافه دخی (رشدی پاشا  
 حضرتلرینک مابین هما یونه تقدیم ایلدیک برعر یضه سنده  
 حکایه اولندیغی اوزره) روسیه امپراطوری بر مسئله ناموسی  
 کبی با قدیغنه مبنی ایکی طرف ادعاسنک دخی حد وسطیسی

اولمق اوزره متار که نک اول امرده التي هفته مدته عقدینه  
و فقط مؤخرأ کوريله جک لزوم اوزرینه برالتی هفته ونهایت  
برده ایکی آی مدت ضم اولنسنه قرار ویریلرک بونک اوزرینه  
تعطیل حرکات ایچون اردولره امر ویرلمش و شو متار که ده  
قره طاغ دخی داخل اولدیغی جهتله انک ده تعطیل حرکات  
ایتمی جزال اغنائیف طرفندن پرنسنه باتلغراف بیلدیرلمشدر  
بزم بوراده طریق اختصاری الترامالمش اولدیغی، حالده  
و یردیکنز ایضا حاتدن دخی اکلاشیله جنغی وجهله شو متار که  
مسئله سی اوزرینه تعاطی ایدیلان مخبرات و اداره اولنلان  
افکار هر اهل دقتک نظر استغرابنی جلب ایدرک « بوقدر  
مخبره ایله بر صرب مصالحه سی دکل ایکی دولت مصالحه سی  
عقد اولانه ییلوردی » دییانلر پک چوق کورلمش ایدی •  
واقعا متار که مذکورہ نک یالکز بر صرب امارتیه  
انعقادی نقطه نظرندن باقیلنجه بواسطه غراب بجادر انجق دولت  
عالیه اتی بر صربیه عصیان اوزرینه ینه بر صربیه امارتیه  
عقد متار که یولنده عقد ایتیموب قوجه بر روسیه محاربه سنک  
التي دولت طرفندن ده بالمداخله برمتا که موقتہ سنی عقد  
ایدیورجه سنه عقد ایلشدر که شو صورت بالوجوه شایان  
دقت و اهمیتدر •

متار که مذکورہ نک در سعادتده عقد اولنلان قونفرانس  
اثناسنه تصادفندن ناشی اوارالق مصالحه ده بر صورت



و یر یله جکی قویاً امید اولمش ایکن ایکی آی مدت متار که  
 مرور ایلدیکی حالدده هیچ برایشه صورت و یر یله مدیکی  
 کبی مدت متار که نک مارتیه قدر تمیدی دول معظمه نک ده  
 موافقتیه روسیه طرفندن طلب اولنجه سلطنت سنیه نک  
 مقدا متار که نک اتی آی اولسیچون عرض ایلدیکی افکار  
 و مطالعاتده کی اصابت اعتراف و تسلیم ایدلش صایلدیفندن  
 ایشته ایشک بوجهته کولنر پک حقلی اوله رق کولمش و باب  
 عالی ایسه بو کاده موافقتیه صلح پرورلکنی بردها کوسترمشدر .  
 انجیق تفصیلی ایلروده فقره مخصوصه سنده عرض اولنه جغی  
 وجهله قونفرانس کندیسندن امید اولنان خصوصیاتک  
 هیچ بریسنده موفق اوله مقسرنین طاغیلوب اشبو مارتیه قدر  
 تمید متار که قضیه سنندن ده بر فائده حصوله کلامشدر .

مسائل حاضره اورو پا مورخلری طرفندن قله الندیغی  
 صره ده قونفرانسک اشبو مصالحه ده دائر هیچ برشیئه موفق  
 اوله مامسی دولت علیه عثمانیه طرفندن کوستریلان سببتندن  
 نشأت ایلدیکی قطعياً حکم اولنه جغنی بیلورز . بناء علیه  
 بو حکمه مقابل سویلیه جکمر سوزی ده اشدیدن بوراده عرض  
 و در میان ایده بیلورز .

بوندن مقدم دخی خبر ویرمش اولدیغمز وجهله دولت  
 علیه عثمانیه اعاده صلح ایچون کندیلکنجه بهض شرائط  
 اساسیه قرار و یردکن صکره بونلرک تعدیل و اصلاحی

اسرندہ دول مدظہمہ نك - قانیت وعدالت مأمولہ سنہ مراجعت  
ایلیکی ترجیح ایتمش ایکن انکاستره دولتی بالاده خلاصه بیان  
اولنان شرائطی مؤخرأ بر طلب رسمی صورتندہ در سعادت  
سفیرینہ بیلدیروب اودخی باب عالی یہ تبایغ ایشیدی کہ صورتی  
وایضاحتی شوندن عبارت ایدی :

« دولت علیہ نك اعادہ صلح وآسایش حقندہ در میسان  
ایلمدیکی شرائط قبول اولنور شیر اولمدیغندن صلحہ توسطہ  
ایچون اساس اتخاذ ایدلمش بولنان مواد آتہ بی باب عالی یہ  
عرض ایتمیسکز »

« اولاً صرب وقره طاغ امارتارینک قبل المحاربه حائز  
اولدیغی امتیازاتک علی حالہا تجدید وابقاسی »

« ثانیاً بوسنہ وهرسک قطعہ لرینک داخلی بر اداره  
مستقلہ ہیئتندہ بولندیرلمسنہ دائر دول ستہ ایلہ بالذاکرہ  
قرار کیر اولہ جحق شرطنامہ بی باب عالینک امضایہ مجبور  
بولنمی . بوندن مقصد اورالده صریہ قره طاغ و مملکتین  
کبی دولت علیہ یہ خراج ویرمک اوزره امارات مستقلہ تشکیلی  
اولیبوب انجق عثمانلی مأمورلرینک احوال وحرکاتنی بالتفتیش  
بونر اوزرینہ نظارتہ اہالینک حقلی اولمسی و بناء علیہ  
مأمورینک معاملہ اعتسافکارانہ سنی منعه کفایت ایلہ جک  
بر اصول اتخاذ قلمی صورتلرندن عبارتدر »

« ثالثاً اداره عثمانیہ نك سیأنتہ قارشو بو مثالو پر

صُورَت تَأْمِينِه نَك بِلْغَارِ سَتَان اِيچُون دَخِي لَزُومِي دَر كَار  
ايسه ده بُو كَا دَا رَوِي رِي لَه جَك تَفْصِيْلَاتَك ايلروده اجرا  
اوانه جَق مَذَا كَرَاتِه تَعْلِيْق قَلْنَمِي «

« رَابْعَا اَوْ تَوْز كَانُون اُول وَاوْن شِبَاط تَار يَخْلَرْنَدِه تَعَاطِي  
اُولُنَان مَخْبَرَات اَوْز رِي نَه بَاب عَالِي نَك مَوَاقِفَت كُوسْتَرْدِي كِي  
بُوسْنِه وِهْر سَك اَصُول اَصْلَاحَات نَك مُمْكِن مَرْتَبِه بِلْغَار سَتَانِه  
دَخِي شَمَوَانِه شَمْدِيدِن مَسَاعِدِه بِيُورْلَمِي »

« بَاب عَالِي يَه بِهْمِه حَال قَبُول اِيْتَدِير مَكْلَه مَكَا فِ اُولْدِي غَكْز  
اَشْبُو مَادَه لَرِي دُول سَا رَه نَك دَخِي تَرَوِي ج اِيْدِه جَكْر نَدِه شَبَه  
اُولْمَدِي غَسْدِن اَحْوَال حَاضِرَه نَك كَسَب اِيلْمَكْدِه اُولْدِي غِي  
اهْمِيْتَنِه بِنَاء بَاب عَالِي نَك دِه مَنَافِعِي مَسْتَلْزَم اُولَه جَغِي دَر كَار  
بُولُنَان شَوَاسَلَرِي دَوْلَت عَلِيْه يَه كَال سَمْرَعْنَه قَبُول اِيْتَدِير مَك  
اِيچُون نَهَايَت مَرْتَبِه يَه قَدْر اَصْرَار اِيْتَلِيْسَكْز »

شَمْدِي حَال عَصِيَانْدِه اِيَكْن قَهْر وَتَدْمِير اِيْدِيلَان بَرَامَارْتَدِن  
قَلْعَه لَرِي اسْتِرْدَاد وَتَضْمِيْنَات حَرِيْه اخْدَانِي ك كِي شَرَا ئِط حَقِقه يِي  
اَسَاس اِتْخَاذ اِيلَه يَالَكْز بُو اَسَاس لَرَك تَعْدِيْلِي اِيْجَاب اِيلَر ايسه  
دُول مَعْظَمَه نَك عَدَالَت وَحَقَانِيْت مَأُولَه سَنَه مَر اجْعَت اِيلِيَان  
بَر بَاب عَالِي اَنْكَلْتَرَه نَك كُوسْتَرْدِي كِي شَوَاسَلَرِي نَصْل قَبُول  
اِيْدِه بِيْلُوز كِه صَرِيْه اَوْز رِي نَه غَالِب دَكْل مَعَاذ الله مَغْلُوب  
يِيلَه اَوَاسَه اِيْدِي يَنَه شَو مَغْلُوبَانَه شَرَا ئِطِي قَبُول اِيْتَامَا ك اِيچُون  
جَنَكْدِه دَوَامَه قَدْر مَجْبُورِيْت كُورَر اِيْدِي • اِيْشْتَه دَوْلَت لَرَك

اماده صلح ایچون کوستر دکاری مقدمه بوقر غریب اولدیغی  
 کبی مؤخر آینه بواساسلر اوزرنده اصرار ایدلمش بولمقدن  
 ناشی قونفرانس دخی هیچ برشیئه موفق اوله مامشدر .  
 مع هذا ایدیلان اصرار وعنادلر یالکز روسیه تشویشنايله  
 دول معظمه طرفندن کوستر لمکده ایدی . صرب امارتنه  
 کلنجه حربده دوام ایچون امارت مذکورده اصلا قدرت  
 وقوت واحتمال قالمادیغندن صلحه ازجان و دل احتیاج کورمکده  
 ایدی . قونفرانسک دخی برشی پیامامسی اوزرینه روسیه  
 دولتی ظاهر حالده صریحه پی کندی حرکاتنده سربست  
 براقه رق فقط ایچ یوزندن دولت متبوعه سیله مصالحه عقد  
 ایتماسنی مصرانه اصرار و محاربه ده دوامه قدرتی یوق ایسه  
 بعض ساخته نمایشله اولسون دولتی اشغال ایلمسنی اخطار  
 ایلش ایکن صریحه امارتی بو اصرار و اخطاری دخی  
 دیکلیه میهرک صولک متار که نک مدتی منقضي اولغه باشلادیغی  
 صره ده بر صلح پرورلک اثری ده کوستر مک ایچون مدت  
 مذکور نک انقضاسندن مقدم صرب امارتی طوغریدن  
 طوغرییه دولت متبوعه سیله عقد مصالحه ده رغبت کوستر  
 ایسه دولت علیه نک دخی حسن مقابله ده قصور ایتیه چکنه  
 دائر طرف صدارتدن چکیلان تلغرافنامه ده مع التشکر حسن  
 موافقتله جواب و یرمش وقوجه بر دول معظمه هیئتک مجرور  
 حسن نیتدن بری بولملری مناسبته آیلرجه مدت طرفنده

قرار ویره مدکاری شرائط صلحه درسماعده و رود ایدن صرب  
 مأمورلری باب عالی ایله چند کون ظرفنده بالماذا کره قرار  
 ویره رک [ ۶ ] رقیله آثار ممتعه قسمته درج ایدیلان مکالمه  
 ورقه سی واعلامه رسمی [ ۷ ] و حکم عالی [ ۸ ] موجنبجه  
 مصالحه اعلان قلمشدر .

اجزای ممتعه قسمته درج ایدیلان اشبو اثرلردن مستبان  
 اوله جنغی اوزره صربیه مصالحه سی اوله صربستانه متعلق  
 بالجمله خطوط همایونلرده و اوراق سائرده و علی الخصوص  
 قلاعه دائر اولان فی ۵ ذی الحجه سنه ۱۲۹۳ تاریخی خط  
 همایونده مندرج بالجمله قیود و شروطک بشقه درلو تفصیلات  
 و ایضاحاته حاجت قالمقزمین یالکز محاربه دن اولکی  
 استاتوقونک اعاده سی لفظیله بلا استثناء و کاملاً موقع اجرایه  
 وضع اولنمی ثانیاً وقوعات اخیرده متهم بولنان بالجمله  
 تبعه ملوکانه عمومً و کاملاً عفو بیوردیغی کبی صرب  
 امارتنک دخی اشبو وقوعات ایجه ده متهم بولنان صربلورک  
 عفو اولنمی ثالثاً مقاوله نامه تاریخندن اعتباراً اون ایکی کون  
 ظرفنده کرک عساکر شاهانه و کرک صرب عسکری طرفندن  
 خط امتیازک خارجنده ضبط اولنان محللرک تخلیه سیله هرایکی  
 طرف مأمورلرینک او محللر اوزرنده اولان حق حکومتلرینی  
 اجرا الیسی شرائطی اوزرینه عقد ایداشدر . اشبو  
 شرائطک خلاصه سی صرب امارتی اعلان عصیان ایلردن

مقدم نه مالده ایدیسه ینه او حالده ابقا اولمق دیمک اولدیغی  
میدانده اولوب شو حالده اگرچه باب عالینک مقدما امل ایدندیکی  
مطالب حاصل اوله مامش ایدیسه ده انکتره طرفندن تکلیف  
ایدلدیکی اوزره بوسنه وهرسک و بلغارستانه مختاریت اعطاسی  
کبی بزجه مضراولان شرائطه دخی باب عالی روی رضا  
کوستر مامشیدی .

صربیه امارتنک بوضورتله پک اوجوز قورتلیمی انکتره  
دولتنک دلائله دول معظمه طرفندن ایدیلان التزاملر ممره سی  
اولدیغی شبهه سزدر . بوسنه وهرسک و بلغارستانه مختاریت  
اداره ویرلامش اولسی ایسه مسائلک صورت دولیه سی  
سراو حلی بایمزده تفصیلاتی اعضا اولنه جغی اوزره استانبول  
قونقرانسنه ولوندره پروتوقولنه لزوم کوسترن بر ایلشک اولق  
اوزره باقی قالمشدر .

اوزمانلر هنوز ایشک آتیمی تمامیه کندیسینی کوستره .  
مامکله برابر بتون بتون تستردخی ایده مدیکندن اشبو مصالحه ده  
بوسنه وهرسک و بلغارستان ایچون طلب اولنان مختاریت  
اداره نک ویرلامسی بر یولک مظفریت سیاسیه عد ایدلمش  
وصربیه دن بزم طلب ایلدی کمز شرائطک اننه مامسی ایسه دول  
معظمه نک التزاملرندن نشأت ایلدیکی جهتله ضروری و محجوری  
برشی کورلمش ایسه ده هر مسئله ده عاقبت حالی نظر دفته الان  
ذات حکمتسمات حضرت پادشاهی هیچ اولماز ایسه صربیه دن

عساكر عثمانیه نك النده بولنان محلكرك تاصلح حقیقی تحتق  
 وتأسس وتأید ایدنجیه قدر تخلیه اولنامسی رأینده بولنش  
 ایدی . بورأيك اصابتی مؤخرأ صرب امارتی تکراراعلان  
 عصیان ایلدیکی زمان اكلاشلدی . اوزمان ایسه هیئت  
 ارکان دولت بورأیدن استفاده ایده مامکه سیاسته مجبوریت  
 کورملریله ذات سامی حضرت پادشاهی دخی بو  
 مجبوریت سیاسیه بی تصدیقه مضطر قالمش لر ایدی .  
 شو قدر وار که هر جهته له اصابتی درکار اولان اشبو رأی  
 رزینک قیود رسمیه ده باقی قالمسی مطالعه بجاسیله صریحه  
 معاهده سی حضور همایونه عرض اولندیغی زمان مابین  
 همایون ملو کانه باش کاتبی سعید پاشا طرفندن یازیلان اراده ده  
 رسیده دست تکریم اولان اشبو تذکره سامیه آصفانه لری  
 ایله ملفوفاتی منظور همایون جناب تاجدار بیورلمش  
 وآسایشک عودتی حقنده امنیت کافیه حاصل اولنجیه قدر  
 الیوم صربستانک جهات مضبوطه سنده بولنان عساكر  
 پادشاهینک کبرو چکلما سی شرط موقتک دخی شرائط  
 مقرره یه علاوه سنده بعض فوائد تصور بیورلمش ایسه ده  
 خواص وکلای فحام طرفلرندن شفاهاً واقع اولان تبلیغانده  
 شرط مجبوت عنک صرب حکومتنه تکلیفی اعاده مسالمته  
 مانع اولدوق مذاکرات صلحیه نك شو برقاچ کون ظرفنده  
 نتیجه قطعی حاصل ایتما سی ایسه حسب الحال داعی مخاطرات



اوله جغی مطالعاتی در میان ایداش اولدیغندن بو تقدیرده بر  
 موجب قرار همان سند مذکورک صرب مأمورلرینه امضا  
 ایتدیلمسی و تفرعاتک دخی ینه مذکره معروضهیه توفیقاً  
 اجراسی شریفعلیق بیوریلان اراده سنیه جناب تاجداری  
 اقتضای عالیهندن اوله رق مضبوطه دن ماعددا اوراق نزد  
 عالیده توقیف قلمش « طرزنده کی ایضاحات درج اولمشدر »  
 قونفرانسک هیچ بر شیئه قرار و یره میهرک طاغلدیغی  
 زمانه قدر متارکه و مصالحه امرنده بین الدول جریان ایلان  
 مذاکراتده قره طاغ امارتی دخی داخل و مشترک اولدیغی حالده  
 روسیه نك صربیه و یردیکی تشویقات کبی قره طاغده  
 و یردیکی تشویقانه قره طاغ کنزی نیکوله نیکیتا طرفندن  
 حواله سمع اعتبار اولنه رق فقره آتیده ایضاح ایدیه چکی  
 وجهله امارت مرقومه نك بو مصالحه دن حصه مند اوله مامسی  
 او زمان صلح پرورلر نزدنده موجب تأسف بر ماده عد  
 اولمشدر .

❦ بشنجی قره ❦

قره طاغ مصالحه سی مسئله سی

صربیه ایله متارکه و مصالحه عقدی ایچون بین الدول  
 جریان ایدن مذاکراتده قره طاغ امارتی دخی داخل بولندیغی

خبر و یرمش ایدک . حتی صوبک متار که مدتک سین  
انقضاسنده صدر اعظم مدحت پاشا طرفندن صرب بکی  
پرنس میلانه چکیلان تلغرافنامه نک برعینی ده قره طاغ امارته  
چکیلوب اگر دولت متبوعه سیله بارشمنی ازجان و دل ارزو  
ایدیورایسه ایشی بر مسئله دولایه حالنه قویه رقی نیجه مشکلات  
بیرونده دوشور مکسزین طوغریدن طوغری به طرفین  
هیاننده قرارلشدیرلمسی تسکلیف اولنش ایدی .

مدحت پاشانک فی ۱۸ محرم سنه ۱۲۹۴ تاریخیه مابین  
همایون ملوکانه به یازدیغی تذکره ده عرض اولندیغی وجهله  
قره طاغ یازیلان اشبو تلغرافنامه نک بشنجی کونی پرنسدن  
النان جواب تلغرافیده صلح ماده سیچون طوغریدن طوغری به  
مذاکرانه کیرشمک ایچون اول امرده مصالحه نک نه اساس  
اوزرینه اوله جنغی سؤال ایتش اولسیله اگرچه امارت  
مذکوره ایله اولنه جق صلحک دخی اساسی صربستان کبی  
استاتوقو یعنی هر شیئک محاربه دن اولکی حالی اوزره اساسی  
اساسی اوزرینه بنا اولنه جق ایسه ده قره طاغک بدایت  
محاربه دنبرو بزم اردولره قارشو حاصل ایتش اولدیغی اهمیتته  
وصریه کبی قره طاغ ایله دخی عقد اولنان موقت متار که نک  
عقدی اثناسنده دولتر قومیسرلری معرفتیه تعیین اولنان  
خط متار که ده نقشیک و قولاشین و یانابط کبی بر چوق محللر  
قره طاغ دائره سی داخلنه براغیلوب اوارالق در سعادته اجتماع

ایتن و طالب و که تکالیف واقعہ سنی دولت علیہہ قبول  
ایتدیرہ مدیکندن طولانی صریہ و قرہ طاغ مصالحہ لری  
ایچون ده هیچ بر شیئہ موفق اولہ متسزین کیتش اولان  
قونفرانس دخی بویله بر طاقم یرلک قرہ طاغہ ترکی تکلیف  
ایلسنه نظراً بو مصالحہ ده قرہ طاغہ بر مقدار اراضی ترکی  
ضروری اولہ رق بونک ده ذاتاً مقرر اولان تصحیح حدود  
مسئلہ سی حکمنده و او یولده ایجابنه باقلمق و بوندن بشقہ جہ  
صدر اسبق اسعد پاشا زمانده قرہ طاغ پرئسی طرفندن ایراد  
اولنوب اولوقت باب عالیجہ اساساً معرض قبولده طوقلش  
اولان مستدعیاتہ دخی بر قرار و یرلک اوزره مذاکرہ سنہ  
اظہار موافقت اولنه جنی وعدہ ایدلدکچہ پرئسک صلحہ  
یناشمقدن چاکمنسی و بلکه دولتلرک توسعہ نہ مرا جعت ایتسی  
ملحوظ اولدیفندن قرہ طاغ مصالحہ سنہ اول صورتلہ بدأ ایلک  
درجہ سنده دخی بر صلحہ و راسکی باب عالی در یغ ایتمامشیدی  
امارت مذکورہ ایلہ عقد اولنه جق مصالحہ ایچون شو اساسک  
اتحادی ہیئت عمومی و کلادن مرکب بر مجلس عمومیده دخی  
مذاکرہ و قبول اولندقدن صکرہ قرہ طاغ امارتنک سؤالنه  
جواباً ینہ مدحت پاشا طرفندن یازیلان تلغرافده « حدود  
جهتلر ینک بعضیسی تصحیح ایدلک و متدما طرف اصیلانہ لرندن  
وقوعبولان تکالیف حقمنده بر قرار قطعی و یرلک اوزره  
استاتوقو قاعدہ سی مذاکرہ اساس طوتیلہ جغنی ۲۱ کانون

اول سنه ۹۲ تاریخیه النان تلغرافنامه اصیلانه لرینه جواباً بیان  
و بواساس ذات اصیلانه لرینجه قبول اولنور ایسه بزمه مذاکره  
کیرشمک ایچون مآذونیت لازمه بی حازر بر مأموری استانبوله  
اعزام پیورملرینی رجا ایله کسب فخر ایلرم « دیه اساس  
مذکوره اوزرینه عقد صلح ایچون در سعادته قره طاغ  
مأمورلرینک ارسالی پیلدیرلشیدی .

واقعا قره طاغ امارتی شو صورتیه روی موافقت کوسترمش  
وصریه کبی او دخی در سعادته متعدد مأمورلر کوندرمش  
ایسه ده امارتک مطالب و مستدعیاتی اوله رق صدر اسبق اسعد  
پاشا زمانده نظر دفته النش بولنان شیلر اشتهودره کولی و بویانه  
نهری اوزرنده طاغلورلک سر بستی سیر سفاین مساعده سنه  
مظهرتی و خط امتیازه دائر بر منازعه ظهورنده کیفیت در سعادته  
حواله اولنیمه رق محالده مختلط بر قومیسون تشکیلله ایشه باقمسی  
وهرسکه دائر ظهور ایدن مسائله قره طاغ بکنک اشتهودره  
والدسی ایله مخبره ایتیموب طوغریدن طوغرییه هر سسک  
حکومتیه مخبره ایتیمی وقره طاغ بکنک ولایت ترجانلریله  
مخبره سی برینه طوغریدن طوغرییه والیرله مخبره یه مآذون  
اولسی کبی باشلوجه بر طاقم مواددن عبارت ایدی که امارت  
مذکوره نصلسه نائل اولدیغی بر قاج غلبه اوزرینه حدود  
امارتک توسیعندن ماعدا استقلال موجب دینکده حدودینی  
توسیع ایده جک اولان بویله بر طاقم خصوصیاتک استحصالندن

فضله اولاً امارتجه تملکي مهم اولان سائر بعض اراضينک  
دخی قره طاغہ ترقي ثانياً باب عالينک کندي مصر فيله  
بويانه نهريني بالتطهير سيرسفان خصوصنده قره طاغلو يه  
سربستی اعطاسي ثالثاً اسپيج ليمانک قره طاغلو يه ترکی  
رابعاً قره طاغہ التجا ایدن هر سئک اشقياسنک مملکتلرينه  
اعاده سي کبی تکاليفی دخی بر طور غالبانه ايله دوات عليه دن  
طلب ايلککه باشلامشیدی .

اوزمان عموم اورو پالساننده کویا قره طاغلوری  
شمیدی به قدر عصبانه مجبور ایدن احوال یرینک طارلخی  
وزراعت و تجارتک صعوبت و ندرتی و محصولات داخلیه سنی  
خارجہ چیقار مق ایچون بر لیمانه مالک اوله مامسی کبی شیار  
اولدیغندن بختله امارت مذکورہنک اشبو مطالبنی پک حقلی  
کورر لری ایدی . بونلرک دولت علیه ایچون درجہ مضرتی  
بدیهی ایدی سه ده اوزمان اورو پادن النان اخبار رسمیه  
اقتضاسنجه صرب مصالحه سی عقد ایدلد کدن صکره قره  
طاغلور له دخی ایشی اوزاتمیہ رق درحال بر صورت حسنه  
ایله صلحی عقد ایلک روسیهنک منازعه و مباحثه یه مدار اتخاذا  
ایلدیکی اسبابدن الک بیوکنی بر طرف ایلک دیمک اوله جغی  
اکلاشلدیغندن و مسئله نک اوزامسندن تولد ایلده جک مضراته  
نظر آقره طاغ مطالبنه موافقتدن تولد ایده جک مضرات  
ایسه بالنسبه اهون کورلديکندن سلطنت سنیہ عثمانیه نقشیک

و قوچ ناحیه لر یله قولاشین اراضیسندن بعضی لر لک قره  
طاغ امارتنه ضم و الحاق و اول صورتله حدودینک توسیع  
ایدلسنه و بویانه نهر نیجه سیر سفاینه سر بست بولنه جق بر حال  
و استعدادک تأمیننه رضا در جدرینه یا قلا شمش ایدی . انجق  
کنندیلرینی غالب فرض ایدن قره طاغ لولرک ادعاسی بونکله  
بتیوب انلرالی بیکدن زیاده نفوسی حاوی بولان قوچ  
ناحیه سنک و ایشپوزی و زایباق قضالرینی و شلجه و قرینیچه  
و یوقاری شستمان و اشاغی شسته ن و غوره ده و پرولک و وزدیچه  
و یوقاری توکل و اشاغی توکل و شوشان و برجه قریه لرینی  
و دروننده ایکی قلعه اولان ایسپیج قریه سیله ایمانی و الحاصل  
موراچه نهرینه قدر اراضی بی حاوی اولان لر لک کافه سنی  
قره طاغه ترک ایتدیرمک دعوا سنده بولنه رق بو حالده ایسه  
بهری نیجه کلفتلرله یا پلش اولان یکر می یدی قطعنه قله  
و بلوق حاوسلرک دخی امارت مرقومده یه ترکی لازم کلمکله  
شو حال باطبع دولته نظر تر ددی جلب ایتلشیدی .

ایلروده مباحث مخصوصه سنده تفصیل ایدیله جکی اوزره  
قونفرانس ایله قانون اساسینک اعلانی بر زمانه و حتی بر کونه  
تصادف ایلدیکی کبی قانون اساسی عوجنجه هیئت اعیان  
و مبعوثانک کشیدی دخی تأخر ایتدیکندن و قره طاغ متارکسی  
مسئله سی صریحه ایله برابر قونفرانس زمانه تصادف ایلدیکی  
کبی اشبو مصالحه مسئله سی دخی هیئت اعیان و مبعوثانک

کشادی زمانه تصادف ایلیم رک بناء علی ذلک دولات کندی  
 ملکندن بوقدر یرک قره طاغلو یه ترکی کبی بر تکلیفک قبولی  
 مشکل کورمش و هیئت مبعوثان دخی نطق همایونه جواباً  
 تنظیم و تقدیم ایلدیکی مضبوطه عمومیه ده هنوز قره طاغ مسئله سی  
 اوراق مجتمعه سیله برابر هیئته حواله ایدلمامکله برابر او یله  
 سلطنت سنیه نک شاننه نقیصه کتوره جک شرائط داخلنده  
 قره طاغلو ايله عقد مصالحه یه رضا کوسترلمامسی لزومنی ده  
 اشراب ایش و اولبابده اشقودره مبعوثی پودغور یچه لی  
 یوسف افندی طرفندن ایراد اولنوب [ ۹ ] رقیله اجزای  
 متممه قسمنه درج ایدیلان نطق صحیحاً حائز اولدیغی اهمیتدن  
 طولایی بالاتفاق القشلاشمش بولندیغندن مأمور یترینی بر حسن  
 ختامه ایصال ایده یله جککری امید ی قره طاغ مأمور لر نیجه  
 دخی محو اوله رقی نه یولده تعلیمات و یریلور ایسه اکا کوره  
 حرکت ایده جککری نی پرنس نیقولایه عرض ایشلرایدی هیچ  
 شبهه ایدیه عز که مطالب مذکور نک قبول اولنور شیلردن  
 اولمادیغی قره طاغ امارتجوده مسلم بولنوب انجق قونفرانسک  
 هیچ بر شئیه موفق اوله مامامسی اوزرینه جنکه کندیلکنجه  
 قرار قطعی و یرمش اولان روسیه دولتی قره طاغلو بی  
 مصالحه دن منع و مطالبنده اصراره سوق ایتسنه مبنی  
 درسعادت مأمور لرینه و یریلان تعلیماتده اگر مطالب  
 مسروده باب عالیجه حرفی حرفته قبول ایدلیه جک اولور ایسه



مذاکره بی بالتعطیل عودت ایتلرینه دأر امر و برلمسدر •  
نتیجہ کلام باب عالی اشبوقه طاغ مصالحه سی مذاکره اتک  
بر نتیجہ مطلوبہ استحصال ایدہ میہ جکنی نظر تأسفله کوره رک  
مطالب مذ کوره میانده شایان قبول کور یلانلر ایله شرائط  
مذ کوره دن قبوله غیر شایان اولانلر ینک دخی نه مقدار ینه  
روی موافقت کو ستر یله بیله جکنی و دیگر لر ینک ایسه قطعاً  
مردود اولدیغنی مبین بر قرار نامه تنظیم ایدیلر رک و کیفیت  
مبعوثان و اعیانه عرض اولندقدہ داخلیه ناظری جودت  
پاشا و خارجیه ناظری صفوت پاشا هیئت مبعوثانده حاضر  
اولدقلری حالده جریان ایلان مذاکره قره طاغلونک  
بوکی مطالبنه موافقت ایدلک شفقو تلر ینک آرمسندن  
وایلروده دهاسا اربودرلو مطالبده قیام ایتلرندن بشقه  
هیچ بر نتیجہ حاصل ایدمیه جکی مناسبیله امارت مذ کوره یه  
ردایله جواب و یرلمسی اتفاق آرا یله تذکر و تنسیب قلنه رق  
مأمور ین مومی الیمه تبلیغ قلنش ایدی • بوصورت قره  
طاغلوری ممنون و مطمئن ایدہ مدیکندن مأمور لر صلحه قرار  
ویره مکسزین عودت ایتلرلر و روایت واقعیه کوره  
استانبولجه الدقلری معلوماتی عرض وایشک آتیشنی دخی  
استراج و مذاکره ضمننده مأمور ین مرقومه روسیه یه  
کیدوب مأمور یتلرینی اوراده ختامه ایصال ایتلردر •  
ایشته روسیه دولتک سلطنت سنیہ عثمانیه یه قارشو هنوز

آچیقدن آچیغه اعلان حرب ایتیهرك پرتوقولر ار قه سنده  
طولاشدیغی زمان قره طاغ مصالخی دخی شو صورتی بولش  
ایدی . بوحاله و قره طاغلو ایله الك صکره عقد اولنان یکر می  
کونلک متار که نك دخی مدتی منقضیه اولمش بولندیغنه نظراً  
صدر اعظم ادهم پاشا طرفدن مابین همایونه یازیلان ۲۵  
ربیع الآخر سنه ۱۲۹۴ تاریخی بر قطعه تذکره ده هر درلو  
اسباب و تدابیر عسکریه نك استحضاری ضمنده قره طاغ اوزرنده  
بولنان فرقه لر قوماندانلرینه امر اعطاسی صورتی خاکپای  
همایوندن استیذان ایدلمکله تذکره مذکور اوزرینه  
یازیلان اراده سینه ده کیفیت بالتصویب شو قدر وار که قره  
طاغلولر تعرضی بر حرکت کوسه ترو بده جنکه مباشرت  
ایتمزلر ایسه جنکجواق امرنده کندیلرینه مسابقت اولنموب  
اگر حرکات خصمانه یه انلر طرفدن ابتدار اولنور ایسه  
اوحالده مقابله دن کیرو طور لمامسی دخی علاوه امر و فرمان  
بیورمیشیدی .

واقعا قره طاغلولر الدقلری جواب رد اوزرینه در حال  
جنکه مباشرت ایتدیلر .

کویا امور شرقیه یه مصلحاً برقرار و یرهرک الحاله  
هذه و اوله سی جهانی طوتان محاربه مده شه نك وقوغنه میدان  
و یرلما نك ایچون جله نك امیددی لوندره ده امضالتمق اوزره  
بولنان پرتوقولده قالمسندن ناشی بو پرتوقول بالتظیم باب

عالی به تقدیم و باب عالی طرفندن دخی ایلروده فقره مخصوصه  
 سنده ایضا حاتی ویر یله جکی وجهله شایان قبول کور یله میهرک  
 رد ایدیلنججه یه قدر قره طاغلولر حرکات حریده فاصله  
 کوستر مشلر در • پروتوقولاردن ده بر نتیجه حاصل اوله نتیجه  
 و بناء علیه روسیه دواتی اعلان حرب به کندیلنججه بر مجبوریت  
 قطعیه کورنجه قره طاغلولر دخی محارب صفتیه میدانه  
 چیقمشلر در •

او حالده وقوعبولان محارب باتک روسیه محارب به سنه  
 مخصوص اولان بشنجی باده حکایه سی تنسیب ایدلسکله اورایه  
 تاخیر قلمشدر •



## ❖ اوچنجی باب ❖

تسبیقات اساسیه و جدیدہ

بواب اساساً الی فقرہ یہ منقسم اولوب برنجی فقرہ سنده  
 علی العموم قوانین اساسیہ دن وایکنجی فقرہ سنده ابتدای  
 جلوس همایونده نشر بیوریلان خط همایونک بر قانون  
 اساسی به صورت و کیفیت تعلفندن و اوچنجی فقرہ سنده  
 سلطنت سنیہ عثمانیہ ایچون وضعی مطلوب اولان قانون  
 اساسی حقندہ در سعادتجه تگون ایدن مباحثک صورت  
 جریانندن و در دنجی فقرہ سنده عثمانلو قانون اساسیسی ایلہ  
 کیفیت اعلانندن و اولابده نشر اولنان خط همایوندن  
 و بشنجی فقرہ سنده بر موجب قانون اساسی مجلس عمومینک  
 یعنی هیئت عیان و مبعوثانک تشکیل و کشادن و التنجی  
 فقرہ سنده مجلس عمومینک برنجی سنہ اجتماعنده مشاهدہ  
 اولنان اجرا آندن بحث اولنه جقدر .

## ❖ برنجی فقرہ ❖

قوانین اساسیہ

اشب و دور انقلابز کی بر دور تجدیدی ملل متمدنه

و متحد شدن هر بری برر زمان معینده کچورمش و بو انقلاب  
 دورلی هرملت تاریخنک الک مهم بر بابنی تشکیل الملشدر .  
 ادوار انقلابک ملتلر و او ملتلرک تراجم احوالی دیمک اولان  
 تاریخلر ایچون اول قدر اهمیت و اردر که ار باب فکر و قلم  
 بو اهمیتلردن منبعث و منشعب اولان شعبات مسائل سیاسیة دن  
 هر بریسی ایچون کتبخانه لر طوایر هجق قدر مباحثات و محاکمات  
 ایله دور انقلابک اهمیت فوق الغایه سنی کرک اولاد زمانه  
 و کرک اخلاف و اخفاده تفهیم ایلیه رک انقلاب مذکور دن  
 صکره مدنیتک و مدنیت ثمراتندن اولان استراخت و آسایش  
 و حریت کبی نعم جلیله دن نه وجه و صورتله مستفید و متمتع  
 اوله بیله جک کرینی بالارائه جله سنی ایفاظ و تنبیه الملشدر .  
 هر مجتهد التزام ایلدیکمز اختصار مناسبتیله اشبواثر  
 ناچیزده بحثک شمول کوستردیکی هر شعبه یه دائر تفصیلات  
 و محاکمات مفیده یه کیریشه رک قارئین کرامد او یولده بر استفاده  
 ایچون خدمت ایده مامکلمز ضروری اولوب انجق جمعیات  
 مدنیة نک صحیحاً نفس ناطقه سی قوه مفکره سی روحی مشابه سنده  
 بولنان قوانین اساسیه اوزرینه علی الاطلاق معاومات مقدمه  
 و مجمله و یره رک دائره مدنیت داخلنده یشایان خلق نرزنده قانونک  
 نه صورت و کیفیته جهان مطاع اولدیغنی و بونلرک حریت  
 طبیعیة بشریه بی نه دن طولایی اصلا اخلال دکل بالوجوه  
 تأمین ایلدیکی و قوانین اساسیه مدنیة نک نه صورتله جهیر

و تحکیم مستبدین صورت نه انقلاب و نهایت هر ملتک بر دور  
استبداددن بر دور حریته انقلابی حقیقتده انسانلق ایچون  
یکی بر شی دکل بلکه قدیم و طبیعی اولان حال اوله رجعت  
دیمک اولدیغنی بسط و تمهید التکسزین اس الالاساس انقلابین  
اولان قانون اساسی مجشنه کیریشور ایسهک بر بحشک  
مقدمه سندن صرف نظرله یالککز نتیجه سی اوزرینه اداره  
کلام ایتمشجه سنه بر منطق سز لقه ده بولنه جغمن دن شو یولسر لغه  
محل بر افاسق ایچون اولبایده مقدمه مقامنه قائم اوله رق اشبو  
فقره مزى تأسیسه لزوم صحیح کورلمشدر .

مباحث سیاسیه اوزرینه اداره افکار ایلان مدققلرک  
جمله سی جمعیات بشریه نک ایلک صورتی فاملیار دن عبارت  
اولدیغنی بالاتفاق حکم ایدر لر . زیرا بیوک بحشدرده هر شیئک  
اولنی بولمق ایچون اوشیئک ازمنه ابتداءیه سنه طوغری بر  
نظر رجعی عطف ایتک ضروری اولوب جمعیات مدیه نک  
ازمنه ابتداءیه سنه طوغری عطف ایدیله جسک نظر رجعی  
ایسه افکاری ملیت عظیمه و قومیت خصوصیه کبی طبقاتدن  
کچوره کچوره نهایت جمعیات بشریه نک برر تک فاملیار دن  
عبارت قاله جغنی درجهیه قدر واردیرر . واقعا افکاریمزی  
براز دها تعمیق ایلرایسک انسانلغک دها اولکی حالنی دخی  
بوله بیلور ز . اول حال که افراد بشر میاننده همان هیچ  
بر رابطه موجود اولمیوب هر بری منفرداً اورماینلرده کزیر

و بین البشر الك بولك رابطه اجتماع اولان زوجیت بيله  
 حیوانات و حشیه کبی تصادفاً وقوع بولور و بالکز والده  
 ايله اولاد اراسنده کی مناسبات بطنیة اولادک کندی کندیسنی  
 اداره یه مقتدر اوله جقلری زمانه قدر دوام ایده بیلوباندن  
 صکره اولاد دخی اوت و کوک و یاخود کندیسندن اضعف  
 و عاجز اواسندن طولابی صید ایده بيله جکی حیوانات ايله  
 تغدی و تعیش ایچون والده سندن آیریلور کیدرایدی .

بشریتک شواحوال ابتداءیه سنی بالکز ذهنده و خیالده  
 بولمقله قالمیز . کشفیات اخیره جغرافیه کره ارضک  
 صفحات سطحیه سنی همان تمامیه نظر و قوف و اطلاعرز اوکنه  
 آچش بواندیغی جهته بر طرفده مدنیتک مرتبه قصواسنه  
 و ارهش اولان انکسیرلری بلحقیقالولری و امر یقاملت  
 جدیده سنی کور دیکمز کبی دیگر طرفده هنوز افراد انسان  
 میانده بر رابطه اجتماع دوشونمک شویله طورسون کندی  
 نفسی ایچون برهیت بریو وادوشونمک بيله اقتدار ینک خارجنده  
 اولان انسان اولادینی کور مکده و شو ایکی نقطه غایه یی  
 بر برینه وصل ایدن و بناء علیه هر بری مراتب مدنیتدن بر  
 درجه یی اشعار ایلان نقطه لرده دخی یکدیگرندن اشاعی  
 و یاخود بر برندن یوقارو ملل و خلایق مشاهده ایلکده یز .  
 اويله بر صورت غریبه ده مشاهده ایلکده یز که انسانلرک  
 ایلک منفرد و متوحش حالندن صولک مجتمع و مقتدرین حالنه



قدر نه کبی دَر جاتی کچه رک و اصل اولدیغنی صحایف  
توار یخندن او قومغه احتیاج بیله قالمیوب بو علم عظیمی صحیفه  
سطح دنیا اوزرنده صالدر صالدر او قویه بیامکده یز .  
انجق قوانین اساسیه حقنده استحضار ایلیه جکمز افکار ایچون  
انسانلرک فاملیا صورتیله اجتماعندن اولکی حالارینه قدر  
صرف و ایصال ذهن ایتکه احتیاجز یوقدر . زیرا قانون  
دینلان شی نه قدر کوچک اولور ایسه اولسون بر جمعیت  
دأرهمی ایچنده مجتمع اولان انسانلرک اراسنده کی روابط  
اجتماعیه بی تعییندن عبارت بولندیغنه کوره قانونک اساسی  
جمعیت مدنیله خارجنده و منفرد بر صورتده بیابان و وحشته  
پویان اولان یبانی و وحشی حقیقلر نزدنده ارامق عبث و بناء  
علی ذلک جهور مدققینک اتقاق اوزره فاملیا لر درجه سنده کی  
جمعیات بشریه بی اساس طوتمق و مبدأ امتیاز انلک الزمدر .  
انسانلرک فاملیا صورتیله متحد اولدقلری زمان بینلرنده کی  
مناسبتی تعیین و احکامنی مرعی ایلیان حکومت « حکومت  
پدرانه » دینلوب ملاحظه ایدیله جک اولسه بر انسانی تولید  
و کندی کندیسنی اداره یه مقتدر اوله جق حاله ایصال ایلیان  
ابوینک او انسان اوزرنده حتی اک بیوک بر جق اولدیغی  
کور یلوب تسلیم ایدیلور و بناء علیه مقام حکومتده بولانان  
پدرک کندی محصول عمری دیمک اولان اولاد اوزرینه کیفی  
ایستیدیکی وجهله اجرای حکومتده حقلی اوله جقنی وارده

خاطر اولور . نصلکه جمعيات بشريه نك دائر دسي پياغی  
توسع ایلدیکي زمانلرده بو خاطر بعض خلق نرندده حکمنی  
کوستروب اولاد آبانک اسیردن دها محکوم برمتاعی اولمق اوزره  
تصور ایدلمشدر . و از جمله بنی اسرائیل کندی تشکل  
وترقیلری عصرنده جهان ایچنده بر قانون معینله اداره اولنور  
یکانه بر دین حقه تابع بر جاعت متدینه بولندیغی حالده او  
جمعیت ایچنده بیله پدزلرک والدهلر و چو جتلر اوزرنده عادتاً  
صاحبانه و مالکانه برر حق لری اولوب بعض خصوصاتده  
اولادلرینی صاته بیلک درجه سنده غرابتلر دخی کورلمشدر .  
انجق هر نه صورتله 'ولور ایسه اولسون امر حکومت ومسئله'  
حریت ایچنده کی حقیقت بوندن عبارت اولیوب جناب خلاق  
اکرم هر فردی حر مطلق اوله رق یراندیغی امر خلقتده ابونک  
هیچ بر اختیاری اوله مامس بیله ثابت اوله رق هنوز حال  
طفولیتده بولنان و بناء علیه کندی کندیسنی اداره دن عاجز  
و معاونت ابوینه محتاج اولان انسانلره ابونک ایلک خدمتی  
انلرکده بابالرندن کوردکاری ینسه عینله بو خدمتک مقابلی  
دیمک اولدیغی قضیه سی دها قوتلی بر صورتله حکمنی بور و تمش  
و حقیقت مطلوبه بی عالمک نظر تصویب و قبولنه قویمش  
اولمقدن ناشی اولادی اسیردن دها محکوم تصور ایلپان خلق  
نرندده بیله سن بلوغ و موسم رشددن صکره و برطاقم قیود  
قانونیه تحتنده ینه اولادک جریقی بالطبع و بالضروره طانوب

تسلیم او انمشدر و موسمی خلوننده ایهال ایدمشدر .  
ایمدی بر فاملیا خلقتندن عبارت بولنان جمعیت مدنییه  
اعضاسی بیله فرداً بعد فرد حر مطلق اولدقد نصکره اشبو  
فامیلیا اعضاسنی یکدیگرینه ربط ایله او جمعیتک حیثیت  
اجتماعیه سنی محافظه ایچون بر رابطه یه لزوم کورلش و بو  
رابطه نك اول باول حریت بشریه یی اخلال ایتماسی لازم  
کلبش اولدیغندن شومقصد اصلی بی استحصال ایچون جمعیت  
داخلنده یشایه جق افرادك او جمعیتدن ایده جککری استفاده  
کوز اوکنسه کتوریلهرك و بر کیمسه نك بلابلد و لاعوض  
استفاده ایده بیلمسی کندیسنی سائر افراد اوزرینه بار ایده جکی  
و بو دخی سائر لر نك حریت طبیعیه و اصلیه سنی اخلال  
ایلیه جکی دوشونیلهرك انسانلغك حقوق حریتی ایله هر کسك  
جمعیتدن ایده جکی استفاده احتیاجی اراسندن وظیفه دینلور  
بر اوچنچی حکم چیقاریلهرق قانونك اساسی ایشته بو اوچنچی  
حکم اوزرینه بنا ایدلش و بو حالدیه بر فاملیا خلقتندن عبارت  
بولنان جمعیات بشریه ده مقصد اجتماع وهله اولاده  
خاطرلره کله جکی وجهله بتون فاملیا اعضاسنك پدیره  
خدمت ایلمسی و پدیری مسعود بر حالدیه یشاتمسق قضیه سندن  
عبارت قالمیوب بلسکه بر پدیر کافه لوازم نسوانیه سنی تسویه  
ایده جکی تعهدیله الدیغی بر زوجه یه کندیسنك کافه حوایج  
مردانه سنی تسویه وظیفه سنی ده تحمیل ایدوب شو حالدیه

حاصل اوله جق اولاده عینیه کندیلرینک کندی انار یله  
 بابالردن کورمش اولدقلری ایلک خدمتی درعهده ایلمش  
 اولق و او چوجقلر سن اقتداره کلدکری زمان هنوز باشلی  
 باشلرینه بر فامیلیا تشکیل یعنی تزوج و تأهل ایتمیوبده آشیانه  
 پدرده او موسمی انتظار ایلدکری مدت پدر و والده لرندن  
 کوردکری ایلک خدمتک مکفاتی اوله رق انلر حسابنه  
 چالشمق و پدر و والده نك حالت عجز پیریسنده دخی کندیلرینه  
 باقی کبی « عادت » نامیه یاد اولنان قانون طبعیهده مندرج  
 احکام اوزرینه بر رجعت مدینه وجوده ککشددر که بوجبعیتلرک  
 ذکر ایلدیگمز صورتلرنده هیچ برکسه نك حریت شخصیه  
 و انسانیه سنه خلل کلیه جکی صورت ظاهره لر یله بیه کورلمکده  
 بولنمشدر . بویه اساسلی بر بحثده فکرلرک دائماً جهت  
 اعتراضه صامعی قاعده طبعیه خارجنده و صورت استناده  
 اوله رق برکسه یه برحق قازاندره مز . مثلاً وقت شبابده  
 اولادک پدره ایده جکری ایلک خدمت دها اولجه یعنی حال  
 عجز صباوتده کندیلرینک انلردن کورمش اولدقلری خدمتک  
 مکفاتی عد اولنور ايسه ده پدر و مادرك حال عجز پیریده  
 اولادندن خدمت ایستلری انلرک حریت و استقلالرینه منافی  
 کور یله مز . زیرا ابوینه ایدیه جک بوصوک خدمت ابوینک  
 میراثیه تأدیه ایدلمکدن فضله چوجقلر کندی حال پیریلرنده  
 کندی اولادندن ایستیه جکری خدمتی ایسته مکه حقلی اولق

ایچون اول باول کندی پدرلرینه بویله بر خدمتلری سبقت  
المش اولاق دخی موافق وظیفه و حقوقدر . الحاصل  
هرشیده قانون طبیعتک بر حکمی اولوب انسانلک احتیاج  
کور دکاری مدنیت حقنده دخی قانون طبیعتک حکمی اقتضا سنجه  
بر فامیلیا خلقندن عبارت بولنان بر جمعیت بشریه داخلنده ده  
هر کس ییه جکی بر لقمه امکی وایده جکی بر لحظه جک راحتی  
بهمه حال بر خدمت مقابلنده حقلی اوله رق بالاستیغابویله بر لقمه  
امکی ییوب بر نفس راحت ایتسنه بر « حق » واکا مقابل  
ایده جکی خدمته دخی بر « وظیفه » نامی ویرلشد .

بحثک شونقطه اساسیه سنی تعیین ایلد کدن صکره کیفیت  
عمومی تلجه عرض ایده لم : هربری آیری آیری حر اولان  
انسانلری جمعیت اوزره تعیشه جبر ایلدن شی احتیاجدن  
بشقه هیچ برشی اوله مامق طبیعی و ضرور یدر . زیرا  
حریت انسانک یالکز طبیعت مدینه سنه دکل بلکه اصل  
طبیعت حیوانیه سنه ده او قدر خوش کلوز برشیدر که پک  
بیوک بر احتیاجدن متولد پک بیوک بر منفعت انسانکی مجبور  
ایتمد کدن صکره انسان کندیسنی یعنی حریتنی بر قید ایله مقید  
ایتمکه رضا کوستره مز . حیوانات سائر نک بیله طبیعت  
حیوانیه سی دائماً بو حقیقتی ارانه ایلر . انسانلری جمعیتله  
تعیشه مجبور ایلان احتیاج ایسه خار جدن کله جک تعرضاته  
الی بر لکیله ودها قوتلی بر صورتله مدافعه کوسنر مک و حوایج

بشریه بی دخی ینه بویله ال بر لکیله تسویه ایلک احتیاجی  
 اوله جغی پک بدیهی بر شیدر . زیرا بویله دفع ضرورت  
 احتیاجی انسانلرک ارتباطی امرنده او قدر یوک بر قوت  
 کوستر که بر فامیلیا اعضا سندن عبارت بولنان انسانلری دکل  
 ایکسی بر برینک اجنیتیسی بولنان آدملری بیله یکدیگر یله  
 ربط ایدر . حتی بر برینک جاننه قصد ایدن ایکی آدم  
 مقاتله و افعه لری اثناسنده ایکسینه دخی قصد ایلان مثلاً بر  
 ارسلانه تصادف ایده جک اولسه لر شو تعرض خارجیدن  
 تدافع ایچون در حال اوز قرنداش لر کی اتفاق ایدر لر . بو  
 حالده جمعیات بشریه ایچنده ژان ژاق روسونک دیدیکی  
 کی « ال بر لکیله چالیشم » اساسی اوزرینه بر مقاوله  
 اجتماعیه عقد ایلک پک قولای تصور ایدیله ییلور . شو قدر  
 وار که انسانک طبیعت حیوانیه سنده کی حریت مطلقه جبلتی  
 « چالیشم » حکمنی پک قوت سز براقه جغی دخی اصلاً اهمیتیدن  
 اوزاق طو تلیه جق برشی اولمسیله افراد احرارک حریت  
 طبیعیه سنی بالمحافظه حر مطلق بولندیغی زمان کندی نفسی  
 ایچون صرف ایده جکی همتی بر جمعیت مدنییه داخلنده مقاوله  
 اجتماعیه معناً و حکماً وضع ایتش اولدیغی امضادن طولانی  
 حرمقید اوله رق یشایه جغی زمان دخی صرف ایتکدن  
 استنکاف ایلیمه مامسنی و حریت مطلقه عالمنده کندی نفسنک  
 سلامتی ایچون پنه کندی نفسنه تعیین ایلدیکی وظیفه بی حریت

مقيده عالمنده دخي ینه كندی نفسنه بر وظیفه طایفه رق اندن  
 آبرلماسنی تأمین احتیاجندن قانون دنیلان حکم غومی ایله انك  
 احكامنی مرعیت اجر اسی داخلنده محافظه ایچون برده قوه  
 اجراییه احتیاج کورلمشدر . قانون دنیلان شئك بر حکم  
 عمومیدن عبارت اولدیغی ذهنلره قبول ایتدیرلکدن صکره بونك  
 مرعیت احكامنی محافظه ایچون برده قوه اجراییه احتیاج  
 اولدیغی دخي ذهنلره در حال قبول ایتدیریلور . اوت قانونك  
 اساس طبیعیه سی تعریف ایدلك لازم کلدکده بونك طبایع  
 اشیا و احوال دن منبعث احکام اولسی اك زیاده سلیم و مستقیم  
 بر تعریف اولق اوزره قبول ایدیلور . طبایع اشیاك تعیین  
 احکامی ایسه حقیقتده حکم عمومیدن بشقه هیچ برشی  
 اوله مامق ضرور یدر . واقعابر ماده اوزرنده حکم عمومی  
 استحصال ایچون اتحاد و اتفاق افکار هر دائم ممکناتدن عد  
 اولنه مز . زیرا انسان اوغلنك چهره لری فصل بر برینه  
 بکره میه جك در جهده مخالف ایسه رأیلری فکر لری دخي  
 اوقدر متخالف و متضاددر . انجق فکرلر ك کافه سی بالکر  
 احتیاجات مدنیه نك صورت تسویه سنی بولق نقطه سنی  
 تعیینه چالشور لر ایسه پك چوق فکرلر ك بر نقطه ده اتحاد  
 ایتلری ده ضرور یدر . زیرا تسویه احتیاج طریقی ارايه  
 ایده جك نقطه نر اوقدر چوق دکلدر کدحتی هر فکر کندیسنه  
 بر بشقه نقطه بواوب تعیین ایلسون . بونقطه لر پك معدود



اولاد قلدردن افكار عموميه نك مخالفت عموميه سى دخى غايى  
 بر قاچ نقطه اوزر زنده منحصر قالدور . طالبو كه اكثريت  
 واغلييتك تعيين ايلديكى حكيمك بر حكم عمومى اوله رق قبولى  
 ضرور ياتدندر . اعضاى جمعيتدن اقليت صحيحه ده قالان  
 بر قسم بو حكمنى قبول ايتيه جك اولسه چونكه او جمعيتك  
 شرائط اجتماعيه سى او حكمدن عبارت بولسه جفى جهته  
 شرط مذكورى قبول ايتيانلرك جمعيتى دخى قبول ايتيه رك  
 چيقوب كيمسى لازم كلور . بو حالده شرطى قبول ايتيمك  
 جمعيتى ترك ايتك ار اسنده كى منفعتك موازنه سى اقليت  
 ومخالفت ار بابنى دخى بيه كندى اختيارلر يله او جمعيتده  
 قالب شرطى يعنى اغلييتك حكمنى طوعاً و اختياراً قبول  
 ايتك صورتى انلره ترجيح ايتديرر . او يله بر حكمنى طوعاً  
 قبول ايسه بيه احرار ك اختيار احرار انه سنه توديع ايلديكى جهته  
 مغاير حریت كور يله مز . حتى شخص واحدك كندى افكار  
 خصوصيه سنه قياساً وضع ايلديكى قانون جماعت طرفندن  
 عند التدقيق شاين قبول كور يله رك طوعاً و اختياراً  
 قبول اولنور و اطاعت ايديلور ايسه او بيله مغاير حریت  
 عد اولنه مر . زيرا قانون مذكورك عند التدقيق بالاختيار  
 وبالطوع قبولى حد ذاتنده حریت بشر يه بى اخلاص ايتيه جك  
 اساس اوزرينه مؤسس يعنى قانون دينلان شى حكم عمومى ايله  
 موضوع اوله جفته كوره حكم عمومى هر نه يه قرار ويره جك

ایندیسه او فرد منفردك قانون شخصیهی دخی او قرارری جامع  
 کورلش اوله جغی مناسبیه قبول ایدلش اوله جقدر که شو حال  
 حریت انسانیه به مخالفت دکل بالعکس رعایت و موافقت  
 صایلور . ایشته شرایع دینه دن برشریعته ایمان ایدوب ده  
 اتباع الملک دخی بوندن طولایی حریت بشریه به مغایر صائزن  
 چونکه بمقامده ایمان دیمک او قانون شرعینک احکامنی انسانک  
 کندنی فکرینه موافق بوله رق قبول الملکی دیمک اولور .  
 بویله اولمدقن صکره انسانلره جبر واکراه ایله قبول ایتدیرملک  
 ایستنیلان قانونلره بشریتک حریتنی محو ایتمک یولنه کیدلش  
 اولور که دأره تمدنده بشایان اولاد ادمک حقوق و حریتی کبی  
 مباحثه بویله بر قانون جبری بی تطبیق و توفیق ایده بیلک  
 محالاتنددر . حتی قوانین الهیه دن اولان قوانین دینه نک  
 بیله اکر اهله قبول ایتدیرملکه چالشمق صورتنه رغبت ایدلمامسی  
 هر حالده طبیعی کوریلان حریت پروزلک اقتضاسندندر .  
 اصل جای دقت و اهمیت شونده در که کندنی نفسنه  
 خدمت دیمک اولان بروظیفه بی نه کندنی نفسنه وظیفه اولمق  
 اوزره حکم ایدن و کندیسنگ بو حکمنه نه کندیسنی قانون نامنی  
 و یروب او حکمه اطاعتی دخی ذمت احرارانه سنه بورج طانیان  
 انسان حریتندن هیچ برشیئی فدا ایتماش اولور . اکر بونی  
 دخی حریتنه منافی بر اسارت عدایلر ایسه او انسان بیابان  
 وحشته حریت مطلقه حیوانیه سنه تمامیه صاحب اوله رق

گزر ایکن آجیقان قرنی طو یورمق ایچون گندیسی غذا  
تخریسنه مجبوز و او حکم ایله محکوم کورمکی دخی خریت  
حیوانیه منافی بر اسارت مد ایتک ایستیان آدمه بکرز که  
خدمت نفسیه سی ایچون محکومیتی قبول ایده مندیکی حالد  
فلاکت موته بلالزوم محکومیتی قبول ایلش اولور . بو ایسه  
برجنددر که جوهر عقلک برنجی مولودی اولان قوانین مدنیه  
و قواعد انسانیه مباحث دقیقه سی کبی غایت نازک بحثلرده  
بواثر جنتک هیچ بردخلی اوله مز .

ایشته هر نه صورته اولور ایسه اولسون قانونک بر حکم  
عمومی اولدیغی بو صورته تحقیق ایلد کدن صکره بو قانونی  
کندی شانی اولان استقلاله میدانه چیقارمق ایچون  
دخی شویله بر فرض ایده جکرز . جمعیت مدنیه دینلان شی  
برر برر حر اولان انسانلردن مرکبدر و احرار مذکور نک  
کندی سعادت ذاتیه لری ایچون ایده جکری خدمتک صورت  
متحد و مشترکه و مجتمعه سنه وظیفه دینلشدر . و او وظیفه بی  
افراد جمعیتدن هر بر یسنه وظیفه اوله رق تعیین ایلیان حکم  
عمومی دخی قانوندر . انحق طبیعیدر که احوال ابتدائیه ده  
قانون دینلان شی بر و یا بر قاج بجلد دستور ایچنده مندرج  
اوله مز ایدی . مدنیتک اوزمان ایچون دلالت ایلدیکی ترقی  
انسانلرده هنوز بویله بر کتاب ایدینه بملک اقتدارینی تولید  
ایلیه مامش ایدی . قوانین مذکور « عادت » نامیله جمعیتک

اخلاق عمومی‌هائی ایچنه درج اولمش ایدی . فصل که  
 عادتدن عبارت ایلک قانونلر یمزک حکمی حالا بوکونکی کونده  
 بیله ینه عادت نامیله فامیلیالر مز میانسده مرعی الاجرا اولوب  
 احکام اصلیه سندن بر یسنه فامیلیاجه رعایت ایتمک بیاغی  
 مشکلات و ممتعاتدندر . بزم عثمانلی جمعیت مدنی‌ه سی هنوز  
 تمامیله قانون الله‌النامش دیمک دکل بلکه بوجعیتک قانونلری  
 هنر ز تمامیله صحایف و لوایمه درج ایدلماش اولدیغندن  
 عادات و اخلاق کبی فامیلیاره عائد اولان خصوصات دکل بر  
 چوق اصول سیاسییه مز بیله هنوز «عادت» لفظنک بر تعبیر  
 رسمیسی اولمق اوزره «تعامل قدیم» دینلان قوانین غیر  
 مسطوره و غیر محرره اوزر ینه جریان ایتمکده بولنشد .  
 حتی تعامل دینلان اشبو قوانین غیر مسطورهنک حکمی الحاله  
 هنده قوانین مسطورهدن بیله زیاده قوتلیدر . زیرا برچوق  
 یرزده تعامل قدیمک حکم قانونی ده تعدیل و تأخیر ایلدیکی  
 طشره لر حکومتنه واقف اولنلره مستور دکلدر . هر نه حال  
 ایسه قانون کرک دستور طرزنده بر یره جمع اولنسون و کرک  
 عادت و تعامل قدیم نامیله اخلاق عمومی‌ه ایچنده مندرج  
 بولنسون بوقانون بر شخص اوزرنده تشخیص ایتمکدن صکره  
 کندی حکمنی علی الدوام افراده اخطار ایدمه چکندن جمعیت  
 ایچنده قانون مشخص و یا خود شخص قانون اولمق اوزره برآمده  
 طبعاً لزوم کورلش و ایشته بو آدم فامیلیالردن عبارت بولان

جمعیت‌لر ده بابا و جمعیت جسمیه مدینه ده حکمدار نامیله تعیین  
ایلمشدر . حکمدار بر قانون شخصی و یا خود بر شخص قانوندر که  
ویره جکی احکام قانونیه بالاده ذکر اولندیغی و جهله ینه حکم  
عمومی بی اخطار دیمک اوله جغندن جمعیت افرادندن هر  
بری کندی سوزینه کندی حکمنه اطاعت قبیلهندن اوله رق  
بو حکمدارک حکمنه اطاعتله موظف اولمشدر . بوضورت  
دخی افرادک حریت اصلیه سنی اخلال ایتماش اولدقدن  
ماعدایا بالعکس شخصی حکمدارک ذکای انسانی سنی قانونک  
شخصیت معنویه سنه قاتهرق نوعما قانونه کندی کندیسنی  
و کندی حقوقی محافظه کبی بر اقتدار و استعداد و یردیکی  
جهتله او قانون ایله معین بولنان حریت بشریه بی بر قاندها  
تأمین ایلمشدر .

انجق قانونک بر ذات عهدده سنده تشخص ایتمسی محافظه  
احکامی ایچون ینه کافی اوله مز . او ذاتک اخطاری هر کسک  
حائز اولدیغی حقوقی بالمحافظه هر کسک مکلف اولدیغی  
وظیفه بی ده ایفا ایتدیره مز . بو اخطار یا لکز بر اخطاردن  
عبارت قالدیغی صورتده قانون اولاد آدمک طبیعت حیوانیه  
سنده اولان سودای حریت حیوانیه و استقلال تامدن منبعت  
اطاعت سز لکه قارشوینه عاجز قالور . بناء علیه فاملیاردن  
عبارت بولنان جمعیتلر ده ییله عادتدن عبارت اولان قانون  
حکمنی محافظه باینده او حکمدن تبعایا ایدیلری تعذیر ایچون

حکمدار مقامنده بولنان بابالره برحق و قدرت و برلمشدر ،  
 ايسته بوحق و قدرتک جمعيات مدنيه حکمدار لر يته دخي  
 اعطاسنه اصطلاحات سياسيه دن اوله رق « قوه اجرائيه »  
 ديلمشدر . حکمدارلری قوه اجرائيه به بحق مقتدر اوله  
 بيله جک بر قوته صاحب ايلک ايچون عسکر کبي پوليس کبي  
 قوتلره کوريلان لزومي اوزون اوزون شرح ايتمکه حاجت  
 وارميدر؟ بزه قالور ايسه بحثنده بولزومک دخي حریت بشريه به  
 مغاير اولمديغنی کوسـترمک کافيدر . اوت بوده حریت  
 بشريه به مغاير اوله مز . زيرابر حکمداره اوقوتی و یرن  
 شی يته حکم عمومیدن عبارت اولان قانون اولمديغنی کبي  
 اوقوتی استعمال ايده جکی زمانلرو کيفيتلر دخي قانوناً تعيين  
 اولنور . شو حالده قوت کندی قوتی اولوب ده حکمدار  
 اوقوتی کندی کيفتک ايستديکی یرلده صرف ايتمش اوليور که  
 ايشک ايچندن بر جبارلق چيقسوننده حریت بشريه به مخالف  
 دوشسون . اوقوت قانون قوتی اولوب صرف واستعمالی  
 دخي قانونک امريله وقوعبوليور . بو حالده فرضا برجانينک  
 بويینی اوروليور ايسه انک بويینی جلاد اوروليور ديه تعبير  
 اولنه ميور . بلکه جلاد دخي قانونک استخدام ايلديکی بر  
 ،أمور اولوب حکم قانونی اجرا ايلديکندن و حکم قانون ايسه  
 اوجانينک دخي رأی منضم اولمديغنی حالده استحصال اولنان  
 بر حکم عمومی بولنديغندن غایت حقيقت امرده مرقوم جانی

گندنی گندیسنگ بوینی اورمش اولور

حکمدارک و او حکمدار عهده سنده اولان قوه اجرائیه نك  
دخی صورت اصلیه و ابتدائیه دخی شو بولده تعیین ایلد کدن  
صکره بر جمعیت مدنیه بی یعنی ملتی و انک قوانین اساسیه سنی  
و حکمدارینی و قوه اجرائیه سنی تشکیل و تعیین ایدوب بتورمش  
اولورز . بوملتک بر فاملیادن و بوقانونک او فاملیا عاداتندن  
و حکمدارک دخی او فاملیا باباسندن عبارت اولمسی یعنی  
مقیاسک بوقدر کوچک بولمسی شوقاعده کلیه اساسیه بی کرک  
ملیت واحده دن ولسان واحد ار باندن و کرک ملیت متنوعه  
والسنه متخالفه اصحابندن یوز لرحه ملیون انسانلردن عبارت  
جمعیات عظیمه و حتی یکپاره بر جمعیت عمومیه بشریه یه ییله  
تطبیقنی منع ایدمیز . زیرا حقیقت دینلان شیشک ماهیتی  
اصلا تنوع ایده میه جکندن یعنی جهانده حقیقت اوله رق  
ایکی صورت بولنه بیلسه انک بر یسی دیگرینه نسبتله البته احق  
اولوب بناء علیه دیگرینک بطلانی تحقق ایلده جکندن انسانلر  
هره انکی محله بولنور ایسه بولنسون و هره انکی لسان ایله  
متکلم اولور ایسه اولسون کندیلرینه عرض اولنه حق حقایق  
قوانین مدنیه بی نهایت بر مباحثه و مجادله حقیقت جو یانه دن  
صکره البته قبول ایدرلر که بو ضرورت انسانلرک طبیعت  
مدنیه سی طرفندن حاصل ایدملکه کیسه اوضره رتی انکاره  
مقتدر اوله میز . حتی مدنیت بشریه بیست و سیعی اوزرینه



اداره افکار ایلیمان بر مدقق شمیدی به قدر بو تطبیقك اجراسیله  
 عموم ابنای بشره یکپاره بر ملیت نوعیه ویر یله مامش اولمسنه  
 استغراب ایلرل ایسه بعض ملاحظات محقه ممانعت ایتمامك  
 شرطیله بو استغرابدن طولایی کنیدیسنه حق دخی ویر یله بیلور  
 ملاحظات محقه مذکورنك مادی و معنوی دیه ایکی به  
 آیر یلان اقسامندن قسم مادیسی تا اعصار اخیریه کله به قدر  
 دنیاك قطعات فسیخنه سی اوزرنده بولنان انسانلرك یکدیگرندن  
 خبردار اوله مامسی کبی بر طاقم اسباب عظیمه مجبره دن عبارت  
 اولوب اشو اسباب مادیه اوزرینه اداره افکار ایلیمان مدققلرك  
 عصرلر کچوب ده اولاد بشر یکدیگرینی کمالیله طانیدقدن  
 و مناسبات تجاریه مرتبه غایتی بولوب منافع مدنیه دخی حکمنی  
 تمامیله اورتیه قویدقدن صکره عموم ابنای بشرک بر ملیت  
 انسانیه تشکیل ایلده بیله جکری حقنده کی افکار مخصوصه لری  
 هر نه قدر بعید کور یلور ایسه ده البته باطل کور یله مز .  
 واقعا بین الحکما بو قضیه بی محالاتدن عدایدنلری دخی واردز  
 انلر جهانك آفاق بعیده سنده بولنان اهلینك اخلاقچه لسانچه  
 و دیانتچه بر برینه بکزه ماملری جله سنك بر ملیت عمومیه تشکیل  
 ایتملرینه مانعدر دیه اعتقاد ایدرلر . انجق بو اعتقاد لری  
 محض افکارلرینه لزومی درجه سنده وسعت و فسحت ویر مدکارندن  
 نشأت ایدر . شمیدیکی حالده مباحث سیاسییه مزده دیرز که  
 » پکان پکان انسانلر فامیلاری و فامیلار کویلری کویلر ناحیه لری

ناخیه لر الویه و ولایانی و ولایتلر اولکارلی تشکیل ایدرلر «  
 بونی دیملکه برابر قوانین مدنیته هیج بر کیسه بی حریت  
 و حقوقدن منع ایتمدیکنی و بالعکس بر قاندها تأمین ایلدیکنی ده  
 درمیان ایلرز . او حالده اشبو مراتب میانسه برده لسان  
 و دیانت و اخلاق جهتیله مستقل اولان جمعیتلری ده ادخال  
 ایتمکده نه بئاس واردر ؟ عثمانلیلغک دنیا ده ایلک دفعه اولوق  
 اوزره میدانده قویمش اولدیغی شواصول مدنیته عام شمول یک  
 کوزل موفق اولمش و السنه و دیانت و اخلاق متخالفه ارباندن  
 یوز او توز میلیون قدر اهالی بر قانون السنه اجتماع ایلشیدی .  
 بو حالده عموم ابنای بشرک بر قانون السنه اجتماعنی محال عد  
 ایتمکده اصلاً امکان یوقدر . غایتی بعید عد اولنه رق شمیدی  
 عصرلر ده حصولنه انتظار اولنه من .

ملاحظاتک قسم معنویسنه کلنجه دخی بزم ایچون اولباده  
 مسکوت عنه کجه میه جکمز بعض حقایق موجوددر .

جمعیت مدنیته بشریه حقنده بالاده تصویر ایلدیکنمز اس  
 اول و اصلی مؤخرأ بر چوق سوء استعمالته دوچار اولماش  
 اولسه ایدی افراد بشردن همان عمومیه قریب بر قسمک  
 جمعیت مدنیته سنه ینه اساس اوله یلور ایدی . انجق انسانک  
 جبلت مخصوصه سیله برابر اتاسندن طوغمش اولان سودای  
 حریت و استقلال هر ور زمان ایله مدنیتهک ایلک قانون طبیعیسنی  
 اخلا لدن خالی قالمشدر . ازان جمله قانون مدنیتهک مشخصی

بوانان حکمدار حکم عمومی جامع بوانان قانون مقتضیاتنی  
اعلان و اخطاره بدل کندی افکار ذاتیه و ارادات کیفیه سنی  
امر و اجبار ایدنجبه مدینتدن مطلوب اولان مقصد اصلی  
و حقیقی بوزلش و شو حالده افرادک او حکمدار مستبدده اطاعت  
ایتماسی حریت بشریه یه موافق کوریلوب بوايسه جمعیتلرک  
رابطه اتحادینی بوزارق متفرق و پراکنده اولمیرینی ایجاب  
ایلشدر . شبهه یوقدرکه هیئت متحده بشریه میاننده وقوعه  
کلان تفرقه لر کویا حریت بشریه یی استرداد غیرتیله میدانه  
چیقان صاحب خروجلر طرفندن ایقاع ایدلمشدر . انجق  
بونلرک ده طبیعتلرنده موجود اولان هو دای استبداد او جمعیتلری ده  
براز صکره بر جبارک اداره کیفیه سی انتنده مظلوم اسرا  
جمعیتی جالنه قویمقدن کیرو قالمشدر . انکلتزه ایچون  
قرومول فرانسه ایچون بونا پارط بوبابده بررکوزل  
مثالدرلر .

مدینتدن مطلوب اولان اساسی تغیر خصوصنده کورلش  
و کوسترلش اولان سببیتلری یالکز حکمدارلر عطف و تخصیص  
ایتمک ده حقلی دکلدر . افراد جمعیتک ده اخلاق قانون  
پروريسنه خلل کله رک نظام و انتظام جمعیه کندیلرینک دخی  
سکته و یرمش اولدقلری ده نظر دفته التمز ایسه بحثده مطلوب  
اولان حقیقته وصول میسر اوله مز . یالکز قوانین سیاسیه  
ایله اداره اولنان ملتدرده دکل حتی قوانین شریعه و دینیه ایله

اداره اولنان ملتزده دخی بوتغیر کورلمشدر . از جمله بنی اسرائیل میاننده که بونلرک قانونلری کتب سماویه احکامنه مستند قوانین الهیه دن اولدینغی حالده مرور زمانله خلقک طورلرنده شریعت موجوده یه عدم اطاعت فکرلری پیدا اوله رق ارالق ارالق بعثت انبیای کرام ایله دین حقیقینک تأییدی بو حکمته ابتناالمشدر . اشاعیده فقره مخصوصه سنده بیان اولنه جنغی اوزره یالکز دیانت جلیله اسلامیه در که طبیعت زمانک تغیری اوزرینه اجماع امتله احکامک دخی تعدیلی اساسی بو شریعت غرانک الی یومناهذا دائم اولدینغی مرتبه ده متین اولدینغی کبی متانت واقعیه سی الی یوم القیام دخی دوام ایده جکدر .

ایشته جناب حقک انسان اولادینه بخش ایلدیکی قدرت واستطاعتی عالمک معموریتی یوانده صرف ایلک کبی بر حرکت عاقلانه و مدنیت پرورانه خلافتنه اوله رق بالعکس معموریت موجوده یی هدم و خراب ایلجه جک اولان محاربات شدیدیه و مدیده یه صرف ایتدیرمک عادتق محضاً جمعیات مدینه ناک اساس احرارانه و منظمه سنی بالتغیر ایشه بر صورت اسیرانه و یرمک آمال اولیه سندن نشأت االمشدر .

مسائلک سطحیاتندن و وقوعاتک یکیلرنندن بحث ایلان مدققلرک بنی بشر میاننده وقوعه کلان غوغای ازلی وابدی یی هر خلقک هم جواری بولنان خلاق سائر الهیه کی اسباب

سعادته غبطه ايدرك انلرك مالني يغما و كنديلر بني اسير انلك  
 داعيه لرينه دو شمش اولسنه حل ايتلري بوراده التزام ايلديكمز  
 محاكمه دقيقه و اساسيه بي شاشير تمايليدر . اليوم مقداري  
 يوزلري كچن ملل متنوعه نك منشألرني آراشديره جق اولور  
 ايسه نك بونلرك يكد يكرندن منشعب اولديغني و براقچ عصر  
 مقدمنده براقچنك مليت واحده نأره سنده اجتماع  
 ايلدكريني و نهايت الامر جله سنك او قديم آسماق طعه سنده  
 و انك دخي قسم جنوب غربي سنده بر اشكاريني حتى  
 اليوم كذكر كاھلرنده كوريلان علام قديمه سيله مشاھده  
 ايلرز . انسانلر عن اصل بويله متحد اوليوبده متفرق  
 اولسهلر بيله منافع مدنيه كنديلرني توحيد انلك لازم  
 و ضروري ايكن عن اصل متحد اولدق لري حالده بو اتحادی  
 محافظه ايدمه يهرك متفرق اولمري البته مسعوديت دنوي يه يي  
 جمعيتلرك يكد يكرندن افتراق و تباعدلرنده آرامش اولمزلندن  
 نشت ايلسه چكي و بو دخي كنديلر بني وطن اصلي يي ترك  
 ايتديره چك بر مجبوريت سياسيہ التنده كورمزلندن ايلرو  
 كله چكي و بومثالو مجبوريتلر ايچنده دخي ايلك سر رشته نك  
 حریت خلقه سنه باغلانہ جني ضروريات اموردندر .  
 تاريحك دائره اطلاعي خارجنه چيتمه نه حاجت  
 آرادينمز حقيقتي تاريحك دائره اطلاعي داخلمنده بوله  
 ييلورز . بو تجر ياتمزه پك اوزاق زمانلره قدر كتمكه ده

حاجت یوقدر . بک یقین زمانر بزی کندیلکیله استقبال  
ایدرلر . ایشته المانیاقطعه سی . بوقطعه نك اها ایسی بر ملیته  
منسوب و بر لسان ایله متکلم ایکن قرق الی پارچه یه بالانقسام  
یوزلرجه سنه لر بر بر یله بوغوشملری نه دن اقتضا ایتشدز ؟  
بالکز المانیایه مخصوص دکل ایتالیا نك فرانسه نك و سائر  
همان هر ملتک اقسام متعدده یه انقسامیله عصرلرجه مدت  
یکدیگری علیه نه قیاملری هب مدینتک ابتداده کی قوانین  
اساسیه سی اخلاص و نسیان ایدیلرک فکر استبدادک هر بش  
اون کشی به سوز کچوره بیله جک اولان رؤسا و دره بکلرینه  
وارنجیه یه قدر تعمم ایتاش و افراد جمعیت نزدنده دخی قانون  
پرورلکک غیبو بنیله بومثالو دره بکلرینه اطاعتی قانون عمومی یه  
اطاعتدن دهامر جمع کوره جک صورته فکرلره انتظامسزلق  
کلبش بولمسنندن بشقه هیچ بر شیشه مبتنی دکلدر . زادکان  
دره بکلری و پسپایکان و بعض یرلرده اسرانا ملریله بنی  
بشمرک برقاج طبقاته انقسامی دخی مدینتک ایلک وظیفه اولق  
اوزره افراد جمعیه حکم عمومی ایله تعیین ایلدیکی وظائفدن  
کنندیسنی قورتاروب انی دیگرلرینه تحمیل مثالو هر حالده  
استبداد دیه تعبیر ایده بیله جکمز بر استعداد ایجابی دکلیدر ؟  
فلنسلو غروتیوس وانکلیر حکماسنندن هوبس کی  
تصورات سیاسیه لرنجه امکان و احتمال دائره لر نك خارجنه  
قدر چیقان بعض مدققین مفرطه نك استبداد ایله دخی بنی

بشرك مسعود اوله جعفر ينه دائر كمال مهارتله يورتدكلى  
محاکاتى حسن قبول ايتك ايستيانلره هيچ برديه جگمز يوقدر .  
مدنيت بشريه نك مقتضيات طبيعیه سندن آيريله مدنيت غرضجهتله  
شخص واحدك نيجه امراض نفسانيه سي بوگونكى رايى ايله  
يارينكى رايى اراسنده يك چوق تفاوت كوستره بيله جگنى  
نظر دفته آلان حكيمانك حكمدار واحد طرفندن كندى رايى  
خوديله قوانينلان قانونلك هر زمانه وهر ايشه تطبيق قابل  
اوله ميه جغنى وحتى او حكمدارك برامرى ديكرينى نقص  
وجرح ايله جگنى مابين محاکاتنده دهاز يادهر جحمان كور يورز .  
ژان ژاق روسونك ديديكى كى اكر بر قانون شخص واحد  
طرفندن قوانينله جق اولور ايسه او قانونده ملتر م اولان عدالتك  
تمامى حصولي ايچون واضع قانون اولان ذاتك اول قدر بيطرف  
اودرجه غرضسز ومنفعتسز اولسى لازم كليور كه بويله بر آدم  
انجق ملكرده بولنه جق معصوميتله انسانلق مرتبه سنك فوقنه  
چيتمق ايجاب ايليور . چالبو كه اول صورتله موضوع  
اولان قانونك دخی ناس بيننده مطاع وهرعى اولسى ايچون  
ناسك انى قانون طائيسى واوليله اعتقاد ايتسى لازم كليور .  
بويله اولمقدن سكره خلق طرفندن موضوع ويا مصدق  
اولمديغى كنى مقبول و مطاع اولسى امرنده خلقك اراده  
واختيار ذاتيلرى دخی حاصل اوليان قانونه رعایت ايچون  
اينديلان جبر غروتيوس ايله هو بسك خلق مبعود ايدجك



الک عادل حکمدار ديه فرض ايلسکاري کر چکدن عادل حکمدار لری  
دخی ناس بیننده جبار لر نظر یله کوستریور .

سنه ل جه مدت بتون اور و پای تأثیرات مضره و تضییقات  
سیئه سی التنده ازن اداره و ارادات استبداد کارانه یه نهایت  
و یرمک لزومی ارتق سیات زمانه یه طاقت کتوره میان انسانلرک  
افکار عمومیه سنده وجود بولمغه باشلا دیغی زمان نیجه افکار  
واسعه و تدقیقات عمیقه اربابنلک مباحث دورادوری کیده  
کیدمه مدنیتک قوانین طبیعیه و ابتدائیه سنه قدر وارمش  
اولمی و انسانلرک ایلک دور حریتک تجددندن عبارت دیمک  
اولان ازمئه جدیده ایچون ینه ازمئه ابتدائیه نک قوانین  
اساسیه سی طرزنده یعنی حکم عمومینک خلاصه سندن عبارت  
قانونلر وضعندن بشقه چاره بولنه مامسی حقیقه استغراب  
ایدیله جک بر کیفیتدر . زیرا بوتدقیقاتده کور یایور که  
انسان اوغلی فکر جهتیله علم جهتیله صنایع جهتیله ایلک  
درجه سنه نسبه یک چوقی ترقی ایلش ایسه ده ترقیات واقعه سی  
کنندیسنی هنوز قوانین طبیعتک خارجنه چیقار مق درجه سنه  
وار مامشدر . احتمال که بودرجه ديه وار دیره بیلکه ینه قانون  
طبیعتک دخی مساعده سی یوقدر . انجق شمذیکی حالده  
تحققنی کوردیکمز شی جمعیتک ایلک قانون اساسیسی نه حالده نه  
صورته تقن ایتش اولمی لازم کلیوزایسنه شوصوک حالده  
دخی ینه او صورته یعنی قانونلرک بر حکم عمومی اولمی ایچون

ینه اتفاق ورأی و رضای عمومی ایله تقنین ایتسی صورتیه  
مراجعت اولنیور .

واقعا جمعیت بشریه نك شمديكي وسعت فوق العاده سنده  
نظراً افراد جمعیتی برارایه طویلایوب جمله سنك حکم  
عمومیسی نه اوله جق ایسه اندن بر قانون یا مقی عقلره صیغیه جق  
بر کیفیت کبی کورینور ایسه ده قانون دنیلان شئك هر حالده  
حکم و یا قبول عمومیدن بشقه هیچ برشی اوله میه جفی تحقق  
ایتمی اوزرینه ملیونلرجه اها لیک حکم و یا قبول عمومیسی  
استحصال ایچون همه حال بریول بولمق لازم کلش و اوده  
هیئت مبعوثان ملت طرزنده بولمشدر .

شویله که : انسانلر ایچون علی العموم مطلوب اولان  
حریت کامله عالمنده بر آدمك کندی و یردیکی حکمه ینه  
کندیسنك تابع اولمسی مغایر حریت اولمدیغی کبی کندی  
طرفندن وکیل اوله رق ارائه ایله جکی آدمك و یردیکی حکمه  
تبعیت دخی و کالت ایله اصالتك حکملری جقیتمده بر اوله جفی  
جهتله ینه مغایر حریت کوریه مزو کوریه مامشدر . شخص  
واحدك ینه شخص واحد ایچون وکیل اولمسی و اشخاص  
کثیریه وکیل اوله مامسی حتمده هیچ بر قانون طبیعی بولنیوب  
بر وکیل کندی و کالتنی قبول ایلیان بیکلرجه مؤکالره و کالت ایلیه  
بیله جکندن جمعیت مدنیه قاج ملیون احرار مکلفه دن عبارت  
ایسه بونلرک فرقه و فرقه فوج انتخاب و ارائه ایلیه جکملری

وکیل و مبعوثانك هیئت عمومیه سنه ملتك هیئت عمومیه سیدر  
 نظر یله باقی هر حالده موافق منطق و طبیعتدر .  
 کتب سیاسیه ده اشو انتخاب مبعوثین قاعده سنك اساسه  
 هیچ برکسه اعتراض ایدم یوب بونك یالکز صورت اجرایی  
 قضیه سی مسائل و مباحثات شدیدیه استلزام ایلشدر . بو  
 مباحثاتك نتیجه غایه سی ایکی بحث مستقله . نجر اونشدر که  
 بونك برنجیسی وضع قانون خصوصنده رأی ویره جك اولان  
 وکیل و مبعوثانری خلقك طوغریدن طوغری به انتخاب ایتمی  
 و دیگری ایسه وضع قانون ماده سی او یله آرای عادیه اربانك  
 پایه جغی ایش اولیوب اولدن قانون شناس بولمق برنجی  
 درجه ده لازم اولدیغندن و قانون شناس اولان آدم لرایسه عامه یه  
 معلوم اولیوب خواصك معلوم لری اوله جغندن خلق اول  
 امرده کندیلرنجه وثوق و اعتماد اربانی انتخاب ایدوب بونك  
 دخی اصل مبعوث و وکیللری انتخابه مأمور ایدلمسی بحثلیدر .  
 بوا یکی بحثك هانکیسی دیگرینه نسبتله اسلم اوله جغنی تعیین  
 مشکلدن . زیرا برنجی صورت حریت مطلقه عمومیه ده  
 موافق اولور ایسه ده اول صورتله خلقك انتخاب ایدم جکی  
 مبعوثانر میاننده مثلاً مدت عمرند، اصول حکومتی دوشونماش  
 برحقیقینك بولنمی دخی محتملدن که او آدمك قانون مسئله لر نجه  
 رأیندن استفاده اولنه من . ایکنجی صورتده ایسه قانون  
 شناس مبعوثانك انتخاب اولنه یلمسی ده از یاده احتمال قریب

ایسه ده خلقك طبعاً حائز اولدقلری بر حتمدن طوغریدن  
طوغرییه استفاده ایده ماملری کبی حریت کامله یه نوعاً  
مغایرت واردر . اکر بو صورت دخی بر کره رأی عمومی یه  
قونیلوبده اکر خلق ایکنجی درجه ده کی انتخابه رضا کوستر  
ایسه اول صورتی تقنین ایتك واقعا حریت کامله یه ده مغایر  
کورلار . زیرا دیمك اولور که خلق کندی حق انتخابی  
ینه کندی رضاسیله بروکیله ترك ایلشدر .

الحاصل هر نه صورتله انتخاب ایدیلور ایسه ایدلسون بر  
ملتك بر قایچ یوز مبعوثی بر یرده اجتماع ایله انلك حکم  
عمومیسی و حکمدارك حکم خصوصییسی اجتماعدن حاصل  
اولان قانون اولاد بشری حریت تامه لرینی بالتأمین اداره  
ایده بیله جك قوانین مدنیه و مقاوله اجتماعیه اولمق اوزره قبول  
ایدلك هر ملت متجدده و متمدنه ك مبنای انقلابی اولمشدر .  
هیئت ملتك حکم عمومیسی ایله حکمدارك حکم خصوصییسی  
برقانونده اجتماع ایتك طبعاً و سیاست لازمدر . زیرا اول  
امرده حکمدار دخی اوملتك هم ده الك مهم بر فردی اولدیغندن  
کندی حریت فردیه و شخصیه سی ایجابجه قانون حتمده  
رأینی و یرمك برنجی صلاحیتیدر . ثانیا رأی عمومیدن  
متولد اوله جق بر قانونك اجراسنی حکمداره جبر ایتك جله  
عندنده مقدس اولان حریتیه منافی بر جبارلق و جله عندنده  
ملتزم اولان اتحادیه مغایر بر افتراق اولوب بر ده حکمدار

گندی شخصیتندن ماعدا اوز مانه قدر رای و امری ملتک  
 اراده عمومیه سنه معادل و مساوی بر قانون مجسم اولمق  
 موقعی احراز التمس بولندیغندن بر هیئت ملتک حکمیه بر  
 حکمدارک اراده سی ارانده کی اعتدال و توازنه دخی مغایر  
 اولور . هله برکرده ایسی صورت اولیه و ابتدایه سنه  
 تطبیق ایدهلم . اساسده افرادک حکم عمومیه سنه عبارت  
 بولنان قانونی فاملیانک مقام حکومتنده بولنان پیدرافراده اخطار  
 و ارائه ایده جک دکی ایدی؟ اگر پدر حکمدار قانون اولمق  
 اوزره رعایت ایدهله جک احکامده کنندی حکمنی دخی آرای  
 عمومیه قارشیدروب آرای عمومیه کنندی حکمیه  
 تصدیق و تأیید ایتمه جک اولور ایسه فاملیانک باباسی و حاکمی  
 دکل بالعکس صغیر السن مخدومی و حتی محکومی اولور که  
 بوده هیچ بروقنده و هیچ بریرده موافق منطق اوله من.  
 حکمدارک بیعت و اطاعت عمومیه به مظهریتندن  
 طولایی رای مخصوصی هیئت عمومیه نک آرای مشترکه سنه  
 معادل اولمق کافه قوانین مدنیده اساس اتخاذ ایدلمشدر .  
 حتی تنسیقات اساسیه اوزرینه هر نوع تدقیقاتی اجرا ایلیان  
 مدققلر بوجئده بر قدم دهالیلر ویه کیدرک یوزلرجه اعضادن  
 مرکب هیئت جمعوتانک عقول مجتمعه سنه مقابل حکمداری  
 یالکز بر اقامق وانک قوه مفکره سنه معاون اولمق اوزره  
 برده سناتو یعنی هیئت اعیانه احتیاج کورمیشلردر که بونک

اعضای هر مملکتک احوال خصوصیه سنه گوره یا اصل  
زاد کاندن و یا خود حکمدارک تنسیب ایله جمی و کلا و علما و سائر  
منتخبانندن مرکب اوله رق هر بحثده حکمدارک حقوق ذاتیه  
و موقعیه سنی محافظه ایلمکی اول هیئته و نلیقه ذمت قید ایتمش لر در .  
قیاس ای دیله جک اولسه قوانین مدنیه نک شو صورت احرارانه ده  
تجددی اوزرینه مقام جکومتده بولان حکمدار لک استقلال  
دور استبداده کی حکمدار لک استقلال لرندن ده امین و ده ا  
قوتلی اولدیغی تحقق ایتمی ؟ حریت پرور اولان بر عاقل  
بو بایده اصلا شبهه ایده مز . زیرا اداره احرارانه ده  
حکمدار ملتک جریننی قانون اساسی ایله تأمین ایتمش اولدیغی  
کبی ملت دخی حکمدارینه اطاعت کامله بی ینه او قانون  
اساسی ایله تعهد ایلمش بولندیغندن بو حالده اول حکمدار  
حریت پروره اطاعت ایتمک بتون ملتک رضای عمومیه سنه  
اطاعت ایتمک دیمک اولور و بو اطاعت سز لک نظر عمومیه  
نفرتله کور یلوب انک تر بیه سنده هیئت عمومیه ملت متحد  
بولور .

ایشته دأره مدنیت داخلنده و بوضورت احرارانه ده  
معیشت مسعودانه ارامق املیه قوانین اساسیه نک وضعنی  
مطالعاه ایلیان فکر لر بزم شو فقره مزده پک مجمل و مختصر  
اوله رق ارأه و تعیین ایلمدی کمز ملاحظات و مطالعات  
کوشه لرینی دونوب طولاشد قدن صکره نهایت آرای عمومیه

ایله موضوع قوانینه تبعیت بخشنده قرار قیملشروا و قرار اوزرینه  
بر هیئت مبعوثان و بر هیئت اعیان ایله برده حکمداری جمعیت  
مدینه نك قوت تشریعیه و تنفیذیه سی اوله رق تعیین  
ایلشلردر .

قوانین اساسیه حتمده بورایه قدر و یرمش اولدیغمن  
معلومات مجمله شریعت اسلامیه نك دائره جلیله سی خار جنده  
بولنان ملل متمدنه نك علم حقوق دیه سیاست ملیه یه عاند مبا حتمده  
اساس اتخاذ ایلد کیری علمك نتیجه دلالتی اولوب حالبو که  
سلطنت سنیة عثمانیه نك اس اساسی مبنای شریعت غرا  
اوزرینه مبتنی بولندیغی جهته بر جمعیت مدینه اولوق حیثیتیه  
عموم جمعیات بشریه نك قوانین اساسیه سی اوزرینه بر نظر  
شامل عطف ایلدی کمز کبی برده جمعیت متمدنه مسئله بولندیغمن  
مناسبتیه جمعیات متمدنه اسلامیه قوانین اساسیه سنی تشکیل  
ایلیان شرع شریف اجدی مقتضیاتنه احاله نظر ایتک جمله  
وظایفزدندر .

شریعت اسلامیه یه دخی عطف نظر تدقیق ایلدی کی  
زمان کوریلور که جمعیت بشریه بی تشکیل ایلیان افرادک  
حقوق و حریت طبعیه سی اصلا اخلال ایلدی کمزین وظائفنی  
تعیین و عالم مدنیتده شهراه سعادتق ارأه و تبیین ایلیان قانونک  
اساسی مخبر صادق علیه الصلاة والسلام افندمن حضر تری  
واسطه جلیله سیله طرف ر بوییتدن وضع اولمش و حکمدار



بولنده جق ذات شوكت سمانك او اساس اوزرينه اجراي احكام  
ايتلري و خلقك دخي بر موجب شرع شريف اجراي حكم  
ايدن حضرت پادشاه اولوالامرہ اطاعت ايتلري فرمان  
بيورلشدر .

بو اساس عديم الاندرا سك حریت بشریه بی اخلال ایتسی  
متصور بیله اوله مز ز را اول صورتله موضوع اولان قانون  
شریف احمدی مدققین ارباب سیاستك وضع قانون ایچون  
ملکدر درجه سنده معصوم اولسی لزومی فرض ایلدکاری شخص  
واحدك معصومیتنه دخي قیاس قبول ایده میه جك بر عصمت  
و مزهیت جانبدن محضا خلق اللهك سعادت معنویه و ذاتیه سی  
ایچون یکانه بر طریق سلامت اولق اوزره قونلش و اهل ایمان دخي  
انی بلا اکراه و لاتقلید ایمان کامل ایله یعنی حقیقت مسعودیت  
مادیه و معنویه بو قانون الهی احکامنه توسلده حاصل اوله جغنی  
بیله رك حسن قبول ایلشدر که جمعیت بشریه ایچون قوانین  
اساسیه احرارانه تمیزی ایلین حکمانك حقیقه ارا یوب  
ارایوب ده تا طرافنده طولاشمغه قدر تقریب ایلدکاری حالده  
بوله مدقلری قانون اساسینك روحی ایشته بو شریعت غرای  
جهان آرادر .

بو قانون قدسیت نمون بنی بشر ایچون حریت و مساوات  
و عدالتی کر چکدن تأمین ایلیه جك نیجه احکام جلیله ایله  
مالا مال و مشکوندر که زمانه کوره هر نروده بوکا توسل

ایداش ایسه متوسلار نینک اوج اعلائی سعادتیه واصل اولمش  
بولندقلری براهین تاریخیه ایله مبرهنه ندر . زیرا کنندی  
حکمی التنده بولانان حکمداران ایچون استبداد و تجبروت حکم  
اشبو قانون الهینک برنجی منفوری اولدیغی کبی حکمدار  
مشروعه عدم اطاعت و انقیاد دخی بالکلیه مردودی اولوب  
حکمدار دن ادنای افراد اهالی یه و ارنجه یه قدر هر کسک  
کرك حقوقی و کرك وظیفه سنی آری آری تعیین ایتش و تعیین  
اولنان حقوق و وظائفک غایه سنده ایسه دائماً مسعودیت  
بشریه نتیجه جلیله سی کوز دلشدر .

مقام خلافتده بولنه جق امام المسلمینک جماعت عندنده  
مطاع اولسی اولوالامر ه اطاعت فریضه سیله مفروض  
اولوب بوفر یضه یه رعایت ایتمیانلر تعذیر کوررلر . بوکا  
مقابل خالقه عصیان حائذه مخلوقه عدم اطاعت دخی قید  
ایدلشدر که خالقدن مراد امر خالق تعالی و تقدس اوله جغی  
بدیهیدر . اوامر الهینک بر قانون حقیقی اولدیغی نظر دفته  
النور ایسه مدنیت اسلامیه اساسنده دخی هیچ بر جبارک کنندی  
امرو نهی جبارانه سنی ترویج ایتسی جائز اولیوب دائماً حکم  
قانونی یعنی مراد الهی امر و نهی ایتکله مکلفیت واردر که  
بوکا لسان شرعه « امر بالمعروف و نهی عن المنکر » دیه  
تعبیر اولمشدر . معروفی امر یعنی قانون الهیده مندرج اولان  
او امری تبلیغ و منکری نهی دخی ینه قانون الهی حکمنجه

يساق اولانلىرى تبليغ ديمك اولديغى شرح و ايضا چدن  
 و ازسته در . ايمدى هر حالده امرونى قانون الهى به منوط  
 اولديغى و اوامرو نواهى الهيه ايسه هر كس نزدنده بلاا كراه  
 و از جان و دل ايمان كامل ايله مقبول بوانديغى حالده ارتق  
 حریت بشريه نك بو طريق شريعتده اضاعه سى كې بروهم  
 و خياله ميدانمى قالور ؟

شرح شريف احمدى خاتمه شرايع مرسلين اولوب  
 حكمتك الى ماشاالله دواى ايچون دخى اقتضا ايدن قواعد  
 اساسيه بونده « تغير ازمان ايله تغير احكام » قاعده كليده سى  
 طرز نده تأسيس ايداش و ازمان و امكانده كوره يكي دن  
 وضع و يا تعديل لازم كلان احكام ايچون قياس فقها و اجماع  
 امته مراجعت اساسى وضع اولنمشدر كه اول صورتله ميدانه  
 قونيله حق قانونلك البته مراد و عدالة الله موافق برر حكم  
 عمومى ديمك اوله جقلى جهته قواعد اساسيه حريره نصل  
 بحير عقول عتلا اوله جق صورتده مطابق دوشه جكى معلومات  
 معروضه سابقه ايله مستبان اولور . زيرا تعديل احكام  
 ايچون قياس ايدم جق فقها و اجتماع ايله جك اولان امت عينيله  
 حكم عمومى دن عبارت اولان قانونلى وضع ايتك طرز نده اولان  
 مبعوثان و اعيان كې اجتماعات عموميه نك مقابل شرعيسيدر .  
 شريعتله اداره اولنميان ملكتلرده بيله بر قانون تعديل ايديله جكى  
 زمان ايتك قوانين اصليه ساره يه بتون بتون مغايرتى اصلا

تجويز ايدلمديكى نغز محاكمه يه النور ايسه قياس فقها و اجاع  
امت ايله تعيين اولنان مسائلك ده اساس شرع شريفه دغار  
اوله ميه جغى ضرورتك اصابتى تسليم اولنور . بالجله ملل  
مسلمه يى عصر لرحه مسعودايليان قواعد جليله شرعيه نك  
اساسى آيات واحاديث شريفه دن اقتباس ايدلمش اولديغى  
حالده عددلرى بيكره واران ائمه فقها و مجتهدين كرام  
افندلر من حضراتى طرفدن نجه تدقيقات و تحقيقات و مباحثات  
و مناظرات اوزرينه تأسيس ايدلمش اولدقلرينه كال اهميته  
دقت لازمدر كه شريعت الهيه خارجنده اداره اولنان ملترك  
اجتماعات عموميه سنده مشاهده اولنان صورت و مناظره لرى هيچ  
بروقنده بوصورت جليله شرعيه قياس بيله قبول ايتز .  
جمعيات متمدنه نك ايلك قوانين اساسيه سى مؤخرآ نه  
صور تله اخلال ايدلمش اولديغى كورمك ايچون عطف  
ايلديكمز نظر اجمال كى برنظر اجمال دخی مدنيت اسلاميه نك  
ايلك قانون اساسيسى ديمك اولان شرع شريفه نه جهتلره  
رعائتسز لكركو سترلمش اولديغى قضيه سنده عطف ايلر  
ايسه ك مع التأسف كوريرز كه هر برى عصرينك علامه فریدی  
عد اولنان يوزلرحه مجتهدين علمای كرام و مدققين فحول  
عظام اقياسات و اجتهادات واقعه سيله احكام شرع شريفى  
ايجابى و جهله بسط و تمهيد ايدرك يالكز مدنيت اسلاميه  
ايچون دكل مدنيت عموميه بشريه ايچون بيله برمكمل قانون

هیئتہ قویغہ صرف نقدینہ اہتمام ایشلر ایسہدہ ہب او  
اسمی اونودیلہ سیجہ فکر استبداد حکمداران اسلامی بوقانون  
الہینکدہ حکمی خارجہ چیقارمش و بناء علی ذلک اعصار  
ابتدائیہ سندہ یوزلرجه ملیون اہالی مسلمان مرکب یکپارہ بر  
دولت اسلامیہ حالندہ بولٹان ملت معظمہ بی برچوق مجادلات  
داخلیہ ایلہ پارچہ پارچہ منقسم ایلوب قوت مجتمعہ سنی الیوم  
مع التأسف کورلدیکی اوزرہ ضعف و افتراقہ دوچار  
ایشدر .

باری شو اقسامدن هر بری شرع شریف ایلہ کندی  
دائرہ سی داخلندہ حاکم اولسہ لایدی هر بری بشقہ بشقہ برر  
معموریت و مسعودیتلہ ممالک سائرہ یہ ینہ غبطہ بخشا اولہ بیلورلر  
ایدی . انجق دائرہ اسلامیت خارجندہ بولٹان خلق قوانین  
اصلیہ مدنیہ نک امر ایلدیکی اتحادی افتراقہ منقلب ایلدکن  
صکرہ کندی اقسام متعددہ لری میانندہ دخی او قانون طبیخی  
و اساسینک اقتضاسنہ توفیق حرکتلہ حریت اوزرہ ادارہ  
امورہ رغبت ایدہ میہ رک دها زیادہ فنا لشد قنری مثللو اقسام  
کثیرہ اسلامیہ دخی عینیلہ بوصورتی الوب طوائف ملو کدن هر  
مستبد احکام شرعہ بدل کندی ارادات جبارانہ سنی ترویج  
ایشدر . ذاتاً بویلہ اولمق ضروری دکلیدر ؟ بوآفت  
افتراق و انقسام مجرد فکر استبدادک سوقیلہ حاصل اولدقن  
صکرہ قوانین اصلیہ و اساسہ نک امر ایلدیکی انتظام اجرانہ یہ

رعایت متصور می اوله بیلور ؟ مؤ خراً انسانلرک انظارى نور  
معرفت و حقیقتله تنور ایدرک دائره اسلامیت خار جنده بولانان  
ملنلرک اغلبی و بلکه روسیه دن ماعدا کافه سی بالاده عرض  
اولندیغی وجهله انسانلری حریت اساسیه اوزرینه موضوع  
قوانین قطعیه دن بشقه هیچ برشینک احیا و مسعود ایدمه میه جکنی  
کوره رک او طریق تجدده واقف اوله میانلری هر بری تابع  
اولدیغی اداره هستیده التنده از یلوب کتمکده در .

شوراده قارئین کرامک نظر استغراب و بلکه تأسفلرینی  
بيله شو نقطه اوزرینه دعوت ایلرزه که شریعت جلیله  
احمدیه نک منفور کوردیکی استبداد التنده نیجه عصر لر ازیلان  
بعض ممالک اسلامیه مؤ خراً اوروپا ملل متمدنه سنک حکم  
و استیلاسی التنه کیردکلری زمان کندی حریت ملیه و استقلال  
مخصوصلرینی غایب ایلدکلرندن طولای پک متأسف و متلهف  
اوله رق اصل حریت مقدسه و استقلال اقدسلرینی استرداده  
ساعی و متهاک ارله جقلری یرده بالعکس محکومیت اجنبیه دن  
ممنونیت کوسستمک درجه لرینی بيله بولمقده درلر . بو خلق  
نزدنده معاذالک تنالی عدل عمومی حکومت اسلامیه ده بولنجوب  
اوروپا حکوماتنده بولنه جنی طرزنده فکرلر بيله پیدا ایلدلیکی  
ممالک مسلمة شرقیه به سیاحت ایدن مشهور کشافلرک کتایلرنده  
اوقونمقده در . بدیهیدر که بویولده کی افکار مهملکه ینه  
میدنیت جدیده اربابنک اهالی مسله یی بتون بتون کندیلرینه

ر بط ايتك ايچون نجه كفتلر و فداكارلقلر ايله وجوده  
 كتور ييلور . انجق شمدى يه قدر ملوك اسلامدن همان هيچ  
 بر بسنك هنوز ملتني جبار صورتيله بر اداره كيفيه يه تابع  
 اولمقدن قور تارمق حقيقتني كور مامش و شرع شريفك  
 اشبو عدالت عموميه حریت پروريسنى ميدان انذشاره  
 چيقاروب حكمنى دخى تعميم ايتماش اولمريشه مقابل ملل  
 متجدده و مترقيه ك بو حریت عموميه بحثنى چوجقلره و قاديتره  
 وارنجه يه قدر تلتين و تعميم انش اولمري ايشته بويله مهم  
 مهم نتيجلر ايتاج انلشدر .

كر ك تار يخك خبر و يرديكى وجهله التى يدى بيك  
 سنه دنبرى عالم مدنيت اوزرينه حكمنك شمولى طبعى اولان  
 قوانين اساسيه مدنيه و كر ك بيك ايكيوز سنه دنبرى اقوام مسلمله  
 اوزرنده جريان حكمنى لازم كلان قوانين شرعيه الهيه حقنده  
 بورايه قدر عرض ايلديكمز معلومات مجمله يكديكريه مقابل  
 كتور ييلور ايسه كور ييلور كه خلافت جليله اسلاميه ايله سلطنت  
 سنه عثمانيه بي جامع اولان و بناء عليه قوانين شرعيه و طبيعده ك  
 ايكي سنك دخى وضع ايلديكى اساس حريره ايكي جهته  
 رعايت ايتسي لازم كلديكى و بو اساسلره رعايت كامله ده بوانديغي  
 مدت بو هميان بحر عمانه و فاسدن آرز بايجانه قدر فرانسه كي  
 اون اون بش دولته اولكا اوله ييله جك بر مملكت و سيعه يه  
 كال شان و شوكتله فرمان فرما اولديغي حالده نصيب



صکره لری ستودای استبداد ولا قیدی بو ایکی اساسک  
ایکیسینده غلبه ایتمسندن ناشی ایکی جهت ایچون دخی بر  
حکومت استبدادیه صورتنی آلان دولت علیه عثمانیه شو  
ایکی صبورث مضره نك صدماتی اراسنده همان همان محو  
اولوب کتمکده ایکن شهر یار حریت شعار و حکمدار  
فاروق اقتدار پادشاهمز سلطان غازی عبدالحمید ثانی افندمز  
حضر تلی شو ایکی صورت استبدادک ایکیسنه بردن نهایت  
و یره جک و ذاتاً قوانین شرعیه و طبیعیه نك هر ایکیسی بر حکم  
حقیقی تصویر و بر مقصد حریتی تحرری ایلدیکی ایچون  
بویله ایکی متین اساس شرعی و طبیعی اوزرینه دولت  
و ملاتک بنای تجدیدینی تأسیس ایتک کبی بر موفقیت عظیمیه  
مظهر بیورلمش لدر که بو موفقیت عظیمیه نك درجه اهمیتی  
و بوکا مقابل عامه عبادک بورجلو اولدق لری تشکرک صورت  
و کفیتی قوانین اساسیه مدینه حقنده بورایه قدر و یرمش  
اولد یغمز معلومات و اداره ایلدی کمز افکارک موازنه و تقدیر  
اهمیتله میدابه چیقار .

عقول و افکار عمومیه به عرض و تفهیمیه چالشد یغمز  
برشی دخی اول شهر یار عذیم الامتالک بو موفقیت جلیله  
نصل ونه صورتله و اصل اولمش بولندق لری مسئله سیدر  
بو صورت موفقیت صحیحاً مدنیت مدنیت اوله لی هیچ بر  
پادشاهه میسر اولمامش بولند یغنی اولدن تأمین ایلیه بیلورز .

قضیه نك بوجه تنجده اولان تفصیلات اساغیكنی فقره مخصوصه .  
 لرنده كور یله جك ایسه ده هاله شمیدن شو قدر جفنی اولسون  
 عرضه مجبورز كه كرك قوانین شرعیه و كرك قوانین  
 طبیعیه نك حریت بشریه بی تأمین ایلیان اساسلری شمیدی به  
 قدر مسلم و غیر مسلم عاداتا هر حکمدار طرفندن هدم ایلمكه  
 وانلره بدل کندی او امر جبارانه لری بر راس قانون طرزنده  
 ترویج اولمغه چالشلیدیغی حالده شوكتلو پادشاهمن سلطان  
 عبدالحمید خان افندمن حضرتلری مقام خلافت و سلطنتك  
 شان اصلینسنه قطعاً توافق ایده میان وهله کنديسنی ملتدن  
 وملت کنديسنندن عبارت یله رك عمر بنی کوننی و کافه  
 اقتدار و مساعیسنی ملتنه حسن خدمتله بحق ابقای نام ایتمك  
 ایستیان حکمدارلر ایچون اصلاً مقبول و ممدوح اوله میان بنای  
 استبدادی کندی یدا اختیار و اقتدارلر یله و حتی اشبواستبدادی  
 موافق شان خلافت و سلطنت ظن ایدرك محافظه سی املنده  
 بولنانلرك دخی خلاف رأیلر یله بالازاله یرینه خلافت  
 و سلطنت شانه جداشایان اولان و شریعت احدییه  
 کبی بر قانون الهی و قوانین طبیعیه کبی بر قانون مدنی ایله تأمین  
 ایدیلان استقلال صحیح و تامی اقامه بیورمشلردر كه عقول  
 اولین و آخرینه جداً حیرت و یره جك اولان شی ایشته  
 بوقضیه در .

ایمدی قوانین اساسیه حقهنده بورایه قدر الدیغمر معلومات

مجمله ایله عثمانلو قانون اساسیسی مسئله سنی حسن محاسبه کیه  
تهیه ایدلمش دیمک اولان افکاریمز او کنه قانون مذکورک  
کیفیت و صورت و ضمنی مبین فقرات آتینک دخی کشادی  
صره سی کیشدر .

## ❖ ایکنجی فقره ❖

قانون اساسی و خط هما یون عبد الحمید ثانی

قسم اولده فقره مخصوصه سنده ایضاح و بیان ایدلدیکی  
وجهله دور عبد العزیز خانیده ترقیات قلبیه و فکریه بی منع  
ایچون الدن کلان همتک دریغ ایدلما سی و نه غزت لرده و نه ده  
کتب و رسائل سائر ده بو بحثلره دائر حرف و احد سو یلتدیر مامکه  
فوق الغایه دقتدن کیر و طور لمام سی نه بیوک برفنالق اولدیغنی  
دوشونه جک بر ایشته بورا سیدر . عالمده هیچ بر ملت تصور  
اولنه مز که نیک و بد احوال انک نظر و قوف و اطلاعنه  
عرض ایدلدیکی زمان یله یله فسانغی ترجیح ایدرک انی  
استحصاله ساعی اولسون . نیجه بیوک قلمردن چیقمش  
آثارک مطالعه سی و بالخاصه هر کسک کندی یورکی ایچنده کی  
حسیاتک تدقیق ایله معلوم اولور که وطن دنیلان شی انسانلر  
ایچون والدهدن اعز و اقدس اولوب انسان اولادی بر حس  
درونی و طبیغی ایله مسقط رأسی و وطنی و ایلده سندن زیاده

سور ، حتی حسیات مدنیّه و افکار حریه ایله پرورش  
 بولان آدم لر وطنک سلامتی ایچون لزوم کورلدیکی کون جان  
 عزیزینی سوه سوه فدا ایلر . انجق بو محبت بوسودا یالکز  
 طاشدن طو پراقدن عبارت اولان بر قشقه ارضیه ایچونمیدر ؟  
 بویله اوله جق اولسه او محبتّه جدأ برسودا و محبت دیمکدن  
 زیاده حقیقه بر جنت دیمک دها مناسب دوشر . کر چکدن  
 مجنوندر اول آدم که بر آوچ طو پراغی آخرک تعرضندن  
 محافظه غیرتیه جاننی فدا اینسون . فقط وطن طاشدن  
 طو پراقدن عبارت بر قشقه ارضیه اولمق جهتیه محبوب  
 و معشوق دکلدر . او قشقه ارضیه جمعیت ملیه مزک یعنی  
 ملتیزک مسکنی اولدیغی ایچون مقدس و معززدر . وطنه  
 آیدیه چک تعرض ملتیزه بر تعرض اولدیغی ایچون اتی منع  
 یولنده ممنوناً فدای جان ایلورز . زیرا ملت دنیلان شی  
 همیزک اتحادندن متشکل بر جسم مرکب و متحددر . ملت  
 دیدیکمز زمان انک ایچنده جمله مز داخلز . آق صقالی پیر  
 پدرلریمز آق صاچلی مقدس والدهلریمز سوکیلی زوجهلریمز  
 جکر پاره سی چوجقلریمز قیمتلی همشیره لریمز برادرلریمز  
 وسائر اقربا و خویشانمز و حتی عزیز دوستلریمز هب او  
 هیئت ملیه مزنی تشکیل ایدن و هیچ طاعمدیغمز بر همشهری یه  
 وار نیجه یه قدر بر ربشقه صورتله قیمتلی و محبتلی اولان انسانلر در که  
 بونلرذن هانکی بر یسینه دشمن الی دکل بر آفت سماویه سر پندیسی

طوفان جق اولسه از ری محافظه ایچون آفت سماویه به دخی گندی  
 کو کسمزی آچق اوله بر حس درونی و طبیعتک مقتضاسیدر  
 کدو جبلت بزمه برابر انا مزدن طوغمش و شریطیعت ممدوحه  
 اصلیه نک بر طبیعت سیئه ثانیه به انقلابی عادات محالاتدن کورلشدر  
 دولت و حکومت دینلان شی حقیقتده بوقدر اعز و اکرم  
 اولان ملتکز حامیسی و بو عزت و کرامت حکماً کند یسنه انتقال  
 ایدن و طنمکز حاکم و تکهبانی اولدیغی جهته هر ملتک کندی  
 حکومتنه دخی بر محبت مخصوصه سی و بر سودای جبلیسی اولق  
 طبیعی و ضروریدر . بو حکمند مبنیدر که ملتک قوت عمومیه سی  
 دیمک اولان عسکر هر یرده صفت حکومت کند یسیله تشخیص  
 ایدن حکمداری « پادشاهم چوق یشا » دیه آفشلار .  
 بوسبیه مبنیدر که شوکت ملت و دولتک ظاهرده علامت باهره سی  
 دیمک اولان بایراغنی هر ملت تقدیس ایلر . او بایراغک دلالتی  
 ایله فدای جان و جهان ایدر . بو عزت او بایراغی تشکیل ایدن  
 ایکی اوچ ارشون بزرگ عزتیدر دیه اعتقاد ایتکه محل وار میدر ؟  
 او بایراقدده حکومت قدسیتی جلوه کر اولدیغی و بو حالده  
 بر قدسیت عظیمه پیدا ایدن بایراغک دلالت ایلدیکی خدمت  
 مطلقاً ملت و وطنک سلامتی ایچون اوله جفی شبهه سز  
 بولندیغندن هر کس بو وظیفه مقدسه و نظیفه بی ایفایه مسار عتدن  
 بر ثانیه بیله تا آخر ایتامکه چالیشور .  
 ایمدی بر خلق حریتله اداره اولنور ایسه شو حقیقتلر

او خلعت گوزی او کنده بیودیکه بیو بهرک و بناء علیه وطنک  
دوانک ملتک قدسیتی آرتد قجه آرته رق اولانجه قدرت مادیه  
و معنویه سنی او یولده فدا یتک ایشدن بیله دکل ایکن او خلقی  
بالعکس اسارتله اداره ایلک شو حکمی بر عکس اوله رق حاصل  
ایلیه جکنه هیچ بر عاقل شبهه بیله ایده مز • دوشونعلیدر که  
بر آدمه کندی قرنداشی اولادی اقر با و خو یشانی احبا  
و یاران می حقیقه دوست اولور یوقسه تحت قهرده استخدام  
ایلدیکی اسیر می ؟

ایشته حقیقت حال شوندن عبارت ایکن دور عبدالعزیز  
خانیده ملت حریتله اداره ایدملک شوبله طور سون حتی لفظ  
حریتی تلفظ ایلک بر کله کفر سونلش اولاق کبی بر نظر  
خصوصت ایله تلقی ایدلمشدر که بو حاله کوره البته حریتپرست  
اولسی طبیعی بوانان افکار عمومیه دخی او اداره یه بحق  
نفرت و خصوصت کوسزمشدر • ذات شاهانه لری حریتپرور  
بر حکمدار اولسه ار ایدی اغور همایونلرنده هیئت عمومیه  
ملتک قانی دو که جکی بدیهی ایکن او فلاکت عظیمیه او غرامسی  
اوزرینه درت طامله کوز یاشی دوکن درت آدم بیله  
بولنه مامبی و بالعکس عموم افکار عثمانیه نک بو وقعیه بی پک  
بیوک برمنونیت واطمئنان ایله تلقی ایلش بولنسی ار باب عقولی  
حیرته غرق ایده جک و عادات اغلاته جق بر عبرتدر •  
بالاده مندر ج برنجی فقره مزده خلاصه الخلاصه سنی

عرض الملش اولديغيمز قوانین اساسیه احرارانه فکرلرینک  
افکار عمومیه عثمانیهده وجود بولسینی منع ایچون ایدیلان  
مساعینک کافه سی برر سعی عبث اولدیغنی تقدیر ایدمه مامک  
دور عبدالعزیز خانینک الیولک خطیئاتندر . اکر بو حقیقت  
تقدیر ایدملش اولسه ایدی بر محمودندیم پاشاک متبوع اعظمینی  
سمرقت صحیحه و صریحه به الشدیر مسی کبی عقللرک اینانه مامغه  
چالشدیغنی سوء احوال البته وجوده کلز ایدی .

اوت افکار حریتی منع ایچون ایدیلان مساعی کافه  
برر سعی عبث ایدی . زیرا حریت دینلان شی نزد  
اسلامده موادمجهوله دن اولیوب بونجه کتب شریفه فقهیه  
اداره احرارانه بی مفردات و تفصیلاتی و جهله ارانه و تعیین  
ایلر ایدی . بوندن ماعدا الیوم بین الملل لسان عمومی حالنه  
کیرمش اولان فرانسز لسانی اوزرینه مطبوع بیکلرجه ودها  
طوغریسی بوز بیکلرجه مدونات کره ارض اوزرنده ساکن  
بالجمله ملتلرک و دولتلرک اداره لرنده اولان صورت احرارانه  
ایله صورت استبداد کارانه بی بروجه مفردات انظار اطلاعه  
قویمقده ایدی . اما مطلوب اشبو حقایقک خواص بیننه  
منحصرقالمسی و عوامک بوندن خبردار اولماسی ایسه بو صورت  
بالکلیه باطل ایدی . زیرا حقایق احرارانه عوام بیننده  
منتشر اولیوبده خواص دائرهمسی ایچنده محبوس اولور  
ایسه خواصک عوامی خلاف حقایق اوزرینه اغفال



واضلال ایدہ بیلسی ممکناتدن اولوب نظر عوام آچیق و فکر  
ناس او یانق اولور ایسه چونکه افکار عمومیدنک خلاف  
حقیقت بر باطل اوزرنده قرار قیلسی محال اوله جفندن عوامک  
کوزینه پرده چکمکه چالیشان ادارهک بو سعی مساعی  
سارہ سندن دها عبث ایدی .

بوندن ده قطع نظر خواص تعبیر اولان و حقایق احواله  
وقوفی ایچون جواز و بریلان حقیقت بینلرک جله سی ملتک  
مضرتنه خدمت ایلیان و حالبو که حقیقه ده ملت ینہ کندیسندن  
عبارت دیمک اولدیغی جهتله کندی کندیسنی علیهنه  
چالیشیور دیمک اولان بر اداره یه مداهنه و مماشاده بولنه بملک  
ممکنیدر ؟ جله نک و جله ایله برابر کندی نفسنک سلامتی  
هانکی جهتده اولدیغی کورن بر عاقل برقاج کونلک اقبال  
ایچون دنیاده و آخرته کندیسنی محبوب و دنیا و آخرتدن  
ماعداد کندی وجدانی اوکنده دخی کندیسنی منفور ایلیه جک  
فضایحی ارتکابه نه دن مجبور اوله بیلور ؟ بناء علی ذلک  
وطنی ملتی دولتی بر محبت حقیقه و عاقلانه ایله سون بو مثالو  
خواص اول امرده کندیسنی خواص نایله عوامدن  
آیره مز که حتی کندی خزینہ عرفانده مدخر اولان حقایق  
کتمه لزوم کورسون . حقایق مذکورہ بی کتم ایتک عوام  
ایچونده خواص ایچونده حکومت ایچونده حتی بالانات  
حکمدار ایچونده بر حسن خدمت صایله میسه جفنی هیچ

بر وقتده نظر اهمیتدن اوزاق طومنز .

شو حقیقت قطعیه کندی حکمنی دور عبدالعزیز  
 خانیده فعلاً و تماماً اورتیه قویمشدر . ترقیات قلییه  
 وفکریه بی محو ایچون اولانجه قوتنی صرف ایلان براداره  
 زمانده موقوت وغیر موقوت طبع ونشر اولنان اوراقه برنظر  
 اولنسونده نه لر یازلش اولدیغی کورلسون واقعا نشریات  
 مذکوره خلیجه فدا کارلق بهاسنه اوتورمش ایسه ده هر حالده  
 حریت آریان مملکتلرک جله سنه وقوعبولان نشریات  
 احرارانه درجه سندن اشاعیده قلمامشدر .

بوسرک حکمتی ده اظهار ایدم که ار باب مطالعه شو نقطه  
 اوزرنده ده یالکز براستغراب ایله قالمسون . اگر دور عبدالعزیز  
 خانیده وکلا و رجال سلطنت تماماً محمود ندیم پاشا طرزنده  
 و او غیرنده آدم لر اولسه لر ایدی اشبو موفقیات احرارانه  
 احتمالی تصور اولنه بیلور ایدی ؟ دوا و ملت و وطنی  
 ایچون نشر حقایق منع ایتک درجه سنه حیثیتلرک عثمانلی  
 ملتی کبی وطنپرور بر ملتده بر ملیونده بر بولمز . عالم کوروب  
 بیلشدر که سیات زمانه قان اغلامقده هیئت ارکان دولت  
 افکار عمومیه تقدم بیلله المشدر . لغو اولنان بر غزنیه  
 اوچ کون صکره عفو ایله معامله ایتک و هیچ اولز ایسه بشقه  
 نام ایله بر غزنه اخراجنه مساعدده الیک و طرف عبدالعزیز خانیدن  
 نشریات مضره تهتیه زندانلره آتیلان ار باب حیثیتک بشقه

نامرله نشر یاتنه ینه مساعده الملك هب هیئت ارکان دولتک  
 حریت پرور لکری مقتضیاتدن ایدی . اکر نشریات احرارانه  
 یوانده جزا کورنلر بر فکر مفسدت جو یانده بولنوبده  
 بالمحا که جنایتلرینک ثبوتله جزا کورسه لر ایدی انلره  
 مظاهرت ایدنمی بولنور ایدی ؟ قانوناً جنایتی حکم اولنان  
 بر جانی ینه نه افکار خصوصیه ونه ده افکار عمومیه مظاهرت  
 ایده میسوب بالعکس خصومت کوسستر . نه حاجت حکم  
 اولنه بیلور که اکر عثمانلو خلق غایت صبور و غایت حزملی  
 بر خلق اولسه ایدی سلطان عبدالعزیز خان حضرتلرینک  
 فراغتلی بر قاچ سنه اول وقوعبولور ایدی . زیرا بردور  
 استبدادک موجب اوله ییله چکی منفعت ذاتیه بی دولت و ملتک  
 منفعت عمومیه سنه ترجیح ایلیه ییله چک اقبال پرستلر کندی  
 منفعت شخصیه سنی دولت و ملتک منافع عمومیه سنه فدا  
 ایلیه چک اولان ار باب حیثه نسبتله یک اقل قلیل ایدی .  
 دور عبدالعزیز خانیده افکار حریت پرورینک تعممی  
 منع ایدلمکدن ایکی مضرت عظیمه و اساسیه توالد ایلشدر که  
 بوکا نه قدر تأسف ایدلسه شایاندر . انسان بو ایکی مضرتک  
 دجه سنی دوشوندکجه کاشکی مطلوب اولان ممنوعیت تمامیه  
 حاصل اولسه ایدی ده بو ایکی مضرت دخی وقوعه کلسه ایدی  
 دیه دوشونور . زیرا او مضرتلر دخی افکار حریتک انتشاری  
 منع ایدلمک ایستنادیکی حالده ایدیله مامسندن نشأت ایلشدر .

بومضرتلرک برنجیسی خریت افکار مطلبی یالکز و ساده چه  
 بر « خریت افکار » اولمق اوزره لزوم دن بلکه ده زیاده  
 اوله رق تعمم ایلش بولندیغی حالده حقوق و خریت عمومیه نك  
 مبنی علیهی بولنان نیجه مباحث علمیه و فنیه بحق میدانه چیقمدیغی  
 جهته خلقک بو باده یالکز بر آرزوی شدیدده قاهره فقط  
 مقصدک لزوم کوسه تدیکی معارف سیاسییه و معلومات  
 حقوقیه دن محرومیتنی ایجاب ایلش بولمیسیدر . مؤخرأ ذات  
 حریتسمات حضرت عبدالحمید ثانینک قانون اساسی ایلله عانه  
 خریت و یرمک عزم مجددانه سنه قیام بیوردقلری زمان عن  
 اصل مطلوب عمومی اولان اشبو حریت ادارهیه اعتراضده  
 بولنان بر طاقم آدم لفظه ور یله ساده دلان اهالییه بیانی اجرای  
 نفوذ ایلدکلری وقت بوقضیه نك درجه مضرتی کورلمشدر .  
 مضرتک ایکنجیسی ایسه خلق مقصد حریتک حقایق  
 وغوامضنی یالکز علی الغمیا اعتراضده کوره رک ابی فنا مشروع  
 غیر مشروع هر نه بی کورر ایسه همان اعتراض و مؤاخذه  
 و تزییف کی بر سوء اطوار پیدا ایلشدر که بومضرتک درجه سی  
 هر کون کوریلان بیکرجه احوال ایلله تعین ایدر . اگر  
 وقتله حریت مقصدی مکتبلرده تدریس ایدلمکه باشلامش  
 اولسه ایدی دولت و ملت افکار عمومیه نك اعتراضات عامیانه  
 و جاهلانه سندن قور تیلور ایدی که بو یوزدن حاصل اوله حق  
 منفعتک درجه سی دخی حد و حصرتک خارجه چیقار ایدی .

فقه و حقوق بحثرینك هنوز رب یسرینی کورمیانلرك حقوق  
و حریت بحثرلنده باخصوص بر فکر معترضانه ایله الایلرویه  
وارملرندن بیوك دولت و ملت ایچون آفتمی اولور ؟

عصرک شواحوال بحجیه و غریبه سی ایچنده سرای همایون  
حضرت خلافتناهیده و دائرة جلیله نجابتناهیملرنده تخت  
شوکت بخت عثمانی ایچون ایکنجی درجه ده نامزد بولنان  
سلطان عبدالحمید ثانی افندمز حضرتلری خلافت و سلطنت  
کبی بر موقع عال العاله نامزد بولنانلر ایچون شیء خسیس کورنلک  
لازم کلان لهو و لعب و سفاهت و بوش بره امرار وقت کبی  
شیلردن تمامیه بری اولارق و حکم الهییه تمامیه رضا مثلاًو  
تدین فوق العاده و اعتقاد تام ایله او یله غایت اقبال ایچون  
تهالک و تحسردخی کوسترمیدرك اوقات جلیله لرینک ال بیوك  
قسمی کتب موجوده دن ماعدا هر نوع محررات و نشریات  
دخی مطالعه سنه صرف ایله برملت عظیمه نك اقبال تامی نه لره  
منوقف اولدیغنی کمال استراحت بال و حضور حال ایله  
تدقیق ایلمکده ایدیلر . احوال خصوصیه شاهانه لرینه  
واقف اولانلر ایچون تفصیله حاجت اولدیغنی وجهله مقام  
خلافت و سلطنتده بولنه جق ذوات شوکت سمات حقنده کی  
فکر همایونلری حکمداران ذیشانک هیئت ملتدن بشقه بر  
وجود اولیوب حقیقتده ینه اولمت منسوبه افرادندن هم ده  
ال مهم بر فرد اولسی و مقام اقدس خلافت و سلطنته کنیدی

حضور و راحتی ایچون کلیوب بلکه ملتک اقبال و سعادت  
خدمت ایچون کلش بولنسی قضیه حقیقه لرندن عبارت اوله رق  
خلیفه ثانی حضرت عمر الفاروق رضی الله عنه افندمرک  
خلافت و حکومت امرنده کی مساک جلیلرینی حکمداران  
دیشان ایچون پک زیاده موافق بولورلر و بناء علیه خلیفه  
مشار الیه حضرتلری کبی هر شیده بالوجوه قناعتی و امور  
اداریه ککنجه جزئیات مفر داته و ارنجهیه قدر هر شیئه بالذات  
دقت و غلاوه همتی واجب کوررلر ایدی . خصوصیت  
احوال همایون حتمده بر نبذه قلیله دن عبارت اوله رق  
و یرمش اولدیغمز شو معلوماتک ریا و مداهنه جل اولمیه  
جغندن امینز . زیر معلومات مذکوره دلائل مادیه دن  
عاری الفاظ بلا حکمدن عبارت اولیوب شهزاده لکری  
زمانده یالکز کندی دأره خصوصیه لری داخلده حاکم  
بولدق لری مدت بر منوال سابق مفردات امور شاهانه لرینه  
و ارنجهیه قدر بالذات رؤیت و دقتله دأره جلیله لرینی  
اولیه ملیونلرجه دیونه کرفتار ائلک شویله طور سون ابتدای  
جلوس لرنده جلوس مصارف معلومه سنخ حزینه یه بار  
ایتمکسزین جیب همایونلری موجودندن تسویه ایلدک لری  
کبی بوندن اول مبحث مخصوصنده بیان اولندیغی وجهله ذکر  
اولنان اداره خصوصیه نک عمده مدخره سیله ترسانه عامر لری نک  
پنجی بر احتیاج عاجلده امدادینه یتشمش لر دز . جلوس

همایونیدن بو گونه قدر کیجه لی کوندوزلی اوقا - شاهانه لرینی  
ایسه یالکز امور دولتی مطالعه و عهده شاهانه لرینه اصابت  
ایدن خدماتی وقت وزماننده روئیتله پکوردکاری هر کسک  
اشکارا مشاهده ایلدکاری بریداهتدر .

ایشته بوصفات حمیده ایلله متصف و تحقیقات و تدقیقات  
واطلاعات دورا دورلری ایلله هر خفایا و حقایتیه واقف  
بولنان شهر یار فاروق شعار افندمز حضر تری استبداد  
ادارمک بورایه قدر تعداد ایلل یگمزدن عبارت دکل دهانیجه  
نیجه سیات و مضر اتنی نظر همایون حکمت نمون ملوکانه لرنده  
تعین ایلش و بردولتک غایت شو کتی ملتک و فرت قوتیله  
حاصل اوله جغی و ملتک و فرت قوتی ایسه حسن اداره یه  
متوقف اولوب اداره کیفیه دینلان و تملی اداره مذکوره  
ار بابنک ذوق و صفا و اسراف و سفاهت و تنرور لکاری  
ار اسنده لطفاً و کرماً فدا ایده جکاری مساعیدن عبارت بولنان  
بر اداره ایلله بو ملوک حصوله کاه میه جکی و بناء علیه اداره کیفیه  
بعض ذوات ایچون پک ذوقلی و پک نافع برشی اوله ییلسه دخی  
طوغر یدن طوغری یه ملت ایلله یه طوغر یدن طوغری یه  
حکمدارینی مسعود ایلله میه جکی و بر مملکتده حریت تامه  
زنهار مضر اولمق شو طرفه قالسون بالعکس ملت ایلله  
حکمداری برجان طاشیور کبی یک وجود ایلله جکی و اخص  
املی ملتک سلامت صحیحه سندن عبارت بولنان و کنیدی راحت



و حضور ینی ده او یو اده فدا ایله عمر عز یزینی ملته خدمت  
 ایچون وقف ایلیمان بر حکمدارک محو استبداد ایله تعیم  
 حریتدن برکونه احترازی اولق مستبعد اولقدن مانعدا  
 بو یولده البته والته کندیسنه پیرو اولقدن کیر و قالیه جق  
 اولان ملنک دخی افکار عمومیه سنی و حسیات قلبیه سنی جلب  
 ایتک کی حکمدارک ذاتی ایچونده پک یسوک و پک مهم بر  
 قوت معنویه و بر منفعت مادیه حمله کتوره جکی حقایقنی  
 نیجه سنه لردنبری بالاستخراج و بو یولده ارتق نصیحت  
 ناصحه دخی استغنائی احتیاج حاصل ایتش بولند قلرندن جلوس  
 همایونلریله برابر ماهیتلری اشاعیده محاکمه ایدیله جک اولان  
 برطاقم معروضات نصیحت کارینک هیچ بر یسنه مغلوب  
 اولیه رق و مسئله نک محاکمه مفرداتی صکره یه تأخیر ایلیره رک  
 بر خط همایون نشر ییور مشلردر .

سبحان الله! بو ورق همایون نه مقدس برشیدر! بو اولیه  
 بر ورق همایوندر که بر خیلی سنه لردنبری افکار عمومیه خاک  
 فیضنا کنه اکیلان تخم جلیل حریت هنوز هیچ بر فکر فیضه کده  
 پرورش بوله مدیغی حالده کیمی فکر عبد الحمید ثانی بو تخم  
 اقدسه یواش یواش پرورش ویره رک ایلک تازه ورقنی  
 ایشته او ورق همایون صورتنده عیون آرای حریت پرستان  
 اولق اوزره میداننه چیقار مشدر . شجر حریتک اشبو ایلک  
 پاپراغی اوزرینه انضمام ایلیمان قانون اساسی و خطوط همایون

سائر طوبای دنیوی اطلاقه شایان اولان اول درخت سعادت  
 بختی انشاء الله تعالی امت اوزرنده الی یوم القیام بر ظل رحمت  
 اوله رق ادامه ایلیه جک وشو حالده شهریار حریت شعار  
 افندمز حضرتلری ﴿ ظل الله فی الارض ﴾ صفت  
 جلیله سنه یا مکر لفظاً اذ کل حکماً و مادهً و فعلاً یکنه بر  
 موصوف اولوب قاله جعفر .

دولت و ملتک سلامتینی جد آدوشونان هر ثمانلو ایچون  
 عادتاً حرفیاً از بر ایدلک فریضه دن اولان اشبو خط همایون  
 پادشاهی [ ۱۰ ] رقیله آثار متممه قسمته درج ایدلش اولوب  
 بونک مطالعه سیله معلوم اوله جنی وجهله دولتک ذوچار  
 اولدیغی حال بحران و اغتشاشک سبب اصلیمی بر قانون لایتنغیره  
 تمسک ایدلیه رک هر کسک بر اداره کیفیه اصولیه اتباع ایلیمی  
 قضیه سندن عبارتندریه تمین و اراءه بیوریلان حقیقت  
 شمیدییه قدر استبداد اداره حقنده اعطاسنه چالشیدیغمز  
 ایضا حاتک روحی اولدیغنه هیچ بر عاقل شبهه ایده مز . ذات  
 همایون پادشاهی اشبو خط شریغده بو مملکتک معمولیتی  
 و تبعه و بر ایانک بلااستتنا حریت شخصیه نائلیتیه برابر رفاه حال  
 و سعادت نیت خالصه سیله شمیدییه قدر هر نه یانلش و نصل  
 اسبابه تشبث اولنلش ایسه دوام ایده میهرک درلو تغیراته  
 اوغرامسیله مقصد اصلی بی انتاج ایده مامسی قانون و نظامه  
 ثبات اوزره اتباع ایدیه مایسندن متولد و منبعث اولدیغی اراءه

واتيان بيور بيورلر كه قانون و نظامه اتباع ايده مامك يالكز فكر  
استبداددن نشأت ايله جكي ملاحظه يه احتياج بيله  
كوسه ترميه جك اولان بديهيّات امور دندر . بر مملكتده فكر  
استبدادك بويله قوانين موجوده يه دوام و ثبات اوزره اتباع  
ايديله ميه جك قدر قوت بولسي سبيلري تحري ايديله جك اولسه  
قانونلر آراي عموميه نكده انضماميله يابيلش و برهيت مبعوثانك  
نظارتنه توديع قلمش شيلر اولمامسندن نشأت ايله جكي البته  
سلم بولمسيه . پادشاه حقايق آگاه افندمرن حضرتلري بو حقيقتك  
توصيه ايلديكي چاره محض اوله رق قوانين و نظامات مملكتك  
عمومه باعث امنيت اوله جق بر صورتده وضع و تنظيميله برابر  
بلا استثناء حرف بحرف اجرا سني تأمينه كافل اولق و بر دولت  
و مملتك قوه محر كه حياتيه سي مشابه سنده اولان امور ماليه سنه ذه  
نظارت الملك ايچون آثار و افعالي عمومك وثوق و اعتمادينه  
شايان و مملكت و اهايمزك اخلاق و قابليتنه حسب ان بر مجلس  
عمومينك تشكيل و تأسيس ل زومني حكم و بونك بين الوكلا  
مذاكره سيله قرار ينك عرض و استيذانني فرمان بيور مشلردر  
قسم اولده كي فقره مخصوصه سنده بيان ايدلديكي وجهله  
جلوس همايون سلطان مراد خاننده اسطار بيوريلان خط  
همايونده بر زماندن بري دولتك امور داخله و خارجيه سنجه  
بولنديغي احوال مشكله افكار عامه حقنده بعض مرتبه  
امنيتسزلك ايله مالا و ملكا بر طاقم مضر تلري و درلو درلو

راحتسرز لکری موجب اولدیغی بیان بیورلدقدن صکره  
 بوحالک دفع و اصلاحیه مملکتک و عموم تبعه دولتک آسایش  
 و امنیتنی و مادی و معنوی سعادت و سلامتنی موجب برطریقک  
 اتخاذه اصول و اداره دولتک براساس متین و صحیح اوزرینه  
 تأسیسنه موقوف اولدیغندن و بناء علیه دواتک اداره  
 عمومیه سی نفس الامر و قابلیت اهالی به توفیقاً قوانین قویه  
 ایله تقید اولنمندن عبارت برطریق کوسترلسنه قانون اساسی  
 و هیئت مبعوثان تشکیلی معناسنی و یرنرک غبثله اشتغال ایتیش  
 اولدقلری مؤخرأ او معنایی و یرمکدن دخی منع ایدلمرلیله  
 ثابت و متحققدر . خط همایون حضرت عبدالحمید ثانیله  
 ایسه مقصود حقیقی آچیقندن آچیغه و بر صورت قطعیده  
 درمیان بیورلدیغی جهتهله هیچ برکیمسه نک حصول مطلبده  
 شبهه سی قالمیه رقی افکار عمیق اربابی یانکز بو خط همایونک  
 دخی بر قانون اساسی طرزنده قبول و حکم اولنه بیله جکنی تسلیم  
 ایلشلردر .

اشبو جلوس خط همایونک ایلاک مسوده سی باب عالیجه  
 مدحت پاشا طرفندن قله انهرق خاکپای شاهانه به تقدیم  
 قلمشیدی . انکده صورتی کورلک ایچون آثار متممه قسمنه  
 [۱۱] رقیله درج اولندی . ایکی خطی یکدیگرلیله تطبیقدن  
 اکلاشیله جنی و جهله طرف اشرف حضرت پادشاهیدن  
 رسماً اعلان اولنان خط همایون اولکی مسوده اوزرینه پک

چوق اصلاحات اجرا اولندقدن صکره نشر بیورلمشدر. یعنی مسوده مذکور مک درجه اهمیت اکلاشلمسزین و کیفیت نظر تدقیق و تعمیق ایله امتحان اولنمقسزین نشر ایدیه ویرمیوب حتی خط شریف مذکورک جلوسدن اون ایکی کون صکره نشر بیورلمسی و بناء علیه هر کسی انتظارده براقش بولنسی ایله دخی استدلال اولنه جغی وجهله ذات حکمتسمات حضرت عبدالمجید خانی خط همایونلرنده ویردکاری وعدلرک یکان یکان ماهیت و اهمیتلرینی تقدیر بیوره رق و تفرعات سائر سنی دخی ذهن همایونلرنده دوشونوب حاضر لایه رق اولو جهله اعلان بیورمشلردر .

واقعا ایلك مسوده ده دولت علیه نك اصول مشروطیتی قبول ایلمش اولدیغی اول بول تصریح قلمشیدی . انجق او کون خط همایون مذکور بوضورتله اعلان بیورلمش اولسه ایدی احتمال که افکار عمومییه بو « مشروطیت » لفظنک حکم حقیقیسنی اکلایه میهرق ینه مطمئن اوله من ایدی . زیرا اوزمانه قدر اداره احرارانه یه دائر نشر اولنان مباحثده ملت مجلسی و مجلس عمومی و اصول مشورت کبی تعبیرلرناس بیننده تعمم ایدوب حتی « قانون اساسی » لفظی بیله هنوز استعماله باشلانماش و هله اصول مشروطیت بزجه موجود اولان آمال عمومییه میاننده همان هیچ ذکر ایدلیه رک بعض کتابلرده بو لفظی اورو پاجه بالاستقلال امپراطورلق ایله

بالمشروطیه قرالاق اراسنده کی فرقی تعیین ایچون استعمال  
ایلدکاری کوراشیدی . عثمانلی ملتی ایسده کندی مقام  
حکمرانیلری ایله اورو با حکومتلری اراسنده برمناسبت ارانه حق  
اولورسه ذهنلرنده دائماً ایمپراطورلغی بواغه الشمس و خط  
همایون مذکور اوزرینه سبقت ایدن بر طاقم مذاکرانده  
دخی بویله مشروطیت کی تعبیرلک بین الناس حکم حقیقیسی  
اکلاشیله میهرق شاید بر نظر استخفافله تلقی ایدیله چکی درمیان  
اولمش بولندیغندن بو تعبیر و اوقیره خط شریفدن قالدیرله رق  
حکمی ینه او مقصد اوزرینه قائم اولمق اوزره مجلس عمومی وعد  
بیوراشدر . مسوده نك بو صورتله تصحیح و تعدیلی عین حکمت  
اولدیغنه شبهه یوقدر . زیرا مقصد اشبو خط همایون و مؤخرأ  
اکا انضمام ایدن مباحث شی ایله افکار عامه یه کوزلجه  
یرلشدیرلدکن صکره قانون اساسی نك اعلا نی مشعر اولان خط  
همایونده بو تعبیر «قاعده مشروعه مشورت و مشروطیت» دیه  
بالاستعمال قانون اساسیدن مقصد اصول مشورت و مشروطیت  
اولدیغی علناً کوسترلشدر . بومثلا و قیود احتیاطیده اوزمانلر  
نه قدر احتیاج اولدیغی یقینده قانون اساسی مباحثی اوزرینه  
نه کبی اعتراضلر میدان چیقدیغی حقنده کی تفصیلاً تله معلوم  
اولور .

ایلك مسوده ده مقام صدارتک باش و کالت صورتنه  
تحویلی کوسستراش ایکن نشر اولنان خطده او مقامک ینه

صدارت صورت‌نده ابقا اولمسنك حكمتی ايسه پك بدیهیدر .  
 باش وکالت مقامی بر قانون اساسی ایله اداره اولنان مملکتده  
 هر بری امور عمومیه ده مشترکاً و عموماً و امور و خصوصیه ده  
 منفرداً مسؤل اولسی لازم کلان و کلانک ریاستی مقامی اولوب  
 حالبو که بزده او زمان هنوز قانون اساسی در دست ترتیب  
 و اعلان بولاندیغی مناسبتیه قانون مذکور اعلان اولمسن  
 باش وکالت مقانك تأسیسی وقت و موتمندن اول یانلش بر  
 ایش اوله جق ایدی . قانون اساسی اعلان اولوب ده بعضی نظامات  
 متفرعه سی دخی یا بلغه باشلادیغی زمان بوم قصد دخی حصوله  
 کتور لمشد .

تصرفات مطلوبه میاننده سرای همایون پادشاهی مصارفندن  
 دخی شو قدر کیسه نك تنقیح و تخصیصاته همایونك شهری  
 شو قدر کیسه نك قصر و تخصیصات همایونك شهری شو  
 قدر کیسه یه تنزیله داثر اوله رق ایلك مسوده ده مندرج  
 اولان فقره یه حقیقتده نه احتیاج کور یله یلور کذات حکمت  
 سمات حضرت تاجدارینك تصرف و قناعتکار لقلری مسلم  
 و مستحسن انام و عوام اولوب بوندن مقدمکی فقراتده دخی  
 سبقت ایلدیکی وجهله سرای همایونجه اجرا اولنان اصلاحات  
 و تصرفات سایه سنده حتی مؤخر آ پاره لقائمه یه تحویل ایدوب ده  
 قوتی بر ثلث درجه سنه تنزل ایلدیکی زمان یله ینه وجوده  
 کتور یلان تصرفات ثمره سیله معاونت حریه و مجروحین



عثمانیه اعانه لرینه و اعاشیه مهاجرینه طرف شاهانه دن کابتنلی  
معاونت لر کوسترلمشدر .

اولکی مسوده دن طی و اصلاح ایدیلان بر فقره دخی  
سرای همایونده بولنان جواری و حرم اغارینک آزادیله  
عموم ممالک شاهانه ده اسیر اخذ و اعطاسنک منعی قضیه سی  
اولوب اکر چه مسوده مذ کورده ده بو حال مغایر شرع  
شریف کی کوسترلمش ایسه ده شرع شریفک بو بایده کی  
اقتضاسی پک چوق بحث کتوره جک برشی اولوب حقیقت  
امرده ایسه بوایش اورو پالورک جله آماندن اولمسیله مجرد  
اوجهته برجیله کوسترنک ایچون ایدی . حالبو که ذات  
حضرت پادشاهینک وضع ایده جکلری اداره احرارانه یه  
نمیبله بومسئله پک کوچک قالوب بو نکلہ برابر دوسعادتده  
استخدام اولنان اسرانک اسارتلری دنیا نکل هیچ برطرفنده کی  
اسارته مقیس اولمیه رق جواری میاننده استفراش اولنانلری  
عادتاً ازدواج طرزنده بر قاعده یه تابع اولدیغنه و خدمات سارویه  
تخصیص قلنانا ی دخی نوعما اولاد معنوی کی بر حالده  
بولنوب هله سرای همایونده بولناسلرک نائل اولدقلری  
مسعودیت هیچ بر سعادتہ مقیس اولمق شو یله طورسون  
اسرانک کندی مملکتلرنده حکمدارلرینک بیله کورمدکلری  
بر رفاه و حضور مسعودانه یه شایه شهر یاریده نائل اولدقلرینه  
مبنی بولنرک بر مضیقہ دن تخلیصلری طرزنده ازاد ایدملری

اوليه اصلاح مملكت ايجون اول باول الزم و اهم اولان  
 خصوصاً تدن عد اولنه مز . مصر طرفلرنده اولديغي صورتله  
 اسرآنك بر حال سفالت واضطراب ايجنده بولند قري صورتله  
 كلنجه بوحال ذاتاً و قانوناً منوع ايدي . مع هذا حریت  
 عمومیه نك برنجی حامیسی اولیق حیثیتیه بحق ابو الاحرار  
 عنوانی الان ذات حریت سمات حضرت شهر یار نك هر  
 صورتله اسارتی سود کاری محقق ايسه ده بزجه یایله حق  
 سائر بونجه مهمام اصلاحات طور رایکن مجرد اورو پایله دخی  
 خوش کورنك اوزره مملکت مزجه و مدنیت مزجه پك چوق  
 صکره یه قالان و شر عمر زجه دخی جواز و عدم جوازی صورتی  
 بك بیولر مبا حثیه احتیاج کوسترن بوقضیه بی خط هما یونلرندن  
 طی بیورمش اوللری هر حالده پادشاه مزك دور اندیشلکرینه  
 دلالت ایدن قضا یادندر .

الحاصل خط هما یون پادشاهی بزجه عمومأ یکانه بر  
 مقصد سلامت جو یانه اولان قانون اساسینك دخی اس اصلیدی  
 اولدیغندن قانون مظلومك مذا کره سیله هیئت مبعوثان  
 واعیانك تشکیلی مسئله لری خط شریف مذکور اوزرینه  
 مرقع بحث و مذا کره یه التمشدر که کیفینك بوجهتی فقره آتیله ده  
 کور یله جکدر .

استانبولده قانون اساسی مباحثی

افکار عمومیه خاك فیضنا کنه اکیلان تنیم حریتک  
هیچ بر فکر برکت دارده فیض بوله میوب ده یالکز افکار  
حریت دثار حضرت عبدالحمید ثانیده پرورش بولش اولسی  
و ابتدای جلوسده نشر یسوریلان خط همایون حضرت  
پادشاهی بی متضمن اولان ورق بختیارک ایشته او تنیم حریتدن  
تتمو ایلان ایلک ورق شوکت مدار بولنسی حقنده یوقار وکی  
فقره مزده ویرمش اولدیغیمز خبرک زیاده اهمیت شایان  
بر خبردر • جاوس میمنت مانوس حضرت پادشاهی شرف  
وقوع بولدیغی کوندن برقاچ کونه قدراشیو خط شریفک  
تأخر ایلمسی اولجه دخی بالناسبه اخطار اولندیغی اوزره بونک  
مندرجاتی ارکان دوات بیننده مختلف فیه اولمسندن ناشی  
ایدی • ذات حضرت پادشاهی بو ملک و ملتی بیاغی تقرب  
ایلدیکی ورطه انقراضدن قوتار مق مطلقا بر اداره احرارانهیه  
برقانون اساسی به بر هیئت مبعوثانه منوط و متوقف اولدیغی  
اخطار یله خط همایون مذکوری بونلری وعده ایدر بر  
صورته قله آلمی فرمان بیوردقوری حالده هیئت ارکان  
سلطنتدن بر قسملک بونده بعض مرتبه محذور لر کوره رک

راضی اولماق ایستیری استغرابه شایان کور لسه یری واردره  
تحقیقات صحیحهدندر که جلوسدن صکره پادشاه نو جاهمن  
افندمن حضرتلری مابین همایون سرکاتبی سعید پاشایی برقاج  
دفعه وکلادن برقاج ذاته کوندروب خط همایون مذکورک  
اول صورتده قلمه النمی حقنده کی رأی همایونلرینی تبلیغ  
واوابنده وکلانک دخی رأیلرینی استفسار بیور مشلدر .

تنسیقات جدیده بی مضر کورن ارکان ایله تنسیقات مذکورده بی  
ترویج ایلیان ارکانک اصل محاکمه فکر و مطالعهلری یقین  
وقتده کله جک برشی اولوب ابتدای امرده یعنی خط همایونک  
قلمه النمی باینده ایسه مخالفت افکار او قدر امتداد ایتدی .

نشر اولنان صورتده قلمه آلنان خط همایونی قانون اساسی  
طرفکیرانی نظامات و تنسیقات جدیده ایچون بروعد صریح  
عد ایلد کیری کبی قانون اساسی خلا فکیرانی دخی بونی ایلروده  
تأویلی قابل بروعد اولمق اوزره تلقی ایدرک اول صورتده  
یازلمسده مقاومت و معانده ایتدیلر . کذلک تحقیقات صحیحهدن

در که بونلرک مطالعهلری خط همایونده ( مجلس عمومی )  
دیه وعد ایدیلان هیئتی دولته بعض ذوات مناسبه و منتخبه دن  
عبارت برشورای ( خصوصی ) صورتده تشکیل ایله  
بووعدی دخی یرینه کتور مش صایعقدن عبارت ایدی .

اصل قانون اساسی مباحثی خط همایون مذکورک انشارندن  
صکره اورتهیه چیقدی . همده بر صورتده چیقدی که

سوز يالکز مطبوعات عالمنه انتشار ايله قاليوب عاداتا ياغہ قدر  
 دوشدى واحادناس مختلفارينه قدر ايندى . و حالده قانون اساسى  
 خلافکيرانى ايله طرفکيراندن عبارت اولان ايکى قسم اصلى  
 کنديلرنجه دخى ايکيشر قسمه انقسام ايشلرايدى . خلاف کيرانک  
 ايکى قسمدن برىسي اشبو قانون اساسينک مخالف شريعت بر بدعت  
 اولسنى دوشونور و ايکنجيسى ايسه بونک خلاف شريعت  
 بر بدعت اولديغنى يلوب شوقدر وارکه انى سياست مضر  
 برشى کورر ايدى . طرفکيرانک منقسم اولديغى ايکى قسمه  
 کلنجه بونلردن برىسى قونستيتوسيون يعنى قانون اساسى  
 دينلان شى طرف دولتدن ويريلور برشى اوليوب ملت  
 طرفندن آلنور برشى اولديغى ايچون نظامات اساسيه سنک  
 طوغريدن طوغرى يه ملت طرفندن وضع ايدلسنى التزام  
 ايتش ايدى . زيرا او زمانلر اورتهده کرن حوادث قانون  
 اساسينک طرف دولتدن تنظيم اولنق اوزره بوانديغنى  
 مبن ايديلر . طرفکيرانک ايکنجى قسمى ايسه بزم قونستيتوسيون  
 اورو پا قونستيتوسيونلرينه مقيس اوليوب طرف دولتدن  
 احسان اولنش برشى اولديغى ايچون نظاماتنک دخى طرف  
 دولتدن تنظيمى طبيعى اولديغنى بالتسليم انکله قناعت  
 ايدرلر ايدى .

برنجى و ايکنجى فقره لر يمزده قوانين اساسيه حقند  
 مقدمه يوالو تاريخ و حقوق علملرينک دالاتى اوزرينه ايندا

بسط ایلدیکمز معلومات ابتدائیہ اوزرینه بوققره مزده  
دخی شودرت فکری محاکمه ایتمز ایسمک بر بحثک یالکمز  
مقدمه سیله بالاشتغال تیجه سنی مسکوت عنہا براقق کبی دیگر  
بر منطق سزلقده زها بولنمش اولورز .

اول امرده اوزمانلز (مشروطیت) و (اصول مشورت)  
و (قانون جدید) و سائر بر چوق نام والفاظ ایله تعبیر اولنان  
قانون اساسینک شرعاً بر بدعت سیئه نظر یله کوریلوب  
کورلمیه چکنی دوشونهلم :

واقعا بدیهیدر که بونده دوشونه چک هیچ برشی یوقدر .  
زیرا شرع شریف محمدیده خلیفه نك واحرار صنوف  
مسلمینک و اهل ذمت دیه تعبیر اولنان غیر مسلم خلقت حاصلی  
حکم شرع شریف التئده بولنان هر صنفک و هر کسک حقوق  
برر بر معین اولوب بوشراط ایسه ایشته مشروطیت اداره  
دیمک اولدیغی بسببالی و میدانده برشیدر . « و شاوورهم »  
امر جابلی مصرح اولدیغی حالده ایشته حکومت اسلامی نك  
اساسی اصول مشورت اولدیغی میدان بداهته چیمه مقدمه در .  
زمانک تغیراته کوره احکامک تغیراتی اساس جلیله فقهی نك  
بر اس اولوبده قیاس فقها واجماع امت و اراده خلیفه ایله  
زمانک تجدیدیه نسبة مجدداً وضع اولنده حق بر حکمک بر قانون  
مطاع اولمی ایله ایشته قوانین جدید نك خلاف شرع  
بر بدعت اولدیغی تحقیق ایلور . « لاطاعه » الی آخره

قیدی شرعاً بر بیوط شرط ایسه ایسته بزه اصول مشروطیت  
 بو وجهله دخی ثبوت بولیور . انجق شو حقایق شرعیه  
 کرک عالم مطبوعاته و کرک مخافل خصوصیه ده معترضلرک  
 نظرگاه محاکمه سنه عرض اولندقدده جهله سی بو حقایق تسلیم  
 ایله برابر انلر استشاره باندده ملل غیر مسلمیه دخی مراجعتی  
 استکراه ایلمکده اولدقلری جهتله بحثک یالکز شو جهتی شایان  
 ملاحظه کوراشدر .

تواریخ سلف قارشدیر یله جق او اور ایسه کوریلور که  
 احکام شرع شریفه تمامیه اتباع ایدلدیکی زمانلرده و محللرده  
 چونکه شریعت مقدسه احدیه هر حکمی تمامیه جامع و موضح  
 اولدیفندن غیر مسلملره دکل حتی مبعوثان مسلمین ایله دخی  
 استشاریه همان اصلا احتیاج کورلماش اولدیغی کبی جبار  
 اولان حکمدارلرک استبداد و تجبری احکام شرعیه بی بر طرفه  
 بر اقدیردیغی زمانلرده و محللرده یالکز ار باب استبدادک او امر  
 جبارانه سی حکم سوردیکی جهتله ینه نه مسلم ونه ده غیر مسلملره  
 استشاریه لزوم کورلماشدر . انجق الک کوچک بروقه سی  
 بیله بر زمان کلوبده ملت ایچون امثاله شایان بر سنت اولمق  
 اوزره نیجه حکم خفیه دن خالی اولمیان عصر سعادت حصر  
 حضرت پیغمبریده مطلقاً بیک او چیوز سنه صکره ظهور ایدیه جک  
 بر مسئله عظیمه نک حلنه مدار اولمق اوزره غیر مسلملره دخی  
 استشاریه بر لزوم کورلدیکی کتب شریفه سیرده مسطور در .



از جمله ابی سفیان هنوز شرف اسلام ایله مشرف اولدیغی  
 بر زمانده غایت مهم بر حرب مجلسنه کیروب مشورته اشتراک  
 ایتک ایستدیکنده اصحاب کزین حضراتی بویله بر مشرکی  
 اویله مهم بر مجلسه قبول بیورماق ایستلریله ابی سفیان  
 «ای معشر قریش بن امور حربیه و قوف جهتیه سزک  
 اقدمکزم نیچون بنی مجلسه قبول ایتورسکز؟» دینجه علیه  
 الصلوة والسلام افندمز حضرتلری ابی سفیانی مجلسه قبول  
 بیوروب اولابده اصحاب کزین رضوان الله علیهم اجمعین  
 افندیلریمز حضرتانده حاصل اولان استغرابی منع و کندیلرینی  
 ارشاد ایچون «شوداتی قبولده هیچ بر بأس یوقدر بالعکس  
 منفعت واردر . زیرا ویره جکی رأیلر موافق ایسه قبول  
 اولنور دکل ایسه رد ایدیلور» بیور مشردر . سنن سنیه  
 پیغمبریدن عبرت آلمقله مکلف ایسه دوشونهام باقهلم که هر  
 هیئت مبعوثانده طریق استشاره بوندن بشقه بر شیمیدر ؟  
 مشاورین غیر مسلمین دکل حتی مشاورینک مسلمینک بيله  
 ویره جکلری رأیلر تمامیه قبول اولنق طبعاً و منطقاً اصول  
 استشاره خلافتنه اولوب رأی صواب هانکیسی ایسه مطلقاً  
 اکثریتله انک شایان قبول کوریه جکی بدیهیدر . بو ایسه  
 زمانمزه قانون اساسی و اصول مشورت جتنده تمامیه امثالله  
 بشایان بر قضیه جلیله در .  
 کذلک کتب شریفه سیرده مسطوردر که ابتدای اسلامده بر

شهرک اطرافند حندق حفریله انی هجوم اعدادن محافظه صورتی  
 عند العرب معلوم اولیوب حندق وقعه حربه سنده دشمنک  
 کلیدن طولانی چاره دوشونلکه باشلاندقدن شو مجلس  
 استشاریه ملت یهودن ارلوب اسلامک سایه عدل ورافتند  
 مستظل اولان بعض کیمسه لدخی ادخال ایدلمش وشهرک  
 اطرافند حندق حفری بونلر طرفندن رای وجانب سائی  
 حضرت پیغمبریدن صواب کور یله رک قبول بیورلمس یله  
 حندقک حفری نه چله جه بالمسارعه مطلوب حاصل ایدلمشدر.  
 ایشته بوسنت سنیه حضرت پیغمبری دخی غیر مسلم اولان  
 ذیلردن ده استشاره نک مشروع اتخاذ اولنه یله ج کئی اثباته  
 کافی سن سنیه دن معدود بولنمشدر .

« اکر بیلز ایسه کز اهل ذکردن صوریکز » حکم  
 شریفنی حاوی اولان آیت جلیله قرآنیه نک مفهوم سامیسنده  
 اهل ذکردن مراد صور یله جحق اولان اوشی ایله اشتغال  
 ایدنلر دیمک اوله جغی و بناء علیه هرشیی ار بابندن صور مق  
 مشروع اولدیغی کبی برتوجیهه کوره اهل کتاب یعنی یهود  
 ونصارا دخی اهل ذکردن معدود اولدیغی جهته ماده مشکله نک  
 انلردنده صورلمسند، بر بأس اولدیغی اشبو حکم جلیل قرآنی  
 ایله ده استدلال اولنه یلور .

حاصلی اس الاساسی حکمت اوزرینه مبنی اولق شو یله  
 طور سون بلکه حکمتک ده اس الاساسی کندیسنندن عبارت

بولنان شرعشريف محمدی بوسورت سلامتک خلافتہ  
اولمقدن بشقه حتی بردوانتک تملى جریت اوزرينه ابناالملك  
وبرقانون معين ولايتغير ايله اداره اولمق صورتنى امر دخی  
ايلديکندن بحثک بوندن زیاده تفصیلنه احتیاج کور یله مز.  
قانون اساسی به بوسورتله مخالفت ایدن ذواتک الک ایلرویه  
کیدنلرندن بریسیله عاجزانه بر بحثه کیریشلدرکه شو حقایق  
معروضه وسائر استطاعت عاجزانهک کفایت ایده یلیدیکی  
شیر کندیسنه عرض اولنوب یوروتیلان محاکماتنه مشار  
الیهک درمیان ایلدیکی براهینک ضعیفتری ثابت اولمغه نهایت  
« بوايشده حال اختیارده میر . یوقسه حال اضطرارده میر  
اول امرده بوراسنک تعینی لازم کلوز . اگر حال اختیارده  
ایسهک بوقانون اساسی بی نیچون بیالم ؟ یوق حال اضطرارده  
ایسهک یالکر بوقدر بی دکل دهاز یاده سنی ده و بر مکه شرعاً  
ضروری ممانعت اوله مز . معلومکز در که شرعاً حال  
اضطرار دیمک دشمن قلنجی کر دمنزه طیبایوب ده اگر بونی  
قبول ایتمز ایسهک سزی قتل ایدرز دیمک درجه سنده بر  
ضرورتدر » دیمش ایدی . بوکامقابل طرف عاجزانه مدن  
عرض اولنان جوابده اول امرده سیأت زمان کندیلرینه بر  
وجه مفردات عرض اولنه رق « ایشته افندم بونلرک جله سی  
خلافشرعشريف دکلیدرلر ؟ بوسیأت دوام ایدرایسه دولت علیه  
واندن صکره تکمیل ملت اسلامیة ایچون محو اولمق مقرر دکلیدر ؟

بو حالحده فرض ایدہلم کہ مشروع اولدیغنه عنادیکن دکل ایسه  
انصافکرنک شبهه سی قلمیان قانون اساسی غیر مشروع ایمش .  
ایشته زمانک بزم ایچون قلمجی بوغاز مزه طیامش اولان دشمنی  
شو سیأتدر . بناء علیه سیأت زمانه یه مقابل بنده کز کندیمزی  
حال اضطرارده کور مکده ییم . بوندنده قطع نظر احوال  
سیاسیه مزه و دولترله اولان معامله دیپلوماتیه مزه سرزدخی  
الک زیاده واقف اولانلردنسکز کور ییورسکز که بتون دولتر  
بویله برجدی اصلاحاتی بزه جبراً و قهراً یابدیرمق ایچون  
اتفاق اوزره درلر . اکر قلمجی تا کردن مزه طیاملرینه قدر  
ثبات ایدہ جک اولور ایسه کز او حالحده اصلاحات مذکوزہ یی  
ویرمکله کردنمزی قورتارہ ییلورمیز ؟ بناء علیه ملتزمی دیتمزی  
دولتمزی سو ییور ایسه ک شو حالحده دخی کندیمزی حال  
اضطرارده کور ملیز نه قدر تدنی ایتش اولسه ق قوانین  
اساسیه احرارانه بزی ترفیع ایدہ ییلور « دیدم . ارباب  
انصافدن ایتشلر که شو معروضات عاجزانه یی قبول و تصویب  
ییور دیلر . » [ \* ]

### قانون اساسی بی خلاف شرع شریف کورد کلری ایچون

( \* ) صدھزاران تأسف که مؤخر حال اضطرار و قوعاتی یالکز لکه دن  
کورنلر ایچون دکل کلوب قلمجی بوغاز مزه قویقدن صکرده کورہ میه جک  
اولانلر ایچون بیلہ کندیمزی کوسترمشدر . اکر بزم کوردیکمز حال  
اضطرار بزدن دھا اون سنہ مقدم کورلمش اولسه ایدی البته یک بیوک  
برمنفعت حصوله کلور ایدی . شو مقایسه ایکنجی سنہ جلوسه مخصوص  
اولان قسمده ابضاح اولنه چقدیر .

تصویب ایتمیا نلردن یالکز مباحثه ایله اشتغال ایلیوبده اولباده  
افکار ناسی اخلاصه دخی چالیشان بعض علماشو حرکات  
مضره لردن منع ایدلک ایچون موقه بحر سفید جزیره لرینه  
تبعید ایدلشلردر بونلر حقنده نشر اولنان اعلان رسمیلده  
[۱۲] صورت حرکتلری غایت شدتلی بر لسان ایله تعبیر  
اولنش ایسمده قانون اساسینک هنوز تعین و تحقیق ایتماش  
اولدیغی بر زمانده بونک خلا فکیر انسه خائن نظر یله باقغه  
لزوم کور یله میه جکشدن اعلانات مذکوره ده استعمال اولنان  
لسان شدتی فوق العاده بر حال کبی تلقی ایده جکر یی قارئین  
گرام حضر اتنک مروتلرندن بکلرز • حتی هیئت علمای گرام  
طرفنان بونلرک تبعاعدندن طولایی تشکراتی حاوی حضور  
همایونه تقدیم اولنان عریضه لک [۱۳] روشی دخی الیهوم  
ارباب مروتی انلری بر نظر تعدیل ایله قرأته تشویق ایلر دیه  
اعتقاد ایلرز • بونلر تاریخ صحیفه سنده دخی بالاده عرض  
اولنان صورتله اسکات ایدلد کدن صکره نوبت کلام قانون  
اساسی بی سیاست مضر کور نلره کلور • بونلرک اعتقاد نیجه  
قانون اساسی اولاهقوق حضرت پادشاهی بی تحدید ایلر  
ایمش ثانیاً دهانیجه نیجه محاذیری مستلزم ایمش •

دها نیجه نیجه محاذیری مستلزم اولق او قدره بهم بر  
لقدیدر که « نیجه نیجه » دیه تحت ابهامده پراقیلان شیلر  
اور تهیه قونلد کدن صکره بحثه شایان هیچ بر د صکرلری

اوله من . بر قانون اساسینک حقوق حضرت پادشاهی بی  
تحدید ایده چکی قضیه سنه کلنجیه مدققین ارباب  
سیاست بوکا عاداتا استغراب ایدرلر . « حقوق پادشاهی »  
لفظیله تعبیر اوانان حقوق اکر دولت و ملت ایچون مضر  
شیلر ایسه انلری مقام جلیل پادشاهیده بوانان ذات شریفک  
کندیسی دخی قبول ایتمک طبیعیدر . زیرا ذات همایونلرینک  
شعشعه شوکتی دولت و ملتک مسعودیت و ترقیسی ایله درجه  
کماله واصل اوله جنی درکار اولوب بونلر ایچون مضر اولان  
خبر استبدادکارانه ایسه کندی مهر منیر شوکتی سیحاب تدنی  
و تأخر ایله ستر ایدر و معاذالله تعالی اول صورت جبارانهک  
دوامیله بتون بتون منخسف ایلمک دخی پک مستبعد دکلدر .  
حقوق حضرت پادشاهی دولت و ملت ایچون نافع ایسه لر  
چونکه قانون اساسیدن مقصد اصلی دفع مضرات و جمع  
منافع اوله جنی جهتهله حق ووق مذکور هک کافیه سی قانون  
اساسی به درج اولندقدن صکره حقوق پادشاهی تحدید  
ایدلش اولر تأیید و تأمین ایدلش اولور . بو بحثک اثباتی  
اولدن کچدیکی ایچون تکرارینه حاجت کوره میز . یالکز  
شونی علاوه ایدهلم که بر حکمدار کندی منفعت مخصوصه سی  
ملتک منفعت عمومییه سنده ارایوب بوله حق قدر حیثیلی اولور  
ایسه حکمدار حریت شعار یمز شوکتلو غازی عبدالحمید ثانی  
اوندمن حضرتلری کپی او حکمدار قانون اساسی بی کندیسی

ایستتر . بویله اولیوبده او حکمدار کندیسنی یالکرملنک  
دکل حتی نوع بشرک دخی خارچندهور بویته قریب بر موقع  
تجبر وتکبرده بولور ایسه فردوس آشیان عبدالعزیز خان کی  
قانون اساسی و یرمک شویله طورسون حریت لفظنی کله کفر  
کی تلقی ایدرک انی تقدیس ایله تلفظه چالیشانلری ده محو  
ایتمک چالیشور .

منافع مخصوصه شی منافع عمومی ملته متحد بولان بر  
پادشاهله برده کندی هوسات جبارانه سنه منهک اولان مستبد  
حقنه سعدی کامل و حکیمک شو کفته سنی سمع قبول ایله  
دیگر ایسه کینه مطلوبمز اولان حقیقه واصل اولمش  
اولورز .

### کفته سعدی

( پادشاهی کور وادارد ستم بر زیر دست )

( دوست دارش روز سختی دشمن زور آورست )

( بارعیت صلح کن و ز جنگ خصم ایمن نشین )

( زانکه شاهنشاه عادل را رعیت لشکرست )

ایشته بر مملکتده یشامق و جلّه عثمانلی بولمق حسبیه  
دوستدارمز اولملری لازم کلان ووقیله دوستدار اولدقلری  
تاریخجه مثبت اولدیغی قسم اولمک مقدمه اولاسنده  
کوسه تریلان روم ایلی اهایلسنک مؤخرأ دشمن زور آور  
کورملری بر دور استبداده حاصل اوله رقینه او دورده باش



کوسنترمش بلیه عظمادر که صکره دن اله الدیغرن بونجه  
 اصلاحات دخی بوفتالغی اصلاح ایچون کچ قالمشدر .  
 ذاتاً طبیعت مصلحتک الزام و اسکات ایدرک مطلوبی  
 حاصل ایلش اولدیغی قانون اساسی خلافکیراننی صحیفه تاربخده  
 دخی شو صورتله الزام ایلدکن صکره نو بت بحث قانون  
 اساسی طرفکیرانسه کلور . بونرک منقسم اولدق قری ایکی  
 قسمدن برنجیسی اولجه دخی خبر ویرمش اولدیغرن وجهله  
 « قانون اساسی بی بردولت ویرمزانی برملت الور » دعواسنده  
 بولنان افکار مفرطه اربایدیر . براجنبی لسانسه واورو پا  
 تاریخیله امور سیاسییه سنه واقف اولانلر بیلورلر که بونرک  
 اساس فکری فرانسزجه اوابابده ضرب مثل حکمی آلمش  
 اولان برلقر دینک عیناً ترجمه سی دیمکدر . محرر عاجزک  
 مدت منفیت هنکامده ایدیلان تشویق اوزرینه بنا و تنظیمه  
 باشلانیلان بر مکتبک اکالی ایچون ردوسه ایکنجی دفعه اوله رق  
 اختیارمله وقوع عزیمتمده افکار مفرطه اربابنک شود دعواسی  
 کرک عالم مطبوعه عانده و کرک محافل خصوصیه ده میدان  
 انتشار و مباحثه قونلمی اوزرینه چونکه عاجزلی دخی  
 اوزمانه قدر قانون اساسی طرفکیرانندن بولنش اولدیغرن  
 جهتله قرنداشم جودت مسئله نک شو جهتمده بنم افکارم  
 نه دن عبارت اولدیغنی استفسار و استیضاح ایلش ایدی .  
 اکا جواباً ۲۷ رمضان سنه ۱۲۹۳ تاریخیله یازدیغرن و اتحداد

عزته سنك ۸۰ نومرولو و ۱۲ شوال سنه ۲۹۳ تاريخلو  
نسخه سنه درج ايتديديكم مکتوب مخصوص عاجزانه  
افكار مفرطه اربانك نظامات اساسيه طرف ملتن تنظيم  
!ولمسی لزومنه ذاتر درميان ايلدکاري مباحث ايچون جواب  
کافي اولديغي جهته مکتوبك عينا بر صـورتني [ ۱۴ ]  
رقيله بوقسمك آثار متممسي جهته درج ايتکي لازم  
کوردم .

مع هذا بوراده مکتوب مذکور مندرجاتي اوزرينه شو  
قدر جـق ايضاحات علاوه ايتک هر حاله لازمدرکه :  
واقعا اورو پانک هر طرفنده قانون اساسي دينلان برات نجات  
حریت دولتر طرفندن ویرليوب ملتر طرفندن آلمش ايسده  
بو صورت يالکز اوزو پاده دکل بتون دنياده جدا و حقیقه  
شوکتلو عبد الحميد ثاني افندمنـ حضرتلری کبی حریت پرور بر  
پادشاه دهها کلامش اولسنندن بشقه هیچ برشیدن نشأت  
ایتمامشدر . اورو یا حکمدارلری میبأنده برچوقلرینک مورخ  
مخصوص صلری اولوب بامر مخصوص انلره یازدیر دقلری تاريخلر  
ایله برده ذات شوکتسمات حضرت عبد الحميد ثانينک بااراده  
سنيه قوللرينه یازدیر دقلری شو تاريخ موازنه اولنور و انلرک  
تاريخلرينده فکر استبداد و تجربه قدر التزام ايدلمش اولسننه  
مقابل برده بوتاريخلده فکر استبدادک ردی ايچون صرف  
ايدیلان قوتک حریت عمومی بشریه بی التزام طریقه دخی

عینیلہ صرف ایدلمش اولدیغنه دقت بیور یلور ایسه پادشاهلر  
و حکمدارلر ایچنیده حضرت عبدالحمید حریتپرورک موقع  
مستثنای عال العالی هر نظرده درحال تعین ایدر • چونکه  
بوتار یخده با اراده سنیہ تعین اولنان صورت احرارانه دن  
بشقہ هیچ برشیئہ تطبیق حرکت ایتمدیکمى دنیا و آخرتده  
عالمین و رب العالمین حضورنده عرض و آیان ایتمکدن اصلاً  
چکنام •

بونجه اقران و امثال میاننده شویله برتاریخی قلمه المی  
ایچون انتخاب بیورلمش اولمقلغم بوبنده احقر ایچون پک بیولک  
برشرف و امتیاز اولدیغنی تقدیر ایلمش ایسه مده ذاتاً مدار  
انتخاب و رجحان اوله رق مالک اولدیغم برشی وار ایسه اوده  
اوزمک طوغریلغندن بشقہ هیچ برشی اوله میه جفندن شو  
طوغریلغنی محافظه یه بر مجبوریت صحیحہ ایله مجبورم • بو  
دعوام ایسه هنوز بوتاریخی یازمغه مأمور اولدیغم و حتی بر  
کون اولوبده بویله بر مأموریتہ انتخاب اولمق شرفنه نائلیم  
دخی خاطر و خیالدن ببله کچورمدیکم بر زمانده و باخصوص  
هنوز قانون اساسینک ده نشر اولنماش اولدیغنی بروقتده خلاصه  
افکارم اولمق اوزره یازدیغم مکتوبده « مادام که قانون اساسیمز  
طرف دولسدن بر عنایت مخصوصه اولمق اوزره احسان  
بیوریلیور بونک نظاماتک ده تنظیمی او طرفدن بکله مک  
لازمدر بزاورو پانک افکار مفرطه اربانه قیاس ایدیلهمیز »

سوزینی گندیم کبی قانون اساسی طرفدارلرینه سو یلیه رک حتی  
اوزمانه قدر بونلر ایکی قسمة منقسم اولیوب جسم واحددن  
عبارت اوله رق فکرلری دخی قانون مذکور ی بتون بتون  
ملی بر قانون صورته قویمغی ترجیح ایلدیکی حالده بو اتحادی  
افکار عاجزانه مله ایکی به تقسیم ایتش اولمقلغم ایله ثابتدر که  
ارتق بیه کونکی کونده شو فکر مک ریاه و مداهنه یه حل  
ایلمسته اصلا امکان اوله من .

ابوالحرار شهر یار فاروق شعار و حکمدار خریت دثار  
شوکتلو افندمن حضرتری ذات همایون ملوکانه لرینی بر  
پادشاه مستبد یرینه قویه رق احسان کرده لری اولان قانون  
اساسی بی ویرمک ایچون کندیلرنده هیچ بر مجبوریت  
کور مامش لر ایدی که حتی انک قوانین متفرعه سنی تنظیم ایشی  
دخی بو مجبوریتی کوسترنلره حواله ایتسونلر . جله من حر  
دکلیز؟ احرارانه دوشونه لم . افکار مفرطه اربابنک اشبو تنظیم  
قوانین اساسیه حقنی ده ملت ایچون استحصال مباخشه لرنده  
حقلری فصل تسلیم اولنه یلور که انقلاب مسعودیمزک و قوعی  
کیجه سنده ملتک خبری یله اولیوب انی هیئت ارکان دوات ایقاع  
ایلمش ایدی . صبا حله برابر آتیلان طو پلر کیفیت تحولی عالمه  
اعلان ایلدکری زمان خلق بونک نه اولدیغی بر برندن سؤال  
ایلمش لر ایدی . واقعا افکار عمومیه نک بو کیفیت در حال  
نصو یب ایتک کبی کوستردکری حریت پرورلکی دخی

تقدير ايتماك قدرناشئاسلقد ر . انجق اثبات ايتك ايسته .  
 ديكمز شي بو دكلدر . مادامكه بو انقلاب هيئت دولتجه  
 هم ده جهاني جبرته براقه جق بر صورت آسائش پروري  
 ايله وقوعه كلدي نظامات اساسيه سنك تنظيمي دعواسنده  
 افكار مفرطه اربابك جقمز اولدقلر يني عرض واتييان  
 ايتك ايستورز . بوندن صكره شوني ده محاكه عموميه يه  
 عرض ايتك ايستورز كه عبدالعزيز خان حضرتلر ينك  
 فراغتله سلطان مراد خان حضرتلر ينك دور سلطنتلري  
 حملول ايلديكي زمان هيئت اركان دولتجه ايديلان استشاره لر  
 دخی مقصد اصلي يني استيصال ايده ميهر ك ارتق قانون  
 اساسيدن بتون بتون اميدلر كسلش ايدى . ذات شاهانه لر يني  
 بر پادشاه مستبد يرينه قويملر يني خبر و يرديكمز سلطان  
 عبدالحميد خان افندمز حضرتلري ايسه جلوس همايونلر يله  
 برابر كنديلر يني حریت جو اولان ملتك هيئت عموميه سئنه  
 بدل بر موقع مخصوص و معينه قويه رق او حالده قانون اساسي يني  
 هم طاب و هم ده امر بيور مقده يعنى « مادام كه بن ملتدم  
 ملتكم نامنه دولتمدن بر قانون اساسي ايستم . » و مادام كه بودولتك  
 رئيس و پادشاهي يم ملتكم نامنه ايسستديكم شيتك اعطاسني ده  
 امر ايدرم » حكمنی هر حال و كارلر يله تكرار ايلكنده ايديلر .  
 بو نقطه هم يك مهم و هم ده تاريخده و كتب سياسي ده  
 امثالي ناموجود بر نقطه اولديغي ايچون قارئلر يمزك افكار يني

رشدی پاشا طر فندن خا کپای شاهانه یه باند کرهٔ مخصوصه  
 عرض اولمش ایدی . فقط افکار و آمال همایون بهمه حال  
 حریت و قانون اساسی جهتده اولغله بوتد کره اوزرینه  
 ۱۱- رمضان تاریخیله یازیلان ارادهٔ سنیده ولایات ایچون  
 دخی بر طاقم اصلاحاتی تجدیداً یا عمق مطلوب و ملتزم اولغله  
 برابر بو اصلاحاتک دخی اس اساسی مسئولیت و کلابی ده  
 تعیین ایده جت بر قانون اساسی و تنظیمات جدید و وضعی قضیه  
 سی اولدیغی «مرکز حکومت سنیه ده بر مجلس عمومینک  
 تشکیلیله بونت و وظائف داخلیه سی و ادارهٔ عمومیهٔ دولت ایچون  
 وضع اولنه جق نظامیات جدیدیه و خصوصاً وکلا و مأمورین  
 ایچون اتخاذی مطلوب اولان قاعدهٔ مسئولیه دایر مکمل بر  
 قانون اساسی تنظیم اولنق لازم کله جکندن اشبو قوانین  
 جدیدیه احکام مقدسهٔ شرع شریف ایله تطبیق و تألیفه  
 مقتدر علمادن و سایر دول اتمندنک ادارهٔ عمومیهٔ نجه  
 مرعی اولان قواعدک تغیرلی نافع و اخلاق و عادات مملکت  
 موافق و شرعاً قبول و اختیار فی مضرت و وظائفدن سالم ایسه  
 انلری تمیز و تعین و مقتدر و اعتماد عمومی یه مظهر مأمورین  
 ملکیه دن مرکب اولنق اوزه بر قومیسینون تشکیلیله انک  
 معرفتیه قلمه اننه جق قانون اساسی لایحهٔ سی مجلس وکلاده  
 دخی تدقیق اولنهرق نتیجه سنک کذلک استیذان ایدلمسی متعلق  
 پوریلان ارادهٔ سنیهٔ تاجداری منطوق منیفندندر» عبارده سیله

هیئت وکلای فحاهه تبلیغ اولمش وشواراده سنیه اوزرینه  
 مجلس مخصوص عقدیله مدحت پاشا ریاستی التده اوله رقی بکرمی  
 قدر ارباب وقوفدن مرکب بر قومیسسیون مخصوص عقد  
 اوله رقی قانون اساسی بی مذاکره ایتمسه قرار ویرلیدی .  
 کړک مجالاش رسمیه و مخالف خصوصیه ده و کړک  
 مطبوعات عالنده اشو قانون اساسی بحثلری بر صورت  
 غریبه ده مذاکره اولورایدی که بوکاشاشماقی السدن کلز دیه  
 بیلورز که بحثلرک اولنده سکرزی قوانین اساسیه حقیقتک نه دیمک  
 اولدیغنی بیتدکلی حالده یالکز کندی افکار ذاتیه و اوهم  
 شخصیه لری اوزرینه بحث ایدرلر ایدی . بناء علیه بونی  
 ایستیانلرکده ایستیمانلرکده جمله سی طلب و ردلرینی همان  
 علی العمیا ترویج ایلرلر ایدی . حتی الک صکره مدحت پاشانک  
 قانون اساسی لایحه سی اولوق اوزره مابین هما یونه عرض ایلدیکی  
 لایحه نک بر قانون اساسی به مشابهتی بیله اولدیغنی یقینده  
 کور یله جکدر .

الک زیاده اهمیت ویر یله جک شی شودر که بحثک اول  
 صورتله غایت مغلق برحاله کیرمش اولسی بیاغی افکار شاهانه  
 ایچون دخی بر مدار مخصوص مشغولیت اولسنی ایجاب  
 ایلش ایدی . زیرا خار جده جریان ایلیمان مباحثک بعض  
 صورتلری بو ایشده هر کیمی اولسه توحیش ایده بیله جک قدر  
 غریب و فقط حسب الجها له و علی العمیا غریب اولدیغنی کپی



نظر التفات هما یونه قانون اساسینک خلافتی التزام ایله مظهر  
اوله ییلکی دوشونان بعض هوسکارلر دخی عریضه  
مخصوصه لاله لایق طبع بو قانون اساسینک حقوق مشروعه  
خلافیناهی بی اخلال ایده جکندن بحثله بو کارضا کوسر تلامسنی  
ذات شوکت سمات حضرت پادشاهی به عرض ایدرلر ایدی .  
اشبو معروضات میانده او قدر عجیب و غریب شیلر واردر که  
انسان صحیحاً استغراب ایلر . قانون اساسی علیهنده اولمق  
اوزره کرک خاکپای شاهانه به تقدیم اولنان لایحه لردن و کرک  
انظار عامه به قونیلان خفی و مطبوع اوراقدن بعضلری برر  
نمونه اولمق اوزره [۱۵] رقیله آثار متممه قسمته درج ایدلدی .  
حتی اوزمانه قدر اوج کاه سربستینک اک یوکسک  
طبقه لردن بالا پرواز اولان و مجرد بو قدر حریت پرور  
اولمردن طولانی التفات مخصوص حضرت تاجداری به  
دخی مظهر اولمش بولنان کمال بکک خاکپای شاهانه به تقدیم  
ایلیه رک بوتار یحیی قلمه الملق امرنده مطالعه کذارم اولان  
آثار میانده کوردیکم عریضه لرنده دخی قانون اساسینک  
حقوق جلیله خلافیناهی به طوقه حق بر خیلی جهتلری  
اولدیغی عرض ایداش و مکاتیب مذکور هک بر یسنده شو  
» ۰۰۰۰ بوندن بشقه یاییلان نظام اساسی به مجلس و کلاسه  
اجرا اولنان تعدیللر دقت مخصوصه شاهانه لرینه شایسته در .  
چونکه هرشیدن زیاده حقوق سنه شهنشاهی لرینه طوقنیلور .

عبارت سی بر نمونه اولی اوزره بورایه قید ایدلشدز .  
 « یاییلان » نظام اساسی مدحت پاشا طرفندن تقدیم اولنان  
 و [۱۶] رقیله آثار ممتعه قسمته درج ایدیلان لایحه اوزرینه  
 اجرا اولنان مذاکرات اولوب بولایحه ده مجلس معوضان تعیین  
 ایدلدیکی حائده اکا مقابل برده هیئت اعیان تعیینی لازم کلور  
 ایکن تعیین ایدلماش اولق و حقوق عمومی عثمانیه دائر  
 درج ایدیلان شیلر غیر کافی اولدیغی کبی حقوق پادشاهی یه  
 دائر درج اولنانلردخی هم غیر کافی هم ده غیر واضح بولمق  
 و محاکم و ولایات و مالیه حقنده عاداتا هیچ برشی سویلنماک  
 کبی بالوجوه نقصانلر اولدیغندن و مابین هیایون سرکاتبی  
 سعید پاشا طرفندن فرانسه حکومتک درجه سر بستیزی سوز  
 کوتور میان قانون اساسی اوزرینه بالت تنظیم خاکپای شاهانه یه  
 تقدیم اولنهرق تار یخجه بر نمونه اولق اوزره [۱۷] رقیله آثار ممتعه  
 قسمته درج ایدیلان لایحه ده ایسه قانون اساسی ایچون لازم کلان  
 تمامیت مکمللاً موجود بولندیغندن مطلوب اولان قانون  
 اساسینک تمامیت و مکملیتندن بشقه هیچ برشی دوشونمیان  
 پادشاه حریت پرور افندمن حضر تلمری بونمونه بی نظر  
 اهمیت آلمش و قانون اساسی بی مدحت پاشا لایحه سی و مقتضای  
 شرع شریف اوزره آمامه مأمور اولان سالف الذکر  
 مجلس مخصوصه حواله بیورمش ایدیلر . ایشته بوصورتله  
 اولنان تعدیلاتک کافه سی حریت عمومی بی تحدید دکل

برقات دها توسیع ایدہ جکی مدحت پاشا و سعید پاشا لایحہ لریلہ  
 بردہ اصل قانون اساسی عثمانی بی تطبیقہ دن اکلاشیلہ جق  
 ایکن بوتعدیلاتی کال بک افندی کبی عامہ نک الہ زیادہ حریت  
 پرست طانیہ یعنی بر ذاتک بکنامسی و باخصوص «هرشیدن»  
 یعنی نیجہ مضرات بینہایہ دن بشقہ «حقوق شهنشاهیہ» دخی  
 طوقہ جغنی عرض ایتمی استغراب اولنور . باخصوص کہ  
 مظهر اولدیغی التفات پادشاهیہ نک سبب اصلیبی خلافندہ  
 اولدیغی ایچون استغراب اولنور .

نظر هماوندہ لزوم و وجوبی محقق اولان قانون اساسی بی  
 تہلکہ لی کوسترمک ایچون هر طرفدن وقوعبولان معروضاتک  
 نزد حقایق وفد عبد الحمید خانیدہ البتہ تأثیرسز قالہ جغنی  
 درکار اولوب بویابندہ باش کانب سعید پاشانک معروضات  
 خلافکیرانہ یہ مقابل بر قانون اساسینک البتہ حقوق مقدسہ  
 پادشاهی ایچون نافع و مفید اولہ جغنی اعتقاد و تأمیناتندہ  
 ثبات کوسترملری الحق تحسین قلندہ جق بر متانتدر . زیرا سائر  
 بنسب کان توجهات ولی النعمتہ مظهریتی بو حقیقتی بر عکس  
 کوسترمکدہ آرادیقری حالندہ مشارالینہک بالعکس حقیقتی  
 حقیقت طرزندہ عرض الملک موافق ذمت صداقت اولدیغی  
 افکار سلامتندہ ثبات و متانت کوسترملری خلیجہ مشکل  
 برشی ایدی . اگر اصل حریت پروراک اصل قانون اساسی  
 طر فکیرلکی شوکت مآب افندمن حضر تارندہ اولسہ ایدی

مشار الیه ایچون شو نقطه صد اقلده ثباتلندن طولانی احتمالکه  
التفات همایوندن مهجوریت کی بر تملکه دخی بدیهی ایدی .  
ایشته بویجه مشکلات ایچنده اعلان ایدیلان صورته  
تنظیم اولنان قانون اساسی قلمه الثوب بتد کدن صکره خاکپای  
شاهانه یه ایدی العرض اکر چه اس انقلاب و تجدید عز اواق  
اوزره قانون مذکورک درجه کفایتی نزد همایون ملو کانه ده  
تقدیر بیورلش ایسه ده قانون مذکورک سیاسته مضرتی  
کوستمک ایستیانلرک دخی افکارینی آلمق ایچون بونک زه سی  
حقوق سلطنته طوقنور ایسه تصحیح ایدلمسینی اوته دنبری  
قانون اساسینک حقوق مقدسه سلطنت سنییه طوقنه جغندن  
بمثله اعتراضات واقعه یی اونقطه یه حصر ایلان بعض ذوات  
فخامه اراده وفرمان بیور مشلر ایدی . حالبو که مباحثات  
مدیده وطویله نک غایبده و باخصوص افکار همایونک  
مطلقا قانون اساسی طرفنده اولدیغی ارتق هیچ برشیه مقاومتی  
قابل اوله میان ثبات شاهانه ایله ثابت اولدقده بونلرک دخی  
صوک اعتقادی یالکز حقوق سنییه طوقنه جغنی بخشندن  
عیارت اولسلیله و حقوق حضرت پادشاهی یی او یله بر قانون  
ایله تعیین و تحدید ایلک جهتی ادب عبودیته مغایر کورلمسلیله  
قانون اساسینک یالکز او فصلنک طی ایدلمسی رأی اولنش  
ایسه ده بوندن مقدم دخی اثبات ایدلدیکی وجهله بر قانون  
اساسی بر پادشاهک حقوقنی تعیین و تحدید دکل تأمین و تأیید

ایده جکندن و شو حالدیه بو تأمین و تأییدی تصویب اینامکده  
حکمدار ایچون هیچ بر کونه حقوق طانیامش اوراق کبی ده  
بشقه بر غرابت میدانه چیه جفندن اشبو رأی اربانک  
ملاحظه لری نفس الامر موافق اولدیغی کبی حقوق مقدسه  
شاهانه نك قانون اساسیه مندرج و مسطور اولسی بانوجوه  
نافع اوله جفی یعنی اونه دنبری صورت محاکمه عاجزانه مزه کوزه  
حقوق مقدسه پادشاهی نك یا لکز افکارده محفوظ اولسندن  
ز یاده بویله بر قانون اساسی ایله عموم ملتک ذمت تعهدنده  
محفوظ بولمسنک انفع و اهم کور یله جکی صورتندن عبارت  
بولان بر حقیقت مقابلنده ملاحظه مذ کوره دخی عاجز قالمش  
و بناء علیه قانون اساسی مذ کورک اول صورتله حقوق  
حضرت پادشاهی قسمی دخی داخل بولندیغی حالدیه نشری  
خصوصیه باخط همایون اراده سنییه و قطعیه جناب شهزیاری  
متعلق و شرف صدور بیوراشدر .

بورایه قدر و یردیکمز خبرلرک کافه سی حقایق محضه دن  
بشقه هیچ بر شی اولدیغی هر کونه آثار مثبتیه و قیود رسمیه  
تصدیق ایلیه جکی جهتله بواحوال ایچنده قانون اساسی به  
وجود و یرن شی اولبایده افکار ثابته خلافت پناهیدن بشقه  
هیچ بر شی اولدیغی هر محاکمه و مقایسه ایله ثابت اولور .  
خارجدن ایدیلان مباحث ایسه یا لکز ایشی اشکال و آیلرجه  
تأخیر ایشی اولمقبدن بشقه بر تأثیر حاصل ایلیه مامشدر .

فقط تأسف اولور که بوتأثیر پک بیوک و پک فنا بر تأثیر ایدنی .  
 زیر اشوقوجه محار به حاضره نک دول مفخمه نظرنده دخی  
 مجاز کورلسنی ایجاب ایلمان سبب ظاهری سلطنت سنی عثمانیه نک  
 اصلاحات پرور اولماسندن عبارت بولنوب قانون اساسینک  
 سلطان مراد زماننده عموم ایچون بر مداز یأس اولسنده  
 بالانضمام دور جلیل عبدالحمید ثانیده دخی بوقدر تأخراته  
 دوچار ایدلسی و بناء علیه روسیه طرفگیری اولان بالعموم  
 اوروپا مطبوعاتنک نیجه مؤخذاته کیرشمسی اورو پانک دخی  
 اصلاحات خصوصنده امیدینی کسمش ایدی .

قانون اساسینک اصلاحات مقصدی اوزرینه در سعادتده تشکل  
 اینش اولاقونفرانس شدتی بتون بتون آزالته حق کبی بزحان کوستره  
 جکی امید اولدیغی حالده قونفرانسه بوکا اصلاحیهیت ویرلماش  
 اولسی خصوصنده شو تأخرات ومشکلاتک دخی پک بیوک بر  
 دخلی اولدیغی انکار اولانه من . قانون اساسی ایله قونفرانس  
 اراسنده کی نسبت ایلروده محل مخصوصنده موضحاً بیان  
 اولنه جقدور .

### در دنجی قمره

قانون اساسینک اعلانیله تفرعات ساتر سی

قانون اساسی تنظیم و تنمیدیلوبده ارتق اعلان ایدلسی

لازم کلد کده صدر زمان رشدی پاشا حضرتلری شیخوخت  
 حاللری مناسبتیه استراحت وجوده لزوم کور مکده بولندقلرندن  
 عقولری ایچون عرض ایلدکلری استرحام مقبول شهر یار  
 جریت شعار اوله رق مسند جلیل صدارت مدحت پاشایه  
 توجیه بیورلمش ایدی . قانون اساسی مقصدینی عموم خلقلک  
 سرمایه اشتغال اتخاذ ایلندکلری بر اهمیتلی زمانده بر طاقم  
 دخی مالمز معناسز کفت و کولر ار بابی نادر اولیوب بونلر  
 صدارتجه وقوعه کلان شو تبدیلی کویا اوزمانه قدر قانون  
 اساسی مقصدی اوزرینه افکار خلا فکیرانه ده بولندقلرندن  
 طولابی رشدی پاشا حقنه تناقصی توجهات شهر یاری کبی  
 بر شیشه جل ایتک دخی ایستمشلر ایدی . اخیراً صدر مشار  
 الیه هدیه بیور یلان مجوهرلی بر مهر کیسه سنی دخی وقوع  
 تبدلده مهر همایون ایله برابر رشدی پاشانک خاکبایی همایونه  
 تقدیم ایتدی اوزرینه الک کوچک بر حرکت همایونلری بیله دولت  
 و ملت ایچون الک بیوک بر ارشاد مقامنه قائم اولان شهر یار دقیقه  
 اندیش افندمز حضرتلری مذکور کیسه یی ینه محمد زشده  
 پاشایه اعاده و بونک ذاتلرینه مخصوص بر یادکار پادشاهی  
 اولدیغنی افاده ایله حققلرنده توجهات همایونک بقا و دوامی  
 تأمین بیورمش اولملریله ار باب کفت و کونک سرمایه لری  
 دخی اول صورتله رواجدن دوشورلمشدر . فی الواقع  
 رشدی پاشا قانون اساسینک اعلانه قدر اولابده بر فکر



خلافگیرانه ده بولنش اولمقدن طولانی مؤاخذه به شایان  
 کورلما لیدر . زیرا موقع استشاریه عرض اولنان بر مسئله ده  
 هر کسک دوشوندیکی کی سوز سولسی دکل دوشوندیکنک  
 غیر یسنى سولسی شایان مؤاخذه و بلکه سزوار عتایدر .  
 قانون اساسینک با اراده سینه اعلاندن صکره ایسه احکام  
 منیفه سنه حرفی حرفه اطاعت جله به بورج اولدیغی کی  
 حین استشاریه خلافی التزام ایلیانلر ایچون دخی بورج  
 اولمشدر . حتی قانون اساسی به حین مباحشه ده مناظره  
 طریقله اعتراضدن ماعدل بونی فعلاً و ماده دخی منع ایچون  
 بعض تشبثاتده بولغری اوزرینه در سعادتن تبعید ایدلدکلرینی  
 بوندن مقدم ثبت صحیفه بیان ایلش اولدیغمز بعض علما دخی  
 قانون اساسینک اعلاندن صکره عفو و اطلاق بیوریله رقینه  
 در سعادتیه جلب اولمشدر . زیرا مقصد حاصل اولوبده  
 قانون مذکور الی ماشاالله جهان مطاع اولق اوزره تقنین  
 ایداد کد بصکره بونک هنوز موجود اولدیغی زمانلرده خلافی  
 التزام ایدنلر ایچون بونک بولنه میه جغی طبیعیدر .  
 مسند جلیل صدارت مدحت پاشایه احاله و توجیه  
 بیورلدقدن صکره همان قانون اساسینک لوازم نشر و اعلانی  
 تهیه ایدلمکه باشلاندى . نهایت ۱۲۹۳ سنه هجریه سی  
 ذی الحجة الشریفه سنک یدنجی و ۱۲۹۲ سنه رومیه سی  
 کانون اولنسک اون ایکنجی جمعه ایرتسی کونی مسعودیت

مجموعه عثمانیه نك اعلانه قرار ویرادی . بوکون دیگر  
جهتده ترسانه عامرده کائن دیوانخانه ده مسائل موجوده به  
بین الدول بر صورت ویزمک اوزره دول معظمه مرخصلرندن  
مرکب اولان قونفرانس دخی کشاد ایدلشیدی . شرف  
تسطیر بوریلان خط همایونی قرائت ایچون باب عالی میدانده  
حسنکار دأره سی اوکنده عثمانلی بایراقلرله مزین برکرسى  
مخصوص ترتیب اولندی . اوکون بر یاندن غایت شدتلی  
یاغور یاغمتمده بولندیغی حالده دیگر طرفدن معزول ومنصوب  
بالجمله وکلای فحام و علمای اعلام ورجال و امر او سائر ذوات  
کرام واهالیدن دخی نیجه یک افراد سر که جی اسکله سندن  
باب عالی به وارانجه به قدر بیوک جاده بی حنجا حنچ طولدرمش  
بولندقلری کبی باب عالی میدانده دخی یاغور لبر قطره سی کرچکدن  
یره دوشیمه چک قدر تجمع ایلیان غلبه لک خط همایون وقانون  
اساسی حضرت پادشاهینک شرفورودینه منتظر ایدیلر .  
بولندن ماعداسر که جیدن باب عالی به وارانجه به قدر عساکر  
شاهانه دخی صف بسته سلام ایدی . مابین همایون باش  
کاتبی سعید پاشا خط شریف وقانون مشیف پادشاهی بی  
حامل اولدیغی حالده بحرأ سر که جی اسکله سنه حقیقوب  
اورادن دخی بر باندو موزیقه اوکده ترنمساز اولدیغی وافتضا  
ایدنلر طرفندن استقبال ایدلدیکنی حالده الای ایله باب عالی به  
ایدیلر . صدر اعظم مدحت پاشایه خطاباً شرف تسطیر

بیوریلان خط شریف پادشاهی بی تعظیماً و تکریماً اوپوب  
 باشند قوی به رفق تسلیم ایلدیلر. مدحت پاشادخی اول صورت  
 تعظیم ایله آلوب قرائتی ایچون آمدی دیوان هم ایون محمود بک  
 افندی به تسلیم و اودخی با کمال تعظیم و تکریم قرائت و تقیم ایلدی  
 خط همایون مذکور ک اول صورت تعظیم ایله قرائت اولمسنی  
 متعاقب قانون اساسینک اولجه باصدیر یلوب تهیه ایدلش بولنان  
 بیکرجه نسخده سی اهالی به توزیع قلندینی کبی مدحت پاشا  
 ظرفندن دخی بر مقاله مخصوصه ایراد ایله طرف اشرف  
 حضرت پادشاهیدن لطفاً و عنایه احسان بیوریلان اشبو  
 قانون اساسینک خلق نرزنده نصل تشکرات بینهایه ایله تلقیسی  
 لازم کلان بر عاطفت اولدینی افهام ایلدیدی. حالو که قانون  
 حریت مشحون مذکور بی بربرات نجات اولوق اوزره حرز  
 جانه حاضر بر هیئت وارایسه اوده عثمانلو خلقی ایدی.  
 ادرنه مفتیسی افندی طرفندن پک معیندار و پک لطیف صورته  
 ایراد اولنان دعای شریفه بتون اهالی و عسکر جانندن از جان  
 و دل (آمین) دینلدیکی کبی نهایت موزیقه سلام چالوبده  
 عساکر شاهانه پادشاهم چوق پشاک زمره سنه بدأ  
 ایلدیکی زمان بتون اهالی دخی عسکرله برابر بوزمرمه  
 جلیله بی اعلای علیینه قدر ایصالده یکزبان اولدیلر.  
 ایشته قانون اساسینک اعلانی شورسم ایله اجرا اولنوب  
 متعاقباً اتیلان یوز بر پاره طو پلر باب عالیجه رسم اعلانه ختام

و یرمش ایسه ده اهالی پای تخت آبادن اولاده انتقال صورتیله  
البته قیامتہ قدر دوام ایده جک اولان ممنونیتی یالکز بورسم  
ایله برابر ختام بولیوب برجهتدن هیئت ارکان دولت ذات  
حریت سمات حضرت پادشاهی بی تبریکه مسارعت ایلد کیری  
کبی دیگر جهتدن اواقسام پای تخت هر طرفی قندیلر  
وفنارلر ایله طوفانله رق عظیم بر شهر آیین اجرا اولندی .  
اسلام خرسیتان برچوق اهالی مشعله لر وفنارلر یاقه رق فوج  
فوج سوقاقلری طولاشوب « یشاسون پادشاهمز سلطان  
عبد الحمید ثانی » اوازه لر ایله جهانی طوایر دبار . برطاقی  
مابین همایونه قدر کیدرک کمال مسرتله ذات شاهانه بی  
آلشلا دیلر . بونلره طرف همایوندن تبلیغ اونان محظوظیت  
والنفات ایله شوقلری بر قاتدها آرتوب عادت اوزمانه قدر  
استانبول ایچنده امثالی کورلماش بر سرور و جور ایله هر  
طرفی صارصدیلر . برطاقم آدملر و جمعیتر دخی مدحت اشانک  
قوناغنه کیدرک تبریک ایلدیلر . حاصلی او کیجه استانبول  
ایچنده پک چوق آدملرک کوز زینه او یقر کیرمیه لرک صبا حله  
قدر طرف طرف اعلان فخر سرور ایله پادشاه حریت  
پرور افندمز حضرتلرینک عنایت جلیله ملوکانه لرینک  
شکرانه سنی بحق ایفایه چالشدیلر .

قانون اساسینک اعلان اولندیغی بومسعود کون ایله کیجه نیک  
دوات و ملتجه ایام ولیالی رسمیه دن عد اولمنی باراده سنیه

فرمان بیورلدیغی جهته بعدما الی ماشاالله تعالی او کیجهنک  
سروری تکرر ایدوب کیده جکی شبهه سزدر . حتی قویاً  
اعتقاد ایدرز که ارباب مطالعه شمدی شوقرهمزی مطالعه  
ایلر ایکن دخی اومسعود کیجهنک سرور وحبوری سیاتی  
یورکلرنده تجدد انباش بوله جـ قـ لـ رـ نـ دـ و لـ یـ لـ هـ مـ ذـ کـ و رـ هـ دـ هـ  
ممنونیت و محمدت قانی یورکلرده قاینادقچه همان خط همایون  
پادشاهی بی اوقومق عادت کبی برشی برینه کیمش اولدیغندن  
بوراده خط همایون مذکور عبار همزک شوراسنه درج  
ایدرک ارباب مطالعه بی آثار متممه قسمنده آرامقندن قورتارمقله  
برابر صحیفه مزی دخی دهالایقلی بر صورتله تزیینه لزوم  
کوردک .

﴿ صورت خط همایون ﴾

« وزیر معالیسمیرم مدحت پاشا »

« دولتمزک بر زمانلردنبری قوتنه عارض اولان تدنیات »  
« غوائل خارجه ددن زیاده داخله اداره امورده طریق »  
« مستقیمدن انحراف اولتمسندن وتبعه نك حكومت متبوعه لرندن »  
« امنیتلرینه کفالت ایده جک اسبابک مائل انحطاط اولسندن »  
« نشأت ایتمکله والد ماجدم مرحوم عبدالمجید خان مقدمه »  
« اصلاحات احکام مقدسه شرع شریفه موافق اوله رق »  
« عمومک امنیت جان و مال و عرض و ناموسنی معائن اولوق »  
« اوزره تنظیمات خطنی اعلان ایتمش ایدی . ایشته بو »

«گونه قدر ذائره امنیتده اوله رق یشادیغمز و اول امنیتده»  
 «استناداً بروجہ سربستی تعاطی ایدیلان افکار و آرائانک»  
 «ثمره سی اولق اوزره بو کون اشبو قانون اساسی بی»  
 «وضع و اعلانہ موقتہ تم تنظیمات مذکورہ نک آثار»  
 «خیریه سی جملہ سندن اولغله مرحوم مشار الیہک نامی»  
 «و موقتہ لرینی اشبو یوم مسعودده بالخاصہ ایراد و کندیلرینی»  
 «محیی دولت نامیلہ یادایدرم تنظیماتک آوان تأسیسی زمانمزلک»  
 «استعداد و الجآتہ موافق واسہ ایدی شمدی نشرایتدیگمز»  
 «قانون اساسی احکامی مرحوم مشار الیہک اول وقت تأسیس»  
 «واجرا ایتش اوله جفنه شبہ قلنز لکن جناب حقندن ملتزمک»  
 «تمامی سعادت حالی ضامن اولان بویله بر نتیجہ مسعودہ بی عهد»  
 «سلطنتہ تعلیق ایتش اولدیغندن بوکا دلالتدن طولای جناب»  
 «حقہ عظیم حد و تشکر لر ایدرم دولت علیه مزک احوال»  
 «داخلیه سنجه بالطبع واقع اولان تغیرات و مناسبات خارجیه سنجه»  
 «حصوله کلان توسعات جهتیله شکل اداره حکومتک»  
 «کفایتسزلیکی بداهت درجه سنه واردیغندن و بزم اقصای»  
 «مقاصدیمز مالک و ملتزمک ثروت طبیعیه و قابلیت فطریه سندن»  
 «شمدی به قدر حقیقه استفادہ یه مماذعت ایدن اسبابک ازالہ سیله»  
 «صنوف تبعه نک طریق ترقیاتده متحداً و متعاوناً ایلر و المری»  
 «قضیه خیریه سندن عبارت بولندیغندن بوم مقصده وصول»  
 «ایچون حکومتجه بر قاعده ساله و منتظمه نک اتخاذی اقتضا»

«ایدوب بودخی قوه حکومتک مشروع و مقبول اولان حقو قنک»  
 «محافظة سبله غیر مشروع حرکات یعنی فردواحدک و یا افراد»  
 «قليله نك تحکیم مستبدانه سندن نشأت ایدیه جک سوءاستعمالاتک»  
 «منع و محوینہ و ہیتمیزی ترکیب ایدن اقوام مختلفه نك برهیئت»  
 «اجتماعیه مدنیہ به لایق اولان حق و منفعت کدجمله سنک نعمت»  
 «حریت و عدالت و مساواتدن بلااستثنا مستیفدا اولمیریدر»  
 «اشبو فو ائدک تأمین و تقریرینه متوقف او اوب بو عصر لک»  
 «ما یتاج الیهی ایسه قوانین و مصالح عمومیه نك قاعده مشرعه»  
 «مشورت و مشروطیته مربوطیتی امر ثابت الخیری اولدیغندن»  
 «بر مجلس عمومینک لزوم تشکیلی اعلان جلوسمه دأر اولان»  
 «خطم زده بیان قلمش ایدی . اولابده تنظیمی اقتضا ایدن»  
 «قانون اساسی متخیران وزرا و صدور علما الیه سائر رجال»  
 «و مأمورین دولت علیه مزدن مرکب تعیین ایدیلاں بر جمعیت»  
 «مخصوصه ده بالماذا کره ترتیب اولنوب مجلس و کلام زده دخی»  
 «اطرافیلہ تدقیق و تصدیق قلمش اولمغله و مواد مندرجه سی»  
 «خلافت کبرای اسلامیه و سلطنت سنیه عثمانیه نك حقوقه»  
 «و عثمانلور لک حریت و مساواتندو و کلاو مأمورینک مسؤولیت»  
 «و صلاحیتنه و مجلس عمومینک حق و قوفنه و محاکمک استقلال»  
 «کاملنه و موازنه مالیه نك صحتنه و اداره و لایا تجه حقوق»  
 «مرکزیتی محافظه الیه برابر توسیع مآذونیت اصولنک اتخاذینه»  
 «متعلق اولوب بونلر ایسه احکام شرع شریفه و ملک و ملنک»



«بو کونکی قابلیت و احتیاجاته مطابق و اخص آملز اولان»  
 «سعادت و ترقیات عامه فکر خیرینه مساعد و موافق بولمقله»  
 «عون حقه و امداد روحانیت جناب پیغمبری به استناداً اشبو»  
 «قانون اساسی بی قبول و تصدیق ایله طرفکزه کوندردم»  
 «الی ماشالله تعالی ممالک عثمانیه نك هر جهته دستور العمل»  
 «اولق اوزره اعلانیله بو کوندن اعتباراً اجرای احکامنه مباشرت»  
 «ودروننده محرر و مقرر اولان قوانین و نظاماتک برآن اول»  
 «تنظیم و اتمامی ضمننده تدابیر سریعیه و مؤثره به مبادرت الملک»  
 «قطعیاً مطلوبه زدر جناب حق ملک و ملتزک سعادت حالته»  
 «چالیشانلرک مساعیسنی مظهر توفیق پیوره»

فی ۷ ذی الحجه سنه ۹۳

اشبو خط همایون حریت مشحون جناب پادشاهی ایله  
 اعلان اولنان قانون اساسی اجزای متممه قسمتمده [۱۸]  
 رقیله درج ایدلمشدر . اولجه بو خط همایونک مسوده سی  
 مدحت پاشا طرفندن قلم الخش ایدی . هر ماده ده اولدیغی  
 کبی بونده دخی افکار همایون پادشاهیده اولان حریت پرورلک  
 جمله یه تقدم ایلدیکندن مسوده مذ کوره برقائدها توضیح  
 و بسط و تمهید بیور یله رق مقصد اصلی احرارانه ده از یاده  
 میدانه چیقارلمش اولسبیله او مسوده ایله برده نشر بیور یلان  
 خط همایون تطبیق ایدلمک ایچون مسوده مذ کوره نك ده  
 [۱۹] رقیله آثار متممه قسمته درجی لازم کلدی . کرک

ایکی خطک و کرک قانون اساسی لایحه لریک شو تطبیق قاننده  
حقیقه مطلوب اولان مقصد حریر وری به پادشاه همز افند من  
حضر تریک نه قدر وسعت و یرمش اولدیغی اکلشیه جقدر  
قانون اساسی ایچون مدحت پاشا لایحه سندن فضله اعلان  
اولنان قانونده مندرج بولنان احکامک کافه سی دلالت جلیله  
حضرت پادشاهی ایله حصوله کله رک بولرایسه برات نجات من  
اولان قانون جلیل مذکورک مکملیتی باندن ارزوی مخصوص  
حضرت جهاننداری بی اثباته مدار اولور . اشبو تطبیقک  
حین اجرا سنده مابین همایون باش کاتبی سعید پاشا طرفندن  
تقدیم اولنان لایحه مخطر هک دخی نظر دقت و اهمیته التمس  
یک چوق فوآندی موجبدر . زیرا مطالعه سیه کوریلور که  
قانون اساسی بی تنظیم خصوصنده جریان ایدن منذاکرات  
ایچون لایحه مذکور هک یک بیوک دلالتی و یک چوق منفعتی  
کورلمشدر .

قانون اساسی صنوف عثمانیانی جداً و حقیقه یک وجود  
صور تیهل تو حید ایلکدن ناشی قانوناً مؤید اولان شواحدک  
ماده و فعلاً دخی آثاری ابراز اولمق اوزره بوزمانه قدر  
صدور اعظم لریک پطر یقخانه لره عزیمتی معتاد دکل کبی برشی  
ایکن مدخت پاشا اولا روم پطر یقخانه سنه و ثانیاً ارمنی  
پطر یقخانه سنه عزیمت ایلش وشو مناسبتله تعاطی ایدیلان  
مقاله ل افکار اتحادی تأیید ایلیه جک بر صورتده اولمسیله

منافع مادیه و معنویه دن خالی قانامشدر . با خصوص  
 پتر یقینانه لر طر فندن ذات صبدرا اعظمی بی استقبال و تشیعه  
 کوسه تریلان حرمت و رعایت متکافه جداً بر صورت فوق  
 العاده ایدی .

قانون اساسی مذکور صورت وضع و اعلانی حقشده بورایه  
 قدر و یرمش اولدیغیز معلوماته ضمیمه ملت نجیبه عثمانیه مذکور  
 قانون مذکور اعلانه برابر افکار قانونیه جه دخی کوسترمش  
 اولدیغی بر عظیم انقلابی ده بورایه درج الملک لازمه حالدن  
 کوریلور .

بورایه قدر سرد ایدلمش اولان تفصیلاتدن دخی مستبان  
 اولمش بوانه جمنی اوزره قانون اساسی مقاصدی هنوز بر  
 بحث عمومی اوله رق اورته ده بولندیغی یعنی قانون مذکور  
 دها اعلان اولندیغی زمانلرده افکار عمومی دن بر بیوک قسمی  
 اولاباده بر چوق مطالعات و ملاحظات بیان ایتکده و مطالعات  
 مذکوره دن بر طاقی غزته ره و یا خود اوراق خصوصیه  
 دخی درج ایدلمکده ایکن قانون اساسی مجرد اثر موقعیت  
 حضرت شهر یاری اولوق اوزره اعلان اولاندقدن و خلق  
 بونی کمال دقت و اهمیتله اوقویوب مطبوعات عثمانیه دخی  
 نیجه محاکات دقیقه ایله قانون جلیل مذکورک غواضنی  
 آشکار و مؤداسنی تشریح ایلدکدن صکره ارتق اولباساده  
 اوتته دنبری جریان ایده کلان مباحثاتک جمله می ختامه

واصل اولش و هر كسك اشبو قانون تماميله هر عى الاجرا  
طوتيله رق بونده وعد و تبشير بيوز يلان اصلاحات مسعوده  
دخى پيدر بي ميدانه چيقه قجه دولتمزك بونجه وقتد نبري  
دو چار اولديغي درده او يوزدن دوا و يرانش اوله جفته و ضعف  
حالمز قوت و شو كنه تبدل ايدنه جكنه اصلا شمه سي قالمه ش ايدى .  
حتى مقدمه قانون اساسى بي الزام ايدرك او يولده  
خدمت ايدنلر بالنسبه اقليته بولند قلرى و اكثريتى تشكيل  
ايدن طرفك الك بيوك بر قسمى محضا قانون اساسى نه اولديغى  
يك ده حقيقه و لا يقيله تفهم و تعمق ايدنه مد كلرندن طولايى  
او طرفنه اكثريت و يرد كلرى حالده قانونك انتشار يله انظار  
عموميه بر كشايش كلديكى زمان اكثريت و اغايت بتون  
بتون قانون و حرريت طرفنه انتقال المشدرد .

افكارده كور يلان شو انقلاب در حال او قدر بيوك برده  
قوت كوستردى كه هر كس يادكار ابدى حضرت عبدالحميد  
ثانى اولان اشبو قانون جليلى حرز جان ايدوب بونك احكام  
جليله سندن بر حكمة خليل كلامك . ايچون جناب موفق  
الامور دن استر حاملده دخى بولنور ايدى .

افكارك شو جهت منقلبده سنى نظرلرده كاهى حقها  
تصوير ايتك ايچون بر تشبيه يا مغه مجبورن . تشبيهز اكر چه بر  
قبا تشبيه اوله حق ايسده ايشك اهميت مخصوصه سي بزي  
بو بابده دخى معذور كوستر رديه اعتقاد ايلرن . تشبيهز

شود در که عثمانلی خلقی عظیمه مخصوصه حضرت پادشاهی  
اولان اشبو قانونی عاداتا مال بولمش مغربی کبی درجه سی  
مرتبه تصورک دخی خارجنه چیقان او یله برسونج ایله تلقی  
المشدر که امید وانتظارینک قات قات فوقنده اوله رق بر نعمت  
عظمایه نائل اولانلرک اونعتدن ارتق محروم اولسا ملرینی  
خوف ورجا اراسنده بر حال فوق العاده ایله تمنی ایلدکلری کبی  
عثمانلی خلقی دخی حقیقه امید وانتظارلرینک فوقنده اولان شو  
نعمت عظمای حیدیه دن طولایی عینیه له بو حالی بولمشیدی .  
بو یله بر فوق العاده لکدن طولایی افکار عمومی مزه  
استغراب ایدنلر حقه سزاق ایتش اولورلر . عثمانلی خلقی  
بر چوق زمانلر « حریت » و « ملت مجلسی » کبی تعبیرلری  
دخی قاله الحق وآمال وافکار قانونیه یی نشر ایتک خصوصلرینک  
جنایات سیاسییه دن عد اولندیغنی کوردکدن ودنیانک هیچ  
بر برنده هیچ بر حکمدارک کندی خلقنه کندی عطایا سندن  
اوله رق حریت وقانون اساسی ویرمش اولدیغنه دائر توارینخ  
آمده هیچ بر مثال بوله مدقدن صکره پادشاه حریت پناه  
افندمنلر حضرتلرینک بویله قیمت و قدسیتی ذهنلره صیغنیه جق  
قدر عظیم ومهم اولان حریت قانونیه کبی عواطفی مجرد  
احسان ویادکار مخصوص حضرت تاجداریلری اولق اوزره  
محض عنایت سانیه لرندن بخش و بیدریغ بیورلدیغنی  
کورنجه البته سونجک دخی بویله درجه غایه سی فوقیه

قدر و ارر لر ایدی . یوقسه دولت علیه و ملت عثمانیه لر ینک  
مدار محض سلامتی اصول مشورتده و بر قانون لایتغیر  
احکامنه تمامی رعایتده بولمش و بو عزم قطعی مجدداً ایله  
بونجه مشکلاتی اقتحام ایدرک مقصد مخصوص شهر یار یلری  
اولان قانون اساسی بی وضع و تأسیسه موفقی باخیر بیورلمش  
اولان شهر یار فاروقی شعار افندهنر حضرتلر ینک بو عنایت  
جلیه ملوکانه لرینه امنیت سزلک کوسترمک کبی بر ضعف سیاسی  
واو یغونسزلق بو قدر شناس ملتدن هر زمان بعید قالمشدر .  
افکار عمومی عثمانیه حکمت بینلکنی و حقایق اندیشه لکنی  
هر زمان اثبات ایده جک قدر او یانق اولدینشدن احکامی  
اجرا دن ساقط قاله جق اولان بر قانونی وضع ایتمکدن ایسه  
دها اولندن اکا التفات بیله ایتماک ممکناتدن اولدینغی افکار  
عمومیه مزیک اعلا کسیدیرمش و باخصوص شوکت مأب  
افندهنر حضرتلر ینک بو بابده هیچ بر کونه مجبوریتی اولمیب  
احسانکرده لر ی بولسان قانونی حقیقه تبعه ملوکانه لرینه  
بر یادکار ابدی و جاودانی اولق اوزره کندیلک نرندن احسان  
بیورملری قضیه سی دخی اشبو حقیقت اندیشلرک مطالعانه  
برقاندھا قوت و یرمشدر .

واقعا دنیانک هر طرفنده هر زمان نادر اولمیدینگی وجهله  
بزده دخی ناسدن بر فکر افراطه تابع اولان بعض کسه لر  
کورلمشدر که هیچ برشیدن ممنون اولمیان ذهنلرینه علی الدوام

مشغولیتلر ارایه رقی قانون اساسی اعلان اواندقدن صکره  
او مشغولیتی دخی اشبو قانونده وعد بیوریلان اجرا آتک  
ساحه حصوده جلوه کراولیه جغی خیالاتنده بواس و برارالق  
صدارتجه وقوعبولان تبدل اوزرینه « ایشته قانون اساسینک  
حکمی بتدی . هیئت مبعوثان دخی کشادایدلمیه جکدر » طرزنده  
اراجیف ایله اذهان ناسی اشغال ایتکه باشلامش ایسه لرده  
صدر جدید ادهم پاشایه خطاباً شر قسطیر بیوریلان  
خط همایون حضرت پادشاهی [ ۲۰ ] قانون اساسی  
مقصدینی برقاندها تأیید ایلدیکی کبی مبعوثانک انتخابنه کرک  
طشمره لرده و کرک استانبولده مباشرت اولنسی قضیه سی ذکر  
اولسان کفت و کولری بتون بتون حکم سر بر اقدردر .

کیفینک بوجهتی یعنی هیئت اعیان و مبعوثانک کشادی  
قانون اساسی مسئله سنی تعاقب ایللیان بر بحث دیگر اولمغله  
اولاباده معلومات و ایضاحات مطلوبه بی اعطا ایچون بر  
وجه آتی بشنجی فخره مزک کشادی لازم کلدردر .

### ❖ بشنجی فخره ❖

مجلس عمومینک کشادی

هیئت مبعوثان اعضای کرامنک صورت انتخابنی مبین  
برقانون دایمینک و ضمنه قدر ایلک سینه به مخصوص اولیق



اوزره ولایات شاهانه مبعوثلرینک ذاتاً انتخاب اهالی بی حائز  
بولان مجالس محلیه اعضاسی طرفندن انتخابی قرار واقع  
اقتضاسندن اولسیله بریادن ولایت مبعوثلری انتخابنه  
مبادرتله و بونلر پیدری در سعادته و روده باشلادیغی کبی  
دیگر طرفدن دخی پای تحت مبعوثلرینک انتخابنه مباشرت  
قلمش ایدی . ولایات مبعوثلرینک ذاتاً انتخاب اهالی بی  
حائز بولان اعضای محلیه طرفندن انتخابی طوغریدن طوغری به  
انتخاب دیمک اولیوب ایکنجی درجده انتخاب دیمک اولدیغی  
جهتله استابول مبعوثلرینک دخی اول وجهله ایکنجی  
درجده انتخاب اصولی اوزره تعیین قلمشی لازم کلدیکندن  
پای تحت و توابعی شهر امانت جلیله سی نصارتی التئده اولق  
اوزره یکریمی دائره انتخابیه به بانه تقسیم هر برندن بریسه  
اسلام و دیکری غیر مسلم اولق اوزره بر انتخابچینک  
انتخابی ضمیمه بر نظام مخصوص قلمه آلندی و تعیین اولان  
دلالت مأمورلری و خصوصی قومیسو نلر واسطه سیله انتخابه  
باشلاندی .

اول صورتله تحصیل ایدن قرق نفر انتخابچی یوم مره و ننده  
شهر امانتی دائره سنده بالاجتماع بشی مسلم و بشی غیر مسلم  
اولق اوزره پای تختدن اون نفر مبعوث انتخاب ایلدیلر .  
شوایش مملکتتمز ایچون هنوز هر کسک آلسدیغی برایش دکل  
ایکن امور انتخاب اول قدر انتظام اوزره و او یله بر صورت

احرارانه ده اجرا قلندی که ممالك سائر هجه بونك نه قدر  
مشكلاته او غرامقه بولنديغنى بيلانلر عادتاً حيرتده قالدیلر .  
مجلس عمومينك كشادی بوسنه لك مارتك ابتداسی ایچون  
قرارلشدیر لیدیغى حالده نظامی اقتضاسنجه هیئت مبعوثانك  
ثلثان مقداری در سعادتده بوانق لازم كلور ایكن استانبوله  
وارد اولان طشمره مبعوثلرینك مقداری ثلثان نسبتنه  
وارامدیغى ایچون ضروری رسم كشاد مارتك یدنجی وربیع  
الاولك در دنجی بازار ایرتسی كونه تأخیر قلمش ایدی .  
یوم مذکور حلولندن اولجه باندا كر مخصوصه دعوت  
بیورلمش اولان ذوات فخام و كرام مابین همایون ملوكانه ده  
واقع دیوان دأره جلیله سنده ترتیب آتی اوزره كسب  
انتظام ایلدیلر . شویله كه :

جلوس شوكت مانوس حضرت شهیریاری ایچون  
دأره جلیله مذکور هیه وضع ایدیلان تخت مسعدت  
بختك صاغ جهتنده هیئت وكلاى فخام تشریفات اصولی  
اوزره صره سیله ایستاده موقع تعظیم واحترام اولوب ینه بو  
صره ده هیئت وكلا ده داخل بولنمیان وزرا و مشیران كرامدن صبحی  
پاشا حلیم پاشا سامح پاشا و عرفان پاشا ایله دفتر خانه و تجارت  
ناظرلری و مقام سرعسكری و خارجییه مستشارلری و آمدی  
دیوان همایون محمود بك افندی و شفقتی افندی و اجرا جمعیتی  
رئیسى و بلككچى افندی و بحریه و مالیة مستشارلری و مجلس

تجارت رئيسى على بك افندى و پوسته و تلغراف ناظرى  
و نافع و معارف مستشارلى اتخاذ مقام ايشلار و شور ترتيب  
بر صره اوزرينه ديزيلوب بونك ارقه سنده ايكنجى صره يى  
دخى رؤساي روحانيه يعنى روم بطريق افندى ايله ارمنى  
و قاتولك پطريقلرى و بلغار اكسارخياسى و پروتستان  
و كيلي و خاхам باشى قائممقامى و ايكى روم متره پوايدى و ارمنى  
مرخصه سى و قاتولك پستقپوسى ديزيله رك تنظيم ايشلار  
و بونلرى متعاقب ايكنجى صره نك بقيه سنى على مراتبهم  
ديز يلان شوراي دولت اعضاسى آمام ايشلاردر .

بوهيئتلك قارشو سنده يعنى تخت همايونك اصول جهته ده  
ايسه شيخ الاسلام و صدور كرام ايله بالفعل استانبول قاضيسى  
افندى اصول تشرى فات اوزره ديزيلوب انلرى متعاقب  
محكمة تميز هيئتيله غوريل افندى برنجى صره يى آمام ايشلار  
و بوجناحك ايكنجى صره سنده دخى فريشان كرام صف  
بسته سلسله انتظام و احترام اولشلاردر .

رسم كشادى سىرو تماشا ايچون ديوان مذكورده حاضر  
بولنان دول معظمه و متحابه هيئت سفراسى اشبو اصول  
جناحك باش طرفى حذا سنده و تخت همايون حضرت  
پادشاهينك ارقه جهته ده ير طوتمشلرايدى . بر منوال محرم  
تشكل ايدن صاغ و صول جناحلك اورته سنده قالان آچيق  
ميدانده ايسه هيئت اعيان و هيئت مبعوثان قرار قلمشلا

و بولردن مجلس اعیان هیئت صباغ و مجلس مبعوثان طاقی  
دخی صول جناحده و جناحینک خط امتدادینه عمود واقع  
اوله جق صرهل ترتیبیله موقع اتخاذ ایشلردر . اشبو ایکی  
مجلس طاقنک الک ارقه سنده دخی خدمه خاصه شاهانه  
موجود ایدی .

ایشته هیئت عمومیہ بورسم اوزره تشکل ایلدکن صکره  
ملت عثمانیه نك مابه الاقبحاری اولان ذات خلافت سمات  
حضرت شهر یاری دیوان محلی قدوم میامن ملزوم شهنشاهیله  
مشرف بیوردقده خدمه خاصه دأب دیرین اوزره پادشاه عالم  
پناه افندمز حضرت لرینی الفشلا دیلر . طرف اشرف حضرت  
جهانداریدن مجلس عمومیك كشادی مناسبتیله ترتیب  
بیورنش اولان نطق همایون صدر اعظم ادهم پاشایدیله  
باش کاتب سعید پاشایه و یریلوب انک طرفندن قرائت  
اولندی . مجلسك تأثیرات روحانیه سی اول قدر بدیهی  
و آشکار ایدی که حاضرین کوزلرندن عادتاً اشك شادی  
و مسرت صاچق درجه سنی بولدیلر . نطقك قرائتیله ولی  
ال نعمت عالم افندمز حضرتلرینك بقای عمر و اقبال و تمادی  
شوکت و اجلال شاهانه لری دعاسی ده تردیف ایلدکن صکره  
رسم کشاده ختام و یریلوب ذات موفقیه سمات حضرت  
پادشاهی اشبو موفقیه عال العالملرندن طولایی تبریک  
اولندیلر .

اشبو رسم کشاده طرف اشرف حضرت پادشاهیدن  
 اوله رق قرائت بیوریلان نطق همایون دوات عالیہ عثمانیہ نیک  
 مبنای تأسیسی عدالت و بر قانون لایتغیرہ تبعیتدن عبارت  
 بیلنہ رک شو انتظام اوزره دوام ایدلدیکی مدت نه قدر ترقیات  
 مسعوده وجوده کلمش ایکن قانون شکنک واستبداد پرورلک  
 عادتدی میدان الدقدن صکره نه قدر تأخر وتدنی ایله اسکی  
 قوتی برضعف تامه تحویل الملش اولدیغندن بئشله بونجه  
 فنا لک سبب محض واصلیسی اولان استبدادک احساسی ایچون  
 اعلان بیوریلان قانون اساسی مبعوثان ملتی یالکز اهالی بی  
 رؤیت مصالح عمومیده حاضر اولغنه دعوت ایتمیوب بلکه  
 ممالکمرک اصلاح اداره سنه و سوء استعمالات ایله قاعده استبدادک  
 احساسنه بواسولک وسیله مستقله اوله جغی مجزوم همایونلری  
 بولندیغنی و بوسنه هیئت مبعوثان واعیانہ حواله قلنه جق  
 نظاماتی وغوائل حاضرہ دیلوماتیقه و سائرہ بی هر کسی متنبه  
 ومتیقظ ایلیه جک بر صورتده حاوی و جامع بولنسیله آثار  
 متممه قسممه [ ۲۱ ] عیناً درج ایدلمسی لازم کلمشدر .

مایین همایون ملوکانه ده شو صورتله کشاد ایدیلان مجلس  
 عمومی ایچون ایاصوفیه جوارنده واقع اسکی دارالفنون  
 دائرہ سی او اوب مؤخرأ معارف و تجارت و اوقاف نظارتلرینه  
 تخصیص قلنان ابنیہ جسمیه نیک قسم وسطیسی تعیین و برنجی  
 طبقه سی هیئت مبعوثان و ایکنجی طبقه سی هیئت اعیانہ

مخصوص اوله رق تبه و تنظیم ایدیلان دأره لرده عقد انجمن  
مذاکراته باشلادیلر . هیئت اعیان او توزدن متجاوز اعضاءدن  
عبارت اوله رق تشکل ایلش و هیئت مبعوثان ایسه احمدوفیق  
پاشانک ریاستیله یوز یکر می قدر مبعوثان کر آمدن عبارت اوله رق  
ایشه باشلامشدر .

هیئت مبعوثانک مذاکرات واقعه سی علنی اولوب  
خصوصی اولدیغدن مجتمع صفتیله اورایه خارجدن ادم  
کیرمی جائز دکل ایدیه ده مبعوثانک مذاکراتی اوچ نوع  
اولوب برنجی نوعی مذاکره عمومیه صورتی بولمغله مذاکره  
عمومیه کونلرنده هر کس کیدوب مذاکره نک جریانی استماع  
ایلیه یلور ایدی . ایکنجی صورت ایسه مذاکره خصوصیه  
صورتی اولوب بونلرده مستمعین عمومیه بولندمز ایدیه ده  
مذاکرات خصوصیه ده کوریلان ایشلر مجلسه ویریلان  
لاجه لک برنجی قرائتیله مذاکرات ابتدایه سندن عبارت  
بولدیغی ایچون مستمعین عمومیه اشبو مذاکرات خصوصیه ده  
کوروب ایشیده مدکری مباحثی مذاکرات عمومیه ده کوروب  
ایشیده یلورل ایدی . مذاکره نک اوچنجی نوعی مذاکره  
خفیه دیدکری صورت اولوب بعض نشری جائز اولیان مذاکراته  
مخصوص اولمسیله او اجتماعلرده هیئتک خصوصی ضبط  
کاتبلرندن ماعدلر هیچ برکیمسه هیچ بر صورتله مذاکره یی  
دیکیه مزلر ایدی .

هیئت مبعوثانك اشبو ايلك سنه اجتماعنده اكر چه كرك  
اعضاسى و كرك انظار عموميه بو ايشك بر درجه يه قدر  
عجميى ايديسه لده هر شيئه اولجه ترتيب و يرلش اولديغندن  
ايشلر صحيحاً بر صورت حسنه ده جريان ايلمشدر .

دائرة مبعوثانك يك چوق غلبه لك استيعابنه تحملى  
اولديغى جهتله خارجدن مستمع صفتيله اجتماع ايليه جـك  
اولان ذواتك محدوديتى ضرورى اولديغى كبي صنوف اهايلنك  
يكديكر ينه قارشدير لمقميزين حققرنده لازم كلان حرمت  
ورعايتك ايفاسى دخی مطلوب اولمسيه وكلا و خواص و عوام  
وسفرا و غزته جيلر كبي صنوفه مخصوص و مجلسك هر اجتماعنى  
بشقه بشقه مابين دائمى و موقت بيلتلر طبع ايتدير بلهرك بونلر  
حاضر بولنه جق ذواته اولدن اعطا اولنور و هر كسك یری  
النه كى بيلته كوره تعيين قلنور ايدى .

امر مذاكره نك قانون مناظره و اصول استشاريه تماميله  
موافقتى خصوصنه طرف رياستدن لك زياده اهميت ويريلهرك  
خارجدن هيچ بر كيمه بحثه قارشدير لمديغى كبي هيئت مبعوثان  
ايچندن دخی هر كسك نوبت و حق و كلامنه دقت اولنوب  
اويله بونجه ييلردنبرى قوانین اساسيه النده يشايان  
اوروپاده بيله هر كسك سويليوب كيمه نك ديكاكه مامسى  
مثالو يولسز لقلر بزم هيئت مبعوثانمرك ايلك سنه اجتماعنده  
دخی كورلماشدر . هله مذاكرات واقعه نك غايت احرارانه



جریان المسی و هر کس کند افکار مخصوصه سنی سر بست  
 سر بست ایاتن حکما می و قانون اساسینک مزایای دقیقه سنج  
 مطلوب اولدینگی اوزره مذاکرات جاریه ده هیچ کیسه نك  
 نه دیانت و مذهب ونه ده ملیت و قومیت سائقه سبیله بر فکر  
 طرف کیریده بولایه رق هر مبعوثك نظر اهمیتی او کزده منفعت  
 عثمانیه دن بشقه هیچ برشی اولمامسی الحق یار و اغیارك خواه  
 نا خواه تحسین و آفرینه مظهر اولاش بر کیفیتدر .

اورو پاده اولدینگی کبی بوراده دخی هیئت مبعوثانك  
 مذاکرات واقعه سنی حرفیا ضبط ایتك ایچون «استنوغرافی»  
 یعنی اغردن چیقان لقردی بی در حال قلم الوب ضبط ایتك  
 صورتندن عبارت بولنان کتابت عاجله طریقی کشاد ایدلش  
 واورو پا کتابت عاجله سنه واقف بر ذاتك تعلیمیه لزومی  
 قدر افندیلر بوکا الشدیرلش ایسه ده باشلوجه ایکی سبب اشبو  
 ایلک سنه اجتماعنده مذاکرات واقعه مضبطه لرینك عینیه  
 اورو پا اصولی اوزره ضبطنی منع ایتلشدر . بو ایکی  
 سببک بریمی سرعت کاتیرینك او کزده کبری اصول  
 طوغریدن طوغرییه اورو پا کتابت عاجله سنی اصواندن  
 عبارت اوله رق افندیلرک دخی مبتدیلکاری سبیله ترکیجه یه  
 لایقیله تطبیق ایدیله مامسندن عبارتدر . دیگر سبب لسانمزك  
 شیوه افاده سندن متوالد بر سببدر که اصل نظر اهمیتی بوکا  
 خصم ایلک ایشك آتیشنی ملاحظه ایچون دخی لازمدر .

ارباب وقوفه معلوم اولدیغی اوزره بزه تکلم عادی ایله  
لسان کتابت اراسنده کی فرق اورو پا اسانلرینه مقیس اولیوب  
اک دوزکون و پروز سوز سویلنلرک بیله اغزلندن  
چیقسان کلمات عیناً ضبط و تحریر ایدیله جک اولسه بعده  
اوقوندیغی زمان عادتاً مال اکلاشلیه جق درجه ده غریب بر  
شی ظهور ایتکده در . حالبوکه لسانمزی بو قدر فصیح  
سوییلنلر معدوم حکمنده نادر اولدقلری کبی ولایت مبعوثانی  
ایچنده بتون بتون مفقود اولدیغندن و بوسنه وارناودلق  
و عربستان کبی یرلردن کلان مبعوثان کرامک تر کچهلری بالنسبه  
ایکنجی اوچنجی درجه ده قالمقله ده ایشته بر غرابت  
کوستردیکندن بزه نطقلرک عیناً ضبطی بر زمان ایچون  
حقیقه ممکنسرلکنه قناعت ایدیله جک برشیدر .

ایلك سنه اجتماعده شو محذور در حال میدانه چیقدیغی  
جهتله تقویم وقایع محرری بولنقی و محرراتک جریده رسمیه  
مذکوره ایله نشری دخی مقرر اولقی مناسبته استنوغرافی  
هیئتک خارجنده مذاکراتک بشقه جه ضبطی مورخ عاجزده  
حواله بیوراش ایدی . تر کچه ایله افاده مرام خصوصنده کی  
صعوبت معروضه نظر دفته انه رق بونک ایچون سویلنلر  
سوزلرک تصحیحی و اوقوندیغی زمان مال چیقاییله جک بر  
صورتیه افراغی ایله برابر ضبطی طریق بالضروره ترجیح  
اولندی . ضبط ایچون مطلوب اولان سرعتی استحصال

دخی اکثریتله نقطه لک تر کنه و بعض کلمات و اسامی مکرره  
ایچون اشارتله وضعنه مجبوریت کوسرتدی . اورو پاده  
کتابت عاجله ایله مجلسلرده نطق و مذاکره لری ضبط ایلیانلر  
متعدد مأمورلر اولوب بر نقری انجق بش اتی دقیقه یازدقدن  
صکری دیکری ضبطه باشلادیغی و بو مناسبتله بالناو به جریان  
ایدن ایش کیمسه یی یورمیوب بروجه مطلوب حصوله کلدیکی  
حالده محرر عاجزک ضبط خصوصنده یالکزلغی پک بیوک بر  
صعوبت و مشقت کوسرترایدی . هله بعض کره مذاکراتک  
اوچ درت ساعت دوام ایتیمی تحمل و ثباتی توکنه جک بر  
یورغونلق و یررایدی . حتی بر کون بش بچق ساعت  
لایق قطع ضبط مذاکره ایله اشتغالدن بر بایغلقله کندیمی غیب  
ایتشم .

شو ایضاحاتی اعطادن مقصد « قونستیتوسیونل » یعنی  
برملت قانونیه کی بشامقلمز ایچون لسانمزی جدا بر سیاست  
لسانی اوله جق صورتله اصلاح و استنوغرافی اصولنی دخی  
ترکیه یه بحق تطبیق خصوصنده اخلاف کرامتک نظر  
اهمیتلرینی دعوت ایلمکدن عبارتدر .

هیئت مبعوثانک ایلک سنه اجتماعنده مذاکرات واقعه سی  
ثمره سی اولان قوانین و نظامات و سائره بروجه آتی فقره  
مخصوصه سنده بیان اولتور .

❖ التنجی فقره ❖

برنجی سنه اجتماعده مجلس عمومیک تدقیق ایلدیکی قوانین

هیئت اعیانک مذاکرات واقعه سی خفی اولدیغی و ذاتاً  
موقع مذاکره قونیلان قوانینده هیئت مبعوثانک صورت  
مذاکره سنه همان هیچ بر صورتله مخالفت قطعیه ده بولمادیغی  
جهتله بوتار یخمرده هیئت مذکور نک مذاکرات واقعه سنه  
دائر و یريله جک معلومات مفقود دینله جک قدر آزدر .  
هیئت مبعوثانه کانجه بونک ال مکمل تار یخی مذاکرات واقعه نک  
صورت جریاننی مبین ضبطلر اوله جغی درکار اولوب فقط ذکر  
اولسان ضبطلری بوراده سو یلتمک دخی یالکز بوفقره مرزی  
تاریخک فقرات سائره سنک حجم عمومی قدر یولتمکی مستلزم  
اوله جغندن و اول قدر تفصیلاته ایسه بو اثرک مقیاسی متحمل  
اوله میه جغندن بالضرره بحشمزی هیئت مذکور نک کوردیکی  
ایشلر اوزرینه بنا ایده جکر .

مابین همایون ملوکانه ده رسم کشاد اجرا بیورلدقدن  
صکره هیئت مبعوثان مارتک سکرنجی و ربیع الاولک بشنجی  
صالی کونی برنجی دفعه اولوق اوزره دائرة مخصوصه سنه  
انجمن مشورتی عقد ایلدی . مبعوثلرک امر تحلیفی اصول  
اقضاسندن بولتمسپله تحلیف ایچون شو « ذات حضرت

پادشاهی به و وطنه صداقت و قانون اساسی احکامه و عهده مد  
تودیع او نان و وظیفه به رعایتله خلافتدن مجانبت ایلیه حکمه  
قسم ایدرم « عباره سی بالترتیب مبعوثلرک کافه سی بونی تذکار  
ایدرک یمین ایتدیلر .

اندن صکره مجلس ایچون رئیسله کاتب رسمیلرک انتخابنه  
باشلانوب مؤخرأرتیه سامیه وزارتله واصل اقصای رتب  
اولان احمد و فیکر افندی برنجی ریاسته انتخاب و تعیین  
یورلدیغی مثلاً بروسه مبعوثاندن شیخ بهاءالدین افندی ایله  
استانبول مبعوثاندن خدا و بردی زاده اوخانس افندی  
ایکنجی ریاستله و مبعوثاندن درت ذات دخی کتابت رسمیه به  
انتخاب و تعیین یورلدی و مجلسک نظامنامه داخلی موجدیجه  
اعضا باقرعه شعبات معلومه به بالتقسیم بعض امور معینه ایچون  
دخی مخصوص انجمنلر تشکیل ایدلدی .

هیئت مبعوثان شوصورنله تأسس ایلدکدن صکره نطق  
همایونه جواباً تقدیم اولنه حق عریضه عمومیه نک قلمه النان  
مسوده سی هیئت عمومیه قرائت اولنوب دیگر جهته هیئت  
اعیان دخی ینه اشبو نطق همایونه جواباً تقدیم ایلیه چکی  
عریضه بی مذاکره به باشلادی . هیئت مبعوثان یو عریضه ده  
در دست بولنان امور و بالخاصه قره طاغ مسئله سی ایچون اتحاد  
ایلیه چکی مسلکی اولدن اشراب ایملک املنده بولندیغی جهته  
عریضه مذکور نک ایکی دفعه مطالعه سی ایچون پراقچ کونلر

مذاکره عمومی و خصوصیه ده اشتغال ایلمش ایدی .  
 نهایت اتفاق و تصویب آرا ایله قرارشان عریضه عمومی  
 خاکپای شاهانه به تقدیم قلمشدر که کرک اعیانک و کرک  
 مبعوثانک بو عریضه لری آثار متممه قسمه [ ۲۲ ] رقیله درج  
 ایدلشدرد .

قانون اساسی موجبجه هیئت اعیان و مبعوثانک اول  
 امرده کندی نظام داخلیلرینی تدقیق و وضع ایلری لازمه دن  
 بولمقله ایکی هیئتک ایکیمی دخی بوایش ایله اشتغاله باشلادیلر .  
 هیئت مبعوثان نظامنامه داخلینک امر تدقیقنده رئیس ایله  
 رئیس ثانیلرک مسن مبعوثاندن انتخابی واستیضاح واستجواب  
 ایچون هیئت مبعوثانه دعوت و جاب اولسان و کلاویه مقابل  
 یالکر دعوت و جلبه لزوم کورستن مبعوثک سوز سو یلیه  
 ییله رک بشقه لری نک قارشه مامسی کبی نقاط دقیقه سی پک بیوک  
 وشدید مباحثه لره میدان آچوب از جمله قانس شریف  
 مبعوثی یوسف ضیا افندی کرسی خطابتده ایلک دفعه اوله رق  
 نطقه آغاز ایله رئیس و رئیس ثانیلرک مسن اولانلردن انتخابنه  
 اعتراض ایلدی . وشدیدی حالده اختیارلری مرک الک چوغی افکار  
 عتیقه اربابندن و بر هیئت مبعوثانه ریاست ایچون غیر مستعد  
 طاقدن بولندیغی و فکر حریت و قانون اساسی طرفدارلغی  
 ایسه اغلیت و بلکه عمومیته کنج طاقنده کورلیدیکی بیانیله  
 ریاستلر ایچون الک مسن لفظی یرینه الک درایتلو لفظنک



استعمالی توضیه ایتدی . وکلانک نه درجه یه قدر مخاطب  
 اوله بیله جکی مسئله سی ایسه ده از یاده اهمیت آلوب الحاصل  
 نظام مذکورک هر فقره سی بحق سر بستانه مذاکرات و حتی  
 مجادلات ایله صورت پذیر اولوب بر خیلی پرزی تعدیل  
 و اصلاح قلند قد نصکره رسماً نشر اولنان صورتله قبول وینه  
 اول صورتله تصدیق بیور یله رق اعلان ایدلدی مجلس  
 اعیان نظامنامه سنک تدقیق و قبولی دخینه بویله تصادم افکار  
 ایله وقوعه کلوب حتی بعدالذا کره ظهوره کلان مشکلات  
 جزیه اوزرینه امر نشرینه مبادرت ایدلدیکی حالده تأخیر  
 اولمش و مشکلات مذکوره دخی حل ایدلد کد نصکره نشر  
 و اعلان قلمشدر .

هیئت مبعوثان بر یاندن نظامنامه داخله سی تنظیم ایتکله  
 دیگر طرفدن دخی تشکیلات ولایات قانونی تدقیقه باشلاوب  
 واقعا برنجی قسمزده و دور عبدالعزیزک اجراءت ملکیه سی  
 فقره سنده ولایات قانونک سیات سابقه یه نهایت ویره جک  
 بر صورت مکملینده تنظیم قلندیغنی بیان لیش ایدیه سنده  
 بونک تطبیقاتنجه سبقت ایدن تجربه لر ادرنه مبعوثی حسن  
 بک و رئیس ثانی پروسه مبعوثی شیخ بهاءالدین افندی کبی  
 ولایات امور ینک دقایق و غوامضنه واقف بولنان مبعوثان  
 طرفندن اورته یه قونیه رق قانون مذکور ولایاتنجه مطلوب  
 اولان انتظامی جنداً و حقیقه اتاج ایله بیله جک درجه



مکملیت و اردیرلشدیر . بونک مذاکره سی اثنا سنده مجالس  
اداره اعضا سنک مسلم و غیر مسلم اهلیدن انتخابی بختلرنده  
مسلم و غیر مسلم تعبیر ینک قانون اساسی به مخالف اولسی و بتون  
عثمانلورلک عثمانلوق عنوان مفخرت نشانی التنده متحد بولنسی  
کبی حقایق احرارانه و اتحاد جو یانه اولیه بر صورت جدیدده  
اورته یه قونلدی که هر کس شاشیدی و طنز ایچون مساوات  
کامله یی امیدایده مامکده اولانلر و بونی ایسه ملت مسلمة نک اتحاد  
و مساوات مطلوبه یه موافقت ایتمه چکننده بولانلر مسلم و غیر مسلم  
تعبیر ینک قالدیر لمسی دعوا سنده مسلمان اولان مبعوثلرک خرسیتیان  
اولان مبعوثلره دخی تقدم ایلدکلر ینی کورنجه حقیقه دوچار  
بهت و حیرت اولدیلر . بودعوا ی اتحاد جو یانه ده خرسیتیان  
مبعوثلرندن ده بر طاقی ابراز مآثر اتحاد پروریده قصور  
ایتماش و بونلر میانده استنبول مبعوثی واسیلا کی یک  
جمله یه تقدم ایشیدی . نهایت بو تعبیرلر عثمانلورلر بر بوندن  
آیری غیر ی طوته حق شیر اولیوب بتون عثمانلورلر بو عنوان  
جلیل التنده متحد بولندقدنصکره برده کندی صنفلری  
و جماعتلرنجه درجه ثانیه ده بر انقسامه تابع اولدقلرندن مجرد شو  
انقسامات ثانیه یی مبین اولوق اوزره اشبو تعبیرلرک ابقا سنده  
مجبوریت کورلدی .

اوارالق هیئت مبعوثانک اشتغال ایلدیکی مسائلدن  
برایسی دخی قره طاغ مصالحه سی مسئله سیدر که مجت

مخصوص شده دخی بیان او اندیغی وجهله هیئت مبعوثان قره  
طاغ اشیاسنی کوستردیکی طور غالبته حسن تلقی به قطعاً  
یا قلاشه بیوب و امارت مر قومه به بر قاریش یز و یرلمستی زنهار  
تجو یز ایتوب صریه کبی ستاقوقو یعنی طرفین محار به دن  
اول نه حالده ایدیه لرینه او حالک اقماسی شرطندن آیرلماش  
و بو ایشه قره طاغ امارتی طرفندن قبول او لندیغی جهته  
محار به ده دوام ایدلشددر .

مجلس مبعوثانک مذاکره سبله اشتغال ایلندیکی قوانین  
و نظامات میاننده ال زیاده شایان اهمیت اولان شیلردن بریسی  
دخی در سعادت و ولایات دوائر بلدیسی ایچون بشقه بشقه  
تنظیم اولنان ایکی قطعه قانوندر . اشیو قانونی مذاکره  
وزو اندینی طی و نواقصنی اکمال کبی تعدیل ایشلرنده ادرنه  
مبعوثی راسم بکک امور بلدییه دن بهره مند اولدیغی تجارب  
کلیه نک پک بیوک قائده سی کورلمش و بناء علیه اشیو قانونلر  
صحیحاً الوردن منتظر اولان منافع و محسناتی ارا نه ایلده جنک  
مرتبه مکملته ایضال قلمشدر . دوائر بلدییه اموری بر  
مملکت متمدنه بی ترقیات و نعم مدنییه دن بحق مستفید ایلنه جنک  
ایشلر اولسبله و سائر ملل متمدنه نزدنده امور بلدییه حکومتک  
امور سیاسیه سندن بالکلیه آیریلوب رأی و انتخاب اهالی ایله  
تشکیل قلنان هیئتلره حواله ایدلش بولنمسبله بزده دخی دوائر  
بلدییه نظاملرینک او یولده تأسیسی البته درجه منافعی پک

یقین بر زمانده میدانه قویه حق آئاردن معدود بولمیشدر .  
 محبت مخصوصنده ایضاح ایدیله چکی وجهله در سعادت  
 قونفرانسی مشکلات واقعه نك هیچ بریسنه نهایت و نتیجه  
 ویره میوبده روسیه دولتنك مقاصدینی بر غیرت مصلحانه  
 ایله ترویج پولتیقه سنی اختیار ایلان اورو پانولتری صولك  
 چاره اولق اوزره تکالیف واقعه بی بر مضبوطه عمومیه طرزنده  
 باب عالی یه تکرار عرض ایلد کیری زمان بویله دولتنك  
 استقلال تامنه تعلقی اولان بر مسئله طبیعی مجلس اعیان  
 و مبعوثانه دخی حواله قلمش ایدی . دولتنك روحی دیمك اولان  
 شو استقلال تامك محافظه سی امرنده هر عثمانلو کندی عهده  
 حیتنه مودوع بولنان غیرنده قصور ایتمدیکی کبی هیئت مبعوثان  
 دخی اولاباده غیرت کامله وطنپرور یسنی تکالیف واقعه نك  
 اتفاق و اتحاد آرا ایله ردینه مسارعت ایلمك طریقته  
 کویستر مشدر . هله پروتوقول احکامی ردا و لنوبده روسیه  
 دولتی دخی اعلان حرب وعد وان ایلدیکی مجلس مبعوثانه  
 بیلدیرلدیکی کون یعنی ربیع الاخرک اون برنجی و نیدسانك  
 اون اوچنجی چهارشنبه کونی اسلام و خرسیان بعض  
 مبعوثان طرفندن ایراد ایدیلان نطق قر قانون اساسی ایله متحد  
 اولان ملت یکپاره عثمانیه نك افکار قطعیة اتحاد جویانه سنی  
 ماده اثباته کافی وار باب حیتك کوزل ندن یاش کتوره جك  
 مرتبه ده مؤثر شیلردز .

بوندن اول دخی خبر و برادیکی وجهله هیئت مبعوثانک  
 ایلک سنه اجتماعی ایچون اقتضا ایدن اعضا ولایات مجالسی  
 طرفندن انتخاب ایدلمش و سنین آتیه مبعوثلرینک صورت  
 انتخابی ایچون اقتضا ایلان انتخاب مبعوثین نظامنامه سی  
 در دست تنظیم بولنمش ایدی . نظام مذکور لایحه سی  
 هیئت مبعوثانه حواله اولاندقده چونکه بو نظام مبعوثانک  
 طوغریدن طوغری به اهالی طرفندن انتخابی مشعراوله حق  
 صورتده یا بلایوب درجه ثابته ده انتخاب یعنی افراد اهلیدن حق  
 انتخابه مالک اولانلر زومی قدر انتخابی انتخاب و تعیین  
 ایلدکن صکره اصل مبعوثلرک اشبو انتخابجیلر معرفتیه  
 انتخاب و تعیینی صورتده قلمه آلمش بولندیغندن نظام مذکور  
 یاری به قدر مطالعه و تدقیق ایلدکن صکره اکثریت آرا  
 اصول انتخابک درجه ثابته ده دکل درجه اولی صورتده  
 افراغنی رأی و نظام مذکور ی رد جهتمده حاصل اولمش  
 و بناء علیه مذکور نظام باب عالیجه قانون بیان دارمه برنجی  
 درجه ده انتخاب اصولنه تحویل قلنه رق بعده تکرار هیئت  
 مبعوثانک نظرکاه مطالعه سنه قولشدر . بو صورت هیئت  
 مبعوثانک مذاکرات واقعه سنده نه قدر احرارانه حرکت  
 ایلدیکنه دلالت ایتکله نزد حریت پرورانده البته زیاده سیله  
 مستحسن کوریلور .

هیئت مبعوثان ال پوک حریت پرورلکنی مطبوعات

نظامنامه سنك اثنای مذاکره سنده کوسترش اولدیغنه اصلا  
 شبهه ایداملمیدر . معلوم اولدیغی اوزره دور عبدالعزیز  
 خانیده حکومت سنیه مطبوعاته پک زیاده شدت کوستروب  
 برارالق کرید حادثه سی اثناسنده عالی پاشا مرحوم مطبوعات  
 ایچون نوعما برادازه عرفیه دیمک اولان برقرار عالی نشر  
 ایش و کرید حادثه سیند نصکره دخی بو قرار عالی دوام ایده  
 کیدرک قرار مذکور موجبجه اداره کیفیه توفیق لسان  
 ایتیمان غزتهل درحال قیاسیور لمکده بولنش ایدی .  
 واقعا بر قانون قطعینک حکم سوردیکی شوزمان قانونیده اداره  
 عرفیه کی برتدیر فوق العاده یه احتیاج کورلمدیکی زمانلرده بویه  
 بر اصول شدته احتیاج کورلمیه چکی و کوسترلمیه چکی درکار  
 ایسه ده نعلسه طرف باب عالیدن تنظیم اولان مطبوعات  
 نظامنامه سی غایت شدتلی و مطبوعاتجه مطلوب اولان ترقی یی  
 منع ایلمیه چک بر یولده تنظیم اولنش ایدی . کیفیت هیئت  
 مبعوثانده موقع مذاکره یه اندفیده حریت مطبوعاتی بحق  
 تقدیر ایدن مبعوثان و او جملده بالخاصه در سعادت مبعوثی  
 صولیدیس افندی حریت و ترقی مطبوعاتی حمایه ایلمیه چک  
 پک بولک بر غیرته بولانه رق پادشاهمزلک احسان کرده سی  
 اولان قانون اساسینک قدرینی بالتقدیر شو هیئت ملیه ده دولت  
 و ملت و وطن مفعتنی مذاکره ایده بیله چک قدر فکرلرده  
 پر او بانقلق و آچقلق حاصل اولمش ایسه اوده مطبوعات

مایه سنده حاصل اولدیغی بیانیله بوشد تلی قانونک پک  
چوق تعدیلنه موفقیه حاصل اولمشدر .

بو بایده افکار عاجزانه مزی آچیقدن آچیغه عرض واتیانه  
کندیمزی مأذون کور دیکمزدن ایشک شو جهتنی ایضاح ایلیهلم که  
هیئت مبعوثان مزاح غزته لریک لغوینه دائر ذکر اولنان  
نظام لایحه سنده مندرج فقره بی قالدیر مق ایچون کوستردیکی  
اصراری لزومسزیره کوسترمشدر . واقعا شو اصرار  
حریت مطبوعاتک بوجهتنی ده محافظه غیرتنه مبتنی بولندیغی  
جهتله ظاهر آتحت معذوریتده کور یلور ایسه ده شمیدییه  
قدر نشر اولنان بر قاج مزاح غزته سنک خلقی اکلدیرهیم دیر  
ایکن قانون اساسی بی تحقیر کبی هم یازانلرجه هم او قویانلرجه  
وهم ده بالخاصه دولتجه مضرات بینهایه سی کورلدیکنندن و بو  
ایسه ترقیات فکریه و قلیه مزک هنوز بوکا مساعد اوله حق  
بردزجهیه وار مامسندن نشأت ایلدیکنندن بو مطلبی آتییه  
بالعلیق همتک الک یوکنی مطبوعات قانونک دها ز یاده مکملیتنه  
صرف ایتملی ایدی . کذلک فکریمزک شو جهتنی ده بلا  
احتراز عرض ایلیهلم که مطبوعات قانونک قرار ویریلان  
درجه احرارانه سی کرچکدن حریت افکار ایله یشایان بر  
ملنک مرتبه احتیاجنه کافی دکلدیر . بودخی هنوز ترقیات  
فکریه و قلیه مزک مرتبه غایهیه واصل اولمامسندن نشأت  
ایلدیکی معلوم ایسه ده قانون مذکورک قرار ویریلان



صورتین بر قاج درجه دهام مکملیتنه امکان مساعد ایدی دیه  
اعتقاد ایلر .

هیئت مبعوثانک تدابیر مالیه امرنده وقوع بولان غیرتی  
اولیاده دخی بر چوق مباحثات شدیدیه میدان آچشدز .  
مؤخرأ تقدیم اولنان بودجه اوزرینه بر طاقم تنقیحاته قیام  
ایدلش و بونک پک چوق بولاری دوشونلش ایدیسسه ده  
مبعوثاندن دقایق احواله واقف اولان پک چوق آدملمأ مورلرک  
معاشندن قطع ایتک صورتیله اجرا اولنه جق تنقیحاتدن بر فائده  
عظیمه حاصل اولیه جغنی و اکثرأ مورلرک معاشی ذاتأ درجه  
کفایه ده بولمادیغی کبی قوائم نقدیه نک انتشارندن صکره ذکر  
اولنان غیر کافی معاشرک حکمی دخی نصف نصفه تنزل ایلیره رک  
شو حالده بعضأ مورلرک معاشنه ضم ایتک بیه لازم اولدیغنی  
در میان ایلش ایدی . واقعاً بوفکر اربابنک اصابتنه هیچ  
بر عاقلک دیه جکی یوقدر . زیرا از جمله بر قائم مقامه پک  
غروش معاش اعطاسی کبی حالل وارد رک یوقدر آز بر معاشه  
قناعت ایده بیلان آدم او مأموریتیه لازم اولان لیاقته مالک  
اولیه جغنی کبی ارباب اقتداردن اولوب ده بر قائم مقام فاملیاسنی  
اداره یه کفایتی اولیان شو معاشه رضا کوستر نلرک دخی عفت  
حائله تمامیه امنیت کوستر یله ماملک ضرور یدر . امز مالیه  
مذاکراتنده معاشرجه دکل فقط مأمورلرجه تنقیحاته لزوم  
کوستر نلرک اصابت رایلیرینی ده تسلیم ایدرز . زیرا دوا بر



حکومتك احوالنه واقف اولانلر ايچون خفي دكلدر كه  
امور دولنده فضله و يلزوم يك چوق آدملر بولنوب بولنوك  
تنقيحيله حاصل اوله جق وارداتك درجه كفايه ده اوليان  
معاشلى توسيعه صرف ايدلسى مالىه جه منفعت حاصل  
ايدمه سه بيله انتظام و اداره جه يك بيوك منفعت حاصل ايلره  
هيئت مبعوثان مأموريتلر و مأمورلر جه بعض تعديلات  
و تنقيحات اجرا سنى رأى ايلدكدن صكره اصل نظرا هييتى  
غوائل حاضره حربهك كوسترديكى لزوم اوزرينه برقات  
دها آرتان ضرورت معلومه مالىه بى دفعه حصير ايلش  
ايدى . بونك ايچون مجادله درجه سنه واران برچوق  
مباحثه لاله بوسنه به مخصوص اولشق اوزره و يركو و اغنام  
رسومى و سائر تكاليفه برر مثلك دها ضم و علاوه سى خصو  
صنده اتفاق آرا حاصل اولمش و نظامات مخصوصه سى قبول  
و ايجاباتى اجرا قلنش اولديغى كېي مصر و يركوسندن بولنان  
قارشولق اوزرينه لوندره دن بش مليسون ليرالغه قدر بر  
استقراضك عقدى ايچون دخى ايجاب و ضرورت زمانه نظراً  
اتحاد آرا حاصل اولوب اكرچه بو استقراض ايشنه مأموراً  
لوندره به كوندريلان مالىه مستشارى زهدى افنديك سابقده  
بويولده كى مأموريتلر جقنده هيئتجه بعض قال و قيللر  
ايدلمش ايسه ده بولنوك برائر اغفال اولديغى مؤخر آتحقيق  
ايدرك افندى مشاراليهك برائت ذمتى تصديق و استقراض

مأموریتی دخی عهده سنده ابقا ایدلشدن . انجیق دور  
اسبقک هر شیئه تقدیم ایدن سوء استعمالات مالیه سی دولتده  
مالیه جه هیچ براعتبار بر اقامش اولدیغندن الده بویله برضا غلام  
قاوشولق اولدیغی حالده ده مذکور استقراضک عقدی میسر  
اوله مامشدن .

بوسنه نك تداییر مالیه سندن بر یسی ده اولا اوج ملیون  
لیزالق اوله رق طبع و تداوله اخراج ایدیلان و مؤخر ا کوریلان  
لزوم صحیح اوزرینه اون ملیون لیزالق قدره وارد یریلان  
قوائم نقدیه قضیه سی اولوب اکرچه بو کادهما دور سلطان  
مراد خانیده قرار و یرلمش و قوائمک بر مقدازی تداوله ده  
چیقارلمش ایسه ده بوتدیر مالی یی تنفیذ ایلان قانون هر حالده  
هیئت مبعوثانه حواله و بعدالذا کره تصدیق ایدلشدن .

هیئت مبعوثانک تداییر مستحسنه مالیه جله سندن اوله رق  
قرار و یردیکی برشی دخی استقراض مجبوری مسئله سیدر .  
غوائل حاضره نك کوستردیکی لزوم و احتیاجه  
مقابل دوشونیلان تداییری اتمام ایلان شی انجیق بو  
استقراض داخلی عد اولنه یلور . زیرا صور سائر نك  
حاصل ایلیه جکی قوت مالیه مصارف عظیمه حریه مقابله  
بالوجوه حاجز قالب استقراض مذکور ایسه مصارف جسمیه  
مذکوره یی قارشولیه یله جک بر سرمایه تدارک ایده یله جک  
جسماننده یعنی الی یوز ملیون غرو شلق مقدارنده ایدی .

استقراض مذکور ایچون مجلس عمومیده بالذاکره و یریلان  
 قرار اوزرینه نشر ایدیلان نظامنامه ده بیان و تصریح  
 اولندیغی اوزره مبلغ مذکورک مصارف حربیه دن ماعدا  
 هیچ بریره صرف اولنماسی مشروط اولوب داخل موازنه  
 بولنان الی یوزیتش بیک کیسه قدر و یرکوی عومینک یوز  
 سکسان بیک کیسه سی قارشاق انخایله استقراض مذکوره  
 سنوی یوزده اون فائض و رأس الماله محسوب یوزده بش نسبتنده  
 أمور تیسمان یعنی تأدیه اقیجه سی و یرلمسی و بو استقراضک  
 ثروت خصوصیه کوره هرکسدن بلا استثنا اخذی و ثروت  
 عومیه نی تعیین ایده جک هیچ برمیزان صحیح اولمیه جغندن  
 اولبابده هرکسک املاک و عقار موجوده سیله تجارت و تمتعی  
 و خزیننه دن الدیغی اسهام و مقاطعات و زعامت و تیمار بدلاتی  
 و مأموریت معاشی مقیاس و میزان اعتبار ایدلسی و شو حالده  
 هرکسک املاک و عقار و تمتع و یرکوسی اوله رق سنوی اعطا  
 ایلدیکی مبلغه بر مثلی نسبتنده ضمیمه مأموریت معاشلرینک  
 ایکی آیلغنه و اسهام و مقاطعات و زعامت و تیمار بدلاتنک دخی  
 یوزده اوننه مساوی بر مقدارک اخذی و بونلرک دخی درت  
 تقسیم ایله درت ماهده استیغاسی و عساکر شاهانه ایله ضبطه  
 نفراتنک و قول اغاسنه قدر کوچک ضابطانک استقراض  
 مذکور دن استیغاسی ایله محار به ده بولنان بیوک ضابطان  
 و امر انک دخی تأخیر مکفیتری قرار واقع اقتضاسندن بولنمشدز

هر دولت منتظمه ایچون کور یله جک لزوم و احتیاج  
 فوق العاده یه کوره موقه دستور العمل طو تلیق اوزره بر اداره  
 عرفیه قانونک وجوبی درکار اولوب اگر الده بویله بر قانون  
 اولسه و احکامی ایلک لزوم کورلدیکی آنده مرعی الاجرا  
 طو تلیسه ولایات عاصیه ده آنش عصیانک بو درجه لره قدر  
 التهاب ایتیه جکی نظر دقت و اهمیت آلتغله مجلس عومینک  
 اشبو ایلک سنه اجتماعنده باش کاتب سعید پاشا طرفندن قله  
 التوب شورای دولتن تصدیق اولنان برده عرف عسکری  
 قانونی لایحه سی نظر مطالعه و تدقیقه قونلش ایدی . بر محله  
 آسایش و امنیتک مقدمه انحلالی کورلدیکی آنده دوائر  
 و محاکم ملکیه نک حقوق و وظائفی در حال اداره عسکریه یه  
 و یرلک و احوالده ایجابنه کوره مساکن خصوصیه حکومت  
 طرفندن یوقلانونب ایجاب ایدنلرک محاکمه لری دخی در حال  
 دیوان حرب حضورنده رؤیت قلمق مثللو خصوصیات شدید  
 هیئت مبعوثانک بادی امرده نظر دهشتلرینی آچش ایدیسه ده  
 جریان ایدن مذاکرات فوق العاده زمانلر ایچون بویله بر  
 قانونک لزومی باینده جمله بی ارشاد ایلینوب هر دولت  
 منتظمه و متمدنه اولدیغی کبی بزم ایچون دخی قانون  
 مذکورک لزوم و وجوبی تصدیق قلمشدر . بزه  
 و یرکولرک نسبت اساسیه و اصول تحصیلیه سنک بر قاعده  
 عادلیه مربوط اولماسندن و تقدیر قیمته خطا واقع اولوب

ایسه اكا اعتراض ايتك ايچون مكلفينه صلاحيت ويرلماسنه  
وتخمين قوميسيو نرينك حكومت واهالى طرفندن مختلطاً  
تشكىلى سائر محلرده مرعى اولان اصول اقتضاسندن ايكن  
بزده تخمين مأمورلرينك انتخاب حقنك حكومته انحصار  
ايتمندن تولد ايدن مضرات و بلايا حساب وقياسدن خارج  
اولوب بونك ايچون دخی مابين همايون باش كاتبي سعيد پاشا  
طرفندن قبله النوب من غير رسم باب عاليه ويريلان لايحه  
شورای دولت و مجلس و كلاجه بعد التديق مجلس مبعوثانه  
ويرلمكه عموم مبعوثين طرفلرندن لايحه مذكوره نك حين  
تديقنده و تكاليفك تأمين نسبت وجباينه كافل اوله جق  
قواعدك تأسيسى امرنده فوق الغايه آثار و طنپورى و حيت  
كوسترلمشدر .

الحاصل مجلس مبعوثانك اشبو ايلك سنه اجتماعنده  
كوسترديكى مآثر درایت و فطانت و علایم و طنپورى و افكار  
حریت جمله نك نظر دقت و تصويبنه مظهر اولمشدر .  
زیرا دولت عليه ايچون بوييله بر هیئت مبعوثانك كشادی  
قضیه سی هنوز در دست مذاکره ايكن بعض کیمسه لر بزده  
زمانك استعدادینى دولت و ملتك خصوصیت حالى تقدیر  
ایليه جـك مبعوثلر بولنده میه جغی ظننه دوشدکاری حالده  
مبعوثان کرامك عادتاً جمله سی استعداد زمان ایله دولت و ملتك  
احوال خصوصیه سی اراننده کی مناسبت دقیقه بی جمله دن

اعلا تقدير و تمیز ایش اولدق زینی هر مذاکره ده حاضر و نه  
 تسلیم ایتدیرد کرمی کی بعض کیمسه لر دخی هیئت مبعوثانک  
 منافع مخصوصه دولتی افاته و امانه ایده جک فکر سر باز یده  
 بولنه جغنی خلیا ایلد کرمی حالده هیئت مبعوثان دولت ایله  
 ملتک شیئ واحددن عبارت اولدیغنی و سلامت یکدیگر امور  
 و ظنرور یده فکر وال بر لکبله چالشمقدن حصوله کله جکنی  
 و حریتله اداره ایدیلان بر مملکتده هیئت مبعوثان دولت  
 و ملت ایچون حقیقه فائده لی اولان شیله مقابل اعتراض  
 و متعدده دکل تصویب و تسهیلده بولنه جغنی بداهه و علانیه  
 اثبات ایلله جک افکار و حرکات ایلله اوهام و خیالات  
 مذکورهار بابنی دخی تصحیح المشردر . هله کیفیت هنوز  
 در دست مذاکره ایکن هیئت مبعوثانده دخی افکار مسئله ایلله  
 افکار غیر مسئله نک هر مسئله ده بر برندن آیر یله جغنی حقنده  
 میدان ملاحظه قونیلان و همملرک بوسبتون حکمسز و معناسز  
 اولدیغنی ماده تبیین المشردر که ازجان و دل قانون اساسی  
 طرفداری اولانلری ینه ازجان و دل ممنون و مطمئن ایلله جک  
 برشی وار ایسه اوده بوقضیه در . حقیقت اصلاً و قطعاً  
 تنوع ایده میوب افکار نه قدر متخالف و متضاد اولسه حقیقت  
 نقطه سنه کلوبده اجتماع ایدنبجه جله سنک یکدیگر ینه متوافق  
 و جله سی متحد چیقا جغنی حقیقت اندیشلر بزنده اوتهدنبری  
 معلوم و مسلم بر کیفیت ایکن مجلس غومیده بودخی عمومیت

اوزره کوریلوب تسلیم ایدلشدرد .

هیئت مبعوثانك بعض احوال و حرکات حریه به دائر  
وقوعبولان مذاکراتی بوراجه مسکوت عنه کیلوب ایلروده  
فقره مخصوصه سنده بحث ایدلک ضرور یدر . خصوصات  
حریه دن انبعاث ایله هیئت مبعوثانك بعض مرتبه شدت  
کوسترمش اولدیغی معترف ایدسه ده بوجال سلامت وطنك  
اسباب دقیقه سنی مطالعه افراط سعی و همتدن بشقه هیچ  
برفکردن نشأت ایتیه چکی درکاردر . امورمالیه و خصوصات  
اداره به دائر مباحثه هیئت مذکورہ نك کوستردیکی شدتله  
بعض افکار خصوصیه اربابی نزدنده شایان استغراب کورلک  
ایستایلور ایه بیوک برحق سزاق ایدلش اولور . هر مباحثه  
و مذاکره ده کوریلان شدت لسان فکر جریتدن بشقه بر  
اساسه مبتنی اولیوب اوشدتلردخی انجق دولت و ملتک تأمین  
منفعتی ایچون کوسترمش اولسی محققدر .

هیئت مبعوثانك صورت مذاکراتی حقنده سرمایه مؤاخذه  
ارایانلرک هیچ بریسی مطلوبه واصل اوله میه جغنی تأمین  
ایلرز . بوایشك ایچنده اك عادل اولان برفکر ایچون سرمایه  
مؤاخذه اتخاذ اولنه حق برشی وار ایه اودخی هیئت مبعوثان  
حقنده دکل بلکه دوائر حکومت حقنده واقع اوله ییلور .  
زیرا قانون اساسی موجب هرکس ایچون اعطای و تأمین  
ایدلش اولان حق شکایتدن استفاده ضمنیه هیئت مبعوثانه



عرضحال ویر نلردن نظاماً هیئتجه قبولی جائز اولیان و عائد  
اولدیغی محالره ویر ملک لازم کلان عرضحالر رد اولدقدن  
صکره نظاماً قبولی واولابده هیئت مبعوثان طرفندن تدقیق  
و تحقیقی لازم کلان عرضحالر مذاکره عمومیه و مذاکر  
مخصوصه ایله عائد اولدقلری دوائر باحواله کیفیت استیضاح  
اولمش ایکن دوائر طرفندن بونلرک اغلبنه نظامجه معین اولان  
مدت طرفنده دکل هیئت مبعوثانک تکمیل مدت اجتماعی  
طرفنده جواب ویرلماشدر . بونک ایچون هیئتک مذاکره  
خصوصیه و عمومیه سنده بر طاقم سوزلر جریان ایتش و بر  
خیلی شادتر دخی کوسترلش ایسه ده بو حالدن طولایی تعجب  
دکل هیئت مذکور نک تقدیس و تحسین ایدلمسی لازم کلور .  
زیرا هیئت مبعوثان قانوناً کندی عهدده سینه اصابت ایلان  
وظیفه یی تمامیه ایفا ایتلش اولدیغی حالده دوائر حکومت  
کندی عهدده لینه اصابت ایدن وظیفه یی بحق ایفا ایتماشلر  
دیمکدر .

نتیجه کلام جزیرانک اون التنجی و جاذبی الاخره نک اون  
یدنجی پنجشنبه کونی مجلس مبعوثانک مدتی و حتی بعض  
مذاکراتک ختام بوله مامسی مناسبتیه ضم ایدلمش اولان اون  
کون فضله سی دخی ختام بولمسيله طرف ر یاستدن «بو کونکی  
مجلس من مجلس اختتامدر . بکن هفته تمذید ایدیلان مدت  
دخی ختام بولدی . صکره دن کلان لایحه لرده انجمنلرده

قرائت اولنش ایدی . بوکون مادام که مدتمز ختام بولدی  
 اوراقری محافظه یه مأمور تعیین ایتدک . یکی مبعوثان انتخاب  
 اولنجه یه قدر بزینه مبعوث . جناب حق واضع قانون اساسی  
 اولان ولی نعمت بیمنتز پادشاهمز افندمز حضرتلرینی طول  
 عمر ایله معمر ایلسون ایجاب ایتدیکی صورتده یکیدن اجتماعمز  
 قولایدر . جناب حق عساکر عثمانیه بی ده مظهر موفقیت  
 بیورسون مجلسمز ختام بولدی « نطق ایراد اولنه رق مجلس  
 قیاندی اشبو نطق ایراد اولندیغی صروده قانون اساسینک  
 واضعی اولان پادشاهمز پادشاه حریت پرور افندمز  
 حضرتلرینک نام نامیلری یادایدلده عموم هیئت طرفندن  
 القشلانهرق و تمادی شوکت و اجلال و تزیاید عمر و اقبال  
 شاهانه لری دعای جله طرفندن تذکار قلنه رق هیئتک رسم  
 ختامی جله بی برحس حرینپرستی ایله متحسس و متأثر ایلیه رک  
 بنیان سلطنتی یکیدن تأسیس درجه سنده تأیید ایلیان ذات  
 شوکسمات جناب عبدالحمید ثانیکنک نیجه سنه لر بو مجلس ملی بی  
 تکرر دعوتیه موفقیتی تمنا ایله مبعوثان کرام طاغلدی .



The first of these is the fact that the  
 population of the country is increasing  
 rapidly. This is due to a number of  
 causes, the most important of which are  
 the high birth rate and the low death  
 rate. The high birth rate is due to the  
 fact that the people of the country are  
 generally young and healthy, and are  
 therefore able to have large families.  
 The low death rate is due to the fact  
 that the people of the country are  
 generally well fed and well clothed, and  
 are therefore able to resist disease and  
 other causes of death.

The second of these is the fact that the  
 country is becoming more and more  
 industrialized. This is due to the fact  
 that the people of the country are  
 becoming more and more dependent on  
 the products of the factory and the  
 mine. This is due to the fact that the  
 people of the country are becoming more  
 and more interested in the material  
 comforts of life, and are therefore  
 willing to work longer hours and to  
 accept lower wages in order to obtain  
 these comforts.

The third of these is the fact that the  
 country is becoming more and more  
 urbanized. This is due to the fact  
 that the people of the country are  
 becoming more and more attracted to  
 the cities and the towns. This is due  
 to the fact that the people of the  
 country are becoming more and more  
 interested in the social and cultural  
 life of the cities and the towns, and  
 are therefore willing to leave the  
 country and the village in order to  
 obtain this life.

ایکینچی قسمك اجزای متممہ سی

[ ۱ ]

باب سر عسکریدہ نطق ہمایون

« سر عسکر پاشا پاشا بکر افندیلر »

« عسکر مزك جدلرندن موروٹ اولان یكیتلکی ووطن »  
« محبتنی عسکرلك نظامانہ رعایتلہ برابر بوكره دخی اثبات »  
« ایملرندن طولایی مخصوصا تشکر ایدرم رؤسای عسکر یه نك »  
« قدر و اعتباری بتون عسکره شامل اولدیغندن بنم دخی »  
« بوجمیتلہ طعام ایدیشم مجرد عساكر مزى تلطیف ایتمك »  
« ایچوندر نیتز دائما صلح و صلاحه متوجهدر فقط بو »  
« مقصدی هر وقت هیئت عسکر یه نك انتظامنده ارامق »  
« لازم كلور انك ایچون سزه و كافه عساكر مزه عسکرلك »  
« وظیفه سنی حکمدار كزه اولان بور جكز كه بو وظیفه نك »  
« قسم مهمیدرانی تمامیلہ محافظه ایتمكزی توصیه ایلرم »

نطق همایون مذکوری متعاقب طرف عالی سرعسکریدن  
دخی مقاله آتیه الذکر سرد و اتیان بیورلش اولمغله محظوظیت  
شاهانه لرینی موجب اولمشدر

« صورت مقاله »

« عساكر شاهانه لری و طنك محافظه سی وظيفه سیله »  
« مكلف اولدیغندن بو وظيفه یه مادام الحیات نصب نفس »  
« ایدر لر نائل اولدیغمن عنایات ملوكانه لریك و خصوصاً »  
« دائرة عسکریه شاهانه لرینه هیمت بخش اولان قدوم »  
« همایونلریك تشکری حقنی و عساكر ملوكانه لری »  
« ضابطانك بودقیقه ده مظهر اولدیغمن شرف عظیمه قبولی »  
« شکرینی اوده مك ایچون تقدیم جان ایتمکدن بشقه سرمایه مز »  
« اولموب بوسر مایه دخی ذاتاً او یوله مصروف بولندیغندن »  
« تکرار بتکرار عجز منری اقرار دن بشقه دیه جك سوز بوله مم »  
« احوالی موجب تأسف اولان زمان ماضیدن طولایی »  
« عسکر لک انتظامی مرتبه کاله وار مامش ایسه ده شو کتآب »  
« افندمك حسن نظر همایونلری و بونوع تلطف »  
« واحسانلری کورلدیجه موجود اولان نقایصك تیسر »  
« اصلاحنده شبهه اولمادیغندن بو بایده دخی مسراتمزی »  
« تحذید ایتمك قابل دکلدر »  
« پادشاهم چوقی یشا »

❖ ترسانه ده نطق همایون ❖

« قپودان پاشا پاشا بکسر »

« دول بحریه دن بولندیغیز ایچون دونمازک منتظم »  
 « برحالده بولندیرلسنه احتیاجز معلومدر موقعزک اهمیتتی »  
 « وسوا حمرک وسعتی ایسه بو احتیاجی توسیع ایدر بناء »  
 « مالیه هیئتیزک باشلوجه قوای شو کشتدن اولان قوه »  
 « بحریه مزى جال تر قیده طومغه چالشملیز چونکه ترقیات »  
 « بحریه نك دخی بونقطه نهاییت اوایوب زمانك احتیاجاتی »  
 « وفنونك توسعاتی نسبتنده تحول ایتمکده اولدیغندن اشبو »  
 « تبدلاتی نقطه نظر واندن تمامیله استفاده ایتمه نك اسبابی »  
 « هدف مقصد اتخاذایده لم فنون بحریه نك امر او ضابطامك »  
 « بیننده تمامی انتشاری ایچون مبدأ استفاده اولان مکتب »  
 « بحریه نك ترقی تنظیمات وتدریساتی برنجی چاره عدد »  
 « ایتمیز دولتمزک مساعی مالیه سنك بیوک بر قسمی شمدییه »  
 « قدر دونمانك تنظیمی یولنده صرف اولدیغندن اختیار »  
 « ایدیلان مصارف غیر مثره صره سنده قالماق »  
 « ایچون سفاینك حسن استعمالی ومحافظه سی پك اعتنا »  
 « اولسه جق مسائلدندر هیئت بحریه مزك کافه ارکان »

« وافرادی شو و صایابی تلقی ایتدیکجه وطنه خدمت ایتک »  
 « مکافانک استمقاقنی کسب ایدرلز و شمدی یه قدر ابراز »  
 « اولنان اقداماندن طولایی ایتدیکم تقدیر و تشکرک اسبابنی »  
 « ارتیرمش اولورلز »

« صورت جواب »

« عسا کر بحریه شاهانه لری وطنک محافظه سی اغورنده »  
 « خدمات ممدوحه عرض و ابرازینه بور جلو اولد قلرندن »  
 « بو وظیفه بی ایفایه کمال آرزو و اشتیاق ایله هر آن نصب »  
 « نفس اهتمام ایدرلز دائره بحریه ملوکانه لریته میزت »  
 « بخش اولان قدوم همایو نلری عسا کر بحریه شاهانه لرینی »  
 « مستغرق دریای مفخرت ایتکله مظهر اولدیغمز عنایات »  
 « جلیله دن بر ذره سنک بیله ادای حق شکر و محمدتنده عاجز »  
 « اولدیغمز دن خدمت مستلزم المفخرت حضرت ولی »  
 « نعمته وقف انفاس ایله برابر موفقیتمیزی تمنی ایدر و اسباب »  
 « معلومه دن طولایی بحریه جه نقصان اولان انتظامک »  
 « پادشاه بحر و بر شهنشاه تبعه پرور افندمزک حسن نظر »  
 « ملوکانه لری سایه سنده قریباً اصلاح واکالنده شهبه »  
 « اولدیغمن جناب حق حبیب اکرمی حرمتنه ولی نعمتمز »  
 « افندمزی همیشه پیرایه بخشای سریر خلافت و رونق »  
 « افزای دیهیم سلطنت بیورمی دعاسنی اسان شکر عظیم »  
 « ایله تلاوت و تکرار ایلرز دولت علیه لری قوه بحریه سنک »



« تنظیماتنه مکتب بحریدنک تنظیمندن بدأ اولمسی و دو نهای »  
 « همایونلرینک حسن استعمالی خصوصاً صلونده صادر اولان »  
 « فرمان کرامت نمایان ملوکانه لرینک تحدیدینه کفایت ایده »  
 « بیله جک استطاعت تصویر محالی تصور اوله جفندن »  
 « بوبایده دخی عجز مزى اعتراف و محض اصابت و عین »  
 « کرامت اولان او امر مله میت مظاهر تاجدارانه لرینک »  
 « تنفیذی خدمت جهان قیمتده صرف ایده جگم زمان »  
 « ایام زندگانیزک اک قیمتلی وقتی اوله جفنی عرضه اجتناسار »  
 « ایدرز »

❖ پادشاهم چوق پشا ❖

[ ۳ ]

جنمکان عبدالعزیر خان حضرتلرینک اعضای خاندانلرینه  
 تخصیص پوز یلان معاشات

دولتلو عصمتلو و انده لری سلطان حضرتلرینه	۵۰۰۰۰
دولتلو نجابتلو یوسف عزالدین افندی حضرتلرینه	۳۰۰۰۰
دولتلو عصمتلو باش قادین افندی حضرتلرینه	۲۰۰۰۰
دولتلو عصمتلو صالحه سلطان حضرتلرینه	۱۵۰۰۰
دولتلو نجابتلو محمود جلال الدین افندی حضرتلرینه	۲۰۰۰۰
دولتلو نجابتلو محمد شوکت افندی حضرتلرینه	۱۵۰۰۰
دولتلو نجابتلو مجید افندی حضرتلرینه	۱۵۰۰۰
دولتلو نجابتلو سیف الدین افندی حضرتلرینه	۱۰۰۰۰

دواتلو عصمتلو ناطمه سلطان حضرتلرینه	۱۰۰۰۰
دواتلو عصمتلو اسما سلطان حضرتلرینه	۱۰۰۰۰
دواتلو عصمتلو امینه سلطان حضرتلرینه	۱۰۰۰۰
دواتلو عصمتلو ایکنجی قادین افندی حضرتلرینه	۱۵۰۰۰
دواتلو عصمتلو دردنجی قادین افندی حضرتلرینه	۱۵۰۰۰
۲۳۵۰۰۰ یکون	
خاقان سابق سلطان مراد حضرتلرینه اعضاء خاندانه	
خاقان مشارالیه حضرتلرینه	۱۲۵۰۰۰
دواتلو عصمتلو والدهلری سلطان حضرتلرینه	۵۰۰۰۰
دواتلو نجاتلو صلاح الدین افندی حضرتلرینه	۲۰۰۰۰
دواتلو عصمتلو خدیجه سلطان حضرتلرینه	۱۰۰۰۰
دواتلو عصمتلو فهیمه سلطان حضرتلرینه	۱۰۰۰۰
بهرینه اون بشریک غروشدن درت قادین افندی	۶۰۰۰۰
حضراته	
۲۷۵۰۰۰ یکون	
۵۱۰۰۰۰ جمعا یکون	

[ ۴ ]

بلغارلرک فریادنامه سی

ترکیه سانسک روم ایلی جهته کائن بالقانلرک ایکی طرفته

یالش بدبخت بر جاعت وارد ر . بو جاعت ۹۰۰ سنه  
 میلادیه سنه دبرو خزستیانغه سلوک ایله کاه غالب و کاه مغلوب  
 اولوب انجامنده بو آنه قدر بلغار ملتک خاطرندن چیقامیه حق  
 صورته مدهش بر مضامه دن صکره اون دردنجی عصرک  
 او اخرنده ترکک مکظفریت غیورانه سنه عدم مقاومته پنجه  
 حکومت عثمانیه به دوشمش قالمشدر . بو ملتک پولتیقه جه  
 استقلالیدن بالکایه محروم قالمسی کرچه بیوک بر فلاکت ایسه ده  
 فاتحک بلغارله عادتاً اسیرکی حرکت و معامله ایلمری بوملتک  
 فلاکتی بر قاندها شدتلند بر مشدر . شوسفیل ملتک بشیوز  
 سنه دبرو ترکاردن چکمش اولدقلری مشقت تعریف اولنه من  
 مرتبه ده بولندیغدن مشقت مذکوریه بو انه قدر بو ملتک  
 متحمل اولسی عین حکمت نو عهدندر . بوملتک حال حاضری  
 متبوعنک درجه ظلم و تعدیسی اثبات ایچون جهانتک متمدن  
 قسمنه بر دلیل علیدر .

بشیوز سنه دبرو چالیشوب چبالیوب کال آسایشله چفت  
 سور مکده اولان بلغار ملتک مساعی سابقه و حاضره سندن بر گونه  
 استفاده ایده میوب هر قراندقلرینی طویمز و قناعت ایتمز  
 دوات صندیغنه طولدر مقده درلر . بوکا مقابل دولت بوملتی  
 حیوان مقامنده قوللانمقده در . بر بلغارک عمری یک محنت  
 ایله اکتساب ایلدیکی مالی کلبه سی ناموسی قاریسی و چو جقلری  
 راست کلان مسلمانک راست کلان ضابطه نفرینک پنجه حکمنده

بولنقه در . هله شو ضابطان طاقی ملکک بر آفت صحیحی در  
دینسه جائز در . احوال اداره بلغار رعایانی استخدام  
و بونلردن اوله بیلدیکی قدر استفاده ایتک اوزره حکومت  
مرکزیه معرفتیه غایت ماهرانه قوللانقه اولان بر آتدر .  
معارف زراعت صنعت و تجارت کبی امور نافعده دن برینک  
موقع اجرایه وضع اولنمی شویله طورسون حتی بونلرک  
اجراسنه خاصه ممانعت اولنقه در .

عدالت لفظی شهوت نفسانیه معاملات تجاوز کارانه بی  
محلی حکومتلرینک سیئات احوالی ستر ایتک اوزره ایجاد  
اولنمش بر سوزدن عبارت قالمشدر . حکومت مأمورلری  
بلغار رعایانی حقنقه تصور اولنان ظلمی اجرا ایتدیرمکه بر  
وسیله بر آتدرلر .

بر بلغاری بر اسلام اولدیرسه مالی منافی چالسه ملکنه  
تجاوز و بلا سبب تحقیر و ناموسنی اخلال ایتسه و بونلرک  
جمله سیده حکومت مأمورلرینک کوزی اوکنده وقوعبولسه  
حضور محاکمه او مسلمان تبریه ذمت ایدر و بلغار محکوم  
اولور . و شاید بر بلغار بو درجه ظلم متحمل اوله میهرق  
حقوق مشروعه مدافعه سنه مراجعت ایتسه هر حالده او  
بلغار کندیسنی اولمش صایمق لازمدر . حق تدافع یالکز  
مسلمانه منحصردر . بلغارلره سلاح طاشیق ممنوع بولندیغی  
حالده مسلمانلر یالکز قریه و قصبه لرده دکل عادتایولوشهرلرده

بيله تپه دن طرفاقرينه قدر مسلح اوله رق كز مكدده درلر .  
يكرمي سنه دنبر وهر سنه تركلر هيچ اولمزه يوز نفر بلغار قتل  
و اعدام ايدرلر و متجاسرلر نه ارايلور و نه بولنور و نه ده  
حقارنده مجازات ايديلور .

چونكه تركلر ملكك صاحبي اولديغندن بر كاوورك عيرى  
بو قدر حق زحمت اختيارينه دكز .

هر ملكك اهالي سى و يردكلى اقيچه دن مهمما امكن استفاده  
ايلدكلى حالده بلغارلر تكاليف ثقبيله التنده ازيلور  
و تحصيلدارلر حكومت مأورلر يك نفوذ و تاثيريله هر درلو  
سوء حركاتى اجرادن اجتناب اينزلر . هر نه زمان دشمن ظهور  
ايتش و بر محاربه و يا مصادمه وقوع بولمش ايسه بلغارلر  
عربهلر حيوانلرى نفودى مرجع معاونت اتخاذ ايدلمشدر .  
بلغارلر مراجعت اقتضا ايلديكى حالده نه قدر قريه و قصبه لر  
وار ايسه تحرى اولنور و ضبطه لر بر طاقم سوء حاللر ايله  
فلاكت واقعه بى بر قاتدها تشديد ايدرلر . عمرلر ماللى  
ناموسلرى دائما تهلكه ده در انواع حقارت و سوء حالات هر  
كون مشاهده اولنمقده در . خلاصه كلام بر بلغارلر سارتدن  
بشقه بر امتياز ماللك دكلدر .

بوملت سائر هر قنغى حكومت اداره سننده بولنش اولسه  
اقداماتى ثمره سيله تمكّن ايتديكى محاللى احيا ايديله يور ايدى .  
شوعصر مدنيت و محسناتده بر قاچ دفعه لر ملك اصلاح

اخوانی حقیقه پیدا ایتمش اولدیغی امید ۱۸۳۹ سنه سی  
 خط شریفندن برو هر خط نشر اولدقجه متجدد اولمقده ایدی  
 نه چاره که بو بایده ملت مر قومه نه قدر امید وار اولدیه هیچ  
 برینک اجرا اولمدیغی کوره کوره مایوسیت ایچنده قالدیلر •  
 و ده از یاده شایان تأسف اولان شور اسیدر که شمیدی به قدر  
 نشر اولنان اصلاحات فرمانلری بلغارستانک احوالن ایو-  
 لشدیره جک برده فنا لشدیر مشدر • جمعیت بشریه حاضره نک  
 ترقیاتندن حصه یاب اوله رق بلغارلرده انوار معارف و مدنیت  
 تزیاید بولدقجه بونلرک حال اسارتدن قور تارلامسی ایچون هر  
 کونه اسباب و وسائط جدیده ابداع ایدیلور •

معاهدات رسمیه و علنیه ایله دولت علیه دخی اورو پا  
 دولتری میانیه قبول اولمش ایسه ده ترکیا بیلدیکندن  
 شاشتماشدر • حتی اورو پاخرستیان دولتری دولت علیه نک  
 استقلالیت و تمامیت ملکیه سنی محافظه ایتمک غیرتنده بولندقجه  
 ترکر ده از یاده زیر دستانی علیه ده تجاوز اتده بولمشلردر •  
 اصلاحات تعمیر اولنان شیلر اصلاحات اجرایی لزومنی  
 کویستر نلرک یوزینه آتمش فرمانلر اولوب بلغارستان حکومت  
 مأمورلری ایشک اصلنی فصلنی بیلدیکلرندن یالنکز شرع  
 شریفه متعلق اولتری مظلوم بلری وجهله اجرا ایتمکده درلر •  
 مأمورلر اودرجه ماهرانه بر معامله ده بولنورلر که نشر اولنان  
 اصلاحاتک نتیجه خیریه سی کور یله مایمک اوزره اسلاملق

تعصبي تحريك وتشويق ايديلور . شوصوك دفعه دولت  
 عليه كويا بر طاقم اصلاحات اجرا سته قالشمش اولديغي زمانده  
 دكلى ايديكه بوقدر مظالم اجرا ايدلدى . خيال وخاطر دين  
 پكمز بر طاقم سوء حالات و ظلم و تعدياته تحمله اقتدار قاليوب  
 تظلم حاله مجبور اولمسه صورت ظاهرده اصلاحات آرزو سنده  
 كور ينان مأمورلر ك تذو يرا تيله عصيان نظريه باقيلديغي  
 ايجون بلغارلره هجوم اولنه رق مسكن و مأوالرى يغمما و تاراج  
 ايدلدى . مملكتلرى آتش ايجنده براقيلدى . حكومت  
 سنيه نك امر مخصوصيله سلاحلنان باشى بوزوقلر ك مقصد  
 اصليلرى بلغار ملتك وجودىنى ايمادن عبارت اولمغه بلغار  
 ذكور و انائى قتل و اعدام ايدلدى . بوقدر اشخاص  
 معصومه نك قانسه كيرلد كدن بشقه بر طاقم مخدراتك دخى  
 بكرلرى ازاله اولاندى . باشى بوزوقلر معابد و مكاتب حقنه ده  
 در يغ حرمت ايدرك تصادف ايلد كلرى خريستيانه صورت  
 جبريه ده اوله رق تكليف اسلاميت و عدم قبول كوسترنلر ايله  
 چواق چوجق حقارنده تجويز ظلم و شناعت ايلديلر . عالمده  
 اذا ايله افناى حيات ايجون ايجاد ايديلان اشكنجه لرك هيچ  
 برينى بلغارلر حقنه در يغ ايتديلر . ايسته عصر جديدك  
 ابواب مظالمى دولت عليه نك بلغارلر حقنه روا كوردىكى  
 معاملات ايله افتتاح ايلدى .

بشيوز سنده دنبرو بومثالو سلاسل تعديات التنده خجكشيد



اولان بلغار ملتک بوندن بویله دخی بارکران مظالمه تحمل  
ایده بیله جکی عجباً ظن اولنورمی ؟ بلغار ملتک جمعیت  
بشریه یه نه فناغی اولدی که بوحال ضجرت اشغال ایچنده  
قالمسینه اوروپا راضی اولیور ؟ ارتق بوملت ایچون تحمل  
قطعیاً ممکناتدن دکلدر . بلغارلک تحت حکومت سینه ده  
براقلمسی اوروپا میزان سیاستک تصحیحی و مدنیت بشریه نک  
ترقیسی ایچون اقتضا ایدن شرائطک عدم اجراسنی ایجاب  
ایلیه جکندن اوروپا خرستیان دولترینک معاونتنی التماس  
ایلرز . شمدی یه قدر نشر و اعلان ایندیلان اصلاحات  
فرمانلرینک نه مرتبه حکم تأثیری اولدیغی بالتجربه ثابت  
اولغله بلغار ملتی احوال موقعیه سی و مقدار نفوسی جهتیله  
و بتخصیصی زراعت و صناعته مبدول اولان سعی و همتی  
مناسبتیه او مثلاًو اصلاحات اجراسینه مترقباً اضاعه اوقات  
ایلمکدن ایسه بعدازین منفرداً اداره اولنمی اسبابک شرق  
خرستیانلرینی حمایه ایلیان دولترک معاونتیله استحصالنی  
مقتضای حاله دهها مناسب کور ییور . مقصدی براز دهها  
ایضاح ایده لم . دولت علیه نک آسایش ایله یاشایه بیلمی  
و تدریجی ترقی الیسی مخالاتدن اولوب اوروپا مدنیت  
شرقیه سنک کسب ترقی الیسی ایسه بلغار ملتک استقلاله  
متوقف اولدیغندن ملت طرفندن اداره اولنمی و دول  
معظمه نک تحت کفالتنده بولنمی اوزره مسئله قلا برهیت

اداره نك تأسيسنى التماس ايلرز .

بلغارلرك معروفاتى بوندن عبارتند .۰ اورو پادولتلىرى  
هر نه مطالعه يه مبنى اولور ايسه اولسون بلغارلى محوه  
چاليشانلرك النده براقيه جغى اشكاردر . چونكه بوندن  
بويله دخى بوملتى تركرك النده براقى دشمن حياتى اولان  
جلادى انه تسليم ايتك قبيلىندندر . بونى ايسه خرستيان  
ومتندن اوروپا نصل تجويز ايده ييلور ؟

در سعادتن ۲ اغستوس سنه ۱۸۷۶

بلغار ملتى طرفندن بالوكاله

مارقوبالانتوف . د . زانقوف

[ ۵ ]

برغوس اطهسى وقعه مؤللهسى

روسجفك اوست طرفنده وطونه اوزرنده واقع واوته  
دنبرو بزم طرفه تابع اولان برغوس اطهسندن بر بچق ايدنبىرى  
استحكامات ايچون اخشاب لازمه قطع و جلب ايدلمكده اولديغى  
مثال و جزيره مذ كورده حاضرنمش بولنان كراستىنى  
قايقلره تحمىلا كتير مك اوزده شباط رومىنك طقوزنجى  
چهارشنبه كونى دخى بلاديه اعضاسندن يحيى اغا و برقاچ  
نفر ضبطيه و عمله و قايقچيلار كيدوب كراستىنى جمع ايله مشغول

بولندقلری حالدہ اخشامہ یقین یرکوکی عسا کر مستحقظہ سندن  
برضابط قومانداسیله یارم بلوک عسکر کلوب بغتہ اوزرلرینه  
بلوک آتش ایدرجه سنه تفنک انداخت ایدرک مو می الیه  
یحی اغا ایله ابلنوه قریه لی اسماعیلی جرح و اتلاف و دیگر  
بعضیلری یاره لی اولدقلری حالدہ دردست برله قارشو طرفه  
کوتوردکلری بالتحقیق ثابت اولمشدر .

بناء علیه ولایتله امارت بیننده مخبرات لازمیه ابتدار  
قلندیغی کی مقتوللرک جسدلرینی الموق اوزره جمعه کونی  
یرکوکی یه مخصوصاً مأمورلر کوندرلمشدر .

مأمورین مو می الیهکم بالاعاوده و یردکلری معلوماته  
نظراً مقتوللردن یحی اغا صاغ بجاغنک دیز قپاغندن یوقاری  
قبا اتندن اورلش واسمعیلک فالچه سی یانندن و قبا اتندن بر  
قورشون آیشیرلامش اولدیغی و فقط بوجر یخهلر تلف نفسه  
سبب اولیه جق درجه ده خفیف بولندیغی حقهنده معاینه ایدن  
اطبا طرفندن راپوط و یرلدیکی و بکرشدن بکلدکلری امری  
هنوز اله مدقلرینی افلاق مأمورلری عرض معذرت سیاقنده  
سونلری اوزرینه مقتوللرک جسدلری اوراده ترک ایدلدیکی  
اکلاشلمشدر .

طونه اوزرنده کی اطهلرک هانکیلری بزم طرفه و هانکیلری  
افلاقه حائده اولدیغی قرارلشدیرلش اولدیغی حالدہ صکره دن  
پیدا اولان بعض جزیره لری افلاقلولر بنجسه بهرک نیجه نیجه

فناقلره متصدی اوله کاشلردر .

فقط پرغوس اطه سی اوقیلدنده دکلدر .

اطه لرجه براز وقتدنبر و پک چوق فناقلر کورلدی .

ازان جمله کچن کانون ثانی او اخرنده نیکبولی اها ایسندن  
فرهاد واحد و محمد نامنده اوچ کشی اودون کسمک اوزره  
غیر مسلح اوله رق یالکز بالطه ایله قوم اطه سنه کچد کلری  
حالده افلاق عسکری طرفندن بری بفرحق اتلاف و دیگرلری  
دردست ایله طور نه ماغوره له کوتورلشیدی که قباحت  
هانکی طرفده اولدیغنک تحقیق ایچون طرفین مأمورلرندن  
مرکب بر قومیسون تشکیلی جانب ولایتدن مملکتین امور  
اجنیه مدیر لکنه تکلیف اولمشدی .

افلاق مأمورلری حقمنز لقلرینی طائیش اولمیدر که  
قومیسون تشکیله یناشمدقلری حالده تزویرات یولنه صاپه رق  
قبو کنخداری معرفتیه باب عالییه بالمر اجمعه کویا قرق نفر  
عثمانلو مسلماً طور نه ماغوره له جوارنده بر افلاق قره غول  
خانه سنه هجوم ایندکلرندن شکایت ایلدکلری باتلغز افسانه  
سامی و قوعبولان استعلامدن مستبان اولمش و ماده ایسه  
اسملری یوقاروده ذکر اولنان غیر مسلح اوچ کشینک اودون  
کسمک اوزره اطه یه کچملرندن عبارت بولمش اولدیغندن  
پیان حقیقت حال ایله قومیسون تشکیله اصرار اولمشدر .  
پرغوس اطه سی ایسه مجدد اولمدندن بشقه بزم طرفه

مر بوطیتی مملکتین امارتجه مضدق اولدیغندن مقتوللارک  
 دینی و قاتلارک جزاسنی طلبده ولایت مصر اولسه کرکدر .  
 قالدیکه افلاقولر بالکر اطهره کچنلرده ایتدکری صار  
 قندیلقلرده قناعت ایتیه رک نیکبولی قلعه سی جوارنده و بزم  
 یقه ده صاری یار نام محله ده استحکام انشاسیله مشغول اولان  
 عساکر شاهانه اوزرینه ده افلاق قوردون نفراتی سلاح  
 انداختنه اجتسار ایتشلردر .

ایشته بوماده لر اوزرینه جریان ایتکده اولان مخابراتک  
 نتایج مأموله سی ایلروده نشر اولنقی مقرر در .

[ ۶ ]

صرب مصالحه سنک صورت مکالمه سی

« صرب مأمورلری امارتک حکومت متبوعه سیله اولان  
 مناسباتی وقوعات اخیره الیمه دن اول نه مرکزده ایدیه بر آن  
 اولینه احواله ارجاع واعاده التک خصوصنده کرک پر نسک  
 و کرک امارتک در کار اولان آرزوی خالصانه لرینی ذات سامی  
 جناب صدر ایتپناهی ایله خارجییه ناظری دولتمو پاشا حاضر تلرینه  
 تبلیغ ایتشلردر . باب عالی دخی کندی طرفندن استاتوقونک  
 اماده سیچون قبولی لازمه دن عید ایلدیکی تکالیفی پر نسه بیلدیر مش

اولد یغندن محررین امضا حامل اولد قلمی تعلیمات اقتضا سنجه  
ایضا حات آتیه بی جانب باب عالی به عرض واعطایه مشارعت  
ایدر لکه بونتر حد اولسون تکالیف مذکورده برکونه  
مشکلاتی واختلاف رأیی موجب اوله حق برشی بولند یغنی  
اثبات و بیان مساعده در

«باب عالی عسا کر شاهانه بلغراد قلعه سندن چکلدیکی زمان  
وضع اولنان شرائط موجب سنجه سنجا عثمانینک بعدما برج  
قلعه ده صرب بیراغیله برلکده کشاد ایدلسنی واسکیدن  
صادر اولان فرمان عالیرک احکامنی لاجل الاجرا موجود  
اولان قلعه رک عددی واستحکام رک قسوتی ایلوده تزیید  
اولنامسنی ارزو ایلکده در»

«صرب امارتی سنجا عثمانینک بلغراد برجنه کشادی  
حقنده وضع اولنان شرائطی اجرادن بروقده خالی قالماشدره  
ذاتاً بویکی ماده فی رجب سنه ۱۲۹۴ وفی ۵ ذی الحجه  
سنه ۱۲۹۳ تار یخلی خط هما یونلرده صراحنه و قطعاً  
مندرج بولند یغندن صرب امارتی حکومت متبوعه سیله  
استاتوقو اساسی اوزرینه اجرای مناسباته مآذون اولدیغی  
کبی ذاتاً استاتوقو اصولی توارنج مختلفه ایله احسان یوریلان  
فرمان عالیرک قبول وتصدیقنی ایجاب ایتدیکندن استحکاماته  
متعلق شرائطی مجبوری الاجرا اوله حق و در حال متوقع  
اجرایه وضعله احکامنه تمامیه رعایت ایدیه چکدر»

« باب عالی صرب امارتنك كندی مملکتی داخلنده ایالات  
متجاوزہنك آسایشنی اخلاص مخصوص و مسلح فرقه لرك تشك  
ایتمنی و بوجھله تشكلی ایدہ جنك مسلح فرقه لرك طاقیلہ  
آچیقندن آچیفہ و یا کیرلوجه آزر آزر کیرملرینی منع ایلمسنی  
و برده فساد مقصدندہ بولنہ جنق جمعیتلرك و علی العموم نیت  
خفی و ظاہر یسی نہ اولور ایسہ اولسون هر کونہ کیرلو  
جمعیتلرك تشکلنہ ممانعت ایلمسنی آرزو ایتمکدہ در »

« محررین امضا شو مادہ لرك جملہ سندہ صرب امارتنك بر  
چوق سندلہ باب عالی یه بحق موجب شکایت اولہ جنق بر سببیت  
و یرمدیکنی بیان ایلمککی وظیفہ دن عدا یدرلر . امارتنك  
احداث اولندیغی زماندن کچنکی وقتلہ قدر مسلح فرقه لرك  
تشکلی صر بستانجہ مجهول اولدیغی کبی خفی جمعیتلرك دخی  
وجودی یوغیدی . باب عالی نك شو تکلیفندہ ایما اولنان  
القائتک منشئ و مرکز انتشاری اوستریادہ در »

« محررین امضا صرب امارتنك اشقیبا فرقه لری تشکلدن  
منع ایتمک و تشکل ایتمش اولنلرینی طاعتق ایچون صرف  
المش اولدیغی مساعی بی و بوبایدہ قره طاغ امارتی نزدندہ  
اجرا ایتمش اولدیغی تشبثاتی واتخاذ ایلدیکی بالجلہ تداییری  
و تمام حصول مقصدہ نائل اولہ جنم ظنندہ بولندیغی زمان  
مساعی واقعه سنك نہ مثللو سهویات ایله رهین انحلال اولمش  
اولدیغنی باب عالی یه عرض ایلمش لردر . صر بستانك املی



انچق حضور و آ. ایشك حصولی و سلطنت سنیه ایله موجود  
اولوب پارس معااهده سیله مصدق و کند و سنجه الیه زیاده  
مدار قوت اولان مناسباتک اعاده سی ماده سی اولدیغندن اکر  
مناسبات استاتوقو اساسی اوزرینه اعاده اولوب دهینه حکومت  
سنیه نك آرزوسی وجهله اشقیا فرقه لرینك تشکیلی و تشکل  
ایتمش اولنلرک دخی هر نه صورتله اولور ایسه اولسون ایالات  
متجاورهیه دخولنی منع ایچون صرف ما حصل اقتدار ایتمیه جک  
اولور ایسه پواتیقه جه اولان موقعی و نظامات داخلیه سنك  
اساسی خلافتنه حرکت ایتمش اولور . صربستان براداره  
منظمه و حریت پرورانهیه مالک اولوب بو اصول اداره نك  
قاعده سی ذاتاً تحفی جمعیتلرک وجودینه آچیقدن آچیغه مغایر  
بولندیغندن امارتک کندی منافعی بو خصوصده باب عالی نك  
ارزوی مشروعه نه کاملاً موافق اولدیغنه جزم یقین حاصل  
ایلیه جکی درکاردر . بناء علیه محررین امضا اولباده باب  
عالیه تأمینات کامله و مطلوبه یی اعطایه مسارعیت ایدرلر  
و حکومت سنیه صرب اهلینک اشبو تحفی جمعیتلر طرفندن  
وجوده کتوریلان فناقلری حسن ایله ارتق اجنبی مفسد لرینك  
القائات مضره لریند قابلییه جغنی درک ایتمش اولدیغندن حکومت  
سنیه شو مقصدک کندولکنندن حاصل اوله جغندن امین اولوق  
لازم کلدیکي اعتقادنده یز»

«باب عالی ارمنیلر ایله موسو یلرک سربستی آیشندن بشقه

سائرلك حائز اولدقلرى حقوق و امتيازاته دخی نائل اولملى  
ارزوسنده در «

محررين امضا اولبايده باب عالينك بو ايشله مشغول  
اولسنى ايجاب ايدن اسباب اصليله بي لايقيه درك ايله خصوص  
مذكورده امارتك افكارى حكومت سنيهك ارزوسنه كاملاً  
موافق اولديغنى بيانه مسارعت ايدرلى • سربستى آيين  
و مذهب صربستانده بركونه قيد و شرط تحتنده دكلدر •  
ارمنيلر هيچ بروقتده صربستانده تمكّن ايتماش اولدقلرنين  
شمدي به قدر كنديلرينه دينجه سربستى و يرلماشدر  
دينله من • شمدیدن صكره ايچون دخی قوانين و نظامات  
محلّيه ده ارمنيله مخصوص بر شرط موجود اولديغى بيانله  
اكتفا اولنور • صربلو صفتنى قبول ايتمش يهوديلر سائر  
صربلورلك حائز اولدقلرى حقوقه كاملاً نائل اولوب  
كنديلرينه مخصوص يالكز بر شرط واردركه اوده داخل  
ملكتهده اقامتلىر بى شمديلك منع ايدن ماده نظاميه در • مقر  
حكومتهده بولنان يهوديلر بالجملة حقوق ملكيه و پواتقيه دن  
تماماً مستفيد اولدقلرنين شروط مذكوره داخلنده كي يهوديلر  
حقلرنده مجرد بولندقلرى ديندن نشأت ايتمش بر ممنوعيت  
قانونيه عد اولنه من • شو تدبير موقتدن مقصد صربستانه  
مجاور اولان مملكتلرده امثالى كورلديكى كى هيئت حكومتك  
يله هر وقت ضبطه مقتدر اوله مديغى اذهان اهللى ي تبريد

اینگسزینی یهودی ملتہ صرب جمعیتی ایچندہ یواش یواش  
 موقع طبیعیستی احراز ایتک ایچون میدان و یرمکدن عبارتدر  
 صرب قانونی یهودیلرہ یک مساعد صورتدہ ترتیب و تنظیم  
 اولمش اولدیغندن امارتک افکار و نیات صحیحہ سنہ شہیدی  
 دعوت ایدہ جک صورتدہ تفسیر و تاویل اولنہ من . باب  
 عالی بونک بویله اولدیغنه اعتماد بیورسون . و اعتمادندہ الدامش  
 اولیہ جغنی محررین امضا دخی تأمین ایدہ ییلور . جانب  
 باب عالیدن بلغراددہ برما مور بوئندیرلق تکلیفنه کلنجہ محررین  
 امضا بو باندہ شفاها و قوعبولان تبلیغاتلریک سند اتخاذ  
 بیوراسنی رجا ایدرلر . ایشتہ محررین امضا بلغراددہ مقدا  
 اشعار اولنان استاتوقو شرائطی حقندہ باب عالی ایله صرب  
 امارتی بیندہ تمامیلہ موجود اولان اتفاقی بروجه محرر تعین  
 و اثباتلہ کسب فخر ایدرلر و حازر اولدقاری مأذونیت کاملہ  
 اقتضا سنجہ صرب پرنسی ایله اہالیسنک کرک ذات شو کتسمات  
 جناب پادشاهی و کرک سلطنت سنیہلری حقندہ اولان  
 ضد اقتلرینہ دائر تأمینات جدیدہ و قطعینہ اعطا و باب عالی یہ  
 قوعبولان بالجلہ افادات و تبلیغاتلرینی قرارلشدیر یلان  
 صورتدہ برآن اول پرنسہ تأیید و تصدیق ایتدیرمکی دخی  
 در عہدہ ایدرلر . اشبو تصدیقنامہ نک باب عالی یہ وصولی  
 متعاقب استاتوقونک علناً و رسماً اعادہ سنی متضمن فرمان عالیہک  
 در حال اضداری و فرمان عالی تار یخندن اعتباراً اون ایکی

کون طرفنده عسا کر شاهانه نک وقوعات اخیره دن اولکی  
حال اوزره بخط امتیازک برو طرفنه چکلمری ضمنده طرف  
سامی جنباب صدارتپناهیدن اوامر لازمه اعطا بیور یله جغی  
مأمولدر»

« صرب مأمور لری موسیو قرستیج و ماتج خارجیه ناظری  
دولتلو پاشا حضرتلرینک قوناقلرنده عقد مجلس ایدرک  
مذاکرات واقعه نک رسیده حد ختام اولدیغنی و پاشای مشار  
الیه کندی لری بیمنده ۰۰۰ تار یخیله و بردکاری نوطه موجنبه  
اتفاق وقوعبولدیغنی و بناء علیه امارتک حکومت متبوعه سیله  
استاتوقو اصولنجہ تکرار عقد مناسبات ایتک خفته اولان  
ارزوسنی امارتن الدقلمری مأذونیت مطلقه ایجابنجہ تصدیق  
ایلدکلرینی بیان ایتشدر ۰ خارجیه ناظری دولتلو پاشا  
حضرتلری دخی مارالذکر نوطه بی سند اتخاذ ایلدیکی  
سلطنت سنیه نک صرب امارتیه استاتوقو اصولنجہ تکرار  
عقد مناسباته قرار و برمش اولدیغنی بیان ایتشدر ۰ بو حالده  
استاتوقو قاعده سنک حکم و ماهیتنی لزومی مرتبه ده صراحة  
تعیین ایله بو بابده ظهور ایده جک یا کاشلغک وقوعنی منع  
ایتک ایچون شو اتفاق ایجابنجہ قرار و یریلان ماده لر شونلر  
اولیور که

«اولا صربستانه متعلق بالجمله خط هما یونلرده و اوراق  
سائرده و علی الخصوص قلاعه دأر اولان فی ۵ ذی الحجه

سنه ۹۳۰ نار یخلی خط هما یونده مندرج بالجملة قیود و شروطك  
بشقه در او تفصیلات و ایضا حاته حاجت قلاقمزین یا لکن  
محر به دن اولکی استاقونك اعاده سی لفظیله بلا استثناء و کاملاً  
موقع اجرایه وضع اولنمی»

«ثانیاً وقوعات اخیرده متهم بولنان بالجملة تبعه ملوكانه  
عموماً و کاملاً عفو بیورلدیغی کی ضرب امارتنك دخی اشبو  
وقوعات الیه ده متهم بولنان صر بلورك عفو اولنمی»

«ثالثاً اشبو مقاوله نامه تار یخندن اعتبار آون ایکی کون  
ظرفنده كرك عسا کر شاهانه و كرك صرب عسکری طرفندن  
خط امتیازك خار جنده ضبط اولنان محللرك تخلیه سیله هر ایکی  
طرف مأمور لو بنك او محللر اوزرنده اولان حق حکومتلرینی  
اجرا النمی» (انتهای)

## ❖ صربیه کوندریلان فرمان ❖

« بعداللقاب »

« ممالک محروسه شاهانه نک اجزای متممہ سندن اولان »  
 « صربستان امارتک آسایش و ترقیسی و اہالیسنک رفاه »  
 « وسعدت حالی ہر بار جملہ مقاصد شاهانہ مدن اولوب »  
 « شمدی یہ قدر ازمان مختلفہ دہ صادر اولان فرمان »  
 « ہمایو نلرہ مندرج امتیازات و معافیات دخی بو آرزونک »  
 « موقع اجرایہ قولیسندن عبارتدر . صرب خلقنک »  
 « حکومت سنیہ جہ صدق و استقامتی تبین ایتدیکندہ »  
 « صربستاندہ بولنان قلاع شاهانہ محافظہ سنک امارتہ »  
 « حوالہ سی دخی بوکا دلیل کافی اولوب بو صورتلہ »  
 « دولت متبوعہ سیلہ صربستان یلنندہ تی امنیت »  
 « و خصوصیت کوندن کونہ ترقی و تأکد ایتکدہ و حال »  
 « حاضرک تأمینہ حکومت سنیہ مز طرفندن صرف مساعی »  
 « اولنمقدہ ایکن صرب امارتیلہ دولت متبوعہ سی یلنندہ »  
 « جریان ایدن مناسباتی اخلاص ایدہ جنک وقوعات مؤلہ نک »  
 « عدم ظہور یندہ موفق اولنہ فیہ جغی کمال تأسف ایلہ »  
 « کورلش ایسدہ محار بہ سیاتندن صربستانی خلاص »

« واسكى حالته ارجاع ايتك اوزره حكومت سنيه مز »  
 « طرفندن تأسيس امن وآسايش ايچون ايديلان »  
 « تكليفاتك قبولنه صربستان امارتى طرفندن مسارعت »  
 « اولمغله طرفكزدن موسيو خريستيج وماتيج ماذونيت »  
 « مطلقه ايله در سعادت كلكه ترك توار يخ مختلفه ايله صدور »  
 « ايدن فرامين وخطوط همايونلرينك احكامنى كايلىق »  
 « محافظه و صربستانك نائل اولديغى مساعدات و معافيات »  
 « بديل مجبور اولديغى وظائفك بتمامها اجراسنه اعتنا »  
 « ايديله جكنه و حكومت شاهانه مز ايله صربستان امارتى »  
 « بيننده اولان مناسباتى كرك مادي و كرك معنوى اخلاص »  
 « ايله بيله جك هيج بر شيئه مساعده اولميه جغنه تاامينات »  
 « قويه و يردكردن شفاها و تحريراً و يريلان بوتامينات »  
 « وايضايات صرب امارتنك و اهاليستك استقامت »  
 « و صداقتنه امنيت شاهانه مى اعاده و تجديد ايتسكله »  
 « صربستانك قبل المحار به دهكى حالنك اعاده سنه مساعده »  
 « ايله برابر ايالات متجاور دن محار به اثناسنده صربستانه »  
 « كيدن اهاليستك خانه و مأوالر ينه و كذلك ممالك شاهانه مه »  
 « التجا ايتش اولان صرب اهاليستك دخی خانه لر ينه عودت »  
 « ايتلر ينه مساعده شاهانه م ارزان بيور يله رق بوضورتله »  
 « و يريلان قرار حقي بگزده اولان امنيت و حسن نظر »  
 « شاهانه ملك بر دليل علنيستى اولديغنى كرك سز و كرك »



« صرب خلقی بیلهرک امارتک حکومت سینه مزه مجبور »  
 « و متعهد اولدیغی وظائف کایلیق اجرایه صرف سعی »  
 « و اقتدار ایدیه جکنیه امنیت شاهانه م بولندیغندن قبل »  
 « المجار به ده کی اساس اوزرینه تجدید مناسبات اولندیغنی »  
 « معین اشبو فرمان جلیل العنوان همایونم تسطیر و تسبیح »  
 « و خط امتیاز داخلنده اولان عساکر شاهانه مک کیر و »  
 « چکلمه سنه دائر لازم کلانلره و امر شاهانه م اصدار »  
 « و اشعار اولندی »

فی ۱۸ صفر سنه ۱۲۹۵ و فی ۲ شباط

[ ۹ ]

اشقودره مبعوثی یوسف افندیك قره طاغ حقنده کی نطقی

غزته لده کورادیکنه و اوتهدن برودن ایشداندیکنه نظراً  
 قره طاغلولر صلحی الی بیک نفوسدن عبارت بولنان قوچ  
 ناحیه سی و ملحقاقیله اشپوزی و زی بایق قضا ریله شلچیه و قرینجه  
 و شستان بالا و شستان زیر و غوره ده ورؤ یک و زو بجه و توکیل  
 بالا و توکیل زیر و شوشان و برجه قریه لرینک و ایکی قلعه بی  
 حاوی اولان اسپج ناحیه ولیماتک کندوسنه ترکنه یعنی خط  
 امتیاز مورچه نه ری اعتبار و اتخاذ اولمشنه تعلیق ایدیورمش

بنده کز اشق و ذره مبعوثی بولند یغم و ذاتاً پود غور یجه لی اولوب  
 اورالینی قازیش قازیش کز مش و کور مش اولدیغم جهته  
 بو باده بعض ایضاحات و یرمک ایسترم و یره حکم ایضاحات  
 تمامیه اکلا شلق اوزره قره طاغ خریطه سنک مطالعه سنه همت  
 بیور لمسنی توصیه ایلرم یکر می قریه دن عبارت اولان قوچ  
 ناحیه جسمه سی قره طاغ لویه براغلدیغی و مور اچه نه ری  
 خط امتیاز اعتبار اولندیغی حالده مدون و اشپوزی وز بیاق  
 و علیکسندره و اسپیج و ستور مان قلعه لر یله هر بر یسی قلعه  
 جسمه مند بولنان و پک چوق لیره صرفیله وجوده کتور ماش  
 و اشق یانک تجاوزینه سد اسکندر کی حائل بولنش اولان برنجی  
 و ایکنجی و اوچنجی و دردنچی و بشنجی و درویش پاشا  
 و اسماعیل پاشا و پازرشته و برون و بلوچه و سردار و حفظیه  
 و عونیه و عز یزیه و شوکتیه و چنکل و صوغوق صوی و ستنو  
 غلاف و مقصود و غرمیشور و مناسیر و تغله و ر بناق و چون مقام  
 و یلی بریق و بلوچه قله لری و اشپوزی و زیاق قصبه لر یله  
 غربه و دیلام و اوشان و ممشیک و ودانیک و لشق و بوله زیر  
 و لشق و بوله بالا و قوقوط و افیک و غر با فجه و قوقجه زیر  
 و قور پوچه و بونار و بانیه و طور مشه و و یریش و ورائینه  
 قریه لری انلره ترک اولنش اوله جقدز بونک غاقبتنده کی و خامتی  
 مساعده کرله بیان ایدیم قره طاغ لور بو آنه قدر قوه  
 جبریه ایلله کچیرمکه مقتدر اولدق لری محارر ایچون برر ایکیش

مأمور در سعادت اعزام ایدرك و اعمال دسایس عاقل فریبانه  
ایله راس اداره ده بولنا نلری اقناع ایلیه رك بویله لکله پك چوق  
برلر یمنی المشلردر انجق سایه حضرت پادشاهیده شمعیك  
او قپولر قیاعش و بتون عثمانلور همدست وفاق و اتحاد  
اوله رزق تابصرده بولنان بر عثمانلی حدود غربیه مزك بر آوج  
طپراغنىك محافظه سنی اغورنده فدای مال و جانى كوزینه  
كسدير مش اولدیغى زمانده او كبی مطالبه قولاق اصلیه جغنده  
امنیت بر كمالدر .

ذكرى سبقت ایدن و قره طاغلو نك اله كچور مك ارزو سنده  
بولنان قلعه و قلعه هر كیمك اولور ایسه ملحقاتيله برابر اشقودره  
ولایتی انك اولمق طبیعیدر . زیرا تعداد اولنان برلر قره طاغلو  
النه كیرر ایسه چونكه مالوزدو تپه سنده طوپلر كتور و ب  
پودغور یچه قصبه سیله اوینی دو كه جكندن پودغور یچه ده  
طور مق ممكن اوله میه جقدر .

پودغور یچه بی اله الدقندن وقوچ ناحیه سی اكا قالدقندن  
صكره غروده و حوط و قلند و قضا ط و قو بلیق و رجه لوجه  
اهالیسی - كه بونلره جنال سته مالدسیاس ته بیر اولنور - دخی  
بالضروره قره طاغلو یه عرض انقیاد ایدرك و شاله و شوشه  
و پوسته دیه بونلره پیر و اولوب ذاتاً عصیانیه میال و ساعی اولان  
میردیتا بو ضرورتله قره طاغلو ایله برلشه رك آتش اختلال  
و عصیان جزئی بر زمان ایچنده پرزین سنجاغنه و كورفر

دکری ساحلنه قدر توسع ایدر که او حالده قره طاغلو ز خار جدن  
هر دو لو امداد و اعانه یه نائل اولورلر . • عکسندره و غرمشور  
و مناسق و مقصود و طوغله قلعه و قلعه لری . که بونلر قره -  
طاغلو یه اشقودره کولندن اجرای خبائت ایتکه میدان  
براقیور . قره طاغلو یه ویرلدیکی حالده معهود قایقنله  
بی پروا کولی استیلا ایدرک اشقودره شهرینه دخی ایصال  
دست خسار ایده جکلرندن و سالف الذکر سلجه و قرنیجه و سائر  
قریه لری و اسبیج لیمانی الرینه کچدیکی صورته . سوریک  
و قرابه دخی طیانده یه رق انلرله اتفاقه مجبور اوله جکلرندن  
بار طزیقیله کیدوب کملک غیر قابل اوله جغندن زوسیه دولتی  
دخی بحر سفیده بر ایمان اتخاذا ایتش اولور و بویانه نهرینک  
دکزه منصب اولدیغی محل دخی بدضبطلرینه کچهرک طاغلونک  
مطلوبی حاصل اولور . • بو محاذیر میدانده و قره طاغلونک  
مطالبنده اصرار ایدیشی اولحوالی بی بو صورته استیلا  
ایده بیله جکی امکانی درک ایلدیکندن ایلروکلدیکی کون کبی  
عیانده ایکن مطالبنه احاله کوش اعتبار اولنماق ضرور ایدر  
قره طاغک مطالبی رد اولنورسه تکرار محاربه ایتک  
اقتدارینه مالک فی ظن ایدیورسکز . • و لو سلم محاربه یه  
مباشرت ایتسه بیله برشی قرانیمه جغی شویله طور متون بنصرت  
تعالی پک بولک ضایعاته دوچار اوله جغی شبهه سزدر بونلرک  
پودرجه شمار ملزینه سببیت و پرن بعض مأمور یندن استیضاچه

حقمز و از ایسه ده انلری ایلرویه تعلیق ایلدم خلاصه قره  
طاغلوریه هیئت سابقه مندن بشقه بر قازیش یرویر یلور ایسه  
ملحقاتیلہ برابر اشقودره کندوسنه ترک اولمش اوله جغندن  
بو باده تکرار نظر دقتکری جلب ایدرم .

قره طاغلور فقر و ضرورتندن بخت ایدولر ایسه بر قاج  
سنه اول قوایه قضا سنده اسکان اولنان الی خانه قدر طاغلورک  
سایه حضرت شهر یایده سعادت حالرینه آزامش باللرینه  
باقوب عبرت السونلرده شقاوتی ترک ایدوب دولت متبوعه لرینک  
دامن شفقتنه صارلسونلر او اوقت دولت انلری منبت یرلرده  
اسکان ایتدیرر عجباً طاشلقدن عبارت اولان وهر حالده اداره  
و تعینشدن عاجز بولنان قوچ ناحیه سیله سلچه و قرنیجه و سائر  
بوکا بکزر قریه لر و کول ایچنده علمکساندره و ستورمان واسپیچ  
وز بیاق و مدون و اشپوزی قلعه لر یله اوتوز قدر جسم و متین  
قلعه لر کندوسنه براغیلور ایسه نندن زنکین اوله جق ایش  
اشته بونندن اکلاشیلور که بونلرک ایستدکری محالری دفع  
ضرورت ایچون دکل بلکه ملحقاتیلہ اشقودره بی ضبط  
و استیلا ایتک و حدودینی بلغارستان و صربستان ایلہ  
برلشدریمک ایچوندر . امین اولکر که خدایانکرده جزئی بر  
مطالبنه موافقت یوزی کوستریلور یعنی یالکز قوچ و یاخود  
سلچه و یاقرنیجه کندوسنه و یریلور ایسه پک آرزمان ایچنده  
بوکا میسر اولور صدق افاده می اورالری نی ییلور و فن حرب

آشنا امرای عسکریه دن صوراسه تصدیق ایدر اعتقادنده یم بوجه  
ایله برابر کرک پود غور یچده و کرک اشپوزی و زیاق و سائر بر زده  
هیج بر آدم یوقدر که باباسندن قالمش براوطه لی خانه یه روم ایلی  
واناطولی و عربستان کبی محالرده الی او طه ابق بر سرایی ترجیح  
ایدو بده مسقط رأسی ترک ایلسون . چونکسه اود کرسز  
خانه نك محافظه سی اغورنده پدرینی و برادرینی آل قانلرده  
بویامش اولدیغی حالده تسلیم جان ایتدیکنی کورمشدر .  
شمدی او خانه بی بر اقد قدن بشقه انلرک مبارک مزارلرینی دشمنک  
ایاقرینسک التنده بر اقرلر مطمئن اولکز که وطنلری اغورنده  
چولق چوجغه وارنجیه قدر جمله قره طاغلورلرک قورشون  
و یطاغانلرینه کوکسلرینی کرمک و پدر و برادرلری کبی  
شانلی و قانلی اولمک شرفندن بروقت چکنمیه جکلردر محقق  
بیله سکز که بو ماده پک مهم ماده در که اول باول جمله مزک  
آرامزه حواله پیورلمشدر . نه اولور و نصل قرار و یریلور  
ایسه ملت بزدن بیله جکلدر . تکرار ایدر مکده خریطه لره  
کوزلجه و دقلیمجه باقکز . بو نقاط روم ایلی نك کلیدی مثابه سینده در  
امید ایدرم کوز کوره دشمنک قازدیغی قویویه دوشیمیه جکز  
بو بایده مرافقتکزی تمنی ورجا ایدرم .

جلوس همايون اوزرينه شرفصادر اولان خط شريف

« بنم وزير معاليه سيمير محمد رشدی پاشا »

« تقدیر و مشیت الهیه ايله برادر اکرم سلطان مراد »

« خان خامس حضر تلی مشتاعل سلطنت و خلافتدن »

« دستکش فراغ و عزلت اولماریله بر موجب قانون عثمانی »

« اجناد عظامن تخته جلوسمز وقوعبولدی »

« ذاتکرك مجرب و مسلم اولان رویت و حیاتکروامور »

« مهمه دولته و قوف و اطلاعکزن حسيله مسند صدارت »

« عظمی و ریاست مجلس و کلا ابقاء و تجدیداً عهده کزه »

« توجیه و بالجمله و کلا و مأمورین دخی برلنده ابقا و تقریر »

« قلتمشدر قاطبه احوالده جناب موفق الامورک تسهیلات »

« و توفیقات صمدانیه سنه توکل و توسل بر کمال اولمقله بر ابر »

« نخبه آمال و مقاصدم دولتک تأیید اساس شوکت و مکنتی »

« و ضنوف تبعه و بر ایامک بلا استثناء فائل حریت و متعم »

« نعمت آسایش و غدالت اولمسی ارزو سنه منحصر اولدیغندن »

« کافه و کلا و مأمورین دولت علیه مزک دخی شو اثر مزه »

« مشارکت و معاونت ایده جکارینی وثوق و اعتماد تام ايله »

« امید ایدرم »

« جله نك معلومی اولدیغی اوزره دولت علیه مزک »



« اليوم بوانديغي حال و بحران واغتشاشك جهات واسبابي »  
 « وصور و اشكال متنوع و متعدد اولقه برابر بونرك هر »  
 « قنغي جهتدن امان نظر ايداسمه جله سنك اسباب »  
 « و بهاديسي بر نقطه ده اجتماع ايدر كه اوده دولترك اساساً »  
 « مستند اولديغي احكام جليه شرعيه اوزره مؤسس »  
 « اولان قوانين و نظاماتك حقيه و تماميله اجرا اولنه مامسي »  
 « و اداره امورده هر كسك بر نوع اداره كيفيه اصولنه »  
 « اتباع ايتسيدر و بروقدنبرو دولترك ملكي و مالي اداره سنه »  
 « عارض اولان نظامسنز لرك شو درجه ميدان المسي »  
 « و امور ماليه مزك افكار عامه جه بر ايتسيز لك حالي كسب »  
 « ايتسي و محاكمك حقوق ناسي تأمين ايدجك درجه يه »  
 « واره مامسي و مملكتمزك حرفت و صناعت و تجارت »  
 « و زراعت كبي هر درلو وسائل عمرانه قابليتي مسلم عالم ايكن »  
 « استفاده اولنه مامسي و الحاصل كرك مملكتمزك عموري »  
 « و كرك تبعه و برايامزك بلا استثناء حرييت شخصيه باثليتله »  
 « برابر رفاه حال و سعادت نيت خالصه سيله شمدى يه قدر »  
 « هر نه يابليش و نصل اسبابه تشبث اولنش اولسه دوام »  
 « ايدميه رك درلو تغيراته اوغراميله مقصد اصلي بي انتاج »  
 « ايدم مامسي قانون و نظامه ثبات اوزره اتباع ايديله مامسندن »  
 « متولد و منبعثدر بنابر ين قوانين و نظامات مملكتك عومه »  
 « باعث امنيته اوله جق صورته وضع و تنظيمي نيت خيره سيله »

« اول باول وضع و اتخاذی لازم کلان تدایره شو نقطه »  
 « مهمه دل بدأ اوله رقی الحاله هذه موجود اولان و بوندن »  
 « بویه دشنی احکام مقدسه شرعشریفه و مملکت و مملکت »  
 « لوازم حقیقه مشروعه سنه توفیقاً نظیم و تأسیسی اقتضا »  
 « ایدن قوانینک بلا استثنای حرف بحرف تمامی اجرا سنی »  
 « تأمین کافل اولمق و دولتی و اردات و مضارقاتی موازنه سنه »  
 « نظارت انک ایچون اثار و افعالی عمومک و ثوق و اعتمادینه »  
 « شایان و مملکت و اهالیزک اخلاق و قابلیتته جسنان اولان »  
 « بر مجلس عمومیک تشکیل و تأسیسی لازم و مهم اولغله »  
 « بورالری بین الو کلا عریض و غریق مطالعه و مذاکره »  
 « ایله قرار ینک عرض و استیذان قلمسی و قوانین و نظاماتک »  
 « حقیقه جریانی اشکال ایدن موادک بریده مأموریتلرک »  
 « نااهله تودیع ایدلسنی و سبب مشروعی اولیه رقی مأموریتک »  
 « تبدلات متوالیه سی مسئله سی او اوب شو حال ایسه ملکات »  
 « و مصلحه یلک بیوک مضرتی داعی اولدیغندن بعد ازین »  
 « هر نوع خدمت و مأموریت ایچون مشکک مخصوص »  
 « تعینیه هر ایشده اهل و اربابی استخدام اولسوب بلا »  
 « موجب هیچ بر مأمورک عزل و تبدیلی تجویز اولمستاق »  
 « و کافه و کلا ایله کوچک بیوک بالجمله مأمورین دولت درجه »  
 « درجه و وظائف موکوله نندن مسئول اولمق اوزره بر »  
 « قاعده ثابته اتخاذ اولمستی و مثل اوزرو پانک معلوم و مسلم »

« جهان اولان ترقیات مادیه و معنویه سی فنون و معارف »  
 « قوتیله اولوب الله الحدا و المنه هر صنف تبعه مزك استعداد »  
 « و ذكاوت فطریه سی هر جهته ترقیاته قایل و تعمیم معارف »  
 « خصوصی نزد مرده يك مهم و عاجل اولغله ممکن اولدیغی »  
 « مرتبه تخصیصاتی درجه کفایه یه ابلاغ ایله اصول معارفك »  
 « وقت ضایع ایدلیه رك نشر و تعمیمی وسائلنه چالیشلی »  
 « و طشره رجه ولایاتك اصول ملكیه و مالیه و انضباطیه سی »  
 « صحیحاً بر حال انتظامه قوللق ایچون مرکز جه اتخاذ »  
 « اولنه حق قاعده یه متناسب اولمق اوزره بونلرك دخی »  
 « همان تنظیمات و اصلاحاتنه باشلانلی و کچن سنه هر سك »  
 « و بوسنه طر فلر نده ارباب اغراض القسا آتیه ظهور »  
 « ایدن حادثیه صر بستانك مسئله عصیانیه سی دخی منضم »  
 « اوله رق حالبو که ایکی طرفه دو کیلان قانلر برون »  
 « اولادینك قانی اولمسیله بونك دوامی يك اشوری کبر »  
 « و تاثیر مزی موجب اولدیغندن بویابده اقتضا ایدن تدابیر »  
 « مؤثره یه تشبثله شو حال اسف اشماله بر نهایت و یرلمسی »  
 « و دول متحابه ایله منعقد اولان کافه معاهداتك احکامی »  
 « طرفزدن از سر نو تأیید اولدیغندن بونلرك حسن جریانته »  
 « رعایتله برابر دولتلرله اولان روابط مسالمتکارانه مزك »  
 « همیشه تزییدینه چالیشلی خلاصه آمال و مقاصد مزدر »  
 « ر بمنز تعالی حضر تلری جمله نك مساعیسنی توفیقان »

[ ۱۱ ]

جلوس خط همايونی اولوق اوزره مدحت پاشا مار فندن  
قله النان مسوده در که بالتعديل يوقاروده مندرج اولان خط  
همايون خالنه تحویل ايدلمشدر .

بتقديره تعالى برادر م سلطان مراد خامس حضرتلرينك  
مبتلا اولديغي علت جسمانيه مانع شروط خلافت اولقله  
بر موجب قانون عثمانی اجدامز تختنه جلوسمز واقع اولدی .  
سرك متصف اولديغكر زويت و محبتكز و امور و احوال دوانه  
وقوف تام و اطلاعكز حسييله صدارت مقامنده رياست وكلا  
مسندی باش و كيل عنوانيله عهده كفايتكزه توجیه و سائر  
وكلا و مأمورين دخي يرلرنده ابقا و تقرير قلمشدر .

دولتمرك اليوم بولنديغي حالك اغرغيله برابر جناب موفق  
الامورك الطاف صمدانيه سنه اولان اعتصام و اعتماد بر كمال  
اولديغندن و اقصى مقصد و امل محض عدالت اولان احكام  
شرعيه و قوانين موضوعه نك تمامی اجرا سييله بالجملة تبعه  
عثمانيه نك بلا استثناء نائل حقوق حريت و مساواة و مظهر  
ترقيات و سعادات او ملرندن عبارت بولنديغندن بونيت

خالصه ده جله و كلا و مأمورينك دخی بكا مشاركت و معاونت  
ایده جیگرینی و او تقدیرجه عون و عنایت باری ایله بو حال از  
زمانده تبدل ایدوب دولت و ملت ترك سائر دول و ملل انظارنده  
سزاوار غبطه و تقدیر ارله حق بر درجه مسعودیه و اصل  
اوله جقه لرینی قویاً امید ایلرم . اشبو مطالبه وصول ایچون  
هرشیدن اول اتخاذینه لزوم کورینان تدبیر اصول اداره مزك  
بر اساس صحیح و متین اوزرینه تمشیتی قضیه سی اولوب چونکه  
دولت علیه او رو پا جمعیت دولیه سی ارکان فحاشندن اولغله  
ترقیات عصریه یولنده قوکشور یله همرو اولق ایچون اهنك  
عمومی به تطبیق معاملات مجبور بولندیغندن و اصول مشورتکه  
هر دولت مدینه نك مقدم اسباب ترقیسندن اولوب هر یرده اها لیک  
و بمکتک درجه استعداد و قابلیت کوره بر صورت مخصوص  
صده مؤسس و جاری اولدیغنه نظر آ برده دخی اساساً  
احکام شرع شریفه و اصول و عادات ملیکه و ملیه مزه موافق  
اولق اوزره اصول مذکور نك قبول و اتخاذ اولدیغنی اعلان  
ایلرم .

معاملات مالیه نك انتظامی هر دولتك روحی مشابه سنده  
اوله رقی بر از وقت نبرو امور داخلیه و خارجیه جه تصادف  
اولنان مشکلات اوزرینه افکار عامه جه حاصل اولان بر نوع  
امنیت سزك کچنلرده مستقر ضات فائض لرینك نصفه تنزینله دائر  
اعلان اولنان قرار ایله بر قاندها تراید ایتکله و او یوزدن نیجه

يك كسهل متضرر اولوب بوايسه اوته دنبرو دولت و ملتكم  
 زبازد عالم اولان شعار فتوتكاري ونصفتنه غير موافق اولغله  
 قرار ميد كورك فسخيله هم بونلك تخفيف ضرر و اعاده  
 امنيتلر يني مستلزم و همده دواتك حال حاضريله قابل توفيق  
 برصورت تسويه بولنسي و عملكتكمزك بكر حالنده بولنان منابع  
 ثروت و تجارتني آچه جق هر در او تشبثاتك اجراسيله برابر  
 مصرف جهتنده دخی هر دأره ده تصرفات ممكنه به رعايت  
 اولمق و هر كس داخل اقتدارنده بولنان خصوصياتده بونقطه  
 مهمه به اعتنا و دقت ايتك اقدام مهم اولغله سراي همايونده  
 داخلي و خارجي قصر زوانده منسو بين و خدمه نك مقداري  
 درجه الزميه حصص ايديله رك و خاندان سلطنت دأره نري  
 مصارفك دخی او نسبتده بانهديل هر بری ايچون تعيين  
 اولنه جق مخصوصات طوغر يدين طوغري به ماليه خزينه سندن  
 تسويه اولمق اوزره مخصوصاتمزدن بوكره شوقدر كيسه ده  
 تنزيل و ترك اولنه رق سراي همايونك كافه مصارفات شهر به  
 شوقدر كيسه به قصر ايدلمش اولديغندن سائر دوائر دولته  
 دخی لازمك تركيله يالكزالزمه قصر نظر ايديله رك اجراي  
 تصرفات اولنسي و شوقدر كه دولتك حصول ترقياتي كنديني  
 تركيب ايدن اقوامك بالاتحاد وطن مشتركلر ينك سعادتيله منافع  
 مقابله دائمهل ينك استحصانه و بوفكرك بين الاهالي حصول  
 و تقرر دخی تربيه عموميه نك بر اداره متحده و منتظمه تحتنده



اوله رق سیاق و واحد اوزره اولسنه و مکتبلرک بواساس اوزرینه  
اصلاحنه موقوف اولدیغنه و بو بولده اختیار ایدیه جک  
مضرف ایسه فواید مستقبله سنه نظراً تر لایه تخم الکک قبیلندن  
اوله جفنه بناء ترتیب اولنه جق موازنه ده معارف نظارتی  
تخصیصاتک حد لایسنه ابلاغی و ویرکونک طرح و تحصیلنه  
واعشار و رسوماته دائر موجود اولان نظاماتک تمامیه موافق  
عدل و حقانیت اوله جق و برکونه سوء استعماله کیره میه جک  
یواده اصلاحیه صورت جریانه علی الدوام نظارت و اهتمام  
اولنمی اهم والزمدز .

هرسک و بوسنه طرفلرنده دوام ایدن اختلالاته ایکی  
طرفدن دوکلمکده اولان قائلر بر وطن اولادینک قانی اولوب  
بعض اغفالته قائلش اولان بفرقه نک سیئاتیه بر چوق اهل  
عرض تبعه صادقانه رنجیده و خسار دیده اولمری زیاده سیله  
تأسف اولنه جق بر حال اولدیغندن بو حالک دولت و ملتکز  
شان و شرفنه موافق صورته بسرعت اندفاعنی شدتله ارزو  
ایدزم .

عسا کر معاونه دن باشی پوزوق تعبیر اولنان دیرنتی عسکرک  
تحت انضباطده اولما لرندن ناشی کندولرندن مغایر شعار  
انسانیت بعض حرکت وقوعی شایع اولوب اگرچه شایعه  
واقعه ده مبالغه اولدیغنی تحقیقات اخیره ایله ثابت اولمش  
ایسه ده نظام و تعلیم الشده اولیان عسکرک حرکاتنده بالطبع



انتظام اوله میه جغی وائشای سفرده کندولینه ویر یله جک  
حوایج و تعیینات خصوصاً مضبوطیت اوله میه رق بولندقلری  
مواقعه ضرورت و سفالت چککه جککری و بوجھتله کندولرندن  
منتظر اولان خدمات حسنه به بدل هم کندولری همده دولت  
و اهالی متضرر اوله جقلری حسبله باشی بوزوق نام و هیئت  
کلیاً لغو اولنوب بعدازین رضالریله حربه کتمک استیالرک  
عسا کر نظامیه طرزنده و تحت انتظامده حرکت ایلری  
ماده سنک نظامه ربطی لازمه دندر .

کافه تبعه وزیر دستانک تأمین حقوق حکومتک وظایف  
اساسیه سندن اولمغله محاکم موجوده نک عمومه امنیت بخش  
اوله حق یولده اجرای اصلاحاتی و مأمورینک انتخابنده  
منسوبیت و التماسه اصلا رعایت اولنمیوب دائماً اهلیت و لیاقت  
ارانلق و بلا جنحه کسده مأموریندن عزل ایدلمانک و هر  
مأمورینک وظیفه سی تحدید اولنه رق هر کس ایشندن مسؤل  
اولق و هر بری حقنده افعالنه کوره مکافات و مجازات قاعده  
جادلیه سی بلا استیاضا اجرا اولنلق اوزره بر نظام مخصوص  
یایلسی و برده اصل و نسلی مشکولک اولان عبید و جوارینک بیع  
و شرایش نه شرع شریفه نه ده اقتضای مدنیت و انسانیت موافق  
اولدیغندن سرای همایونده بولنان بالجمله جوارلی و حرم اغاری  
بوکره طرفزدن ازاد ایدیلرک زمره احرا ره اذخال ایدلمش  
اولمزیله بعدازین ممالک شاهانه ده اسرا بیع و شراسنک

و خارجدن اسیر ادخالنك كلياً تحت ممنوعيته التمسى وهر كسك  
النده بولنسان اسرانك دخی بر مدت محدودده نائل حریت  
اولملى ایچون بر مدت تعیین اولنه رق و راضی اولنلر کتابته  
کسیله رك ارقه سی التمسى اوزره بر تدبیر اتخاذ ایدلمسی قطعياً  
مطلوبمزد . دولت علیه نك دول معاهده کفالتیه  
مصدق و مأمون اولان تمامیت ملك و استقلالى قضیه سنك  
محافظه سی و دوست و متفق بولنان دول اجنبیه ايله جارى  
اولان مناسبات موالاتکارانه نك ان بان تأکیدیه معاهدات  
منعقدہ احکامیه علی الدوام رعایت اولنمسی اعزاملر دندر .

اشنه اداره مهم سلطنتده بنم اتخاذ واجراسنى تصمیم  
ایلدیکم تدابیر و تشبثاتك باشلوجلری شو تعداد اولنان  
خصوصات اوله رق بعونه تعالی بولردن هر برینك پی در پی  
موقع فعل و وجوده ایضالی ایچون بکاءد اولان هر نوع  
اقدامانده تجویز تراخی و قصور اتمیه حکم کی بو باده وکلادن  
تا کوچك مأموره قدر جله نك وظیفه و اقتدار لری دائره سنده  
بذل مقدور حیت ایتلرینی بکرم .

مواد مشروحه دن اقتضا ایدنلرک منسوب اولدق لری دوائر  
و مجالسده و خصوصیه اصول مشورته دائر وضع اولنه حق  
قوانین اساسیه نك شرع شریف احکامنه و اصول و احوال  
ملکیه و ملیه مزه توافق ایده جك صورتده اولمسی ایچون  
وکلای دولت و علمای صاحب فضیلتدن و سایر اقتضا

اید نردن و اصحاب معلوماندن مرکب بر انجمن مخصوصه موقه  
مذاکره یه قونیله رق و هر برنده ویر یله جک قرارل مجلس  
و کلا ده دخی نظر تدقیقندن کچور یله رک پیایی عرض واستیذان  
اولسون جناب فیاض مطلق جله یی خیره موفق پیوره  
امین بحرمه سید المرسلین .

[ ۱۲ ]

قانون اساسی خلا فکیر اندنن بعضیلرینک نفینه دائر اعلان

مستغنی تعریف اولدیغی اوزره سلطنت سنیه نك اسباب  
متعه دن طولایی اوغرا دیغی تغییرات نتایجندن اولق اوزره  
تشکل ایتمش اولان اصول اداره سنك ترقیات مدینه واستکمالات  
لازمه یه ممانعت قطعیه سنلن بشقه تاثیرات مضربه می دولتک  
بولندیغی حالده بیله بقاسنه میدان ویرمه جکی تجارب عیدیه  
ایله میدان چیقمش و بودا هت عموم نظر نده امور مسئله  
حکمنه کیرمش اولدیغنه و حالیه که سلطنت سنیه نك حال  
و موقعی و امت عثمانیه نك قابلیت متنوعه سی و خصیصیه  
خلافت اسلامییه نك مستنك اولدیغی شریعت شریقه نك  
قدسیت و حقانیتی هر صورتله امید بخش نجات بولندیغنه بناء  
سوق حقیقت و شوق عامه ایله بالاتحاد بر دور اصلاحات جدید

و جدیدیه تشبث اولمش و بونک متمماتندن اولمق اوزره اتفاق  
عمومی ایله معلوم اولان وقایع فوق العاده دخی ظهوره کاش  
ایدی . ایشته حکومت سنیه بر طرفدن بو انقلابات ضرورییه  
بر نهایت و یردک اداره سنی بر اساس مشروع و معقوله اسناد  
ایتمک و بر طرفدن دخی صربستان و قره طاغ طرفلرنده ظهور  
ایدن عصیان ایله او حالک جلب ایتدیکی اختلالات و الحاحات  
دولیه قارشو دولت علیه نک حقوق عمومیه سنی محافظه اتمک  
خصوصیله مشغول ایکن بویله بر بحران شدید اوره سنده  
منفعت ذاتیه لرینی بعض بدخواهان اجاتیک تشویقات  
واطمینانده ارایان بر طایف مفسد لر ملک و ملت ایچون مکلف  
اولدقلری وظایف و طنداشینی دوشونمکسزین و سلطنت  
سنیه نک حقوق نان و نعمتی قطعاً خاطره کتور مکسزین  
تشبثات و اصلاحات دولت علیه بر چوق حرکات و اغفالات  
فسادییه تشبث الملش و بویولده اولان افسادات باغیانه لرینی  
شرع و قانون احکامیک و بقا و امنیت دولت لوازمنک هیچ  
بر وقت مسامحه ایدمه جکی درجهیه کتورمش اولدقلری  
خبر اندیغندن و اقتضا ایدن تحقیقات مکمله بالاجرا بوفرقة  
فتنه نک تصورات و تشبثاتی اصلاحات خیریهیه ممانعت ایچون  
تبعه سلطنت سنیه بی تحریک اولدیغی تعین ایدوب بویله بر  
مفسد تک شوزمانده ظهوری ایسه نعوذ بالله تعالی ملت و وطنک  
آتیجه هر درلو امید فلاحنی سلب ایده جکی جهتله اجلاً

وصنوف تبعه نك كرك بر بريله و كرك حكومت سنيه ايله  
دوشه چكي كشاكش ارمه سنده اضمحلال حریت و مليتی انتاج  
ايدة جكنه نظر آ عاجلاً خطری بولنديغندن محاذير حاضره نك  
اوكنی المق ایچون مرقوملر ایچنده ماده الاصل فساد بولغان  
وهر فصلسه دور سابقده قاضیه عسکر لك مسندینه قدر و اصل  
اولمش اولان شریف و محبی الدین افندیله كرك بولرك و كرك  
یرلی و اجنبی بدخواه لرك الت فتنه سی اولدیغی اكلاشیلان  
میر میراندن رامن پاشا و ملغا مجلس اجرا آت اعضا سندن رضا  
بك و بر قاج اشخاص مضره نك شمدياك در سعادتن دفعه نه  
و ثابت اولان بدخواه لركی سلطنت سنيه خدمتكار لغنه  
لیاقت سزلكار بی میدان قویدیغندن عهدله رنده بولغان و نشانه  
عاطفت معالیمه بت جناب پادشاهی اولان رتبه لرك رفعه دو لجه  
قرار و برلش و بولردن شریف افندی ردوس و محبی الدین  
افندی و رامن اغا بوزجه اطهیه كوندردیلوب رضا بكك  
ایمینی به سائرلرندن بعضیسنك تعیین اولنه جق منقارینه و برازینك  
مملكتلرینه تبعیدلری مقرر بولمشدر .

[۱۳]

قانون اساسی خلا فکیرانك نقیندن طولانی صدور  
عظام و موالی کرام طرفندن تقدیم اولغان تشکر نامه  
صورتی

جناب رب متعال شوکتلو قدر تلو پادشاه من افند من  
حضرتلری دنیا طور دقچه زیورار یکه شوکت واجلال  
بیورسون مبدأ سعادت وسلامت دولت وملت اولان جلوس  
همایون ملوکانه لری کوندنبرو کیجه لی کوندزلی ترک حضور  
ایله جمله اقدامات شاهانه لری تأیید دین دولت واصلاح  
ملک وملت جهت مهمه سنه معطوف اولدیغی حالده اشبو  
عنایت مسئله ملوکانه لری نیک قدر و مزینتی ادراکدن عاجز  
اولان وزی علماده بولندقلری حالده منافع دولت وملتی اغراض  
مخصوصه لری نه فدا ایدن کروهدن کورجی شریف ومحمی الدین  
افندیلرک وبونلره بیرو اولان بر قاج جهله غرضکارک  
تشبثات مشروعه دولت اوزرینه متجاسر اولدقلری  
حرکات فسادکارانه اعدای دولتک هر آن دیده دوز انتظار  
اولدیغی شورش داخلینک ترتیب مقدماتی متضمن وبویله  
بر حالک وقوعی ایسه معاذالله تعالی بنیان دولتک اساساً  
انقلاب واضمحلالی مؤدی اولدیغندن بونلرک درس سعادتدن  
طرد وتبعیدلری حقیقه دولت وملتی بر عظیم مخاطره دن  
قورتادیغی واشخاص مرقومه اوته دنبروسوئیت واغراض  
اصحابندن اولدقلری هر کسجه معلوم اوله رق هر نصلسه  
وقتیله استحصال ایلدکلری مراتب علمیه اوزرینه صنف  
علماده بولملری جمله داعیانجه داغ درون اولدیغی حالده  
بووجهله مستحق اولدقلری تأدیباته مظهر یتلریله شریعت

مطهره نك احياسنه و طريقتك تطهيرينه مصروف اولان  
 عنايت جليله هميشه باعث شكران و محبت اوله رفق ادعيه  
 مفروضه حضرت شهر ياريلري بتكرار زبور زبان تذكار  
 قلنديغي و ذات خلافتسمات جناب ملوكانه لري حاجي دين  
 مبنين و امام المسلمين اولد قلري جهنمه كافه حرکات و تشبثات  
 همايونلري بودين و دولتك معادت و سلامتني مستلزم اوله جفنده  
 هيچ بر كسه نك شك و شبهه سي اوليوب خصوصيله بالجه  
 داعيان علما ايچون اصلاح امور دين و دولت حقنده مصروف  
 بيوريله حق هر در او همتات جليله پادشاهانه لرينه تشكر دن  
 بشقه هيچ برسوز سويلك خاطره بيله كليه چكي جهنمه عرض  
 فريضة محمد تكاري و تشكر معروضنده اشبو ضراعت نامه داعيانه من  
 ترقيم و من غير حد خاكي اي ملكدار يلرينه تقديم قلندي  
 اولاباده امرو فرمان حضرت ولي الامر و الاحسان قدر تلو  
 عظمتلو پادشاه من افند من حضرتلرينكدر  
 اشبو تشكر نامه طقسان امضا ايله ممضی بولمشدرد

مدرسین و در سعام افنديلر طرفندن تقديم اولنان تشكر نامه

صورتی

حق سبحانه و تعالیٰ حضرتلری جلوس مینامن مانوس



شاهانه لرین ملک وملت و بالجملة تبعه سلطنت حقنده محضا  
اقبال و سعادت عد ایندیکمز شوکتلو قدرتلو عظمتلو پادشاه  
حالم پناه افندمز حضرتلرینی کمال صحت و عافیت و مزید  
جلالت و شوکتله تحت فلک مماش خلافت عظمها و سریر  
شهر اساس سلطنت کبرالرنده برقرار و تأیید ایام عمر و شکوه  
شهنشاهی لرین مظهر فیض جدید مجلای توفیق و تأیید  
بیوزسون آمین •

معروض داعیان شا کر الاحسانلر یدر که نزد عالی  
شهر یار یلرنده ملترمز اولدیغی اثار جلیله سیله معلوم صفار  
و کبار اولان محافظه ملک و ملت و حضور آسایش تبعه ورعیت  
واصل درجه نهایت اولدیغی حالده مجرد استحصال منفعت  
ذاتیه و اجرای اغراض نفسانیه لرینه حسن حصولنه تشبث  
اولنان اصلاحات جدیده جلیله بی سوء تأویل ایله الفتنة  
ناثمه لعن الله من ایقظها منطوق منیفندن بی پروا ملک دولتمده  
ایقاع فتنه و فسادی سر رشته آمال و مکلف اولدقلری و طائف  
دینیه و ملیه و حقوق نان و نعمت دوات علیه بی پایمال ایدرک  
و دولت ابد مدتک سلامتنی کند و منفعتلرینه قربان ایتک املنده اولان  
برطاقم مفسد لک فسادلری یاوری بخت بیدار ظل الیهیلری  
و بدرقه تیغظکاری و کلای سلطنت سئیه لری ایله طویله رق  
شراره شرتلرینی اطرافه سرایت ایتکسزین اطفا نییه  
دیر علیه دن نفی و اجلا لری من القدیم خیر خواهان و دیا کویان

سلطنت سیه لری اولان بالمله علما قولارینی لیکه اوٹ خیانتدن  
 تطهیر و بلطفه تعالی هر صنف بندکانز بردستان پادشاهی لری  
 عواقب واستقبال لریله تسریر بیورملری حق بو که ایفای  
 شکری ناقابل بر اطف جلیل بیدیل خلافت پناهیلری اولمغله همان  
 جناب حق جل و علا ذات بی همتای شاهانه لرین تخت عالی  
 بخت عثمانی یه زیب و فر بیور مق دعواتی تکرار قلم قدسه  
 اولدیغنی مبارک خاک پای عیون آرای خلافت پناهیلرینه عرض  
 ایله من غیر حد عهدہ داعیانہ مزه ترتب ایدن فر یضه شکر  
 و محمدتک اجر اسنه اجتسارک ایلدک قاطبه امور و احوالده امر  
 و فرمان حضرت ولی الامر و الاحسان افند مزک ر  
 اشبو تشکر نامه طقسمان بر امضا ایله ممضی بولمشدن

[۱۴]

محرر فقیر احمد مدحتک رد و سدن یازوب اتحاد

غزته نه درج ایتدیریکی مکتوبدر

کوزم نوری قرن داشم جودتم  
 دردست اسیس بولسان مجلس غموی حق بنده کی  
 قرازلرک تفصیلاتنه واستقبال غزته سنک بو قرارلر علیمنده کی

اعتراضنه دأر اولان مکتوبکی الدم . استقبالك ذکر اولنان  
اعتراضنی حاوی نسخہ سی دخی واصل اولدی . بوبابده کی  
افکار می سؤال ایدیورسک . اول امرده شو جوابک بر  
قایح کون سبب تأخیری کویستمک ایچون ( واکه براز  
مناسبتمزدوشسه بیلہ ) شونی عرض ایدیم که مکتوبک  
بکا واصل اولور اولمز ردوسه التي . اعانت مسافده واقعه  
ارخانجلوس اسمنده کی برکویه عزیمت واقع اولمشیدی .  
سبب عزیمت دخی قریه مذکورده دستی وچناق چوملک  
اعمال اولندیغی حالده بونلره صر سورمک بولی معلوملری  
اولدیغندن معمولات واقعه لری سورومسز بر حالده قالدیغی  
جهتله بوصنعتی خریفاره اوکرتمک و برده بورایه تامارسلیدان  
کره میدکلبوب بهری تمیز پاره ایلہ او توز بش قرق پاره یه  
صا تلدیغی و بونلرک بوراجه اعمالنه البته بر چاره بولنه بیلہ جکی  
جهتله اولجه اعمال ایتدیرلش بر قابله برده پره سه یعنی تضییق  
دستکاهی او بدیره رق کره میدیایعق ایدی . ایشته بوایش  
ضمننده واقع اولان شو عزیمت جوابمی تأخیر ایلدی . لکن  
ایکی ایشک ایکینسنده ده موفقیت حاصل اولدیغی جهتله  
وقوعبولان تأخردن طولایی بن کنندی می معذور کوردم .

شمدی کله نم سنک سؤال ایلدیکنک مسئله یه :

شوارالق افکار عمومیه بومسئله یه زیاده سیله اهمیت  
ویزیور . حقیقه واردریا ! زیرا بواول اعظم مسائلدندر

که ملتزم بقای سلامتی بونک اوزرینه متوقف اولمغله بونکا  
نه قدر اهمیت و یراسه عادتاً آزدربله . لکن شونی ده نظر  
اهمیتدن اوزاق طوتمایلدیر که بوقدر مهم اولان بر مسئله ده  
افکار عمومیه پک علی العمیا اشتغال ایدیور . بو ایشده  
تاریخی کوزلجه بیلک و کندی احوالری کوزلجه اکلالمش  
اولق و بعده احوالری تاریخیه پک ده تطبیق قبول ایتیان  
جهتلرینی بولق وهله شو محاکماتک جمله سنده شرعک و علم حقوقک  
تعیین وارانله ایلدیکی چغردن چیقماق لازم کلور ایکن افکار  
عمومیه بورالره دو کولیوب مادیات و بدیهیاتدن عبارت بولنان  
شومسئله بی صرف ظنیاتدن اولق کبی بر صورتله تلقی ایدرک  
اکا کوره بحثلر آچیلور .

بن استانبولده ایکن اتحادی یکی تأسیس ایلدی کمز زمان  
بو کیفیتک فرقه واره رق شو محاکمات مهمه ده افکار عمومییه  
دلالت ایتک ایچون اوزون اوزادی به معلومات و یرمکی  
قورمش و حتی ایشه ژان ژاق روسونک (قونتراصوسیال)  
نام اثرندن باشلامش ایدم که حقوق ملکیه نک اساسی اولدیغی  
جهتله هر یرده اساس محاکمه و مباحثه اتخاذ ایدلشدر .  
بونی ساده جه برترجه ایله اکتفا ایتیوب ایجاب ایدن یرلرینی  
ایضاح دخی ایدیور ایدم . ازجهله ژان ژاق روسوقانون  
فضل بر آدم طرفندن وضع ایدیله بیله جکینی تحری ایلدیکی  
صیرده او آدمک شو بیله بحق بویله بی طرف شو درجه معصوم

بوقدر بی منفعت اولسی لازم کله جگنی حکم ایلد کدن صکره  
 « مکر جناب حق اولماید که انسانلر ایچون بر قانون وضع  
 ایده بیلسون » دیه و یردییکی شجده حکیم مشار التیہ  
 فکری منزله انسانیه دن مرتبه الوهیه قدر فرلامش و آره  
 یرده درجه نبوتی کوره مامش اولدیغنی بر نقصان اولسق  
 اوزره میدانہ خیقارمش و قائم نلرک اس الاسامی پیغمبران  
 ذیشان واسطه سیله طرف جلیلر بوییتدن وضع اولنان شریعتلر  
 اولسی لازم کله جگنی طبعاً اثبات ایدر بر ابضاح یامش ایدم .  
 مع هذا کرک ترجمه و کرک ایضاحاً تمک بعض مرتبه نقصانلری  
 دخی اولدیغنی جهتله بونلری اول امرده اتحادہ تفرقه اوله رق  
 درج ایلد کدن صکره بردها تصحیح و اصلاحله کتاب اوله رق  
 دخی باصه حق ایدم . اما ایش یالکز بویله بر قونتر اصو سیال  
 ایلہ دخی بتمه جک ایدی . اورو پا و آمر یقانک تنسیقات  
 ملکيه سنه دائر اوج بش ییوک اثر دن تنقیح و محاکمه ایلہ غایت  
 کوزل معلومات دخی و یره جک ایدم . او حالده اخوان  
 زمانم محاکمات واقعہ لنده دها زیاده کوزی آچیق اوله رق  
 طورانه بیلورلر ایدی . واقعا بو خدمتم دخی بعض مرتبه  
 لوم لائمن قوزتیه مدنی ایسه ده ارتق لوم لائمه کمالیله صناشمش  
 اولدیغمدن بونک بر کونه عمانعتی اوله مامقده ایدی . انجق  
 نهایتنده اعتراضه قدرتم کفایت ایمینان بر طرفدن همان  
 رسمی به قریب بر صورتده اوله رق منع اولندم . سببی فرانسه

بيوك انقلابنى ميدانه چيقارمىش اولان برنجى اثر بو اثر اولديغى  
 ايمىش . اكر بو اثر لسانمزه نقل اولنور ايسه بزه دىخى بر  
 انقلاب وقوعه كلك احتمالك خارجنده دكل ايمىش . بندن  
 بشقه بر يىسى اولسه ايدى احتمال كه شمدى بوراده بو مانعيت  
 قارشو معترضانة بر لسانله بر قاچ سوز يازار ايدى . لكن  
 بنده بو حال هيچ بو قدر . حتى شمدى شو سطرلرى يازار  
 ايكن اوز مانكى تأسفم تجدد بيله ايمدى . ذاتاً پولتيقيهى  
 او قدر سور بر آدم دكلم كه پولتيقيهى پارمق صوقه يم ديه پك  
 زياده مراق ايدينه يم ده صوقه مديعمدن طولايى حد تله يم .  
 سن بيلورسك كه بن ضابط اولمق هوسنده دكلم . بلكه بو  
 هوسنده بولنا ناراچون مضبوط اولمغه قنعملم . حاكم  
 اولمق هوسنده ده دكلم . بلكه محكوم اولمغه اقتدار واستعدادم  
 واردر . شو درجه يه قدر كه حقوق طبيعىة انسانيه ده  
 تعرض اولنميه !

ايشته قنداشم تنو بر افكار اچون قورمىش اولديغم شو  
 ايش بويله جه منع اولنديغى والحالة هذه « رهبر سعادت »  
 سرلوحه سيله ترجمه ايدلمكه باشلانمىش اولان اثر معتبر دىخى  
 بنم حساب ايمىش اولديغم شينى يرينه كتوره ميه جكى جهتله  
 بن ديدم كه اليوم افكار عموميه بو مجلس عمومى و بو تنسيقات  
 اساسيه مسئله لرنيچه پك زياده قراكلق اچنمده بوانبور .

قراکفده مصادمه ایلور . چوق معاندلر معارضلر وار که  
جمله نی برشی ایستدکاری حالده مجرد ذکر اولنان قراکفدن  
ناشی بر بزنی طایفه مرق معارضه ایدیورلر . ایسته شو  
انسانه اسف و یره جک صور مغارضاتک بریسی دخی تئودور  
قصاب افندیگ یازدیغی بنددر که استقبال غزته سندن  
شوارلق از باب مطالعه بی برآی مدته تعطیل ایلدیکی ایچون  
الته تأسف اولتور .

تئوز قصاب افندیگ اعتراضی دخی قراکفده ایدیلان  
محاکماتدن عد ایدیشم کندیسنگ علم حقوق ملل ودوله  
آشنا اولدیغندن وتاریخ تسمیقات دوله معلوماتی بولنامسندن  
نشأت ایتمکده دکلر . استقبالك شمعی به قدر التزام ومحافظه  
دخی ایلدیکی مسلکی او یله هر غافل التزام ومحافظه ایده مر .  
لکن بویکی مباحثات مقدسه ده طارلق اولیه جغی جهته له  
قصاب افندی شو ملاحظه بی عرض ایتمکمه مساعدده  
ایملیدر که مسائلک تطبیقاتنده عجله ایلدیکی جهته له  
محاکمه سنی سالف الذکر قراکفده صایدیر مشدر .

بوسوزی لایقوله اکلایم ایچون براز ایضاحاته کیرشملی هم .  
اعتراضک روشندن اکلایم ایغه کوره قصاب افندی انسانس  
تسمیقاتک ملت طرفندن وضع اولتمسی ایستور . ذاتا اوز ویاچه  
دخی قاعده بودر بونی بنده تسلیم ایدر مکه قاعده بودر . فقط بزم حاکم  
بوقاعده نک تمامیه تطبیق قبول ایتمه جکی برحالدز . بو حالک



تاریخده هیچ بر مثالی یوقدر دیسه م خطای تمامش اولورم. بنائعلیه  
تور قصاب افندی تاریخده عادتاً هیچ بر مثالی مسبوق اولیان  
حالمی تاریخک ال بیوک مثالرینه تطبیق ایتک ایستدیکی  
ایچون سهوه دوچار اولمش وبوسه واوزرینه واروب مأمورین  
دولته امنیت ایدیله ییه جکنی محاکمه قدر کیرشمشدر .  
تاریخ عمومی عالمه تنسیقات نمونه سنی ایلک دفعه اولق  
اوزره عرض ایدن ملت انکیزملتی اولدیغنی خبر ویرر . اکر  
تنسیقاتدن مقصد بر ملته انسان اوغلنک کنسیدی متلون  
وسریع الانتقال کیفی حکم ایتیوب ده انجیق از مانک تبدیلیه  
تبدیل و همده اجتماع امت و قیاس فقها ایله تحول ایده ییلان بر  
قانون حکم ایتک دیمک ایسه اعتقاد صحیحجه کوره عالمده ایلک  
تنسیقات نمونه سنی کوسترمش اولان ملت مرحومه اسلامیه در  
اما بو اعتقاد بزجه خصوصی اولدیغنی جهته انی محفظه  
قلبرزده صاقلامغه مجبور ایدیلور ایسه ک تاریخک ایلک نمونه یی  
کوسترمش اولق اوزره توصیه ایلدیکی انکیزملتنی دخی تمامیه  
قبول ایدمیر . زیرا انکیزملتی یکیدن بر تنسیق یا پاماشدر  
تنسیقات قدیمه سنی تجدید یعنی ذاتاً و ار اولانی تأییداً ایقا  
ایلمشدر . انلرک اساس تنسیقاتی پک اسکیدر . همان  
کندیله برابریه جرمانیا طرفلرندن کلش اولدیغنی ییله دعوا  
اولنه ییلور . اساس مذکور هک ماهیتی ایسه جرمانیای قدیم  
قبائل وحشیه سنده عموم قبایله ک بر رئیس اداره سنده تابع

بولمسیله برابر او رئیسك كندیلكندن هیچ برشی یاپه میوب  
قبیله اولور یله استشاره ایتکه و هر حالده تعامل قدیمك جواز  
کوستردیکی خصوصاًندن بشقه برشی یاپه مایه مجبور بولمسندن  
عبارتدر که انکله نك شمیدی لوردلری اسکی جرمانیا اقوامنده  
قبیله لر سرآمدانی اولان اولور و بيوکلر کبی تلقی ایدلسه  
بجادر . بو حالده انکله نده بر قرال بر زادگان هیئت برده  
ملت بولنور که اصل حکم زادگان النده اولوب دیگرلری ایه  
رسمی کبی برشیدر . شمیدی بوکا بحق تنسیق دنبله بیلورمی ؟  
تنسیقاتك امر ایلدیکی حریت متساویه بونده بولنورمی ؟  
هله بزم حالرك بوکا اصلاً تطبیق قبول ایدمه جکی بدیدارد  
بزشو ازمنه جدیده نك امر ایلدیکی تجدد و تنسیق هب  
شریعت مقدسه مز ایچنده بولمقده اولدیغمز جهتله عادتاً  
بالکلیه تجدد اولان احتیاجاً نری اساساً ینه شرع شریفه  
تطبیق ابله تسویه ایلنه جکمز .

انکلهز ملتك تاریخ تنسیقاتده اولان مرتبه مننی برنجه  
شو صورته اهمیتدن تبعید ایلدکدن صکره اورته ده فرانسهز  
ملتی قالور . فرانسهز ملتك تجدد و انقلاب خصوصینه عالمه  
کوستردیکی نمونه پک بيوکلر . ازمنه جدیده ایچنده شهره  
حریتده بتون مللله علمدارلق ایتش اولدیغمن طوولای  
فرانسهز ملتی نه قدر افتخار ایلش اولسه الحق پک حقیدر .  
قصاب افندیك بزم ایچون دخی آرزو ایلدیکی وجهله

فرانسه بپولك انقلابنده تنسیقات ملیه نك اساسی ملت وضع  
ایدوب اوزمان تأسس ایتش اولان (آسامبله ناسیونال) نام  
ملت مجلسی ایکی سنه و بش ماه ایچنده ایکینک بشوز پارچه  
نظام وقانون و امر لر و یرمشدیر . فقط بو آسامبله ناسیونالک  
برجه اجتماعی هنوز واقعه میدیر؟ و بونک اجتماعنه کر چکدن بر  
لزوم وار میدیر؟ و بویله بر جمعیت نصل اجتماع ایدیر؟ و بونک  
اجتماعی نه درجه اغرو اهمیتلی برشیدیر؟ بورالرینی بیلک ایچون  
ایضاحات آتیه لزوم واردیر .

فرانسه ایچنده تفصیلی یورکلر پاره لیه جک جوز و جفا  
وسفاهتک عصر لرجه امتدادی ایله مشکلات داخلیه و خارجییه  
بزم شمیدی حالمزه دکل عالمده هیچ بر ملتک مشکلاتنه قیاس  
قبول ایدمه یه جک بر درجه یه کلوبده هر طرفدن ظهوره  
باشلایان تهدیدلر ارکان دولت نامیله اورته یه چیقمش اولان  
وهر بری نا اهل ظالم مرتکب غدار کی صفات مذمومه یه  
بشقه بشقه لایق بولنان حریفلر تتره دکلی ائنده بیچاره اون  
انتجی لوی دخی قورقوسندن نه یاه جغنی شاشیروب موجود  
اولان او یغونسز قلعه ملتجه بر چاره بولمق ایچون اوزمان نظر  
دولته ملتک منقسم بولمادیغی او چ صنفدن یعنی زادکان  
و پاپاس کرو هیله برده آحاد ناسدن مرکب بر مجلس ملیتک  
تشکلنی امر ایتش ایدی . لکن ذاتاً موجود اولان فئالقلرک  
همان کافه سی زادکانله پاپاس کرو هنک باشی السندن چیقمقده

وزادگان زنده آحادناس کروهنك كوك قدر قدر وحيثي  
 كوريله مامكده اولديغندن بومجلس تشكيله برابر ذكر اولنان  
 اوج فرقهك تضاد و معانده بسندن ناشي چور باكي قارشيش  
 ايدى . تضاد و معاندهك نه قدر كوچك شيله اينش بولنديغنى  
 اكلاعتي ايچون شو فقره بي عرض ايديم كه بومجلسك اسمي  
 « فرانسز ملتك و كيلري » ديه تسميه ايدلمسي تكليف  
 اولندوقده ملت طرفني طومقله مشهر بولنان ميرابو « فرانسز  
 خلقك و كيلري » ديه تسميه اولتمسني تكليف ايلدي . شو  
 ملت و خلق تعبيرلري مختلف فيله اولديلر . زيرا زادگان  
 عندنده خلق تعبيرى آحاد نامى احاطه ايدر بر تعبير حقير  
 اولديغندن انلر بوني قبول ايدمه مدكلري كي ميرابو دخي زادگان  
 نظرندمه ملت ديمك يالكر كنديلرندن عبارت اولديغنى و آحاد  
 ناس ايسه كنديلرينك استكمال اسباب سفاقت و سعادتلى  
 ايچون يرادلس بر بشقه مخلوق ايدوكني بيلديكي جهته ملت  
 تعبيريني قبول ايدمه مدى . ايش يسودى . باپاس كروهى  
 زادكانه برلشديكي جهته « ميرابو » رايي يوروته مدى .  
 نهايت باناوي يا يعنى هولاندا و بلچيكا حریت پرستلى بزدن  
 دها او يانق ايمشله . ظالمربونلري تحقير ايچون كنديلرينه  
 كوئو يعنى ديلنجي و مسكين نامني ويرمش اولدقلى حالده بونلر  
 اوفنا نامي دخي قبول ايديلر . ينه موفق اولديلر . بن سزه رمي  
 لسان وزادگان لسانی سويله ميورم . حریت لسانی سويله ميورم .

آمریقالور انکله اولور خلق اسمنی شرفلندیر دیر . شاتان ملتک  
 شوکت پناهلغی دیه قرالره ایدیلان تعبیری خلقه ایتدی . بن  
 فرانشر خلق دیه تعبیر ایتدم . آنی قبول ایدرم . آنی مدافعه ایدرم  
 آنی اعلان ایدرم . . . کوره میور میسکز که خلق و کیلیری نامی  
 سزه لازمدر ؟ زیرا اونام سزی خلقسه تقریب و ربط  
 ایدیور . خلق بزدن بشقه سنی کورمیه جکی کبی بزده خلقدن  
 بشقه سنی کورمیه جکر » - سوزلرینی کمال عنف و شدتله  
 سویلدی . ایشته بوقد کوچکدن باشلایوب یودکجه بیویان  
 معانده نهایت آحاد ناس کروهنک زادکان و پاپاس کروهندن  
 آیرلمسنی انتاج ایدرک بونلر کندیلرینی باشلی باشنه برملت  
 مجلسی اولق اوزره تأسیس ایلدیلر . ورسایده ژودوپوم  
 دنیلان اویونک اویناندیغی برده طوپلانووب تاملکتته برکوزل  
 تنسیقات قویمینجه زنهار آیرلماغه یمین ایلدیلر . اندنصکره  
 زادکان ضعیفه پاپاس کروهی دخی بونلره قارشغه مجبوریت  
 کوردی . انجق ژیروندن و ژاقوبن و تعبیر آخرله طاغلو  
 و اووالو دیه اساساً ایکی به انقسام ایدن طرفلرک هر برینجه  
 دخی اول قدر اختلاف افکار حاصل اولدی که نتیجه سننده  
 پارس آل قانلره بویاندی . . . پک نادر الوجود بیوک آدمیر بو  
 یولده خرچندی کیتدی . . . بو قدر فداکارلق بهاسنه قونیلان  
 تنسیقات دخی برایشه یارهمدی . زیرا اندن صکره الی الشمس  
 سننه ظرفنده یدی سکز اجتماع عمومی ملی ده او قوعه کاهرک

هر بری پيوك انقلابك بنسب قاتني بر بشقه صورتله تعديل ايلدى  
 هر بری دخی بر بشقه صورتله عالمی قاته بو یادی .  
 ایشته تئودور قصاب افندی « تنسیقات مطلوبه فی ملت  
 وضع اینسون . مأمورین دولته امنیت ایدیه من » دیدیکی  
 زمان تاریخن کوزی اوکنه کتورمش اولدیغی مثال شو  
 قاجع مثالدر . شمدی بزم احوالز بومثاله لایقيله تطبیق قبول  
 ایده یلورمی ؟

شو کتاب افندیملک خط همایونلری اوزرینه یازمش اولدیغم  
 الی قطعه بند مخصوصک احوال حاضرهمز اوزرینه بر نظر  
 عمومی شامل بولمان برنجیمی ایله انک اوزرینه ایلان  
 دیگر بندلرده الیوم احوالیزی نه نظره کوردیکیمی یازمش  
 ومملکتتمرده او یله کرچکدن ظالمت و مظلومیت عد اولته .  
 یله چک حاللر کورلیوب غایتی بر سوء اداره نک سیئاتنه  
 اوغرا دیغمزی وشو حالده اصلاح امرنده عمومک متفق  
 بولندیغنی کوسبرمشیدم . دائماً دوشوندکمین بشقه بر شری  
 یازماق معتادم اولدیغندن سوزلمده پکده تناقض ایتم ظن  
 ایدرم . بناء علیه او سوزلرمی بوراده کاملاً تکرار ایتمشم  
 اعتبار ایدیکز . بو یله اولدیغی صورتده بن اورته ده امنیت  
 ایدیه میه چک نه بر هیئت ونه ده بر فرد کوره میورم . انقلابات  
 اخیرهمز بر حرکت عمومی عصیانیه ایله وقوع بولدی . بلکه  
 قصاب افندیملک امنیت ایده مامک ایستدیکی مأمورین سلطنتک



اتفاق و دلائله رسمی کبی بر صورتده و قوعبولدی . ماسبقدن  
 طولایی بر کیمه بی مسئول طومغه حقمن یوقدر ظن ایدرم .  
 وار اولدیغی دعوا ایدیه جک اولور ایسه او حالده عموم ملتک  
 مسئول اولسی لازم کاور . زیرا فالحقدن ملتک خبری وار  
 ایدی . سسکز اون سنه دنبری طوغری سوبیلان دیلار  
 و دوشوندیکی یاران قلمر فتالغی خبر ویریورل ایدی . نچون  
 اصلاحی چاره سنه باقلدی ؟ اک صکره دخی چاره اصلاحه  
 تشبث ایدن سوزک طوغری می عسکرله برابرینه هیئت  
 دولت اولدی . اول مبدأ نجات و سلامت اولان صباحده  
 خلق کیفیتی خبر ایدیغی زمان منوناً و متشکر قبول ایله  
 شامقدن بشقه برشی بیان اولدی .

بو حالده مأمورین حکومتی امنیت ایدیه میه جکنی حکم  
 ایتک خطادر اعتقادندهیم . شمدی ایشک اک کوچی تسویه  
 ایدیلوب بتد کدن صکره اساس قوانینک وضعی ایشنی  
 بسبتون ملت و یرمک تمامیه موافق مصلحت اولیه جغنی  
 دوشونمکدهیم . اما بومطالعه ملتز ایچنده بوایشه الوره جک  
 آدمربولمادیغی اعتقاددن فشت ایتیمور . ملتز ایچنده مقتدر  
 آدم بولنه جغی و وار اولدیغی حقنده قصاب افندیکن فکرینه  
 مشترکم . ملت او آدمربو کوروب کوسترسونده باقکزدرجه  
 اقتدارلری نه کیفیت ونه صورتله میدانه چیقار . لکن بو  
 ایشی تمامیه ملت الله ویره جک اولور ایسه شونقطه سنه



قدر فرانسه بيوك انقلابه اصلا مشابهت و مناسبتی اوليان  
 ايشمرك بوندن صكره سنی بزمكندی اليزله او مسئله يه بكمش  
 اولورز ديه قورقيورم . چونكه افكار مطلقا متخالفدر .  
 واقعا تخالف افكاردن يك چوق حقيقتلر ميدانه چيقار ايسه ده  
 بو تخالفك معانيه انتقالدن يك چوق آجينه جوق حاللر دخی  
 وقوعه كله ييلور . بناء على ذلك تخالف افكاردن ظاهره  
 اخراجی مطلوب اولان حقيقتلر بوييله بر مجلس عمومينك  
 تشكنده دولتك دخی ايشك ايچنده بولنسييله حاصل اوله ييلور .  
 قصاب افنديك بر افاده سندن دخی شمدي يه قدر دولتك  
 صورت اداره سي كورلمش و ايشي شو مشكلات حاضره يه قدر  
 كتوردیكي مشاهده قلمش بر كيفيت اولوب باقهلم برده اداره  
 ملتك الله پكر ايسه مشكلاته چاره بولندقدن ماعداتر قياتمرك  
 دخی نه صورته سهولت كسب ايدنه جكي كوريله جك اولسي  
 اكلا شيلور . بوفكر اساسلی بر فكر در . عاداتا بر ملتي ايضاظ  
 ايچون سويلنسي قاعده دن عد اوانه بيله جك سوزلر دن بريسي  
 دخی بودر . ليكن حالز اويله اوزون اوزادي يه تجاربه  
 مساعد ميدر ؟ برده بزده زاد كانلق اولمديغي جهته دولت  
 ايله ملت يك ده بر برندن بشقه برشي دكلدر . ميدانده بولنان  
 ذوات فخامك تراجم احواله بر نظر ايدلم . يك چوغني احاد  
 ناس اولادندن بولورز . بو حالده حكومت دخی ملت النده  
 ديمك دكليدر ؟

بزم ایچون روایتہ نظر آیوز یکر می مبعوئانندن مرکب  
بر مجلسک کفایتسزلیکی حقننده قصاب افندیئک فکرینی  
تسلیم ایدرم . بزم قدر متنوع ملتاردن و دیاتلاردن متشکل  
بولان بر خلقک چوقچه مبعوئنه احتیاج کوستره جکی حقننده  
قصاب افندیئک مطالعه سی طوغریدر . حتی بوندن بشقه  
بر دلیل ارانور ایسه اتحادک بوندن اولکی نسخهلرنده اورو پا  
ملتلرینک مقدار نفوسیلہ مبعوئلرینک عددلری بیننده کی  
نسبتی مبین بر موازنه دخی اثبات مدعا ضمننده سند اوله رق  
در میان ایدیلہ ییلور .

ایشته قرنداشم صور دیغک سؤاله الک نمجل اوله رق ویره  
بیلہ حکم جواب شوندن عبارتدر . بوجوابک صواب اولسی  
دعواسنده دکم . زیرا بویله انهمم ایشلرده بر تک آدم  
فلاطون اولسه انک رأیی صواب اولمق اوزره دعوا ایدیلہ مز .  
هر کس فکرینی رأینی افکار عمومیه نک نظر کاه تمییرینه  
وضع ایدرک قبول وردینی اورایه حواله ایتک بو کپی مسائل  
مهمده قاعده دندر . افکار عمومیه رأی قاصرانه می نه صورتله  
تلقی ایدر ایسه راضی یم .

مکتوبلرک بر فقره سننده دخی بر نسخه جق اوله رق کنندی  
نامه نشرینه موفق اولمش بولندیغم دور غزته سننده مدحت  
پاشا حضر تلرینه خطاباً یازدیغم بر خطبه نک اتحادده دخی  
درجنی استیذان ایدیورسک . بر محررک اثرینی تنبله استیذان

لازمه ده بو بورج سکا مخصوصیدر ؟ سن که بنم آثارمه  
 دکل حیاته مشترکست . عالمده بنم نه م وار که سنک دکلدرد ؟  
 دوستلر بیلورلرمی که بو عالمده بنم مالک اولدیغم شی بدیکم بر  
 لقمه اکلک ایله کیدیکم بر البسه دن عبارتدر ؟ آثارمک کافه سی  
 سنک اداره که مودوع اولدیغی جهته یلیدیکک کی حرکتده  
 هر زمان مختارست .

شو قدر وار که درت بش سنه اول یازلمش اولان سیاسی  
 شیلرک بو کون تکرار نشرنده نه حکمت اوله بیله جکنی ا کلا .  
 مدم . اگر پولتیقه جه اوزمانکی افکارم ایله بوزمانکی  
 افکارم اراسنده برفرق بر تناقض اولوب اولمادیغی آرامق  
 ایسه احتمال که فروغ ائجه بعض کوچک فرقلر بولنه بیلور .  
 لکن اساسی هب او اساسدر . عقیده هب او عقیده در .  
 شمعی ذکر اولنان بند او قوندیغی زمان قارئین کرام افندیلمدن  
 رجا ایدرم که قلمه اندقلری و قتلر بر محررک قلمی میل اتخاذ  
 اولانه رق انکله کوزلی چیقارلق مرتبه سننده بر تضییق  
 التنده بولندیغیزی خاطر دن چیقارمسونلر .

باقی اخوت صداقت محبت !

فی ۲۷ رمضان سنه ۹۳

( قانون اساسی حقنده بعض اوراق )

ملت مجلسنك بعض وظائفی حقنده وارد خاطر اولان

فقرا تدر ...

دولت عثمانیه نك دینی محمدی ولسانی ترکی اولدیغی جهتله

بشقه لسان ایله مجلسده مذاکره مواد جائز اوله میه جقدر .

مجلسك كافه قرارلری شرعشریف و قانون منیف

دائرة سندن خارجه حقیقه میه جقدر . ذات حضرت

خلافتینساهی هر صورتله مقدس اولدیغندن وكلا و ولاة

و مأمورین سائر نك انتخاب و تعیینی خصوصاً صرندده مختار

و مخیردر . فقط انتخاب بیور یله حق ذواتك انتخاب اهالی

قرائنشاردن بولمسنه متوقف اوله حق و وكلا ایله رجال دولت

وظائف مكلفه و افعالنندن مسؤل اوله جقدر . بو مجلس

دواتك میزان عدلی حكمنده اوله جغندن واردات و مصارفات

دولتك تزید و تنزیلنه و ضم و تعدیلنه و نظاماتنك وضع

و لغوینه و بالجملة احكام قوانینك اجرا سنه و دوائر بودجه لرینك

اجرای تدقیقاتیله برابر بو بایده و بریلان قرارك موقع فعل

و اجرایه قوانسنه نظارت كامله سی اوله جقدر .

امناى اهالینك انتخابی حصراً افراد اهالینك اراسنه

محول اولمغیله خواصك و مأمورینك بو بایده مداخله لری

جائز اولیه رق هر کس کمال سر بستی ایله انتخاب ایده جنگ  
 و حق انتخاب بر وجه محرر آرای اهالی به منحصر قاله جق  
 ایسه ده بونک علی الاطلاق عموم اهالی به شمولی اولیوب انجق  
 بر درجه معینه و محدودده اصحاب املا کدن و دولته و یرکو  
 اعطا ایدن طاقدن بولملری مقتضی اولوب اصحاب املا کدن  
 بولنیا و یا خود املاکی اولوبده و یرکولری تحدید اولنسان  
 مقداره بالغ اولیان اشخاص حق انتخابدن اسقاط ایله جکدر  
 اهالی طرفندن انتخاب اولنه جق امنانک اصحاب حیثیتدن  
 و هیچ بر وقت تحت حایه اجانیه کیر مامش و بر جزا ایله  
 محکوم اولماش تبعه دونندن و اهل عرض و معتبران مملکتدن  
 اولسی و لسان رسمیء دونت اولان ترکجه بی یازوب او قومغه  
 و مرانی تحریراً افاده ایتدکه مقتدر و مجله و قوانین و نظامات  
 دولته اولد قجه و قوف و معلومات ار باندن بولنسنه مشروط  
 اوله جقدر .

اشو مبعوثان و کالت ایتلرندن طولانی کرک جانب دونندن  
 و کرک اهالی طرفندن معاش و خرج راه الهیه جقلری جهنله  
 فخری اوله رق خدمت و کانتلرینی ایفا ایلیه جکلرندن شاید  
 بر مملکتده اوله مجاناً بو خدمتی ایفایه رغبت ایدر کسه  
 بولنه من و یا خود بولنورده او صاف مطلوبه بی جامع اوله من  
 ایسه او مملکت اهالیسی او صاف مسروده بی جائز اولق  
 شرطیه دیگر شهر اهالیسندن و خصوصیه پای تحت سلطنتده

ساکن اولان و کلا ورجان دولت ایله عساکر شاهانه متقاعد لرلندن  
 و بالخاصه طریق علمیه ده بولنان ذواتندن وکیل انتخاب ایله  
 بیله جکری کی انتخاب اولنان ذواتک مأمور یترلندن و جهت  
 سائر هندن الدقیری معاش انتخاب و تعیینلرینه مانع اوله میه جقدرد  
 بومجلسه ملل غیر مسلمه دن اعضا انتخاب و قبول ایتک  
 بحثنه کلنجه بونلر برون اولادن اولدقیریچون معمریت  
 ملک و دولت و محافظه حقوق اهالی و ملت اغورنده تبعه  
 مسلمه اثر نیجه حرکت ایتکدن آیرلما لری طبیعی اولدیغندن  
 بونلر حقنده دخی معامله استثنایه اجرایی موافق مصلحت  
 اوله مزکی مشاهده اولنور ایسه ده انجق بممالک محروسه  
 شاهانه ده بولنان تبعه غیر مسلمه ده سائر دولتله تبعه سی مثلاً  
 اتحاد ملی یعنی عثمانلیلق صفت جلیله سی هنوز حاصل  
 اولدیغندن انکثره و فرانسه ده ملت مجلسلرینک تشکیکنندن  
 برحق سندر کچدکدن و برخیلی تکلفات ایله مذاهب سائر ده  
 بولنان اهالینک دخی دولت متبوعه سی صفت ملیه سیله  
 متخلق و متصف اولدیغی نیجه تجزیه لره اکلشایدقندن  
 صکره مجلس ملته اعضا انتخابلرینه صلاحیت و یرلشدرد  
 زیرا بویله بر مجلس اهمیتک بقا و استمراری مقاصد حقیقیه نک  
 اقدام لرندن اولدیغندن بدایت تأسیساتنده ایجاب موقع و مزاج  
 اهالی کوزه دیلهرک یا بلسی قاعده حکمت ایجابندن ایدوکنندن  
 بناء علیه اورو پا دولتله تبعه اولدیغی مثلاً و اشهر مجلسه حسب

الحال ملل غیر مسلمه دن اعضا انتخاب و قبولی خصوصاً سنک  
توحید ملیت یعنی عثمانلیق نام و حالیه تألیف اولمارینه  
تعلیقاً شدیلک تأخیر یله برابر انتخاب و قبولک بونلر ایچون  
دخی مفتوح براغلمی مناسب کی تخطر اولمقده بولمیشدر .  
اشبو مجلسه انتخاب اولنه حق اعضا له متبوعی بولندیغی  
دولته جزوئی و کلی یله رلکاخانت ایتمه جکلرینه و بویولده  
برکونا حال و حرکتده بولتمه جکلرینه علی الانفرادیمین  
ایتدیر یله جکلر .

بو مجلسده بررئیس اولدو بررئیس ثانی اوله حق و بونلری  
اعضای مجلس ایچلرندن اکثریت آرا یله انتخاب ایده جکلر .  
مجلسک حین کشاد و بدأ مذاکراتنده سامعینه و غزته  
محرر لرینه ضبط مباحثات ایچون برر محل مخصوص تعیین یله  
دخول لرینه مساعده اولنه جقدر .

[ ۱۵ ]

دیگر برورقه که خفیاً طبع و نشر اولمیشیدی

﴿ بسم الله الرحمن الرحيم ﴾

( کنتم خیرامة اخرجت للناس تأمرون بالمعروف و تنهون  
عن المنکر ) آیت کریمه سنی مجلس عمومیده ایراد ایدن ذات



(یا ایها الذین آمنوا لاتتخذوا عدوی و عدوکم اولیاء ❖  
 یا ایها الذین آمنوا لاتتخذوا الیهود والنصارى اولیاء بعضهم  
 اولیاء بعض و من يتسوکهم منکم فانه منهم ان الله لایهدى القوم  
 الظالمین) آیت کریمه معنی دخی بیک کر کردی . آیت کریمه نیک  
 بر یله . استدلال ایدو بده دیکرندن اغماض ایدن اولورسه  
 (افتؤمنون ببعض الکتاب و تکفرون ببعض) دینلک لازم  
 کلور . تشکیلی عرض اولنان ملت مجلسی تقویه اساس دین  
 و ملت و اصلاح احوال ملک و دولت مقصیده مبنی ایسه  
 فنعم المطلبوب زیرا ( و شاورهم فی الامر ) آیت کریمه سی  
 موجبجه مشورته مأمورز . شوقدر وارکه (هم) ضمیری  
 خاصه مؤمنلره راجعدر غیر یلره دکل و مؤمنلرک فضیلتی  
 بیان ضمننده قرآن کریمدن ( و امرهم بشوری بینهم ) وارد  
 اولمشدر که بونده بوانسان ضمیرلرک ایکیسی دخی مؤمنلره  
 راجعدر واکر (کنتم خیرامه) آیتله بالاستدلال لزومندن  
 بحث اولنان ملت مجلسی عقد و تشکیلدن مقصد خفی بومجلسه  
 خرسستیانلر طولدیر یلوب حل و عقد امور دولته تمامیه  
 انلری تشریک قلمق و بوضورتله کندولری تطیب و ترضیه  
 اولنمق ایسه ( ولن ترضی عنک الیهود و ان نصاری حتی تتبع  
 ملتهم ) نص شریفی ملاحظه اولنمق لازمدر واکر بو  
 مجلسک عقدینی ضرورت اقتضا اوسته یالینک قلیق لیمانی بزم  
 بقایه سد ایلمی ایلا ایتدیسه بوندن طهوز سنه اول دخی

رو نما اولان ضرورت یعنی ناپوایونک ساخته بر تهدیدی  
 بلغراد قلعه زینی اعدایه تسلیمی اجا و اقتضا التمشیدی  
 حالو که شمیدی دنیاده نه ناپوایون ونه ده انک نمایش کاذبی  
 قالدی . انلر جمله محو و مضحک اولوب کندی . یا انکر اویله  
 بر تهدید کاذبدن خوف ایدو بده بزم قلاع مذکور ه بی تسلیم  
 ایتمه مزك شمره مضره سی قالدی که بو شمره شمیدی او غرادیغمر  
 مصائبدر . برایکی قلعه تسلیم ایله بو قدر بلیه به گرفتار اولدق  
 یا آنلری سلطنته تشریک ایدر ایسه ک وکلای دولتک و علمای  
 دولتک و خصوصاً افراد اهل اسلام قطعاً قدر و حیثیتلری  
 قاورمی و آنلرک افرادینی عسکره ادخال ایله یدیمزده بولنان  
 سلاح سطوتی انلره ویرر ایسه ک عجب بو دیارده قاج سینه  
 دها معمر اوله بیلورز ؟ آنلرک الینه اویله بر قدرت و غلبه  
 بکوپده سلطنتک نفوذ و استقلالنه ضعف طاری اولورسه  
 آنلرک وقو عبوله حق ادعایینه نه جواب ویرلک لازمکله جکی  
 و جواب ممکن اولوب اولیه جکی خاطره کلیورمی ؟ و یا انلر  
 دولت علیه ک تبعه صادقه سیدر . آنلردن اوضاع ناهموار  
 ظهوره کلز دینلور ایسه صریلور دخی تبعه صادقه ایدیلر که  
 کندولرینه امتیازلر و قلعهلر تسلیم اواندی . حالاً نمونه  
 صداقتلری کور بیلور و شمیدی به قدر دولته عصیان ایتیان  
 بلغارلرک هنلری دخی برایکی کون اول کورلدی . اکر  
 بلغارلر بوندن اول خدمت عسکریه ده بوانوبده فنون حربیه به

وقوف کسب ایتش اولیدیلر و دولتک حرکت و سکونی مختلط  
 بر مجلسک قرارینه منوط و موقوف قالمش اولیدی شمدی یه قدر  
 دنیاده بزردن اثر قاور میدی ؟ خیر او یله دکل خرسیتیا نلرله  
 بزی عداوته سوق ایدن اختلاف کلمه در بز ارادن اختلافی  
 بر طرف ایدرک اتحاد دو کلمش اولسق بو نزاعلرک هیچ بری  
 قلمز دینلور سه اتحادک لاقردیسمی اولور . اسپانیالورک  
 غلبه سنده اندلسین تنصریله ایتدیلر فائده و یردیمی و بویله  
 بر صرعه بزم بو مسئله بی میداننه چیتار مقلغمز عموماً خلق  
 جهانه قارشو کندو کندو مزی حقسن کو ستر مکدن بشقه  
 بر معنا افاده ایتیه جکی و انجقدر و دریای محنتده مشاهده  
 اولنان بر قاج بیوجک طالعه بزم سفینه مزی غرق ایدمه  
 بزم سفینه مزینجه نیجه بویله امواج بلا چیکنه یوب ساحل سلامته  
 واصل اولمشدر . بزم سفینه قوی و قدیم بر سفینه اولوب  
 آنی قلیق لیمانک انسدادی شکست ایدمه . بزم سفینه مزک  
 صاحبی پک یولک و یدیمزه و یریلان خریطه پک درستدر .  
 بز ضعف قلبدن ناشی امواجدن قورقوبده خریطه موجینجه  
 حرکت ایتز ایسهک یعنی امواجه کوکس و یروب کتمز  
 ایسهک اول زمان قریه دوشوروب سفینه بی شکست ایدرز .  
 نعوذ بالله من ذلک . اوستریالینک قلیق لیمانی بزم سفینه سد  
 ایتسی هر سک سنجاغنک الدن چیقما سنده سبب اوله مز .  
 لیکن ملل سائر هی سلطنته تشریک ایدر سهک پتون ممالکک

الدين چيهماسنه سنب اوله پيلور . اوستريالونك بو خصوصه  
يعني دالماجيا خلفنك خاطرلرينه رعايت ايچون ايسه ضعيف  
بركفيتدر . قويجه برمدافعه كورسه بو ايشدن واز چكسي  
طبيعيدر . روسيه دولتلك تابعيتنده مليونلرجه اهل اسلام  
وار انلري كندى دولتلك امورينه تشريك ايدورمى؟ انلري  
رتب عاليه و يروب مناصب معتاده استخدا ايدورمى؟ اهل  
اسلامه ايتديكي معامله تحقير و تزليلدن و روس ضابطلرينك  
قومانداسي تحقنده اوله رفق يالكرز حربه سوروب قيردز مقدن  
عبارت دكلى؟ دين و مذهبلرينه بيله مداخلة ايدوب قبول  
ايتيانلري بر بهانه ايله قيروب چكريمورمى؟ انكلتره دولتي دول  
مشروطددن ايكن و اداره سنده بولنان هند اهايسي يوز اللى  
مليوندن زياته ايكن هندليردن پارلامنتوده قاچ مبعوث  
واردر؟

قنغى دوات واردر كه كندويه محكوم اولان بر طائفه يي  
كندو سلطنتنه تشريك ايلسون؟ دولتره فرض اولان شي  
تبعه مختلفه سنه عدالدر . انلري حمايه و ظلم و جوردين وقايه  
الملكدرد . يوقسه اجناس مختلفه زمام حكومتى تسليم  
وتوديع ايتك دكلدر . بزم ديارده بر مساوات دعواسيدرد  
سوريليور اما بومساوات نه در و بوني ادما ايدن كيدر بللى  
اوليور . بزه مساوات يوقدر ديمك اسلام راحت يشايورده  
سأرى مشقت مي چكيور و اهل اسلام زنكيان اوليورده سأرى

فقیر و محتاج قالیبوردیمک ایسه امر بر عکسدر • زیر ابراهل  
اسلام قریه سیله بر خرسیان قریه سی معاینه و مشاهده اولند قدده  
حال نه کونا اولدیغی اکلاشیلور واحوال سائر معلوم اولمغله  
تفصیلاته لزوم و حاجت یوقدر فی ۲۹ جاذی الاخر سنه ۹۳  
امضا

کافه مؤمنین

[ ۱۶ ]

### قانون جدید

سرلوحه سیله مدحت پاشا طرفندن تنظیم اولنان مسوده

### ❖ ممالک دولت عثمانیه ❖

دولت عثمانیه ممالک و قطعات جاضره دن و ایالات ممتازه دن  
مرکب اوله رق حدود معینه ایله محدود و اصول اداره سی  
اساساً شرع شریفه مستند و مربوطدر •

ممالک دولت عثمانیه یک وجود اولمغله هیچ بر زمانده هیچ  
بر سیله انقسام قبول ایتزو حدودی تغییر اید یله مز •

❖ ذات حضرت پادشاهی و خاندان جلیلی ❖

سلطنت سنیة عثمانیه خلافت کبرای اسلامیه بی جائز

اوله رفق سلاله آل عثماندن اکبر وارشد اولاده عائددر .

ذات حضرت پادشاهی حسب الخلافه دین اسلامک حامی

ونکبهائی وقوه بریه و بحریه نیک برنجی قوماندانیدر .

وکلانک عزل ونصبی ودول اجنبیه ایله معاهدات عقدی

و حرب و صلح اعلانی و حرکات عسکریه و کافه تدابیر ملکیه نیک

اتخاذ و اجرامی و مجرمینک عفو و مجلس مبعوثانک عقد

و فسخی ذات حضرت پادشاهی نیک امتیاز مخصوص

و مقدسیدر .

ذات حضرت خلافت پناهینک نفس هما یونی مقدس و هر

دراو مسؤلیتدن مصون و محفوظدر .

محافظه شان سلطنت ایچون مخصص اولان تخصیصات

سینه نیک تدارکی عموم مائیک وظایفندندر حسب الاقتضا

ضم و تعدیل ایدیله جک اولور ایسه مجلس مبعوثان قراری

اوزره تعیین اولنور .

صدارت مطلقه سندی ملغادر هیئت وکلار ریاستی طرف

حضرت پادشاهیدن باش وکیل نامیله وکلادن برینه احاله

ووکلا هیئتی انک رأیی ایله انتخاب و اراده سینه ایله نصب

اولنور .

مجلس وکلا باش وکیلک ریاستی تحتندعه عقد اولنوب

داخلی و خارجی کافه امور مهمه و پواتیه نیک مرجعیدر .

مذاکرانک قرارلری اراده سینه ایله اجرا اولنور .

دو اتر مهمه دولتک ریاست و نظارتلرنده بولسان ذوات  
و کلا لاق مستندینی و امتیازینی حائز اولوب و کلادن هر بری  
تعیین اولنان مأذونیت دائره سنده و وظیفه لرینی اجراییه مرخص  
و مأذوندر

اداره دولتجه محل امنیت اولان و قانون جدید احکامنه  
مخالف بولنان اجرا آت عمومیه ده هیئجه و هر دائره نك وظایف  
معینه سنه دائر اولان احوالده دخی منفرداً و کلا مسؤولدر.

مسؤولیتدن تبریه ذمت ایده میان و کلا ایچون مجلس  
مبعوثانده اکثریت ایله سلب امنیت قرار ویرلدکده مضبوطه سی  
رئیس واسطه سیله طرف شاهانه یه طوغریدن طوغرییه  
تقدیم اولنور بو حالده و کلا هیئجه و یا منفرداً استعفا یه  
مجبور اولورلر.

و کلا استعفا ایتدکده قبول و عدم قبولی رأی شاهانه یه  
منوطدر.

و کلا نك هیئجه استعفای قبول بیورلدقده یا انلردن  
و یا خار جدن بر ذاته طرف شاهانه دن ریاست و کلاماً موریتی  
تفویض بیوریلوب هیئت و کلا نك تشکیلی اکا احاله قلمور  
و هیئت و کلادن شخصاً متهم بولمیانلر هیئت جدیدیه الیه یلورلر  
اگر هیئتدن بری استعفا ایدر ایسه نك یرینه رئیس و کلا بولنان  
ذات دیگرینی انتخاب ایدوب اراده سنیه اوزرینه نصب  
اولنور.



کړک بالفعل مأمور یتده اولان وکړک معزول بولان وکلانک  
اجرای محاکمه لری مجلس مبعوثان استدعایی اوزر ینه تعلق  
ایده جک اراده سینه یه موقوفدر .  
ذات حضرت پادشاهی هر نوقت تنسیب بیورر ایسه  
مجلس وکلایه ریاست ایدر .

### ﴿ مأمورین ﴾

هر مأمور طریق و مسلك مخصوصندن یتشمک لازمدر .  
مأمور یتلرک مسلك و طریق تنظیم اولنه جق مکاتب درسار یله  
تعیین اولنه جغندن اشبو مکاتبک یوم تنظیمندن بش سنه مدت  
مرورنده شهادتنامه سی اولیان هیچ بر کیمسه نک مأمور یت  
استدعاسنه صلاحیتی اولیه جقدر .

بش سنه مدته بولندیغی مأمور یتلرده حسن خدمت  
و ترقی کوسترن هر بر مأمورک طلب مکافاتنه صلاحیتی و اوتوز  
سنه لکه سز خدمات دولنده بولنش و یا خود اثنای خدمته  
بر علته دوچار اولمش اولان مأمورک دخی تقاعد معاشنه اهلیتی  
اولور مأمور یتلرک مسلکری و مکافاتک انواعی و تقاعد  
معاشنک صورت تخصیصی نظامات مخصوصه ایله تعیین  
اولنه جقدر .

نظاماً جنحه سی ثابت اولمدقجه و ترقی ایتدکجه و یا خود  
دولتجه بر سبب مشروع و مقبوله مستند لزوم اولمدقجه هیچ

بر مأمور مأمورین چاقار یله من • بئوک و کوچک نظر  
قانونده مساوی اولمغله بر مأمورک آمرینه اطاعتی قانونک تعیین  
ایتدیکی دائره یه مخصوص صدر • هر مأموزیتک دائره وظیفه سی  
معین اولمغله هرکس وظیفه سی دائره سندن مسؤل ومعاتب  
اولور •

## ❖ شورای دولت ❖

شورای دولت وضع اصلبسی اوزره تجدید و تنظیم  
اولنه جقدر •

شورای دولتک رئیس واعضاسی طرف شاهانه دن عزل  
ونصب اولنور •

شورای دولت اولاکافه قوانین و نظامات لایحه لرینی  
بعدالتدقیق تصدیقه ثانیاً طرف حکومتدن کندینه حواله  
اولنه جق امور ومصالح ملکیه حقنده رأینی اعطایه ثالثاً  
ملکیه مأمورلری ایله عدایه مأمورلری بینده تعیین وظیفه دن  
طولایی ظهوره کلان اختلافاتی فصله رابعاً متن نظامات  
و قوانینده عارض اوله جق شبهانی حل و تفسیره خامساً  
مأمورین دولتک مأمور یترندن طولایی اقتضا ایدن محاکماتک  
اجراسنه مأموردر •

شورای دولت قوه اجرائیه نک وظایفنه اصلاً مداخله  
ایده من • فقط قوانین ونظاماتک نقصان ویولسن بر صورتده

اجرا اولند یغنی تحقیق ایدر ایسه کړک مجلس وکلايه وکړک  
 ذات حضرت پادشاهی به اخطاره مأذوندر .  
 شورای دولتک مختلف اقسامه تقسیمی و مذاکراتنک  
 صورت جریانی بر نظام مخصوص ایله تعیین ایدیه چکدر .  
 ذات حضرت پادشاهی هر وقت تدریب پیورر ایسه  
 شورای دولته ریاست ایده چکدر .

### ﴿ مجلس مبعوثان ﴾

مجلس مبعوثان یوز یکر می اعضادن مرکبدر رئیس طرف  
 حکومتدن انتخاب اولنور .  
 مجلس مبعوثانک ایکی ثلثی ولایتلر طرفندن نظامی اوزره  
 انتخاب ایدیلان وثلاثی حکومت طرفندن تعیین اولنان مبعوثاندن  
 عبارتدر .  
 مبعوثانک هر بری مجلسک کشاد واجتماعی تاربخندن  
 اعتباراً مجلسک یوم انفساخنه دکین مصارف مخصوصه لری  
 ایچون هر کون بر عثمانلی لیرامی آخیز ایده چکرو بوندن  
 بشقه کدکلری بمالک بعد مسافه سنه کوره تعیین اولنه حق  
 خرج راهی دخی اله جقلودر .  
 مجلس مبعوثان هر سنه تشرین اولک ابتداسنده تجمع ایدر  
 و یوم انفساخی حکومت طرفندن تعیین اولنور .  
 اعضانک مدت انتخابی اوچ سنه اولوب نومدک انقضاسنده

یکیدن اعضا انتخاب اولور حکومت مبعوثانی هر سنه تجدید  
و ابقا ایده یلور کرک ولایتلر و کرک حکومت مبعوثانی مکرر آ  
انتخاب اولنه یلورلر

مبعوثان ایلاک سنه ایچون ولایات مجالس عمومیه سی  
طرفدن انتخاب اولنوب ایلر سنه لک اصول انتخابیه سی دخی  
نظام مخصوص ایله تعیین اولنه جقدر .

مجلس مبعوثان طرف حکومتدن تصدیق اولنق اوزره  
نظام داخله سی کندوسی تنظیم ایدر و حین کشاندنه اعضا سنک  
اعتماد نامه لری معاینه و تصدیق ایلر .

و کلا وانترک یرینه مستشارلری حکومت طرفندن انتخاب  
اولنان مبعوثاندن معدود اولورلر .

کرک ولایتلر و کرک حکومت طرفندن تعیین اولنان مبعوثان  
ممالک عثمانیه دن بر قطعه مخصوصه نک و یا خود بر صنف  
اهالی نک مبعوثانی اولیوب هیئت مجموعه نک مبعوثانی عدله  
اولورلر .

مبعوثلر وظیفه لرینک حین ایفا سنده دولجه خیانتلرینی  
مشعر اولدقجه سولیدکلری و یازدقلری شیلردن طولای هیج  
بر وقت متهم و مسؤل اولرلر .

مجلس مبعوثان دولتک تسویه دیونی درعه ده ایدر  
ولزومه کوره داخل و خارجدن استعراض عقدی و تحویلات  
اخراجی کبی تدابیر مالییه یی دخی طرف حکومتدن واقع

اوله جق طلب اوزرینه مذاکره ایلر .

مجلس مبعوثانک اساس وظایفی اولاً کرک حکومت و کرک مبعوثان طرفلرندن تکلیف اولنان قوانین و نظامات لایحه لرینی مذاکره ثانیاً حکومت ایله بالاتفاق مصارف عمومیه بی تعیین ایتک ثالثاً واردات عمومیه نک صورت صرف واستعمالنه نظارت ایله اقتضاسینه کوره دواؤردن محاسبات استمک رابعاً تکالیف عمومیه نک مقدار و صورت توزیعنه حکومتله بالاتفاق قرار و یرمک خامساً قوانین و نظامات موضوعه نک هر دائره ده صورت جریانه نظارت ایدوب دولت مأمورلرندن برینک مغایر نظام و قانون افعال و حرکاتی صورت صحیحده معلوم اولدوقده شورای دولته اجرای محاکمه سنی بامضبطه طلب ایتک خصوصلرندن عبارتدر .

مجلس مبعوثان و یره جکی قرارلره دائر تنظیم ایده جکی مضبطه لری رئیس واسطه سیله مجلس و کلایه عرض ایدر و مجلس وکلادن اجرای مقتضاسینه تشبث اولدیفنده دائر بر هفته ظرفنده جوابی الهمز ایسه کیفیتی بامضبطه طوغریدن طوغری به ذات شاهانه یه عرض و بیان ایلر .

مجلس مبعوثانک مذاکراتی علنی اوله جق و رئیس طرفندن نشری تنسیب اولنان ضبطلری طبع ایله اعلان ایدیه جکدر فقط حاضر بولنان مبعوثانک ثلثی مذاکره نک خفی اولسنی طلب ایدر ایسه اولوجهله مذاکره اولنه جقدر .

مجلس مبعوثانك تجمعی اشاده مبعوثان دن بری بر جنحه  
وجنایتدن طولایی اتهام اولنور ایسه مجلس مذکور طرفندن  
اتهامنه سبب کافی بولندیغنه قرار ویرلدیچه محاکمه سینه  
مبادرت اولنیه جقدر .

مجلس مبعوثان لا اقل اعضا نك نصفی حاضر اولدقجه مذاکره  
مبادرت ایده مز . و کافه قرار حاضر اولان مبعوثانك  
اکثریت آراسیله قبول اولنور .

مجلس مبعوثانك قرارلرینه دائر ذات حضرت پادشاهی  
طرفندن قبول و تصدیق یورلیان خصوصیات موجود بولنان  
مبعوثانك مدتی بالانقضا یکیلری انتخاب اولندقجه تکرار موقع  
مذاکره قونیه مز . انجق حکومت سینه اومدت ایچنده  
رضا و موافقت کوسترر ایسه اولجه دخی تکرار مذاکره  
قونیلور .

ذات حضرت پادشاهی هر نوقت منافع دولت ضمیمه  
لزوم کورر ایسه مجلس مبعوثانی فسخ و وقت معینندن غیری  
وقته دخی جمع ایده بیلور . انجق اولوجهله مجلسك  
فسخنده الی ماه ظرفنده دیگر مجلسك عقد واجتماعی دخی  
امر ایدر .

تابعیت عثمانیه و عثمانلورلك حقوق و وظائفی  
تابعیت دولت عثمانیه ده بولنان افرادك جمله سینه بلااستیضا  
عثمانلی تعبیر اولنور .

عثمانی صفتی قانوناً تعیین اوانسان خصوصاً کوره  
استحصالی و اقامه ایدیلور .

کافه عثمانیان هر قنخی قوم و مذهبدن بوانور ایه بولسون  
حریت شخصییه لرینه مالک و مملکتک حقوق و تکالیفنده  
و قانون نظر نده جله می مساویدر .

هیچ بر کیسه قانونک تعیین ایتدیکی سبب و صورتدن  
ماعدایر بهانه ایله حبس و نفی اولنه مز .

اسان ترکی دولتک اسان رسمیسیدر . و خدمات دولته  
استخدام اولمقی ایچون دولتک اسان رسمیسنی بیملک شرطدر .  
اصالت و منسوبیت قطعاً معتبر اولوب کوچک و بویوک عموم  
تبعه لیاقت و استعدادلرینه و صنف و مسلکک لرینه کوره مناسب  
اولان مأمور یلره باراده سنییه قبول اولنه جکلردر .

مذاهب و ادیان مختلفه دولتک تحت حایندده اولوب  
هر کس منسوب اولدیغی دین و مذهبی اجراده سر بستدر .  
فقط بومساعدیهی سوء استعمال ایله آسایش و اخلاق عمومیهی  
اخلاصه تصدی ایدنلر بر موجب قانون جزا کوره جکلردر .  
هر کس قلاً و قلاً بیان افکارده آزاده در . انجق بونی سوء  
استعمال ایله آسایش و اخلاق عمومیهی اخلاصه تصدی ایدنلر  
بر موجب قانون جزا کوره جکلردر .

هر کس مشر و عامه تصرف اولدیغی مال و ملکندن امیندر .  
منافع عمومیه ایچون لزومی قانوناً ثابت اولمقیجه و قیمت



حقیقه سی و یرلمد بجه کیمسه نك ملکی ضبط اولانه من • و قانونك  
جوازی اولمد بجه هیچ کیمسه نك مسکن و منزلی باصیله من •  
مطبوعات سر استدر • حقوق و وظایفی قانون مخصوص

ایله معیندر •  
امر تدریس سر استدر • معین اولان قانونه تبعیت  
شرطیله هر کس عمومی و خصوصی تدریسه مأذوندر •  
تبعه عثمانیه نك تربیه عمومیه سی بر سیاق انتظام و اتحاد  
اوزره اولق ایچون مکاتب عمومیه نك اداره سی بر لشدیر یله چك  
و فقط ملل مختلفه نك اعتقادات مذهبیله رینه اصلاً خلل  
کتورلیه جکدر •

مصارف عمومیه مجلس مبعوثانك حکومت ایله بالاتفاق  
قرار و یردیکی تکالیف کافه تبعه باینده هر کسك قدرت مالیه  
سنه کوره متساویاً طرح و توزیع اولنور •  
تبعه عثمانیه تجارت و صناعت مثلاً وطن حقیقه موجب  
منفعت اوله جق هر نوع شرکتی نظام مخصوص اوزره  
تشکیله مأذون اولمیر یله اولاباده طرف حکومتدن هر درلو  
تسهیلاته مظهر اوله جقلدر •

ممالک محروسه ولایات نامیله مجدداً قطعات مناسبه یه  
تقسیم اولنهرق هیچ بر محل ولایات دائره سی خارجنده قالماق  
و هر مملکتك اداره مجلسلری و بلدیه دائره لری اهمیت مخصوصه  
و قاعده انتخابیه ایله ترتیب اولنق و در سعات ایله ملحقاتی دخی

ولایت قاعده سنه توفیقاً بر دأره اداره یه قونلق وشهر استانبولک  
امور بلدییه سی متعدد دیر آره تقسیم ایله اعضاسی کذلک انتخاب  
اهالی ایله یایلق اوزره بر قانون وضعی مقرر در .

### ❖ قوه اجرائیه ❖

قوه اجرائیه منحصر آ ذات حضرت پادشاهی یه عائد در  
کافه اجرا آت نام شاهانه یه اوله رق و کلاسی واسطه سیله ایفا  
اولنور . قوه اجرائیه منفرداً نظام وقانون یایمز . فقط  
لزوم کوردیکی نظامات وقانونک یایلمسنی شورای دولته امر ایدر  
هر نظام وقانون اول امر ده شورای دولته بالمداکره  
قرار پذیر اولدقدن صکره مجلس مبعوثانک تصدیقنه و یریلور  
واوراده اکثریت آرا ایله تصدیق اولدقدن صکره قوه  
اجرائیه یه عرض اولنوب طرف شاهانه دن قبول اولنور ایسه  
موقع اجرا یه کلور . قوه اجرائیه نک موافق قانون اولان  
اوامری مقدسدر مخالفت ایدن قانوناً جزا کورر .

### ❖ قانون جدیدک تعدیلی ❖

قانون جدیدک اثنای اجرا ده ظهور ایده جک آثاره کوره  
تعدیلی مجاز اولوب حکومته برکونه لزوم کورند کده ذات  
حضرت پادشاهی قانون جدیدک تعدیلنی مبعوثان مجلسنه  
تکلیف ایده ییلور . بومثالو تعدیلات مبعوثان مجلسنده حاضر

بولنان اعضائک اکثریت آراسیله قرار پذیر اولور .  
 مبعوثان مجلسی قانون جدیدک تعدیلنی قوه اجرائیه دن  
 استدعا ایده ییلور . فقط حاضر بولنان مبعوثانک لاقبل  
 اوچر بی راده سنده اکثریت آرا اولدقجه بویله بر استدعا  
 ایدیه مز . و استدعاک رد و قبولی ذات حضرت ملوکانه نک  
 ید اختیارنده در .

[ ۱۷ ]

ما بین همایون سرکتابت جلیله سنده بولنان سعید پاشانک  
 فرانسز قانون اساسیسی اوزرینه تنظیم ایلدیکی لایحه در

قانون اساسی

❖ فصل اول ❖

( متبوعیت حقنده در )

متبوعیت ذات حکمدار ینده قائمدر . متبوعیت فراغ  
 و ابطال و اسقاط اولنه بیلمکدن مصوندر .

❖ فصل ثانی ❖

( قانون اساسی ایله تأمین اولنان حقوق تبعه بخشنده در )

حکم قانون ایجابندن بشقه بر صورتله هیچ کیمسه توقیف  
 و حبس اولنه مز .

هر آدمك خانه‌سی تعرضدن مصوندر . قانونك تعیین  
ایلدیگی اصولدن بشقه صورتله بر خانه‌یه کیرمك مجاز  
دکلدور .  
هیچ کیسه کندی اویندن و سائر وولیرندن تفریق  
ایدیله مز .

هر نه صورتله ونه نام ایله اولورسه اولسون بر صفت  
فوق العاده ایله محکمه لر و قویسیونلر تشکیل اولندمز .  
مواد سیاسیه ده جزای اعدام لغو اولمشدر .  
هرکس دینك آیینی سربست اوله رق اجرا ایدر  
واجرای آیین خصوصتده طرف دولدن متساویاً نائل  
احایت اولور .

افراد اهلینك شرکت یامغه و آسایش و سکونت اوزره  
و بلا سلاح جمعیت عقدینه و استمداد تقدیمه و مطبوعات  
واسطه سیله و یا صورت اخرا بیا افکار ایتکه صلاحیتاری  
واردر و بو صلاحیتلرک حدودی دخی غیرک سربست  
و صلاحیت و عمومک امنیتی ایله محدوددر .

مطبوعات قبل الطبع حکومتک معاینه سنه عرض اولمز .  
تعلیم و تدریس سربستدر .  
سربستی تعلیم و تدریس قابلیت و آدابیه موافقت  
خصوصتله قانوناً معین اولان شرائطه تابع و دولتك  
نظارت و دقتی تحتنده جار یدر . دولتك نظارت و دقتی

تعلیم و تربیه مخصوص و بلا استثنا شاملدر .  
 عموماً املاک تعرضدن مصوندر . شو قدر و ار که  
 منفعت عمومی ایچون لزوم مشروع تبین ایلدیکی حالده  
 بر ملک پیشین و دکرلی بدل مقابلهده ترکی دولت امر  
 ایده بلور .

مصادره اموال و املاک اصولی هیچ بروقتده یکیدن  
 تأسیس اولنه من .

قانون اساسی اهالی مملکت سیربستی سعی و صناعی  
 تأمین ایدر .

جمعیت مدینه نك توسع و اشتغالی ایچون مراجعت ایلدیکی  
 وسائط مجاناً تعلیم ابتدائی و تربیه خصوصیه صناعیه لر  
 و مال صاحبیه عماله بینده تساوی مناسبات و تأسیسات  
 احتیاطیه و اعتباردن و تأسیسات زراعیه و شرکت اختیاریه  
 و دولت و یا ایالات و نواحی طرفلرندن معطل اولان اسباب  
 ثروت مملکتک ایشلدلمسینه منحصر اوله رق اتخاذ قلنه حق  
 تأسیسات نافعه در .

جمعیت مدینه اطفال متروکیه و علیل و مسن اولوب  
 بیوايه قالان و اقر باسی طرفلرندن اعانه اولنه میانلره معاونت  
 ایلر .

دیون عمومی تأمین اولمشدر . دولتک داینلرینه قارشو  
 اولان هر نوع تعهداتی تعرضدن مصوندر .

هر نوع ویرکو منافع مشترکه ایچون موضوعدر .  
 هرکس قدرت و ثروتی درجه سنده ویرکو ویرر هیچ بر  
 ویرکو حکم قانونک غیری بر واسطه ایله تأسیس و تحصیل  
 اولنه مز .

طوغریدن طوغرییه النان ویرکو انجق برسنه ایچون  
 موضوعدر . سائر رسومات بر قاج سنه ایچون موضوع  
 اوله یلور .

### ❖ فصل ثالث ❖

(قوای حکومت بختندهدر)

قوای حکومتک ریاست و حایه سی حکمداره عاأددر .

### ❖ فصل رابع ❖

(قوه قانونیه بیانندهدر)

قوه قانونیه منفرد بر ملت مجلسنه تفویض اولمشدر .

اهالی وکیلار ینک عدد ینک یکونی یدی یوز الیدر .  
 انتخاب مسئله سی اهالی یه عاأددر . انتخاب ایچون ویر یله جک  
 رأیلر طوغریدن طوغرییه و صورت عمومیه ده ویر یلور .  
 انتخاب ایچون چکیلان قرعه خفیدر .

حقوق مدنیة و سیاسیه دن مستفید اولان ویکرمی بر یاشنه  
 وار ان انتخاب ایدیچیلک صلاحیتنی حازدر .

یکرمی بش یاشنه وارمش اولان هر انتخاب ایدیجی مسکن شرطی  
اولقسزین انتخاب اولمق صلاحیتی حازدر .

انتخاب ایتک و انتخاب اولمق صلاحیتندن ساقط اوله  
یلنلرک اسباب محرومیتنی انتخاب قانونی تعیین ایدر .

کذلک قانون مذکورک تعیین ایده جکی وجهله اهلیدن  
بر ایالته و یا خسود مضافانده بر مأمور یتده بولنور و یا  
بولمش اولور ایسه کندوسی انتخاب اولنه من .

معاشلی دولت مأمور یتنده بولمق اهالی طرفندن مبعوث  
اولمق وظیفه سیله برکشه من .

مبعوثان ملت مجلسی اعضاسندن هیچ بریسی مجلسک  
دوامی مدتیجه بر معاشلی دولت مأمور یتنه نصب اولنه من .  
واو مثالو مأمور یتلر قوه اجرائیهک انتخاب و اختیار یسیله  
اجرا قلنور .

شواکی ماده حقنه و وقوعبولان استثنایک کیفیتنی انتخاب  
قانون اساسیسیله تعیین اولنمشدر .

مبعوثانک انتخابی قرعه اصولی اوزره اجرا قلنور .  
انتخاب ایدیجیلر قرعه بی ناحیه مریکزنده چکرلر .  
مع مافیه بعضاً ایجابات محلییه مبنی بر ناحیه بر قایج دائریه  
تقسیم اولنه یلور . بونکده نوع و شرائطی انتخاب قانوننده

مصرحیدر .

مبعوثان ملت مجلسی اوچ سنه ایچون انتخاب اولنمشدر .



ملت مجلسك انقضاى مدت معينه سندن نهايت قرق بش  
كون اول يكي انتخابك زمان اجراسى بر قانون ايله تعيين  
اولتور .

شايد بند سابقده بيان اولنان زمان انتخابات جديده نك  
تعييننه دائر اولمت ظرفنده بر امر صادر اوليه جق اولور  
ايسه مجلسك انقضاى مدت مقرر سندن اوتوز كون اول انتخاب  
ايديجيلر بحق اجتماع ايله بيلورلر .

يكي انتخاب اولنان هيئت مجلس اسكى مجلسك انقضاى  
مدت مقرر سنى ايرتسى كونى اجتماع ايتك صلايتنى حازدر  
ملت مجلسى دائميدير . مع مافيه كندوسنى تعيين  
ايله جكي بر زمان ايچون تعطيل اولنه بيلور . مجلسك بو  
بوصورتله امهالى مدت تجده هيئت قلمه سى اعضاسى ايله  
مبعوثاندىن يكرمى بش كشيدن مركب ينه مجلسجه اكثريت  
ارا ايله وقرعه اصولى اوزره بر قوميسيون تشكيل اولنه جق  
و بو قوميسيون حين حاجنده مجلسى جلب وجمع ايتك حقنى  
حاز اوله جقدز . حكمدارك دخی مجلسى جلب وجمع ايتك  
صلاحيتى واردير .

مبعوثان ملت مجلسى محل اجتماعى و محافظه ذاتيه سى  
ايچون اقتضايدين قوه عسكريه نك مقدار و اهميتنى تعيين ايدر  
مبعوثان ملت دائما يكيدن انتخاب اولنه بيلمك حقنى حازدرلر  
مبعوثان ملت انتخاب اولندقلرى اياتك وكيلىلرى اوليوب

بتون مملکتک و کیالر یدر • مبعوثان ملت مؤکالری طرفندن  
امر طرزنده بر مأموریت اله مزلر •

مبعوثان ملت تعرضدن مصوندرلر •

مبعوثان ملت مجلسده بیان ایتدکاری افکاردن طولایی  
هیج بروقمده تحت اتهام و حکمه الله مزلر •

مبعوثان ملت جنایتیه متعلق مواد ایچون جنایتی حین اجراده  
ایکن طوتلش اولمقدن بشقه بر حال ایله توقیف و مجلس  
طرفندن تعقیبه امر و یرلمکدن غیری بر صورتله تعقیب  
اولنه مزلر • فعل جنایتی حین اجراده طوتیلور و بناء علیه  
توقیف اولنور ایسه کیفیت درعقب ملت مجلسنه بالاخبار  
اورادن و یریه جک رخصتدی یاروقوبوله حق مخالفته کوره  
اقتضای حال اجرا اولنور •

بوفقره حال محبوسیتنده ایکن مبعوث انتخاب اولنانا بنای  
وطنه دخی شاملدر •

مبعوثان ملتک هر بری بر معاش نخصص الور • و بونی  
قبول ایتمک اوله مز •

ملت مجلسنک مذاکراتی عمومیدر • شوقدر وار که  
نظاماً معین العدد اعضاتک طلبلری اوزرینه خفی قومیتلر  
صورتنده دخی تشکل ایده بیلور • هر مبعوثک مذاکره سنده  
ابتدا ایتک حتی وارددر • بوصلاً حیاتی نظاماً معین اولان  
شکله استعمال ایده بیلور •

ملت مجلسی اعضاستك بر فضله نصفي حاضر بولند قجه  
بر قانون ایچون ویریلان رأیلر معتبر اوله من .

هیچ بر قانون لایحه سی ( حال ضرورتك غیریده )  
اوچ دفعه موقع مذاکره یه قولق سزین قطعاً قبول اولنه من  
بو اوچ دفعه نك هر بردفعه سی دخی لا اقل بشر کون فاصله لی  
اولنق لازم کلوز .

بر ماده حقنده ضرورت لزوم استعمال اولدیغنی بیان  
واثبات ایچون وقوعبولان تکالیفك حین اجرا سننده بونك  
اسباب موجب سی ایضاح اولنق مشروطدر .

اگر ضرورتك لزومنی تصدیق ایدر ایسه همان ضرورتی  
واعلان وزمان مذاکره یی تعیین ایدر .

اگر ضرورت واستعماله عدم لزوم رأینده بولنور ایسه  
او ماده یه دائر اولان لایحه مواد عادیه صره سنه کیرر .

### ﴿ فصل خامس ﴾

( قوه اجرائیه بیاننده در )

قوه اجرائیه ذات حکمدار یده قائمدر  
حکمدار ایفای مأموریتیه مباشرت ایتزدن اول وجه  
آتی اوزره یمین ایدر .

( حکومتجه صادق اوله جعنه و قانون اساسینك تعیین  
ایلدیکی وظائفی ایفا ایدیه جگمه یمین ایدرم )

ذات حکمدار ینک وکلا واسطه سیله ملت مجلسنه قوانین  
لایحه لری تقدیم ایتکه صلاحیتی واردر و حکمدار قوانینک  
جریاننی تأمین ایدر و تحت دقت و نظارتنده طوتار .  
حکمدار قوه عسکریه بی استعمال ایدر فقط بالذات قطعاً  
قوماندا ایده مز .

حکمدار وکلانک غیری مأمورین ایله طوغریدن طوغری به  
مکاتبه ایده مز .

حکمدار ممالکک هیچ بر پارچه سنی ترک ایتکه طوغریدن  
طوغری به و مجلس ملتی طاغتمغه و یاقانون اساسینک و قوانین  
سائره نک احکامنی تعطیل ایتکه قادر اوله مز .

حکمدار امور دولتک احوال عمومیه سنی هر سینه بر بیاننامه  
مخصوص ایله ملت مجلسنه عرض ایدر .  
معاهدات عقدی حکمداره عائددر .

حکمدار محافظه دولته نظارت ایدر فقط ملت مجلسینک  
رضاسی اولدقجه بر محاربه به شروع ایده مز .

حکمدارک عفو و مجازاته حق واردر . فقط بو حق  
استعمالندن اول شورای دولتک قراری استحصال اولور .  
عفو عمومی اجرایی بر قانون مخصوص صدورینه متوققدر .  
وکلا و سائر کیسه لر محکمه کبیره عدلیه جه محکوم اولور  
ایسه انلرک عفو مجازاتی ملت مجلسینک انضمام رأینیه  
متوققدر .

احکامی مستعجل اولان قوانین ملت مجلسنده قبول  
اولندیغی تاریخدن اوچ کون و سائر قوانین برآی صکره نشر  
اولتور .

نشر قوانین ایچون معین اولان اشبو مدت لرایچنده حکمدار  
برقانونک تکرار مذاکره ایدلسنی اسباب موجبہ یی حاوی بر  
بیاننامہ ایله مجلس ملدن طلب ایدہ بیلور . مجلس دخی  
مذاکره ایدر . اوقانون قطعی الحکم اولور و مجلس طرفندن  
حکمداره کوندریلور بوحالده اوقانون قوانین مستعجلہ یه  
مخصوص اولان مهلت ایچنده نشر ایدیلور .

قانون بالاده بیان اولنان مدت لرایچنده نشر اولمیه جق  
اولور ایسه ملت مجلسی رئیس طرفندن امر نشره ابـتـدار  
اولتور .

• دول اجنبیه سفراسی حکمدار نزدینه مأموردرلر  
• مراسم ملیہ یه حکمدار ریاست ایدر .  
• حکمدار وکلایی نصب و عزل ایدر . فقط سفرائک  
و عساکر بریه و بحریه و باش قوماندانلرینک و والیلرک  
و پای تخت عساکر ملکبہ سی باش قوماندانک و مدعی  
عمومیلرک و نظاماً برنجی درجہ ده و سائر بیوجک صنفده بولنان  
مأمورینک عزلی مجلس وکلا ایله مذاکره یه متوقفدر .  
• حکومتک ایکنجی درجہ ده بولنان مأمورلری شرائط  
نظامبہ سی دائره سنده اوله رق عائد اولدیغی دائره ناظرینک

عرضی اوزرینه ینه حکمدار طرفندن نصب و عزل اولنور •  
 اهالی طرفندن انتخاب اولنمش قوه اجراییه مأمورلری  
 اوچ آی مدتی تجاوز ایتمک اوزره خدمتلرندن تعطیل  
 ایلمکه حکمدارک صلاحیتی وارد • فقط انلری بتون بتون  
 عزل ایتمکه شورای دولتک رأیی منضم اولمدقجه مقتدر  
 اولمز •

بویله عزل ایداش مأمورلرک ینه او مأمور یتلره نقدر  
 مدت انتخاب اولنه میه جقلری قانون مخصوص ایله معیندر  
 و بو صورتله انتخابدن محرومیت مطلقاً محکوم اولغه توقف  
 ایدر •

وکلانک عددی و وظیفه لری ملت مجلسی طرفندن تعیین  
 قنور •

حکمدار طرفندن صادر اولان امرنامه لرک وکلا نصب  
 و عزانه دأر اولنلرندن ماعداسی وکلادن برینک دخی امضاسنی  
 جامع اوله جقدر •

وکلا و مأمورین کنندی وظیفه لرینه عائد اولان  
 خصوصاتیجه حکومت و اداره نک کافه اعمالندن مسؤولدرلر •  
 ملت مجلسنک فسخنه و یا تعطیل مذاکراتنه و یا خود  
 دوام مأموریتجه ممانعته دأر تشبثات و قوعبولور ایسه قانون  
 اساسی اخلال اولنمش عد اولنور و بواخلال عمومه جقی  
 ادعایی موجب اولور •

و کلا ملت مجلسنه داخل اولورلر و ایستدکاری وقت  
مجلس طرفندن استماع ایدیلهورلر و حکمدارک امریله منصوب  
قومیسرلردن کندیلرینه معاون اولورلر .

### ❖ فضل سادس ❖

#### (شورای دولته دائردر)

حکومتک شورای دولت نامیله بر هیئت مشاوره سی  
اوله جقدر . حکمدار اصولاً اورانک رئیسیدر .  
ایشو مجلسک اعضاسی حکمدار طرفندن منصوبدر .  
مبعوثان ملتدین شورای دولت اعضالغنه کیسهالنور ایسه  
انلرک یرینه ملت مجلسی ایچون در حال دیگر مبعوثلر انتخاب  
اولنور .

شورای دولت اعضاسی حکمدارک تکلیفی اوزرینه انجیق  
ملت مجلسنک انضمام قرار یله عزل ایدیله بیلور .  
حکمدارک تنظیم و تعدیل قوانینده حق ابتداییسی وارددر  
و مبعوثان ملت مجلسی دخی بوصلاحینی حائردر . هر  
ایکی طرفک دخی قوه ابتداییهسنه مبنی تنظیم ایده جکی قانون  
لا یجهرلی ایچون اول باول شورای دولنک مذاکره سنه  
مراجعت قننور .

شورای دولت اداره عمومیه نظامنامه لرینی استحضار  
ایدر . و بونلردن ملت مجلسنک و یردیک و کالت مخصوصه نلک



متضمن اولدیغی نظامنامه لریده یالکز شورای دولت تنظیم ایلر  
شورای دولت اداره عمومییه لره قارشو قانوناً حائز  
اولدیغی قوه تفتیش و نظارتی اجرا ایدر .  
شورای دولتک وظائف سائره سنی قانون ترتیب ایده جکدر .

## فصل سابع

### ( اداره داخلیه بیاننده در )

ممالک ولایت سنجاق قضا ناحیه اعتباریله اولان  
تقسیماتی ابقا قلمشدر شمدیکی دوائر اداره بر قانون مخصوص  
اولدقجه تغییر ایدیلر .

اولاً هر ولایتده بروالی بر مجلس عمومی بر مجلس  
ولایت واردر .

ثانیاً هر سنجاقد بر ( متصرف ) واردر .

ثالثاً هر قضاده بر مجلس قضا واردر .

رابعاً هر ناحیه ده دخی بر مدیر دن و معاونلریله بر مجلس  
بلدییه دن مرکب بر هیئت اداره واردر ( مدیر لر مجلس  
بلدییه ریاست دخی ایدر لر )

مجلس عمومی و مجلس قضا و مجالس بلدییه نک صورت  
تشکیلله وظائفی مدیر لرک و معاونلرک اصول نصبی بر قانون  
مخصوص تعیین ایده جکدر .

مجالس عمومییه ایله مجالس بلدییه ایالتشده و یانا چیده

ممکن اھالیئک طوغریدن طوغری یه رأیله انتخاب اولنور  
هر قضا مجلس عمومی یه بر اعضا انتخاب ایدر .

یکرمی یکدن زیاده نفوسی شامل اولان شهرلده جریان  
ایده جک قاعده انتخابی بر قانون مخصوص تعیین ایده جکدر .  
مجالس عمومی و مجالس قضا و مجالس بلدیہ حکمدار  
طرفدن و شورای دولتی رأیله صادر اولان امرنامه اوزرینه  
فسخ اولنه ییلور . بومجلسلرک یکیدن انتخابنه مدتده شروع  
اولنه ییله جکی قانون مخصوص ایله معیندر .

### فصل ثامن

( قوه عدلیہ بیانده در )

حکومت عدلیہ حکمدار نامه اوله رق اجرا قلنور .  
مذاکرات صورت علنیده جار ایدر . یالکز علنیتی  
آسایش مملکت و اخلاق عمومی یه ضرر اوله بیله جک مذاکرات  
صورت خفیہ ده اجرا اولنور و بونیده محکمه بر حکم ایله  
بیان ایدر .

جنایتہ دائر خصوصانده عدول اصولی مرعی الاجرا  
اوله جقدر .

پولتیقه جنحه لرینک و مطبوعات واسطه سیله وقوع بولان  
تہمتلرک حق تدقیق عدوله عائددر .  
مطبوعاتچہ فعلی و جنحه ایچون طلب اولنه جق تضمینات

ماده لرینی تسویه ایدر .

صلح حا کلری وانلرك ملازملری ومحاكم ابتدائیه  
استینافیه حا کلری ومحكمه تمیز و دیوان محاسبات اعضا لری  
ملازمت ترتیبی وقوانین اداره نك كوستره چكی شرائط موجب  
حكمدار طرفندن نصب اولنور .

مدعی عمومیلری دخی حكمدار نصب ایدر .

محاكم ابتدائیه واستینافیه حا کلری ومحكمه تمیز و دیوان  
محاسبات اعضا لری قید حیات ایله نصب اولنورلر وقانوناً  
علیهلرنده بر حکم ترتیب ایتمینجه عزل و یا مأموریتلرندن موقتاً  
مهجورایدیله مزلر وقوانینك تصریح ایلدیكی شكل وشروطك  
غیری صورتله تقاعدلکلری دخی اجرا اولنده مز .

دیوان حربلر وعساکر بریه و بحریه نك تفتیش ومعاينه  
مجلسلری بحریه وتجارت محكمه لری وحكمه لری وسائر محاكم  
مخصوصه اخر بر قانون ایله تغیر ایدیلنجه یه قدر شمديكی شكل  
وهیئت وظیفه لرینی محافظه ایدرلر .

مأمورین اداره ایله محاكم بیننده ظهور ایدن وظائف  
نزاعلری محكمه تمیز وشورای دولت اعضا لردن مرکب بر  
محكمه مخصوصه معرفتیه رویت اولنور وبو محكمه مخصوصه  
حائذ اولدقلری محكمه تمیز وشورای دولت هیئتلری طرفندن  
متساوی العدد اوله رق اوچ سنه ده بر کره تعیین قننور .

بو محكمه یه عدلیه ناظری ریاست ایدر .

دیوان محاسباتك قرار لری علیهنده عدم صلاحیت  
و یاسو استعمالات قوه حکومت دعواری منازعات محکمه سنه  
حواله قلنور .

وکلا علیهنده ملت مجلسمی طرفندن اتهام وقوع عیو اور  
ایسه دعوا بر محکمه کبیره عدلیه حواله ایله اوراده بلا  
استیناف و بلا تمیز حکم اولنور .

دولت امنیت داخلیه و خارجیه سی علیهنده بر جنایت  
و سوء قصد و فساد نهمتلریله متهم اوله حق کیسه لک محاکم لری  
دخی ملت مجلسمی طرفندن حواله اولنم دیغی تقدیرده ذکر  
اولنان محکمه کبیره ده رویت اولنور .

بالکز وقوع حال التمش سکر تبحی ماده حکمنه موافق  
اولور ایسه او حالده محکمه مز بوره ملت مجلسنک امر یله  
و تعیین ایده جکی شهرده اجتماع ایدر .

محکمه کبیره بش حا مکدن و اوتوز التی عدولدن مرکبدر .  
هر سنه تشرین ثانی آینک نصف اولنده محکمه تمیز  
کندی اعضاسی میانندن قرعه خفی و اکثریت مطلقه ایله  
محکمه یه بش حا کم و ایکسی ملازم اوله رق یدی کشی نصب  
ایدر . اشوبش حا کم حین اجتماعلرنده ریسلرینی ایچلرندن  
انتخاب ایدر لر .

مدعی عمومی و وظیفه سنی ایدن حا کمر حکمدار طرفندن  
تعیین اولنور .

وکلانک محاکمه سی لازم کلدکده مذکور حاکمری ملت  
مجامعی تعیین ایدر .  
اوتوز التیسی عدول ودردی ملازم اولمق اوزره قرق  
کشیدن مرکب ارکان عدولیه ایالات مجالس عمومیه سی  
اعضاسی میانندن آلنور . مبعوثان ملت عدول هیئته  
داخل اوله مز .

محاکمه ایچون تصحیح اولنان کونده حاضر بولنه جق عدولار  
التمشدن نقصان ایسه محکمه کبیره ریسی لاجل الاتمام محکمه نک  
بولندیغی ایالتک مجالس عمومیه اعضاسیندن دخی قرعه ایله  
عدولار الوب عدد مذکور اکیال اولنور .

عذر معتبر حاصل ایده میان عدولدن بیک فرانقدن اون  
بیک فرانقه قدر جزای نقصدی اخذیله و بش سنه مدتدن  
زیاده اولمق اوزره حقوق سیاسیه دن محرومیته مجازات  
اولنور لر .

متهم ومدعی عمومی مواد عادیده اولدیغی وجهله رد  
صلاحیت حتمی اجرا ایدر لر . متهمک قباحتلی اولدیغنه  
دائر عدول طرفندن آرانک ایکی ثلثی درجه سنده اکثریتی  
حاوی اولدیغی حالده صحیح عدول اولنه مز .

وکلانک مسؤل اولدیغی کافه احوالده ملت مجلسی متهم  
اولان ناظری ایجابنه کوره کرل محکمه کبیره عدلیه وکراک  
محاکم عادیه دن برینه حواله ایده بیلور .

کافه احوالده هر مأمورك تحقیق افعالی ملت مجلسی  
شورای دولته حواله ایده یلور . واورانک مضبطه سی  
اعلان اولنور .

## فصل تاسع

( قوهٔ عسکریه بخشنده در )

قوهٔ عسکریه خارجاً دشمنی دفع و داخلأ امنیت و اسایشی  
و جریان قوانینی محافظه ایچون موضوعدر .  
قوهٔ عسکریه عساکر ملیه دن وعساکر نظامیه بریه  
و بحر یه دن مرکبدر .  
هر فرد قانوناً تعیین اولنان استثنالردن غیری نظام وملت  
عسکر لکی خدمتیه مکلفدر .  
هر فردک خدمت شخصیهٔ عسکریه دن خلاص اولمق  
قدرتی تحریر عسکری قانوننامه سبله وضع و ترتیب اولنه جقدر .  
قوهٔ عسکریه نك مطیع و منقاد اولسی الزمدر .  
هیچ بزاردوده حق مذاکره یوقدر .  
داخلأ آسایشک محافظه سنه مأمور اولان قوهٔ عسکریه  
قوهٔ قانونیه نك وضع ابتدیی قواعده دأر مسنده اوله رق انجق  
حکومت مشروعه طرفندن استعمال اولنور .  
ادارهٔ غرقیه اعلان اولنسنک لزوم و ایجابی بر قانون

مخصوص تعیین ایده‌جکی مثالو بونک شکل و آثارینی دخی  
قانون مذکور ترتیب ایدر .

ملت مجلسنک رضای ابتدائی می اومقسزین فرانسه  
طو پراغنه عسا کر اجنبیه ادخال اولنه من .

## ﴿ فصل عاشر ﴾

( مادهٔ خصوصیه )

ملت مجلسی اشبو قانون اساسی بی وانک وضع و تعیین  
ایلدیکی اصولی حکمدارک ید امانت و حیثینه تودیع ایدر .

## ﴿ فصل حادی عشر ﴾

( قانون اساسینک تعدیلاتی بخشنده در )

ملت مجلسی مدت مذاکراتنک نهایتکی سنه سنده قانون  
اساسینک کاملاً و یا خود بر قسمنک تعدیلنی امل ایده جک اولور  
ایسه تعدیلات مذکوره وجهه آتی اوزره اجرا اولور .  
شویله که

ملت مجلسنک بو بابده بیان ایده جکی آرزو اوچ دفعه  
مذاکره متوالیه وقوع بولمقجه قرار قطعی حکمنه کیره من  
بو مذاکراتک هر بر دفعه سنه بر رأی فاصله ویر یله جک وهر  
بری آرای معروضه نك اوچ ربعی نسبتنده اکثریتی حاوی  
اوله حق ورأی و بر نلرک عددی بشیوزدن اقل اولیه جقدر .



تعدیل قوانین ایچون تجمع اید، جک مبعوثان ملت  
مجلسی یالکز اوچ آی ایچون مأموردر . بو مجلس منحصراً  
تعدیل قوانین ایچون تجمع ایلدیکی جهته بشقه شيله اشتغال  
ایده میه جکدر . مع مافیه حسین ضرورته احتیاجات  
قانونیهی دخی ایفا ایده ییلور .

## ﴿ فصل ثانی عشر ﴾

### ( احکام موقته )

الحالة هذه موجود اولوب احکامی اشبو قانون اساسییه  
مباین اولیان قوانین و نظامات صورت مشروعه ده تغییر  
ایدیلنجیه قدر کماکان مرعی و معتبردر .  
قوانین قدیمه ایله موضوع اولان شعبات اداره  
حکومتک کافه سی اثر حقنده قوانین جدیده تنظیمه نشر  
اولنجهیه قدر باقیدر .  
تنظیمات عدلیه قانوننامه سی محاکم جدیده مأمورلرینک  
نصبی قاعده سنی تعیین ایده جکدر .

## ﴿ دیوان اعیان ﴾

( سنا ) دیوان اعیان مجلسی اعضاسنک عددی یوز الی بی  
تجاوز اتمیه جک و برنجی سنه ایچون سکسان کشتی اوله جقدر .

سنا اولاً رؤسای ملل و عسا کر بریه و بحر مشیرانندن  
و مارشالر و ثانیاً حکمدارک اعیانلق مقامنه مناسب کوره جکی  
ذواتدن مرکب اوله بققدور .

اعیان قید حیات ایله منصوب و عزلدن مصوندرلر .  
اعیانلق مأمورینده بولنانلر مجباً خدمت ایدرز مع  
مافیله اعیانک خدمت مسبوقه لری و صورت تعیشلری نسبتده  
حکمدار طرفندن سنوی اوتوز بیک فرانق کچمامک اوزره  
ذاتلرینه مخصوص معاشر و یریلور .  
دیوان اعیانک رئیسایله رئیس ثانیلری حکمدار طرفندن  
نصب و سناتورلر ایچندن انتخاب اولنور و بولنر یالکز برسنه  
ایچون تعیین قلنور . سنارئیسنک معاشی اراده مخصوصه  
ایله مخصوص صدر .

حکمدار سنانک تجمعنی امر و مذاکراتنی تعطیل ایده ییلور  
مدت مذاکراتی حکمدار برامر مخصوص ایله تعیین ایدر .  
سنانک مذاکراتی عمومی دکدر .

سنا قانون اساسینک و حریت عمومیه نک محافظیدر .  
سنایه عرض اولنمزدن اول هیچ بر قانون نشر اولنه مز .  
سنانک نشرینه مخالفت ایده جکی قانونلر اولاً قانون اساسییه  
و دیانته و اخلاقه و حریت مذهبییه و حریت شخصییه  
و اهالیینک حضور قانونده مساواتنه و املاکک تعرضدن  
مصونیتنه و حکامک عزالدن مصونیتی اساسنه مغایر و یا خود

بوتلرک احکامنی محل اوله جق و ثانیاً تمامیت ملکی حال تہلکہ دہ  
بواندیرہ جق قانونلردر .

قانون اساسی یہ درج اولنہ میان و انک حسن جریان  
احکامنبجہ لازم اولان موادک تنظیم و قانون اساسیدن احکام  
مختلفہ استنباط اولنان مادہل معاینسک ایضاح و تشریحی  
خصوصی یینی سنا قرارنامہ لہ تسویہ ایدر .  
اشبو قرارنامہل حکمدارہ عرض اولنور و احکامی انک  
طرفندن اجرا قلدنور .

قانون اساسی یہ مغایر اولہرق حکومت طرفندن عرض  
اولنہ جق و یا خود اشبو مغایرہ مبنی اہالی جانبندن اصلاحی  
طلب قلنہ جق موادی سنا ایضا و یا احما ایدر .

ملنجہ بیولک منفعتہ عائد بر قانون لایحہ بینک اساسی سنا  
حکمدارہ خطاباً بر بیاننامہ ایلہ وضع ایدہ ییلور .

سنا قانون اساسینک تعدیلاتنی دخی بروجہ مشروح  
تکلیف ایدہ ییلور بو تکلیف اگر حکمدار طرفندن قبول  
اولنور ایسمہ سنانک بر قرارنامہ سیلہ تنظیم اولنور .

مع مافیہ قانون اساسینک مواد اساسیہ سنجہ وقوعبولہ جق  
ہر نوع تعدیلات اہالینک آرای عمومیہ سنہ عرض اولنور .  
ملت مجلسی فسخ اولندیغی تقدیر دہ یکی مجلسک اجتماعنہ  
قدرا دارہ حکومتجہ مقتضی اولان خصوصیاتندہ سنا حکمدارک  
تکلیفی اوزرینہ تشبثات ضروریہ یہ دخی ابتدار ایلر .

قانون اساسی قبول و اتخاذ اولندقدن صکره ملت مجلس  
مؤسسی قوانین تنظیمیه بی قلمه المغه باشلیه حق و بو قانونلرک  
عددی بر قانون مخصوص ایله تعیین اولنه جتقدر .

[ ۱۸ ]

## ❖ قانون اساسی ❖

ممالك دولت عثمانیه

برنجی ماده دولت عثمانیه ممالك و قطعات حاضره بی  
والایات ممتازه بی محتوی و یکو جود اولغله هیچ برز مانده هیچ  
برسببله تفریق قبول ایتمز .

ایکنجی ماده دولت عثمانیه نک پای تختی استانبول  
شهر یدر و شهر مذکورک سائر بلاد عثمانیه دن ابرو اوله رق  
برکونه امتیاز و معافیتی یوقدر .

اوچنجی ماده سلطنت سنیة عثمانیه خلافت کبری  
اسلامیه بی حائر اوله رق سلاله آل عثمان دن اصول قدیمه سی  
وجهله اکبر اولاده عائددر .

دردنجی ماده ذات حضرت پادشاهی حسب الخلافه  
دین اسلامک حامیسی و بالجمله تبعه عثمانیه نک حکمدار  
و پادشاهیدر .

بشجی ماده ذات حضرت پادشاهیك نفس  
همایونی مقدس و غیر مسؤولدر .

التنجی ماده سلاله آل عثمانك حقوق حریه و اموال  
و املاك ذاتیه و مادام الحیاة تخصیصات مالیه لری تكافل  
عمومی تحتنددر .

بدنجی ماده و كلاك عزلی و نصبی و رتبه و مناصب  
توجیهی و نشان اعطاسی و ایالات ممتازهك شرائط امتیازیه لریه  
توفیقاً اجرای توجیهاتی و مسكوكات ضربی و خطبه زده  
نامك ذكری و دول اجنبیه ایله معاهدات عقدی و حرب  
و صلح اعلانی و قوه بریه و بحریهك قومانداسی و حرکات  
عسكریه و احكام شرعیه و قانونیهك اجرامی و دوائر ادارهك  
معاملاتنه متعلق نظامنامه لك تنظیمی و مجازات قانونیهك  
تخفیفی و یاغفوی و مجلس عمومینك عقد و تعطیلی و لدی الاقتضا  
هیئت مبعوثانك اعضاسی یکیدن انتخاب اولمق شرطیه  
فدنجی حقوق مقدسه پادشاهی جمله سنددر .

﴿ تبعه دولت عثمانیهك حقوق عمومیه سی ﴾

سكزنجی ماده دولت عثمانیه تابعیتند بولان افرادك  
جمله سنه هر قنغی دین و مذهبدن اولور ایسه اولسون بلا  
استثناء عثمانلی تعبیر اولور و عثمانلی صفتی قانوناً معین اولان  
احواله كوره استحصال واضاعه ایدیلور .

طوقوزنجی ماده عثمانلیلرک کافه سی حریت شخصیه لرینه  
مالک و آخرک حقوق حریتنه تجاوز ایتمکله مکلفدر .  
اوننجی ماده حریت شخصیه هر درلو تعرضدن  
مصوندر . هیچ کیمسه قانونک تعیین ایتدیکی سبب و صورتدن  
ماعددا بر بهانه ایله مجازاة اولنه مز .

اون برنجی ماده دولت عثمانیه نك دینی دین اسلامدر  
بواساسی وقایه ایله برابر اسایش خلق و آداب عمومیه یی اخلال  
ایتمک شرطیله ممالک عثمانیه ده معروف اولان بالمله ادیانک  
سربستی اجراسی و جماعات مختلفه یه و یراش اولان  
امتیازات مذهبییه نك کماکان جریانی دولتک تحت  
حمایتنده در .

اون ایکنجی ماده مطبوعات قانون دائرة سنده  
سربستدر .

اون اوچنجی ماده تبعه عثمانیه نظام و قانون  
دائرة سنده تجارت و صنعت و فلاح اچون هر نوع  
شرکتلر تشکیله مآذونددر .

اون دردنجی ماده تبعه عثمانیه دن برویا بر قاج  
کشینک کرک شخصلرینه و کرک عمومیه متعلق اولان قوانین  
و نظاماته مخالف کوردکلری بر ماده دن طولای ایشک  
مرجعنه عرضحال و یردکلری کبی مجلس عمومی یه دخی  
مدعی صفتیله امضالی عرضحال و یرمکه و مأمورینک افعالنیدن

اشتكایه صلاحیتلری وارد در .

اون بشنجی ماده امر تدریس سر بستدر . معین  
اولان قانونه تبعیت شرطیله هر عثمانلی عمومی و خصوصی  
تدریسه مأذوندر .

اون النجی ماده بالجمله مکتبلر دولتك تحت نظارتنده در  
تبعه عثمانیه نك تربیه سی برسیاق اتحاد وانتظام اوزره اولق  
ایچون اقتضا ایدن اسبابه تشبث اولنه جق وملل مختلفه نك  
امور اعتقادیله لرینه متعلق اولان اصول تعلیمییه خلل  
کنوریه جکدر .

اون بدنجی ماده عثمانلیرك كافه سی حضور قانونده  
واحوال دینه ومذهبیهدن ماعداد مملکتك حقوق ووظایفنده  
متساویدر .

اون سکرنجی ماده تبعه عثمانیه نك خدمات دولنده  
استخدام اولنق ایچون دولتك اسان رسمیه سی اولان ترکجه بی  
بیلری شرطدر .

اون طقورنجی ماده دولت مأموریتنده عموم تبعه  
اهلیت وقابلیتلرینه کوره مناسب اولان مأموریتلره قبول  
اولنورلر .

یکرمنجی ماده تکالیف مقررہ نظامات مخصوصه سنه  
توفیقاً کافه تبعه باینده هر کسک قدرتی نسبتجه طرح وتوزیع  
اولنور .



یکرمی برنجی ماده هر کس اصولاً متصرف اولدیغی مال و ملکدن امیندر منافع عمومیه ایچون لزومی ثابت اولدقجه وقانونی موجبجه دکر بهاسی پشین و یرلدیکه کیمسه نک تصرفنده اولان ملک الله من .

یکرمی ایکنجی ماده ممالک عثمانیه ده هر کسک مسکن و منزلی تعرضدن مصوندر قانونک تعیین ایلدیکی احوالدن غیری برسبيله حکومت طرفندن جبراً هیچ کیمسه نک مسکن و منزله کبريله من .

یکرمی اوچنجی ماده یایله جق اصول محاکمه قانونی حکمنجه هیچ کیمسه قانوناً منسوب اولدیغی محکمه دن بشقه بر محکمه یه کنکه اجبار اولنه من .

یکرمی دردنجی ماده مصادره وانغاریه و جریمه ممنوعدر فقط محارب به اثناسنده اصولاً تعیین اولنه جق تکالیف و احوال بوندن مستنادر .

یکرمی بشنجی ماده بر قانونه مستند اولدقجه و یرکو و رسومات ناميله و نام آخرله هیچ کیمسه دن بر اقچه الله من .  
یکرمی التنجی ماده اشکنجه و سائر هر نوع اذیت قطعاً و کلیاً ممنوعدر .

## ﴿ وکلای دوات ﴾

یکرمی یدنجی ماده مسند صدارت و مشیخت اسلامیه

طرف پادشاهیدن امنیت بیوریلان ذاتره احاله بیورلدیغی  
مثلاً سائر وکلانک مأموریتلری دخی با اراده شاهانه اجرا  
اولنور .

یکرمی سکرینجی ماده مجلس وکلا صدر اعظمک  
ریاستی تحتنده اوله رق عقد اولنوب داخلی و خارجی امور  
مهمه نك مرجعیدر مذاکراتندن محتاج استیذان اولانلرک  
قرارلری اراده سنیه ایله اجرا اولنور .

یکرمی طقوزنجی ماده وکلادن هر بری دائرة سنیه عائد  
اولان اموردن اجرایی مآذونیتی تحتنده بولمانلری اصولیه  
توفیقاً اجرا و اجرایی مآذونیتی تحتنده اولمانلری صدر  
اعظمه عرض ایدر صدر اعظم دخی او مقوله مواددن  
مذاکره محتاج اولمانلرک مقتضاسنی اجرا و یا خود طرف  
حضرت پادشاهیدن استیذان ایدرک و محتاج مذاکره بولمانلری  
مجلس وکلانک مذاکره سنیه عرض ایلیه رک متعلق بیوریه بحق  
اراده سنیه موجبجه اقتضاسنی ایفا ایلمه بومصالحک انواع  
ودرجاتی نظام مخصوص ایله تعیین اولنه جقدر .

اوتوزنجی ماده وکلای دولت مأموریتلرینه متعلق  
احوال و اجرا آتدن مسؤلدر .

اوتوز برنجی ماده مبعوثان اعضاسندن بری و یا خود  
برقاچی هیئت مبعوثانک داخل دائرة وظیفه سی اولان  
احوالدن طولایی وکلای دولندن برذات حقنده مسؤلیتی موجب

شکایت بیان ایدیکی حالده اولاهیئت مبعوثانک نظام داخلیمی  
 موجبجه بومثالو موادلک هیئنه حواله سی لازم کلوب کلیه جکمی  
 مذاکره مأمور اولان شعبه ده تدقیق اولنق اوزره شکایتی  
 مشعر هیئت مبعوثان رئیسنه و یریله جک تقریر رئیس طرفندن  
 نهایت اوچ کون طرفنده او شعبه یه کوند ریلور و بوشعبه  
 طرفندن تحقیقات لازمه اجرا و اشتکا اولنان ذات طرفندن  
 ایضاحات کافیه استحصال اولندقدن صکره شکایتک شایان  
 مذاکره اولدیغنه دائرا اکثریتله ترتیب اولنه جق قرارنامه  
 هیئت مبعوثانده قرائت اولنهرق ولدی الاقتضا شکایت اولنان  
 ذات دعوتله بالذات و یابالواسطه و بره جکی ایضاحات استماع  
 قلنهرق اعضای موجوده نکلثان اکثریت مطلقه سیله قبول  
 اولنورایسه محاکمه طلبنی مشعر مضبوطه سی مقام صدارته  
 تقدیم ایله لدی العرض متعلق اوله جق اراده سنیه اوزرینه  
 کیفیت دیوان عالییه حواله اولنور .  
 اوتوز ایکنجی ماده وکلادن اتهام اولنالرک اصول  
 محاکمه لری قانون مخصوص ایله تعیین ایدیله جکدر .  
 اوتوز اوچنجی ماده مأموریتلرندن خارج و صرف  
 ذاتلرینه عائد هر نوع دعاویده وکلانک سائر افراد عثمانیه دن  
 اصلا فرقی یوقدر بومثالو خصوصیاتک محاکمه سی عائد  
 اولدیغی محاکم عمومیه ده اجرا اولنور .  
 اوتوز درنجی ماده دیوان عالینک دائره اتهامی طرفندن

متمم اولدیغنه قرار و یریلان وکلا تبرئه ذمت ایدنجیه قدر  
و کالتدن ساقط اولور .

اوتوز بشنجی ماده وکلا ایله هیئت مبعوثان اراسنده  
اختلاف اولسان ماده لردن برینک قبولنده وکلا طرفندن  
اصرار اولنوبده مبعوثان جابندن اکثریت آرایله وتفصیلاً  
اسباب موجبہ بیایله قطعاً و مکرراً رد ایدلدیکی حالده  
وکلانک تبدیلی و یاخود مجدداً مدت قانونیه سنده انتخاب اولمق  
اوزره هیئت مبعوثانک فسخی منحصرأید اقتدار حضرت  
پادشاهیده در .

اوتوز التنجی ماده مجلس عمومینک منعقد اولدیغی  
زمانلرده دولتی بر مخاطره دن و یاخود امنیت عمومی بی خللدن  
وقایه ایچسون بر ضرورت مبرمه ظهور ایتدیکی و بوبابده  
وضعنه لزوم کورینه جک قانونک مذاکره سیچون مجلسک جلب  
وجعنه وقت مساعد اولمدیغی حالده قانون اساسی احکامنه  
مغایر اولماق اوزره هیئت وکلا طرفندن و یریلان قرارل  
هیئت مبعوثانک اجتماعیه و یریله جک قراره قدر باراده سنیه  
موقتاً قانون حکم و قوتنده در .

اوتوز یدنجی ماده وکلادن هر بری هر نه زمان مراد  
ایدر ایسه هیئت لک ایکس سنده ذخی بولمق و یاخود معیننده کی  
رؤسای مأموریندن برینی طرفندن و کالاً بولندیرمق و ایراد  
نطقده اعضایه تقدم ایتک حقنی حازدر .

اوتوز سكرنجى ماده استيضاح ماده ايچون وكلا دن  
برينك حضورينه مجلس مبعوثانده اكثريله قرارويريله رك  
دعوت اولندقدده يابالذات بولنه رق وياخود معيتنده كى رؤساي  
مأموريندن برينى كوندره رك ايراد اولنه جق سؤالره جواب  
ويره جك وياخود لزوم كورر ايسه مسؤوليتنى اوزرينه اله رق  
جوابنى تأخير ايتك صلاحيتنى حائز اوله جقدر .

### ❖ مأمورين ❖

اوتوز طقة وزنچى ماده بالجملة مأمورين نظاما تعيين  
اولنه جق شرايط اوزره اهل و مستحق اولدقلى . مأموريتلره  
انتخاب اولنه جقدر و بو وجهله انتخاب اولنان مأمورلر قانوناً  
موجب عزل حركتى تحقق ايتدكچه ويا كندوسى استعفا  
ايتدكچه وياخود دولتجه بر سبب ضرورى كورلدكچه عزل  
وتبديل اولنه مز و حسن حركت و استقامت اعجابندن اولنلر  
و دولتجه بر سبب ضرورى يه مبنى انفصال ايدنلر نظام  
مخصوصنده تعيين اولنه جق و جهله ترقياته و تساعده و عزوليت  
معاشلرينه نائل اوله جقدر .

قرقنجى ماده هر مأموريتك وظايفى نظام مخصوص  
ايله تعيين اولنه جقندن هر مأمور كندو وظيفه سى دائره سنده  
مسؤلدن :

قرق برنجى ماده مأمورك آمرينه حرمت و رعايتى

لازمه دن ایسه ده اطاعتی قانونک تعیین ایتدیکی دأره یه  
مخصوص صدر خلاف قانون اولان امورده آمره اطاعت  
مسؤلیتدن قورتلغه مدار اوله مز .

### ❖ مجلس عمومی ❖

قرق ایکنجی ماده مجلس عمومی هیئت اعیان و هیئت  
مبعوثان نامرله بشقه بشقه ایکی هیئتی محتو یدر .

قرق اوچنجی ماده مجلس عمومینک ایکی هیئتی بهر  
سنه تشرین ثانی ایتداسنده تجمع ایدر و باراده سنیه آپیلور  
و مارت ایتداسنده ینه باراده سنیه قپانور بو هیئتلردن بری  
دیگرینک مجتمع بولمادیغی زمانده منعقد اوله مز .

قرق دردنجی ماده ذات حضرت پادشاهی دولته  
کورینده جک لزوم اوزرینه مجلس عمومی وقتندن اول  
دخی آچار و مدت معینه اجتماعینده تنقیص و یاتمید ایدر .

قرق بشنجی ماده مجلس عمومینک یوم کشاندنه ذات  
حضرت پادشاهی و یا خود طرفلرندن بالوکاله صدر اعظم  
حاضر اولدیغی و وکلای دولته ایکی هیئتک اعضای  
موجوده سی برانکده بولندقلری حالده رسم کشاد اجرا اولنوب  
سنه جاریه ظرفنده دولته احوال داخلیه و مناسبات  
خارجیه سنه و سنه آتی ده اتخاذینه لزوم کورینه جک تدابیر  
و تشبثاته دأر برنطق همایون قرائت اولنور .

قرق انتخابی ماده مجلس عمومی اعضا لغتہ انتخاب و یا نصب اولنسان ذوات مجلسك يوم كشادنده صدر اعظم حضورنده و او کون حاضر بولنمیان اولور ایسه منسوب اولدیغی هیئت مجتمع اولدیغی حالده رئیسلمری حضورنده ذات حضرت پادشاهی به و وطنه صداقت و قانون اساسی احکامنه و عهده سنه تودیع اولنان وظیفه به رعایتله خلافتدن مجانبت ایلیه جکته تکلیف ایدیلور .

قرق بدنجی ماده مجلس عمومی اعضا سی رأی و مطالعه بیاننده مختار اوله رق بونلردن هیچ بری بر کونه وعد و وعید و تعلیمات قیدی التده بولنده مز و کرک و بردیکی رأیلردن و کرک مجلسك مذاکراتی اثناسنده بیان ایتدیکی مطالعه لردن طولانی بر وجهله اتهام اولنده مز مکرکه مجلسك نظامنامه داخلیمی خلافتده جرکت ایتش اوله بو تقدیرجه نظامنامه مذکور حکمنجه معامله کورر .

قرق سکرنجی ماده مجلس عمومی اعضا سندن برینک خیانت و قانون اساسی بی نقض و الغایه تصدی و ارتکاب تهمتلرندن بریله متهم اولدیغنه منسوب اولدیغی هیئت اعضا سی موجوده سنک ثلثان اکثریت مطلقه سیله قرار و یریلور و یا خود قانوناً حبس و نفی موجب بر جزا یله محکوم اولور ایسه اعضا لق صفتی زائل اولور و بو افعالک محاکمه سیله مجازاتی عائد اولدیغی محکمه طرفندن روئیت و حکم اولور .



قرق طقوزنجی ماده مجلس عمومی اعضا سندن هر  
بری رأینی بالذات اعطا ایدر و هر برینک مذاکره ده بولنان  
بر ماده نك رد و قبولنه دائر رأی و یرمکدن اجتنابه حق  
وارد.

النجی ماده بر کیمسه ذکر اولنان ایکی هیئتک ایکیمسه  
بردن اعضا اوله مز.

اللی برنجی ماده مجلس عمومی هیئتلرینک ایکیمسه  
دخی مرتب اولان اعضانک نصفندن بر زیاده حاضر بولند قجه  
مذاکره مبادرت اولنه مز و کافه مذاکرات ثلثان اکثریتله  
مشروط اولیان خصوصاً حاضری بولنان اعضانک اکثریت  
مطلقه سیله قرار گیر اولور و تساوی آرا و قوعنده رئیسک  
رأی ایکی عدد ایدیلور.

اللی ایکنجی ماده بر کیمسه شخصنه متعلق دعوا سندن  
طولایی مجلس عمومینک ایکی هیئتندن برینه عرضحال  
و یردیکی حالدده اکر اولاه عائد اولدیغی مأمورین دوانه  
ویا خود او مأمورک تابع بولند قلمری مرجعه مراجعت ایتمدیکی  
تبیین ایدر ایسه عرضحال رد اولور.

اللی اوچنجی ماده مجدداً قانون تنظیمی و یا قوانین  
موجوده دن برینک تعدیلی تکلیفی هیئت و کلايه عائد  
اولدیغی کبی هیئت اعیان و هیئت مبعوثانک دخی کندمی  
وظیفه معینه لری دائره سنده بولنان مواد ایچون قانون تنظیمی

و یا خود قوانین موجوده در برینک تعدیلنی استدعا یه  
صلاحیتاری اولمغله اولجه مقام صدارت واسطه سیله طرف  
شاهانه دن استیذان اولمهرق اراده سنیه متعلق بیوریلور  
ایسه عائد اولدیغی دائره زدن ویریه جک ایضاحات  
و تفصیلات اوزرینه لایحه لرینک تنظیمی شورای دولته حواله  
اولنور .

اللی در دنجی ماده شورای دولته بالندا کره تنظیم  
اوانه جق قوانین لایحه لری هیئت مبعوثانده بعده هیئت  
اعیانده تدقیق و قبول اولندقدن صکره اجرای احکامنه اراده  
سنیه حضرت پادشاهی متعلق بیوریلور ایسه دستور العمل  
اولور واشبو هیئت لک برنده قطعاً رد اولنان قانون لایحه سی  
اوسنه نك مدت اجتماعیه سننده تکرار موقع مذاکره یه  
قونیه مز .

اللی بشنجی ماده بر قانون لایحه سی اوله هیئت مبعوثانده  
بعده هیئت اعیانده بند بند او قونوب و هر بندینه رأی  
ویریلوب اکثریت ارا ایلر قرار ویرلدیکه و بعدالقرار  
هیئت مجموعه سی ایچون دخی بتکرار اکثریت حاصل  
اولدقچه قبول اولنلق اولمز .

اللی التنجی ماده بو هیئت لرو کلادن و یا انلرک کوندره جکی  
وکیلاردن و یا کندی اعضا لردن اولمیان و یا خود رسماً  
دعوت اولنمش مأموریندن بولنمیان هیچ کیسه یی کرک اصالة

و كرك بر جاعت طرفندن وكالة بر ماده افاده سيچون كلش  
اولديغي حالده اصلا قبول ايدهمز وافاده زيني استماع  
ايله مز \*

اللى يدنجى ماده هيئتلك مذا كراتى لسان تركى اوزره  
جريان ايدر ومذا كره اوئه جق لايحه لك صورتلى طبع  
ايله يوم مذا كره دن اول اعضايه توزيع اوئور \*

اللى سكرنجى ماده هيئتلكه ويريله جك رايلى يا تعيين  
اسامى وياخود اشارات مخصوصه وياخود راي خفي ايله اولور  
راي خفي اصولنك اجراسى اعضاي موجوده نك اكثريت  
آراسيله قرار ويريله كه متوقفدر \*

اللى طقوزنجى ماده هر هيئت انضباط داخلينى  
منحصراً كندى رئيسى اجرا ايدر \*

### ﴿ هيئت اعيان ﴾

التمشنجى ماده هيئت اعيانك رئيس واعضاسى  
نهایت مقدارى هيئت مبعوثان اعضاسنك ثلاثى مقدارينى  
تجاوز ايتماك اوزره طوغرىدن طوغرى به طرف حضرت  
پادشاهيدن نصب اوئور \*

التمش برنجى ماده هيئت اعيانه اعضا تعيين اوئه  
بيلك ايچون عمومك وثوق اعتمادينه شاين واموز دولته  
خدمات ممدوحه سى مسبوق ومتعارف ذواتدن اولقى وقرق  
ياشندن ايشاغى بولنامقى لازمدر \*

الشمس ایکنجی ماده هیئت اعیان اعضا لغی قید حیات  
ایله در بو مأموریتلره وکلایق ووالیک واردو مشیرلیکی  
وقاضی عسکرلک وایلچیلک و پطریقلق و خا خام باشیلیق  
مأموریتلده بولنش اولان معزولیندن و بری و بحری فریقاندن  
وصفات لازمه بی جامع سائر ذواتدن مناسبلری تعیین اولنور  
کندو طلبلریله دو نتیجه سائر مأموریته تعیین اولنانلر اعضا لق  
مأموریتلندن ساقط اولور .

الشمس اوچنجی ماده هیئت اعیانک اعضا لق معاشی  
شهریه اون بیک غروشدن بشقه برنام ایله خزینه دن موظف  
اولان اعضا نلک معاش و تعیینی اکر اون بیک غروشدن  
دون ایسه اول مقداره ابلاغ اولنور و اکر اون بیک غروش  
و یا زیاده ایسه ایضا اولنور .

الشمس در دنجی ماده هیئت اعیان هیئت مبعوثاندن  
و یریلان قوانین و موازنه لایحه لرینی تدقیق ایله اکر بولنده  
اساساً امور دینییه و ذات حضرت پادشاهینک حقوق  
سنیه سنه و حریت و قانون اساسی احکامنه و دولتک تمامیت  
ملکیه سنه و مملکتک امنیت داخلیه سنه و وطنک اسباب مدافعه  
و محافظه سنه و آداب عمومیه خلل و یرر برشی کورر  
ایسه مطالعه سننک علاوه سیله یا قطعاً رد و یا خود تعدیل  
و تصحیح اولنق اوزره هیئت مبعوثانه اعاده ایدر و قبول ایتدیکی  
لایحه لری تصدیق ایله مقام صدارته عرض ایلر و هیئتیه

تقديم اولئان عرضحاللى بالتدقيق لزوم كورر ايسه علاوه  
مطامع ايله برابر مقام صدارته تقديم ايدر .

### ﴿ هيئت مبعوثان ﴾

التمش بشجى ماده هيئت مبعوثانك مقدار اعضاسى  
تبعه عثمانيه دن هر اللى بيبك نفوس ذكورده بر نفر اولق  
اعتبار يله ترتيب اولنور .

التمش التجبى ماده امر انتخاب رأى خفى قاعدهسى  
اوزرينه مؤسسدر صورت اجراسى قانون مخصوص ايله  
تعيين اولنده جقدر .

التمش يدنجى ماده هيئت مبعوثان اعضائيله حكومت  
مأمورىتى بر ذات عهد سنده اجتماع ايدمهز فقط وکلادن  
انتخاب اولنالرك اعضائى مجزدر وسائر مأمورىندن برى  
مبعوثلغه انتخاب اولنور ايسه قبول ايدوب اتمامك يد  
اختيارندهدر . فقط قبول ايتديكى حالده مأمورىندن  
انفصال ايدر .

التمش سكرنجى ماده هيئت مبعوثان ايچون اعضائغه  
انتخابى جائز اولميا نلر شونلردر . اولاً تبعه دولت عليه دن  
اوليان ثانيا نظام مخصوص موجبجه موقفاً خدمت اجنبيه  
امتياز ينى حائر اولان ثالثاً تركه بيليان رابعاً اوتوز ياشنى

اکمال ایتیمان خامسا حین انتخابده بر کیمسه نك خدمت کالغنده  
بولنان سادسا افلاس ایله محکوم اولوبده اعاده اعتبار  
ایتیمان سابعا سوء احوال ایله مشتهر اولان ثافنا محجور یئنه  
حکم لاحق اولوبده نك حجر ایدلمیان تاسعا حقوق مدنیه دن  
ساقط اولمش اولان عاشرأ تابعیت اجنبیه ادعا سنده بولنان  
کیمسه لردر • بولر مبعوث اوله مز • درت سنه دن صکره  
اجرا اولنه جق انتخابلرده مبعوث اولق ایچون ترکیه او قومق  
و ممکن مرتبه یازمق دخی شرط اوله جقدر •

التمش طهوزنجی ماده مبعوثان انتخاب عمومی درت  
سنه ده بر کره اجرا اولنور وهر مبعوثك مدت مأموریتی  
درت سنه دن عبارت اولوب فقط تکرار انتخاب اولنق  
جأردر •

یتمشنجی ماده مبعوثلرک انتخاب عمومی هیئتک  
مبدأ اجتماعی اولان تشرین ثانیه دن لا اقل درت ماه مقدم  
باشلانیلور •

یتمش برنجی ماده هیئت مبعوثان اعضاسنك هر بری  
کندی نی انتخاب ایدن دأره نك آیر یجه وکیلی اولمیوب عموم  
عثمانلورک وکیلی حکمندی در •

یتمش ایکنجی ماده منتخبلرک انتخاب ایده جکری  
مبعوثلری منسوب اولدقلری دأره ولایت اهالیسندن انتخاب  
ایتمکه مجبور در •

یتش اوچنجی ماده باراده سنیه هیئت مبعوثان فسح  
ایله طاغلدیغی حالده نهایت الی ایده مجتمع اولوق اوزره  
عموم مبعوثانك مجداً انتخابنه باشلانيله جقدر .

یتش دردنجی ماده هیئت مبعوثان اعضاسندن بری  
وفات ایدر و یا اسباب حجریه مشروعه دن برینه دوچار  
اولور و یا بر اوزون مدته مجلسه دوام اتمز و یا خود استعفا  
ایدرو یا محکومیت و یا قبول مأموریت جهتیله اعضاقدن  
ساقط اولور ایسه برینه نهایت کله جک اجتماعه یتشمک اوزره  
اصولی وجهله دیکری تعیین اولور .

یتش بشنجی ماده منحل اولان مبعوثان مقاملرینه  
انتخاب اولنه جق اعضانك مأموریتی کله جک انتخاب عمومی  
زمانته قدردر .

یتش انتخابی ماده مبعوثانلردن هر برینه بهر سنه  
اجتماعی ایچون خزینه دن یکرمی بیک غروش و بریله جک  
وشهریه بشبیک غروش معاش اعتباریله مأموریت ملکیه  
نظامنه توفیقاً عزیمت و عودت خرجراهی اعطا قلنه جقدر .  
یتش بدنجی ماده هیئت مبعوثان ریاستنه هیئت طرفندن  
اکثریتله اوچ وایکنجی و اوچنجی ریاستلره اوچر نفرکه  
جمعاً طقوز ذات انتخاب اولنه رق حضور شاهانه یه عرض  
ایله بونلردن بریمی ریاسته وایکیمی رئیس وکاتلرینه  
باراده سنیه ترجیح و مأموریتلری اجرا قلنور .



یتمش سکرنتجی ماده هیئت مبعوثانک مذا کراتی علیدر  
فقط بر ماده مهمه دن طولای مذا کراتی خفی طوتلق و کلا  
جانبندن و یاخود هیئت مبعوثان اعضاسندن اون بش ذات  
طرفندن تکلیف اولند قدده هیئتک اجتماع ایتدیکی محل  
اعضانک ماعداسندن تخلیه ایدیلر رک تکلیفک رد و یا قبولی  
ایچون اکثریته مراجعت اولنور .

یتمش طقوزنجی ماده هیئت مبعوثانک مدت اجتماعیه سنده  
اعضادن هیچ بری هیئت طرفندن اتمامه سبب کافی بولندیغنه  
اکثریتله قرار ویرلدکجه و یاخود بر جنبه و یا جنایت  
اجرا ایدر ایکن و یا اجرایی متعاقب طوتلد قجه توقیف و محکمه  
اولنه مرز .

سکساننجی ماده هیئت مبعوثان کندویه حواله اولنده حق  
قوانین لایحه لری مذا کره ایلر بولردن امور مالیهیه و قانون  
اساسیه تعلق ایدن ماده لری رد و یا قبول و یاخود تعدیل  
ایدر و مصارف عمومیه موزانه قانوننده کوسترلدیکی وجهله  
هیئت مبعوثانده تفصیلاتیله تدقیق اولند قدن صکره مقدارینه  
و کلا ایلر برلکده قرار ویریلور و بوکا قارشولق اوله حق  
واردانک کیفیت و کیتی و صورت توزیع و تدارکی کذلک  
و کلا ایلر برلکده تعیین ایدیلور .

محاکم

سکسان برنجی ماده قانون مخصوصنه توفیقاً طرف

دواندن نصب اولنان ویدلینه برات شریف ویریلان  
 حاکمکلر لایعزلدر فقط استعفالی قبول اولنور حاکمکلر  
 ترقباتی و مسلککاری و تبدیل مأموریتلری و تقاعدلری و بر  
 جرم ایله محکومیت اوزرینه عزل اولملری دخی قانون مخصوصی  
 حکمنه تابعدر و حاکمکلر و محاکم مأمورلرینک مطلوب اولان  
 اوصافی اشبو قانون اراثة ایدر .

سکسان ایکنجی ماده      محکمه لرده هر نوع محاکمه علناً  
 جریان ایدر و اعلاماتک نشرینه مأذونیت وارد رائجق قانونده  
 مصرح اسـ بابـه مبنی محکمه محاکمینی خفی طوته یلور .  
 سکسان اوچنجی ماده      هر کس حضور محکمه ده  
 حقوقنی محافظه ایچون لزوم کوردیکی وسائط مشروعه یی  
 استعمال ایده یلور .

سکسان دردنجی ماده      بر محکمه وظیفه سی داخلنده  
 اولان دعوانک هر نه وسیله ایله اولورایسه اولسون رؤیتندن  
 امتناع ایده مز و بر کره رؤیتنه و یا خود رؤیتی ایچون اقتضا  
 ایدن تحقیقات اولیه یه باشلاندقدن صکره تعطیل و یا تغویق  
 دخی جائز اوله مز مکرکه مدعی دعوا دن کف ید ایتش اوله  
 شو قدر که جزایه متعلق دعاویده حکومت عائد اولان حقوق  
 نظامی و جهله یینه اجرا اولنور .

سکسان بشنجی ماده      هر دعوی عائد اولدیغی محکمه ده  
 رؤیت اولنور اشخاص ایله حکومت پینده کی دعوالر دخی

محاکم عمومیه عائددر .

سکسان النجی ماده محکمه ل هر درلو مداخلاتدن

آزاده در .

سکسان یدنجی ماده دعاوی شرعیه محاکم شرعیه ده

و دعاوی نظامیه محاکم نظامیه ده رؤیت اولور .

سکسان سکزنجی ماده محکمه لک صنوف و وظائف

وصلاحتنک درجات و تقسیماتی و حکامک توظیفی قوانینه

مستنددر .

سکسان طقوزنجی ماده هر نه نام ایله اولور ایسه

اولسون بعض مواد مخصوصه بی رؤیت و حکم ایتک ایچون

محاکم معینه خارجنده فوق العاده بر محکمه و یا خود حکم

و یرمک صلاحیتنی حائز قومسیون تشکیلی قطعاً جائز دکلدر

فقط قانوناً معین اولدیغی و جهله تعیین مولی و تحکیم

جائزدر .

طقساننجی ماده هیچ برحاکم حاکمک صفتیه دولتنک

معاشلی بر بشقه مأموریتنی عهده سنده جمع ایده من .

طقسان برنجی ماده امور جزائییه ده حقوق عامه بی

وقایه مأمور مدعی عمومیلر بوانه حق و بونلرک وظائف

و درجاتی قانون ایله تعیین قلنه جقدر .

﴿ دیوان عالی ﴾

طقسان ایکنجی ماده دیوان عالی اوتوز اعضا دین

مر کبدر . بونلرک اونى هيئت اعيان و اونى شوراي  
دولت و اونى محکمه تميز و استيناف رؤسا و اعضاسندن قرعه  
ايله تفريق و تعيين اولنه رق هيئت اعيان دائره سنده لزوم  
کورندکجه با اراده سنيه عقد اولنور وظيفه سى و کلا ايله  
محکمه تميز رؤسا و اعضاسنک و ذات و حقوق شاهانه  
عليهنده حر کته و دولتى بر حال مخاطره به القايه تصدى  
ايليانلرک محاکمه سيدر .

طقسان اوچنجى ماده ديوان عالى ايکى به منقسم اولوب  
برى دائره اتهاميه و برى ديوان حکمدر دائره اتهاميه طقوز  
اعضادن عبارت اولوب بونک اوچى هيئت اعيان و اوچى  
ديوان تميز و استيناف و اوچى شوراي دولت اعضاسندن  
ديوان عالى به الله جقى اعضا ايچندن قرعه ايله انتخاب  
اولنور .

طقسان در دنجى ماده بودايره شکايت اولنان ذوانک  
متهم اولوب اولمديغنه ثلثان اکث يتيله قرار و يرودايره اتهاميه ده  
بوانانلر ديوان حکمده بولنه مز .

طقسان بشنجى ماده ديوان حکم يديسى هيئت اعيان  
و يديسى ديوان تميز و استيناف و يديسى شوراي دولت  
رؤسا و اعضاسندن اولمق اوزره ديوان عالى اعضاسنک يکرمى  
بر نفرندن مرکب اوله رق دائره اتهاميه طرفندن محاکمه سى لازم  
اولمديغنه قرار و يرلش دعوالر حقنده اعضاي مرتبه نك

دشان اکثر ینله قطعياً و قوانین موضوعه سنه تطبیقه احکم ایدر  
و حکمری قابل استیناف و تمیز دکلدر .

## ﴿ امور مالیه ﴾

طقسان النجی ماده    تکالیف دولتک هیچ بری بر قانون  
ایله تعیین اولمقد قجه وضع و توزیع و استحصال اولنه من .  
طقسان ینجی ماده    دولتک بودجه سی واردات  
و مصارفات تقریبیه سی مبین قانوندر    تکالیف دولتک وضع  
و توزیع و تحصیل امرنده مستند اوله جغی قانون بودر .  
طقسان سکرنجی ماده    بودجه یعنی موازنه عمومیه قانونی  
مجلس عمومیده ماده بماده تدقیق و قبول اولنور واردات  
و مصارفات مخمنه نک مفرداتی جامع اولق اوزره اکامر بوط  
اولان جدولر نظاماً تعیین اولنان نمونه سنه توفیقاً اقسام  
و فصول و مواد متعدده به منقسم اوله رق بونلرک مذاکره سی  
دخی فصل فصل اجرا ایدیلور .  
طقسان طقوزنجی ماده    موازنه عمومیه قانونی متعلق  
اولدیغی سنه نک دخولنده موقع اجرا به قونیه بونلرک ایچون  
لایحه سی هیئت مبعوثانه مجلس عمومینک کشادی عقینده اعطا  
اولنور .  
یوزنجی ماده    بر قانون مخصوص ایله معین اولمقد قجه  
اموال دولتدن موازنه خارجنده صرفیات جائز اوله من .

یوز برنجی ماده مجلس عمومیك منعقد بولندیغی ائنده  
اسباب مجبره فوق العاده دن طولایی موازنه خارجنده مصرف  
اختیارینه لزوم قوی تحقیق ایدرایسه مسؤولیتی هیئت وکلایه  
عائداولمق و مجلس عمومیك کشادی عقینده اکادائر بر قانون  
لایحه سی مجلس عمومی به ویرلمك اوزره او مصرفك تسویه سی  
ایچون اقتضا ایدن مبالغك طرف حضرت پادشاهی به عرض  
و استیذان ایله صادر اوله جق اراده سنیه اوزرینه تدارك  
و صرفی جائز اولور .

یوز ایکنجی ماده موازنه قانونك حکمی بر سنیه  
مخصوصدر . اوسنهك خارجنده حکمی جائز اوله مزانجق  
بعض احوال فوق العاده دن طولایی مجلس مبعوثان موازنه نی  
قرار اشدر مفسرین فسخ اولندیغی حالده حکمی بر سنیه نی  
تجاوز ایتمك اوزره برقرار نامه ایله وکلای دولت باراده سنیه  
سنه سابقه موازنه سنك جریان احکامنی مجلس مبعوثانك کله جك  
اجتماعنه قدر تمید ایدرلر .

یوز اوچنجی ماده محاسبه قطعیه قانونی متعلق اولدیغی  
سنهك وارداتندن استحصال اولنان مبالغ ایله یه اوسنهك  
مصارفاتنه و قوعبولان صرفیاتك مقدار حقیقیسنی مبین  
اوله رق بونك شکل و تقسیماتی دخی موازنه عمومیه قانونه تمامیه  
مطابق اوله جقدر .

یوز دردیجی ماده محاسبه قطعیه قانونك لایحه سی

متعلق اولدیغی سنه نك ختامندن اعتباراً نهایت درت سنه  
صکرة مجلس عمومی به اعطا اولنور .

یوز بشجی ماده اموال دولتك قبض و صرفنه امور  
اولنلرک محاسبه لرینی رؤیت و دوا اوردن تنظیم اولنان سال  
محاسبه لرینی تدقیق ایدرک خلاصه تدقیقات و نتیجه مطالعاتنی  
هر سنه بر تقریر مخصوص ایله هیئت مبعوثانه عرض ایلك  
اوزره بر دیوان محاسبات تشکیل اولنه جقدر بودیوان هراوج  
آیده بر کره احوال مالیه یی ریاست و کلا واسطه سیله باتقریر  
طرف حضرت پادشاهی به دخی عرض ایدر .

یوز التجی ماده دیوان محاسباتك اعضاسی اون ایکی  
کشیدن مرتب اوله جق و هریری هیئت مبعوثانندن اکثریتله  
عزلتك لزومی تصدیق اولنمدقجه مأمورینده قید حیات ایله  
قالمق اوزره باراده سنیه نصب اولنه جقدر .

یوزیدنجی ماده دیوان محاسبات اعضاسنك اوصافی  
ووظایفنك تفصیلاتی و صورت استعفا و تبدیل و ترقی  
و تقاعدی و اقلامنك کیفیت تشکیلی برنظام مخصوص ایله  
ایله تعیین اولنه جقدر .

### ﴿ ولایات ﴾

یوز سکرنجی ماده ولایاتك اصول اداره سی توسیع  
مأذونیت و تقریق وظائف قاعده سی اوزرینه مؤسس اولوب



درجاتی نظام مخصوص ایله تعیین قلنه جقدر .

یوز طقوزنجی ماده ولایت ولوا و قضا مرکز لرنده  
اولان اداره مجلس ایله سنه ده بر دفعه مرکز ولایتده اجتماع  
ایدن مجلس عمومی اعضاسنک صورت انتخابی بر قانون  
مخصوص ایله توسیع اولنه جقدر .

یوز اونجی ماده ولایات مجالس عمومی سنک وظایفی  
یابیله حق قانون مخصوصنده بیان اولنه جغنی وجهله طرق  
ومعابر تنظیمی و اعتبار سنک قلمرینک تشکیلی و صنایع و تجارت  
وفلاحتنک تسهیلی کبی امور نافعه یه متعلق مواد حقنده  
وعمومه عائد معارف و تربیه سنک انتشاری یواننده مذاکرانه  
شامل اولمقله برابر تکالیف و مراتب میریه سنک صورت توزیع  
واستحصاننده و معاملات و سائرده قوانین و نظامات موضوعه  
احکامنه مخالف کوردکری احوالک متعلق اولدیغنی مقام  
وموقعلره تبلیغیه تصحیح و اصلاحی ضمننده عرض اشتکا  
ایتمک صلاحیتینی دخی محتوی اوله جقدر .

یوز اون برنجی ماده مسققات و مستغلات و نفود  
موقوفه حاصلاتنک شروط وقفیه سی و تعامل قدیمی وجهله  
مشروط لهنه و خیرانه و میرانه صرف ایدلمک اوزره وصیت  
ایدیلان اموالک وصیتنامه لرند، محرر اولدیغنی اوزره موصی  
لهنه صرفنه و اموال ایتمک نظامنامه مخصوصی وجهله  
صورت اداره سنه نظارت ایتمک اوزره هر قضاده هر ملتیک

برجاعت مجلسی بولنه جق و بوجلسر تنظيم ايديله جك نظامات  
مخصوصه سی وجهله هر ملنك منتخب افرادندن مرکب  
اوله جقدر . مجالس مذکوره محلری حکومتلری و ولایات  
مجالس عمومی سنی کندولرینه مرجع یله جقدر .

یوزاون ایکنجی ماده امور بلدییه در سعادت و طشره لرده  
بالانتخاب تشکیل اولنه جق دوائر بلدییه مجلسلر یله اداره  
اولنه جق و بودائرلرک صورت تشکیل و وظائفی و اعضاسنك  
صورت انتخابی قانون مخصوص ایله تعیین قلنه جقدر .

### ❖ مواد شتی ❖

یوزاون اوچنجی ماده ملکک برجهشنده اختلال  
ظهور ایده جکنی مؤید آثار و امارت کورلدیکی حالده  
حکومت سنیه نك او محله مخصوص اولمق اوزره موقتاً  
( اداره عرفیه ) اعلانه حقی واردر ( اداره عرفیه )  
قوانین و نظامات ملکیمك موقتاً تعطیلندن عبارت اولوب  
( اداره عرفیه ) تحتنده بولنان محلات صورت اداره سی نظام  
مخصوص ایله تعیین ارلنه جقدر . حکومتک امنیتی اخلال  
ایتدکاری اداره ضابطه نك تحقیقات موثوقه سی اوزرینه ثابت  
اولنلری ممالک محروسه شاهانه دن اخراج و تبعید ایتمك  
منحصراً ذات حضرت پادشاهینك ید اقتدارنده در .  
یوزاون دردنجی ماده عثمانلی افرادینك کافه سنجیه

تحصیل معارفك برنجی مرتبه سی مجبوری اوله جق و بونك  
 درجات و تفرعاتی نظام مخصوص ايله تعیین قلنه جقدر .  
 یوز اون بشنجی ماده قانون اساسینك بر ماده سی بيله  
 هیچ بر سبب و بهانه ايله تعطیل و یا اجراءن استعاط ایديله مز .  
 یوز اون التنجی ماده قانون اساسینك مواد عندر جدر سندن  
 بعضیلر ينك ایجاب حال و وقته كوره تغییر و تعدیلنه لزوم  
 صحیح و قطعی كور ندیكى حالده ذكری آتی شرائط ايله تعدیلی  
 جائز اوله بیلور . شویله كه یا هیئت و كلا و یا هیئت اعیان  
 و یا هیئت مبعوثان طرفندن اشبو تعدیله دائر بر تكلیف  
 وقوع و لدیغی حالده اولو مجلس مبعوثانده اعضای مرتبه نك  
 ثلثان اکثریتيله قبول اولنور و بو قبول مجلس اعیانك كذلك  
 ثلثان اکثریتيله تصدیق ایدلد كدن صكره اراده سنیه دخی  
 او مر كزده صدور ایدرایسه تعدیلات مشروح دستور العمل  
 اولور و قانون اساسینك تعدیلی تكلیف اولسان بر ماده سی  
 بروجه مشروح مذاكرات لازمه سنك اجرا سیله اراده  
 سنیه سنك صدورینه قدر كم و قوتی غائب ایتكسزین  
 مرعی الاجرا طو تیلور .

یوز اون یدنجی ماده بر ماده قانونیه نك تفسیری لازم  
 كلد كده امور عدلیهیه متعلق ایسه تعیین مناسبی محكمه تمیزه  
 و اداره ملكیهیه دائر ایسه شورای دولته و اشبو قانون اساسیدن  
 ایسه هیئت اعیانه عائددر .

یوزاون سکزنجی ماده . اليوم دستور العمل بولنان  
قوانین و نظامات و تعامل و عادات ایلموده وضع اولنسه جق  
قوانین و نظامات ایله تعدیل و یالغا اولندقیجه مرعی الاجرا  
اوله جقدر .

یوزاون طقوزنجی ماده . مجلس عمومی به دائر اولان  
فی ۱۰ شوال سنه ۹۳ تاریخی تعلیمات موقتیه نك جریان  
احکامی یالکز برنجی دفعه اجتماع ایده جك مجلس عمومینك  
مدت انعقادیه سی ختامه قدر اولوب اندن صکره حکمی  
جاری دکادر .

[۱۹]

قانون اساسینك نشری ضمننده شرفتسطیری لازم کلان  
خط همايون اولوق اوزره مدحت پاشا طرفندن تنظیم اولنان  
مسوده در .

جمله نك معلومیدر که بر دولتك ترقی شوکت و قوتی قوانین  
موضوعه نك حسن جریانیله صنوف تبعه نك حقوق مشروعه  
و حکومت متبوعه لرندن حصول امنیتلرینه وابسته اوله رق  
سلطنت سینه نك بر زماندنبرو قوته عارض اولان تدنیات دخی

عوائل خارجیه دن زیاده اداره داخلیه دأر تأسیساتک  
تبدلات زمانه ایله حکم و تأثیرینی غائب ایتمسندن نشأت  
ایلدیکی ثابت اولمغله والد ماجدم مرحوم عبدالمجید خان  
مقدمه اصلاحات اوله رق عمومک امنیت جان و مال و عرض  
و ناموسنی معین اولمق اوزره تنظیمات خطینی اعلان ایتمشیدی.  
ترقیات صریحه تنظیماتک تأثیرات نافعه سیله حکم زمانه اتباعک  
فوائدینی برقات دهات ثبات ایلدیکی کبی دولت علیه نک احوال  
داخلیه و مناسبات خارجیه سنجه - صوله کلان توسعانه نظراً  
شمیدی به قدر یاپیلان شیلرله ایجابات وقت و حال کفایتسزلکی  
دخی بداهت درجه سنه واردیغندن و بزم اقصای مقصد و آمازلر  
ملک و ملتزه موهبه مخصوصه الهیه اولان ثروت طبیعیه  
و قابلیت فطریه دن حقیقه استفاده به ممانعت ایدن اسبابک  
ازاله سیله صنوف تبعه نک بلا استثناءئل حقوق حریت  
و امنیت اولدقلری حالده طریق ترقیاتده ال اله و یردک  
ایلر و مللری قضیه خیریه سندن عبارت بولندن بوم مقصده وصول  
ایچون حکومتنجه بر قاعده سالمه و منتظمه نک اتخاذی و بوکا  
کافل اولمق اوزره بر مجلس عمومینک لزوم تشکیلی اعلان  
جلوسمنه دأر اولان خطمزده بیان اولنش ایدی . اولابده  
تنظیمی اقتضا ایدن قانون اساسی اصحاب و قوف و حیثیتدن  
مزکب تعیین اولنان بر جمعیت مخصوصه ده بالذا کره ترتیب  
اولنوب مجلس و کلاده دخی اطرافیه تدقیق و بعد التعدیل

تصديق قلمش اولغله و مسواد مندرجه سي خلافت گبراي  
اسلاميه و سلطنت سنيه عثمانيه نك حقوقه و عثمانلورك  
حریت و مساواته و وكلا و مأمورينك مسئوليت و صلاحيته  
و مجلس عمومينك حق استيضاح و نظارتنه و محاكك حصول  
انتظام و عدالتنه و موازنه ماليه نك صحتنه و اداره و لاياتجه  
توسيع ماذونيت اصولك اتخاذينه متعلق اولوب بونلر ايسه  
احكام شرع شريفه و ملك و ملتك بوكونكي قابليت و احتياجاته  
مطابق و بناء عليه اخص آمال و مقاصد بمر اولان سعادت  
و ترقیات عامه فكرينه مساعد و موافق بولمغله اشـ بو قانون  
اساسي بي قبول و تصديق ايله طرفكره كوندردم الى ماشاالله  
تعالی ممالك عثمانيه نك هر جهته دستور العمل اولق اوزره  
اعلانيله شمعیدن اجرای احكامی و دروننده موعود اولان  
قوانین و نظاماتك بر آن اول تنظيم و اتمامی ضمننده تدابير  
سريعه و مؤثره صرف همت و اقتدار ايلكز قطعياً  
مطلوب بمررد

[ ۲۰ ]

( مسند صدارتك ادهم پاشا عهده سنه توجيهي حقنه )

( خط همايون )

( وزير معالي سيميرم ادهم پاشا )

( احتياجات زمانيه بي و دولت عليه مركز موقع جديد )

(و مهمنی بالتقدیر ارزوی مخصوص مزله اعلان ایتدیکم قانون)  
 (اساسیدن مقصود اولان عمره خیریه که بو قانونک عموم)  
 (نظرنده احترام و اعتمادی جلب ایده جک بر ماهیت حاصل)  
 (ایتمی و اوسبله مملکت مزک سعادت حالتی تأمین ایلیه جک)  
 (اثاره دسترس اولمیدر . بو ماده لر بر طرفدن یوک)  
 (و کوچک کافه مأمورینک معروف اولان حدود و وظیفه)  
 (داخلنده حرکت و احکام قانونیه به انقیاده مکلفیتلرینه)  
 (و دیگر طرفدن کافه تبعه من ایچون وضع ایتدیکم مساوات)  
 (حقوقیه و صلاح حاللرینه لازم اولان سارندایر مشر و عدتک)  
 (تماماً وجوده کتورلمسینه متوقف اوله رق بناء علیه واسطه)  
 (رؤیت مصالح اولان و کلا و مأمورینجه بر تبدل کلییه)  
 (لزوم حقیقی مشهود اولمسینه و مدحت پاشانک قانون اساسی)  
 (حکمنجه ممالک محروسه مزدن باعث تباعدی اولان بعض)  
 (اسبابدن طولانی انفصالی وقوع بولمسینه مبنی خدمت مغتنای)  
 (بهای صدارت قانون اساسینک خدمت مذکوره ایچون)  
 (تقدیر اتمزه تعلیق ایتدیکی امنیتی حائر اولدیغکز جهتله)  
 (عهده لیاقتکره احاله اولندیغی کیی قانون اساسی اقتضا)  
 (سنجه ولایاتده توسیع مأذونیتدن و نواحینک تقسیمات)  
 (و اداره سنک تغیرندن و وجوهله اعتنایه شایان اولان قضا)  
 (قائم مقامقلری معاشرینک تمامیه درجه کفایه به ابلاغیه)  
 (بو مأموریت معتبریه متصرفلقلر مثلاً انتخابات عمیقیه)



- ( و بالاسیطان تعلق ایده جک او امر شاهانه عزه مستند )  
 ( اوله رق ارباب لیاقت و حیثیتدن اولانلرک تعیینی حقیده )  
 ( مجلس مبعوثانه برنظامنامه لایحه سی حیواله سی مضم )  
 ( اولوب بوجه تله دخی امور داخلیه نک کسب وسعت )  
 ( و اهمیت ایتمسندن ناشی داخلیه نظارت مترو کسی اعاده )  
 ( اوله رق و لایانله طوغریدن طوغری به بخاریه مآذون )  
 ( اولمق اوزره نظارت مذکوریه دخی معلومات بحر به سنه )  
 ( مبنی عدلیه ناظری جودت پاشا وقانون اساسی متمماتندن )  
 ( بولانان قوانین تالیه لایحه لرینک سرعت استحضار یله )  
 ( فریب الاجتماع اولان مجلس مبعوثانه و برلمانی لزومینه )  
 ( بناء شورای دوات ریاستی وظائفی بر قاندها اهمیت کسب )  
 ( ایتدیکنندن ریاست مذکوریه درایت متحققه سنه بناء )  
 ( رتبه وزارتله شهر امینی قدری بک و عدلیه نظارتنه )  
 ( ادرنه والیسی عاصم پاشا تعیین قلندیغی کبی طونه و ادرنه )  
 ( ولایتلرینک اهمیت حاضرملری اداره لرینک اقتدار )  
 ( و تجربه لری امنیت کامله به شایان مأمورلره تودیع ایجاب )  
 ( ایتدیردیکنندن سلطنت سنیه مزک پارس سفیری صادق )  
 ( پاشا طونه و هر سک والیلکنندن منفصل علی پاشا ادرنه )  
 ( والیلکلرینه نصب اوله رق تجارت و زراعت نظارتی )  
 ( دخی اهلیتینه مبنی رتبه بالا یله شورات دولت اعضا سندن )  
 ( اوخانس افندییه توجیه و کرید والیسی احمد مختار پاشا )

( ایله در دنجی اردو مشیری ساح پاشانک بجایش مأمور بتلری )  
 ( اجرا اولنش و برده نظارتله عائد مصداک منظمگا )  
 ( جریانی اسبابندن و کلامز مغیترنده معلومات و اراسندن )  
 ( استفاده اولنور مستشارلرک وجودی ماده سی اولمغله )  
 ( و اموز مالیه نظارتی ایچون اقتضا ایدن صور اصلاحیه )  
 ( اورو پادن جلسی مقرر اولان اهل و ارباب ذوات ایله )  
 ( استشاره بدمک مقرر بولمغله صدارت مستشارلغی دخی )  
 ( قائممقاملرک انتخابی ایچون نظارت مستشارلرینک و شورای )  
 ( دولت اعضاسنک مناسب لرندن ترکیبی مقرر اولان قومیسونه )  
 ( دخی بالفعل ریاست اتمک اوزره حلب و الیسی حورشید )  
 ( پاشایه و حلب و الیسی طاونه دن انفصال ایده جک رفعت )  
 ( پاشایه و داخلیه مستشارلغی التنجی دائره رئیس قسطنانی )  
 ( بکه و معارف مستشارلغی در سعادت محکمه استینافیده سی )  
 ( رئیس لرندن او خاندن افندی یه احاله ایداش و معلومز )  
 ( اولدیغی اوزره مجلس مبعوثان ریاستی ایچون قانون )  
 ( اساسینک یتش برنجی ماده سنک تعیین ایتدیکی قاعده )  
 ( انتخاب و تصدیق موقع اجرایه قوللسی کله جک سنه دن )  
 ( اعتباراً و قانون مذکورک التمش بشنجی ماده سنه توفیقاً )  
 ( مبعوثلرک نفوس اهالی نسبتیه انتخابنه معلق اولدیغندن )  
 ( بوسنه لک قانون مذکورک یوزاون طقوزنجی ماده سنده )  
 ( بحر تعلیمات موقتہ داخلنده اولق اوزره اجتماع ایده جک )

(مجلس، بعنوان ریاست موقتہ سنہ دخی مسلم اولان استقامت)  
 (وامانتی، وادارہ، منشورت عمومیہ و قوفی، حسبیہ، احد)  
 (وفیق افندی، مأمور اولش و تجارت، ناظری سابق حالت)  
 (پاشا مجلس اعیان، اعضا، لغتہ و صدارت، مستشاری سابق)  
 (سعید افندی، شورای دولہ، نقل ایداش اولغہ، اقتضارینک)  
 (اجرا، سنہ، مبادرت و مصالح، حسن جریانہ و خصوصاً)  
 (قانون اساسیدہ، موغود اولان قوانین، نظامات و حالا، وزمانا)  
 (متحتم بولنان، سائر اصلاحات، سرعت تامہ ایلہ، قرارلرینک)  
 (استیذانہ، مشاربت الی، مرکز، مطلوب، بجزدر، حضرت حق، مظهر)  
 (توفیق، پیورہ) فی ۲۰ محرم سنہ ۹۴

[۲۱]

«مجلس عمومینک ایلک دفعہ اولہرق کشادی مناسبتیلہ ایراد»  
 «وقرائت اولنان، نطق، همایون، حضرت پادشاهی»  
 «اعیان»  
 «بعنوان»  
 «دوات علیہ، مزیدہ، برنجی، دفعہ اولہرق، اجتماع ایدن»  
 «مجلس عمومی بی کشاد ایتمکله، بیان، ممنونیت ایدرم»  
 «نجلہ، کرک، معلومیدر، کہ دوات و ملت، ترک، ترقی، شوکت و مکنتی»  
 «انجیق، عدالت و اسطہ، سیلہ، حاصل، اولور، حتی، دولت، علیہ، مزیدہ»

« اوائل ظهور زنده قدرت و قوتك عالمه . منتشر اولسي امر »  
 « حاكم منده عدالت و تبعه نك هر صنفك حق و منفعتنه رعایت »  
 « اولئسیله میدانہ كلدی . اجداد عظام زدن فاتح سلطان محمد »  
 « خان مر حومك تأمین حریت و سربستی دین و مذهب »  
 « حقیقه كو سربستی مساعدا ت جمله نك معلومیدر . »  
 « سائر اسلاف عظام زدنخی او اثره سلوك ایله هیچ بزوقنده »  
 « سربستی آیین و مذهبہ خلل كتوز مامشدر . التي یوز »  
 « سنه دندبری صنوف تبعه مر ك ملیت زیتی و لسان و مذهب لرینی »  
 « محافظه الملزی دخی بوقضیه عادله نك نتیجه طبعیه سی »  
 « اولدیغی قابل انكار دكلدر . »

« حاصلی او عصر وزمانلرده عدالتك حایه سی و قانونلرك »  
 « وقایه سی سایه سنده دولت و ملك ثروت و سعادتی ترقی بولمش »  
 « ایكن كیدر كنه شمرغ شریفه و نه قوانین موضوعه یه انقیاد »  
 « اولئامسی سببیه حصوله كلان ترقیات تدنییه یوز طو توب »  
 « اولكی قوت ضعفه مبدل اولمش ایدی نهایت بولك یدرم سلطان »  
 « محمود خان مر حوم دولتلك بر قاج عصر د نبر و او غرادیغی »  
 « انحطاط و تدینك باشلیجه علت غایه سی اولان نظام سزلق »  
 « و اندن نشأت ایدن یکجیری غائله سنی اوزنه دن قالدیر و ب جسم »  
 « دولت و ملت رخنه دار الملش اولان فساد و اختلال دیکنلرینی »  
 « آیقلامش و اوروپا مدنیت حاضره سنك المک اول ملکمه »  
 « ابد خلیجون برقیو آچش ایدی و والد ماجدم عبدالمجید خان »

«مرخوم دخی او اثره کیدرک اها لیمزک محافظه جان و مال»  
 «و عرض و نامه وسنی متکفل اولان تنظیمات خیریه اساسی»  
 «اعلان ایتمش ایدی . ایشته او کوندن صکره مالکمرک»  
 «تجارت و زراعتی توسع ایتدی و دولتمزک آزوقنده وارداتی»  
 «بر قاج قات آرندی . و محتاج اولدیغمز اصلاحاته مدار»  
 «اوله جق قانون و نظاملری یایلوب تحصیل فنون و معارف»  
 «دخی اولدقجه توسع ایلدی . بو مقدمات حسنه دن و علی»  
 «الخصوص امنیت داخلیه دن دولتمزجه امید ترقی حاصل»  
 «اومش ایکن قریم محاربه سنک ظهوری تنظیم احوال ملک»  
 «و تبعه حقنده اولان مساعینک دوامنه مانع اولدی .»  
 «و اولوقته قدر خزینه دولتمزک خارجه براقچه دینی بوغیکن»  
 «مصارف مبرمه حربیه وارداتملزه قارشو طور مق ممکن»  
 «اوله مدیغندن خارجدن استقراض ایله دفع احتیاج»  
 «و ضرورته مجبوریت کوردندی .»  
 «و بوسبله بورج قپوسی آچلیدی . واقعا او مسئله ده»  
 «حق و قزک مشروعتنی تصدیق ایدن دول مقصوده»  
 «متفقہ نک صحایف تواریحی الی الابدترین ایده جک اولان»  
 «معاونات کامله فعلیه لری انضمامیه حربک منتج اولدیغی»  
 «مصالحه داخله ایشمزی یوانه قویق و حقیق بر طریق»  
 «ترقی طوتمق ایچون استقبالمزجه بر زمان مساعد حاضرلدیغی»  
 «ظن قویسی حاصل اولمش ایدی . لیکن احوال متعاقبه

« بَتُون بَتُون او اميد و انتظارك عكسنى ميدانه كتوردى »  
 « يعنى برطاقم تحريكات و تسويلا ت ايله داخلى حادثه لرك »  
 « يكديكر بىنى ولى ايدرك ظهوره كلسى ملكمرك اصلاحات »  
 « و تنظيماتنه باقعه ميدان و يرمكدن ماعدا هر سته فوق »  
 « العاده اردور جمعيله اها ليمرك ز ياده ايشه يرايان صنفى »  
 « سلاح التنده طومغه مجبور يتردن طولايى زراعت و تجارتى »  
 « عظيم سسكتنه لزه او غرادى • بوقدر مشكلات و موانعه »  
 « تصادف اولغمشيكن ينه طريق ترقيده معنا و ماده خيلى »  
 « مسافه قطع اولد يغبى معلوم و مسلدر • يكر مى سنه دنبرى »  
 « واردا تيمرك على التوالى آرتمى دخی مملكنتك ترقياتنه »  
 « و اها ليمرك رفاه حالر يرك ترايدينه دليلدر • »

« اكر چه مضايقه حاضره شو تعداد اولنان احوالدين »  
 « تولد ايتش ايسه ده اداره ماليه جفه برمسلك درسى به سلوك »  
 « ايله غائله ضرورتى تخفيف و اعتبار مالى يى حفظ ايمك »  
 « قابل اولور ايدى • فاما اصلاحات صور تنده اتخاذ اولنان »  
 « تدبير ماليلر اصلاح حال ايتك شويله طور سون ايشى بتون »  
 « بتون آغرا لشديرمش و استقبالك نه اوله جغى دوشونلك مسرين »  
 « حالدين استفادة ايدلك استنمشدر • و ايشسته برياندين »  
 « شو غائله لرك دوام و تعاقبى و برياندين دخی دولتمرك اعظم »  
 « اسباب شوكت و قدرتى اولمق اوزره ادوات و اسلحه جديده »  
 « حريسه نك تدارك و انشاسى و بونلكه برابر واردات »



« و مصارف امزك بر موازنه متصرفانه التمه طوتيله ماسى »  
 « اداره ماليه امزك درجه درجه بوزلمسى و بورجزك »  
 « چو غالمسى استلزام و ايچنده بولنديغمز مضايقه فوق »  
 « العاده بى انتاج ايلدى . »  
 « متعاقباً هر يك وقوعاتى بر طاقم تحريكات و افسادات »  
 « اثرى اولمق اوزره ظهور ايدوب و مؤخرأ كسب جسامت »  
 « و اهميت ايدوب و بردنبره صربستان و قره طاغ بحار بهارى »  
 « آچيلوب پولتيقه عالمنده بيوك بيوك قار يشقلىق دى نمايان »  
 « اولمسيه دولتمز بحران عظيمه اوغرامش اولديغى برزمانده »  
 « جناب حقا اراده لم يزيه سيه اجداد عظامز تحته »  
 « جلوسمز وقوعبولدى . احوال عموميه امزك شود درجه »  
 « تصادف ايلديكى مشكلات و مخاطرات دولتمزك شمدى يه »  
 « قدر اوغرا دى غوائلك هيچ برينه قياس و تطبيق قبول »  
 « ايده ميه جكندن اول باول حقوقك وقايه سچون ارب دولتمزك »  
 « طرف طرف تكثير يله التى يوزيك قدر عسكرى سلاح »  
 « التمه ديرمغه مجبور اولدم . و بوقار يشقلىق بعوناه »  
 « تعالى كلياً دفع و ازاله سنده دولتمزجه باشلى اصلاحات ايله »  
 « چاره ارامغى و او طريق ايله استقبالمزى امنيت متماديه التمه »  
 « المغنى فر يضة ذمت عد ايلدم . چونكه حق تعالىك »  
 « ملكمزه احسان ايلديكى قابليت و اهالتمزك متصف اولدقلى »  
 « استعداد اقتضا سنجه بر اداره حسنه طريق طوتلديغى »



« حالده از وقته پك چوق ايلروليه چكمز دركار ايكن عالم »  
 « مدنيتك ترقيات حاضره سنه يئشه ماملكه كرن مجرد ملكه كرنك »  
 « محتاج اولديعي اصلاحات وانلره متعلق قوانين و نظاماتك »  
 « دوام ايده مامسندن و بو دخی ياييلان شيلر حكومت »  
 « استبداديه النندن چيقوب قاعده مشورته مستند اولمامسندن »  
 « نشأت ايلديكي ثابت و متحققه قدر . حاله كه دول مقده نك »  
 « ترقياتي و مملكتلرينك امنيت و مهوريتي مصالح و قوانين »  
 « عموميه لري جله نك رأي و اتفاقيه وضع و تأسيس اولمحق »  
 « ثمره سي اولديغي مواد مسئله دندر . بنابه عليه بزجه دخی »  
 « اسباب ترقينك او يولده ارا نلسني و قوانين مملكتك اراي »  
 « عموميه استناديني الزم كوردم و قانون اساسي بي اعلان »  
 « ايلدم . قانون اساسي بي تأسيس م مقصدمز اهالي بي »  
 « رؤيت مصالح عموميه ده حاضر اولغه دعوت ايتكدن عبارت »  
 « اولينوب بلكه ممالك كرنك اصلاح اداره سنه و سوء استعمالات »  
 « ايله قاعده استبدادك انحاسنه بو اصولك وسيله مستقله »  
 « اوله جـ غـي جـرم يقينده يم . و قانون اساسي فوايد »  
 « اصليه سندن بشقه بين الاقوام حصول اتحاد و اخوت »  
 « اساسي تمهيد و خليفه بز عمر سعادت و ادب تأسيس ايلك »  
 « مقصديني دخی جامعدر . چونكه اجداد عظاممز »  
 « موفق اولدق لري فتوحاتله بودولت و سبعة الممالكده برحق »  
 « اقوامي تحت حكومتلرنده جع ايتديلر . فقط اديان »

« واجتنامجه بود رجه مختلف اولان اشیو اقوامی بر قانون »  
 « منفرد و بر حسن مشترکه ر بطن ایتک امر ینک اجرایی »  
 « قلمش ایدی . مادامکه الطاف و مقدرات الهیه سنده »  
 « نهایت اولیان جناب حقك عونیه بوامر دخی میسر »  
 « اولمشدر . بوندنبویه كافه تبعه مز بر وطنك اولادی »  
 « اوله رق و جله سی بر قانونك جناح حیاتی تحتنده یشایه رق »  
 « التیوز بوقدر سنده د نبرو خاندان سلطنترك عنوانی اولان »  
 « وصحایف توار یخده بونجه آثار شوکت و شانی مضبوط »  
 « بولنان نام ایله یاد اوله جقدر در . شمدی به قدر قدرت »  
 « و مکنك علم مشتهری اولان عثمانلی نامنك بعدازین كافه »  
 « تبعه مز بیننده موجود اوله جق منافع متكافله نك دخی »  
 « دوام و محافظه سنده شامل اوله جغنی امید ایدرم . ایشته »  
 « شوا سباب و مقاصده بناء اتخاذ ایتدیكم طریقده حرکت »  
 « ایتکه و بونی آن بان تشیید احکام الملکه قویاً عزم »  
 « ایتشدر . قاعده عدالت و سلامته مبتنی اولان قانون »  
 « اساسینك آثار مشروعه سندن استفاده ایچون سرك »  
 « معاونت فعلیه و عقلیه کزی بکرم .  
 « شمدی سزرله لازم اولان عهدۀ حیلتلرکه محول »  
 « وظایف قانونیه بی هیچ کیسه دن چکیمه رك و دولت »  
 « و مملکت ترك سلامت و سعادتندن بشقه برشی دوشیمه رك »  
 « جهادقانه و مستقیمانه ایفا الملکدر . زیر اپو کونکی کونده »

« محتاج اولدیغیز اصلاحات و ملکمیزجه اتخاذینده هر طرفدن »  
 « انتظار اولنان تنظیمات غایت مهم و معتادر . و بونلرک »  
 « پیدر پی موقع اجرایه قونلسی ایسه مجرد سزک اتفاق افکار »  
 « و آرا کره مرهون اولدیغیچون شورای دولته لازم »  
 « کلان قوانین لایحه لری بریاندن تنظیم اولنمقده در »  
 « و بوسنه کی اجتماع کرده مجلسکزک نظامات داخلیه سی »  
 « و انتخاب قانوننامه سی و ولایات و اداره نواحی قانون »  
 « عمومی و دوائر بلدییه قانونی و اصول محاکمات مدنییه ایله »  
 « محاکمات تشکیلاتی و حکامک صورت ترقی و تقاعدلری »  
 « و عموم مأمورینک وظائفی و حق تقاعدی قانوننامه لری »  
 « و مطبوعات و دیوان محاسبات قانونلریله سنه سابقه نک »  
 « بودجه قانونی لایحه لری لاجل المذاکره مجلسکره حواله »  
 « اولنه جفندن اشبو قانونلرک صره سیله مذاکره و مطالعه سی »  
 « و قرارلرینک اعطاسی نزد مزده مطلوب قطعیدر . از »  
 « جمله عمومک تأمین حقوقنه واسطه مستقله اولان محاکمک »  
 « و عساکر ضبطیه نک عاجلاً اصلاحات و تنظیماتنه باقیبق »  
 « الزم اولدیغی کبی بونلرک وجوده کلیسی تخصیصات »  
 « مقررله رینک توسیع و تزییدینه متوقفدر . »  
 « حالبوکه مجلسکره و یریلان بودجه دن دخی معلومکر »  
 « اوله جغی وجهله اداره مالیه مزیک زیاده مشکلات »  
 « و تعمیراته دوچار اولدیغیندن اول باول بو مشکلاتدن »

« فور تملقغمزه و اعبار ماليزك اعاده سي اسبابنه دلالت »  
 « ايده جك تدابيرك واوصرده اصلاحات مستفجله بي ميدانه »  
 « كتوره جك تخصيصاتك تعيين و اتخاذينه متفقاً سعي »  
 « واهتمام ايتكمزي توصيه ايدرم »

« ملك و تبعه مزجه اعظم اصلاحات و احتياجات اولان »  
 « زراعت و صناعتك ترقيسييله مدنيت و ثروتك مرتبه كماله »  
 « و صولى انجق علوم و معارف قوتيله اوله جغندن مكاتبك »  
 « اصلاحيله درجات تحصيلك تنظيمه دارقوانين لايحه لري »  
 « بمنه تعالى كله جك سنه اجتماعنده مجلسكره ويريله جكدر »  
 « كرك يوقاروده ذكري كچن قوانين و كرك بعدما موقع »  
 « اجرايه قونيله جق قانونلر احكامنك حصول تماحي »  
 « تأثير اتى مأمورين اداره نك انتخابي ماده سنك اهميت »  
 « عظيمه تحنده طو تلسنه موقوف اولديغندن هيئت دولتمز »  
 « بو نقطه يه وعفت و استقامتله متصف اولان مأمورين »  
 « حقنده قانون اساسينك ضامن اولديغي صورت مكافات »  
 « و حايه يه بر صورت مخصوصده دقت ايده جكدر »  
 « جلوسمزدن بري اشبو انتخاب مأمورين ماده سنك اهميتني »  
 « تقدير ايلديكمزدن مصارفي خزينه خاصه مزدن تسويه »  
 « اولنق اوزره بر مكاتب مخصوص تأسيسيله اداره عموميه »  
 « ايچون مأمورينشديرمكي تصميم ايلدم • بو مكاتبك اولجه »  
 « اعلان اولنمش اولان نغنامه اساسيسندن دخی معلوم »

« اوله جغی وجهله مکتب مذکور شاگردانی اداره و پولتیقه »  
 « مأموریتلرینک ال بیوک درجانه قدر قبول اولنه جق »  
 « و بونلر تبعه مزك مذهب استثناسی اولیه رق هر صنفدن »  
 « النوب ترقیلری درجه اهلیته کوره اوله چقدر »  
 « ایکی سنه یه قریب مسلتدنبر و اوغرا دیغمز غوائل »  
 « اخلیه و علی الخصوص صربستان و قره طاغ ایله محاربه »  
 « انناسنده عموم تبعه صادق مزك طرفلرندن اظهار اولسان »  
 « آثار حجت و عسکر مزك هر درلو مشاق و متاعبی اختیار »  
 « ایله ابراز ایلدکاری غیرت و بسالت نزد مزده فوق الغایه »  
 « موجب تقدیر اولدی بو حادثه لرحه مجرد حق و قری محافظه »  
 « دن عبارت اولان تشبثا مز نتیجه سی اوله رق صربستان »  
 « مصححتك قرای استحصا ل اولندیغی کبی قره طاغ ایله »  
 « جریان ایدن مذاکرات اوزرینه اتخاذ ایده جکمز معامله »  
 « مجلسکرتک برنجی اجتماعده مطالعه کزه حواله اولنه جغندن »  
 « قرارینی تعجیل ایلکری توصیه ایدرم . دول منجابه »  
 « ایله مناسبات دوستانه ور عایتکارانه ده بولتمق دولتمزجه »  
 « ال معتنا معاملات مأوفه دن اولمغله ایوم ینه بوقاعده »  
 « موالات پروری به رعایت ایلکده یز . انگلستره دولتی »  
 « بوندن بر قایج آی اول مسائل حاضره ایچون در سعادت مزده »  
 « بزقونفرانس تشکیلی طلب ایدرک دول سائره معظمه دخی »  
 « تکلیف اولان اساسلری ترویج ایتدکلرندن اشوقونفرانسه »

« باب عالیز طر فندن موافقت اولندی اگرچه بواجتماعده »  
 « براتفاق قطعی حاصل اوله مامش ایسه ده دولترک احکام »  
 « معاهداته وقواعد حقوق ملله و حال و حقوقک مقتضیات »  
 « مبرمه سنه توافق ایده بیله جک آرزو ونصیحتلریتمک »  
 « اجرا آتمده مسابقت خالصانه مزى اثبات و اظهار ایلدک »  
 « عدم اتفاقک اسبابنه کلنجه بو حال اساسنده اولیوب »  
 « بیلکه اجرا آتک صور و اشکالنده وقوعبولشدیر . زیرا »  
 « تنظیماتک بدایتندن شمدی به قدر مملکتک احوال عمومیه »  
 « سنده ودولتمک هر برشعبه اداره سینده وقوعه کیش اولان »  
 « ترقیات کلیه بی ده از یاده حال مکملیه کنورمک لزوم »  
 « اساسیسنی تقدیر ایتدی کمز کبی الیوم بتون مساعیز بومقصدده »  
 « مصروفدر فقط بوماده ده مملکتک شان و استقلالانی محل »  
 « اولان اولدن توفی ایتکی وظیفه دن عدا ایلدم و نیاتمک »  
 « صدق و سلامتک جله به اثباتنی زمانه حواله ایتدم . »  
 « شو حالک تولید ایتدیکی نتایج زیاده سیله تأسیسی موجب »  
 « اولغله بونک برآن اول مندفع اولسی کمال ممنونیتی استلزام »  
 « ایلیه جکدر . »  
 « ومع مافیه هر زمانده مقصد من حقوق و استقلالک »  
 « محافظه سی مسلک کنده دوامه معطوف اولدیغندن حرکات »  
 « آتیه مزده دشمنیه بومساک نقطه نظر اتخاذا اولنه جقدر »  
 « کرک قونفر انسک اذعقادندن اولو کرک صکره دولترجه »

« ابراز اولنان فائز اعتدال و حسن نیت سلطنت سنیه مرزی »  
 « اور و پا دولتلری جمعیتنه ربط ایدن مناسبات دوستی »  
 « و حسن معاشرتی بر قاندها تأیید ایلده جکی مأمولنده نیم »  
 « حق تعالی حضرتلری جمله مرزك مساعیسنی مظهر »  
 « توفیق بیورسون »

[۲۲]

(مجلس عمومینک کشادنده طرف اشرف حضرت  
 شهنشاهیدن ایراد بیورلمش اولان نطق همایونه مقابل هیئت  
 اعیان طرفندن خاکبای شاهانه به تقدیم اولنان تشکرنامه نك  
 صورتیدر)

بالارث و الاستحقاق خلافت کبرای اسلامیه و سلطنت عظمای  
 عثمانیه رونق ساز اشفاق اولان ذات کریم الاخلاق  
 خداوندکار یلرینک شعار معالی عیار ممالکپرو ری و تبعه  
 نوازیده فطری و حقیقی اوله رق بر کمال بولنان حسن نیت  
 و علوهمت تاجداریلری جلوس موفقیت مأنوس شهریاریلرندن  
 بری مشهود اولان آثار خیریه و افکار نیره شاهانه لری  
 شهادتیه مسرت فرمای انام اولمقده اولوب خصوصاً قانون  
 اساسینک قریحه الهام صریحه همایونلرندن اولمق اوزره



تأسیسینہ سزاوار بیوریلان میل و مساعدهٔ سنیهٔ پادشاہیلری  
دولت و ملت حقندہ کی دخواہ عاطفت پناہ ملوکانہ لری  
جلہ یہ عیان اولغلہ بوبایدہ بلااستثنا مفروض عہدۂ تابعیت  
اولان تشکرات کاملہ و بی نہایہ نک اتحاد لسان و انجذاب  
وجدان ایلہ عرض و تقدیمی سرمایۂ شرف و مباحثات عد  
ایدرز •

تواریخ مدونۂ روزکار ایلہ تسلیم کردۂ اولی الابصار در کہ  
اجداد عظام شاہانہ لری نک مناقب عالم آرالرن دن الک اہم واقعات  
حکمت علیہ و علم بہ بی جامع اولان شبر عشر یفہ اعتصام  
وقانون عدل و دادہ صمیمی اہتمام ایلہ مفارق انامدہ اتحاد  
و ابراز بیوردقلری مآثر حیات و اشفاق تحت تابعیت لری نہ  
التحاق ایدن بونجہ ملل و اقوامہ بادی اتحاد و وفاق اولدینگی  
مسلم آفاق اولہرق بویلہ برہیئت معظمۂ اجتماعیہ نک مابہ القوامی  
اولان ادارۂ حکیمانہ و حکمت سیاسیہ نک علت غائبہ سی بولنان  
قوۂ قاہرہ نک محیر عقول درجہ سندۂ تناسب و توازنیلہ فوق  
الغایہ برجاذبۂ مؤثرہ مالک اولسیدر کہ بوشان بلند عنوان  
کرانہا اسلاف شوکت اتصاف ملوکانہ لری اولان سلاطین  
کزین رحمتقرین حضرات نک طنین انداز اقطار و امصار اولان  
قاعدۂ جہان پسند عدل و حتمایت و سرپستی آیینہ رعایت  
خصوصندہ حائر اولدقلری فضل تقدم و مسابقتلری نک ثمرۂ  
نصفت بہرہ سی اولدیغندہ شبہہ یوقدر •

حکم زمان و حوادث کون و مکان اقتضا سنجیده صکره لری  
 یعنی خیلی زمان نبرد نبری بر برینی ولی و تعقیب ایدن انواع غوائل  
 داخلیه و خارجیہ نك موانع عدیده سی شوا اساس متینك فروعات  
 و فعلیات سنجیده ضروری بعض مرتبه تغیر و تأخر ایراث ایتش  
 ایکن چد اعظم و و والد معظم شهریار یلری جنتمکان سلطان  
 محمود خان غازی و عبدالمجید خان غازی حضراتی جانب  
 جلیل مناقبرندن اجراسنه مباشرت بیوریلان مبادی تنظیمه  
 و تنسیقیه و تساوی حقوق عمومیه و تأسیسات سائر ایلہ  
 ایجابات و قته توفیقاً اصل صحیحہ مراجعت یولنده تصحیح  
 مسئله اعاز اولنوب اگرچه بو طریق مدنیتہ انسلا کدن  
 منتظر اولان آثار عمران اطرافزده حصوله کلان ترقیات  
 ایلہ نقطه واحده افتران ایدوبده تمامیت مطالبه مواصلت  
 ایدہ مامش ایسهده ینه خیلی مسافه قطع اولنورق درجه  
 تفاوتی یالکزن قوانین و نظامات جاریہ نك کفایتسزلکنه  
 محمول و منعطف اوله میوب عند الانصاف اعتراف اولنور که  
 بو کادار بر تشبثات و اجراآت و اکمال لوازم و احتیاجات ارسنده  
 ینه بر طاق مسائل و مشاغل ایقاعیله اکمال اصلاحاته فرصت  
 کافیه بولنه مدیعی مثللو ملوک عظام حضراتنک بروفق تصمیم  
 و تعمیم معدلات تنمیم معموریت امرنده آرزوی حقیقلیرنک  
 مهیج و مروجی افکار یکجهتی به دخی بعض القاءات و سوء  
 تأثیرات جدوشندن نشئت ایدرک بو صره ده حادث اولان

تشت اداره و صرفیات زائده دیون خارجیہ ابتلاسیلہ برابر  
بعض احوال اسف اشتالی مؤدی اولمشیدی . بنابرین تلافی  
مافات یولنده اولان امنیہ امنیت بخشانک مدار اسنادی مجموع  
تبعہنک حصول اتفاقیلہ بر نقطہ اوزرنده اداره پرکار افکار  
واجالہ معیار انظار ایتلمری اساس متانت مساسنہ مبتنی اولدیغی  
بالذات و بالخاصہ نزد همایون شهر یاریلرنده تأمل و تیقن ایله  
قانون اساسینک اعلان و ایرادی وقانون مذکور حکمنجہ  
هیئت اعیان و هیئت مبعوثانندن مرکب مجلس عمومینک  
حضور التفات نشور خلافتینا هیلرنده کشادی عقینده قرائت  
بیوریلان و هر فقرہ منیفہ سی نیجه مزایای حکمت احتوایی  
حاوی اولان نطق همایون پادشاهیلریله برقائدها تأیید بنیان  
معدلت بیورلدیغنک حقیلہ ایفای شکر و شناسی خارج حوصلہ  
اقتداردر .

عصر همایون حضرت شاهانہ زینہ خصیصہ ممتازہ  
اولان اشبو مظفریت معنویہ شمدی به قدر وقوعه کلان فتوحات  
مادیہ به مقابل تسخیر قلوب یوزندن موفقیت فوق العاده  
وبی معادلدر که بونکاه کوته یینلک یرینه مسلوک همایونلری  
اولان مساوات حقوق عامه و عدل و حقانیت اوزرنه مؤسس  
نظریات واسعه و حریت تامه وجوده کلور و افکار عمومیه جه  
حصول بوله حق اتحاد و اعتماد ایله بر حصن حصین اولور  
که مملکتک سعادت و تمامیتی علیهنده هیچ برکونه تشبثات

انی اخلاص و رخنه دار ایدہ من ممالک وسیعۃ المسالک شاہانہ لری  
 منابع لا تخصای ثروتہ و تبعۃ ملوکانہ لری ہر درلو استعداد  
 و قابلیتہ مالک اولغلہ طرف پر شرف شہر یار یلرندن ادارہ  
 و پولتیکہ مأمورلرینہ منشأ اولق اوزرہ مکتب مخصوص  
 تشکیل یورلدیغی مثللو سائر علوم و فنون نافعہ نک دخی  
 سہولت انتشاری ضمنندہ طرف طرف دارالتحصیلر ترتیبیلہ  
 مکاتب موجودہ نک نکثیرینہ و اہالی نک وسائلط تعلیم  
 و تربیہ لری نک تزییدینہ اعتنا و دقت و منابع ثروت طبیعیہ نک  
 ایشلداسنہ و تشبثات خصوصیہ نک تسہیلنہ ہمت یورلدقجہ  
 بوگونکی کون آثار عماردن خالی اولان یرلردہ بلطفہ تعالی  
 از وقتدہ اسباب رفاه و معموریت میدانہ کلور و افکار  
 اختلافکاری و بی حضوری مقامندہ وفاق و امنیت کور یلور  
 اشو ثمرات حسنہ نک زمان اقتطافنہ جانب اشرف ہمایونلرندن  
 نہ درجہ انتظار یور یلور ایسہ تبعہ شاہانہ لری دخی  
 اورتبہ منتظر و مترقب اولور .

افراد تبعہ نک حقوق متنوعہ و متفرقہ بی ہم اصول  
 محاسن شمولک سوق طبیعیہ نقطہ یکدلی و یکجہتیدہ اتحاد  
 ایدرک جملہ بی بردن الک مقدسی بیلدکاری سریر شوکتسمیر  
 شاہانہ لری بی عروۃ الوثقای نجات و سلامت اتخاذ ایدہ جکاری  
 و ترقی و اعمارات و اصلاحاتہ متفقاً صرف مقدور ایلیہ جکاری  
 مثللو سلطنت سفیدلرینک شان و استقلال عالیسنہ طوقر نور

جزئی و کلی بر تمایل و قوعی تشدید نده منع و احسان بی اقدام  
 آمال ایدینه رک موافقت قلب و لسان ایله جمله سی بردن هر  
 درلو فداکارلغی اختیار و بو اغورده بذل جان ایتمکله دخی  
 افتخار ایدرلر. بونعت عمیمیه تشکراً بالجمله تبعه شاهانه لرینک  
 یکننده آثار و علایمی کوستر دکری محبت و صداقت لری  
 و خصوصاً ذات همایون حضرت ملکبار یلرینک احکام قانونه  
 تبعیت اصول و اساسنک وضعی حقننده اولان عزیمت قویه  
 شاهانه لری قارشوسنده مشکلات حاضره مالیه و اصول  
 اداره جه تگون ایدن صعوبات حالیه نک زمان یسیر ایچنده  
 محو و زائل اولور مشکلات عارضیه قبیله دن اولدیغی  
 اعتقادنده یز.

ذمت صداقتزه متختم اولان و ظائف نظائفک بریده  
 عساکر نصرتم اثر حضرت پادشاهی لرینک وقوعات اخیره  
 اثناسنده ابراز ایندکری آثار دلیری و شجاعت لریله انظار عالمه  
 عرض ایلدکری تماشای مباهات افزانک یعنی سلطنت  
 سنیه لرینک محافظه حقوق و تمامیتی وظیفه مقدسه سی اغورنده  
 و بونجه فوز و نصرته شعشه اشتهاری عالمکیر اولان رایت  
 ظفر غایت عثمانی التده هر دین و مذهبده بوانان تبعه  
 شاهانه لرینک یکجسم و یکوجود کبی ضرب اعدایه قیام  
 و میدان غزم و رزمده غیظه فرمای دلاوران اسلاف اولغنه  
 نصیب نفس اهتمام ایدرک من کل الوجوه اطمینان بخش قلوب

انام اولمش اولدقلر ينك لسان تشكر و محمدنله ياد و تذكارى  
ماده سيدر .

ذات بى همى شاهانه و حكومت سانيه ملوكانه لر ينك  
متبوعيت معظمه لر يته عائد اولان شرف عظيم و شان بلندك  
كمال اهميت و احترام ايله محافظه حقوق مقدسه سى و تبعه  
پادشاهيلر ينك وظائف اصلية تابعيت و شرائط اساسيه  
مطابعت اره سنده مجلس اعيانى قوانينك و آداب عموميه نك  
محافظ و نكهبانى اولمق اوزره تعيين و مصالح عموميه نك  
تمشيت و مذاكره سنده مأمور و مأذون بيورمش اولدقلرندن  
مجلس مذكور طرف همايون شهر يار يلرندن با كمال موفقيت  
تأسيس بيوريلان اصول محاسن شمول اداره يه اقتدارى  
درجه سنده خدمت و تبعه صادقه ملوكانه لر ينك و اطرافنده  
بولنا نلرك قريبا تهذيب و تصحيح اخلاقنه غيرت ايدى جكى مثالو  
باب عاليلرنده تنظيم و مجلس مبعوثان طرفندن قبول و هيئت  
اعيانك مذاكره سنده حواله اولنان نظامات و قوانين لايحه لر ينك  
جهت لزوم و حقانيتنى حاده تدقيقدن كچر مكده و قانون  
اساسى ايله كندوسسنة احسان بيوريلان وظيفه ايجانبجه  
افراط و تفريط يوانده كوزى جكى هر درلو مبالغانك تعديلنده  
وسائر وظائف مرتبه ده تجويز تراخى و قصور ايتيه جكى  
دركاردر هيچ بر حالده و خصوصيه درجه لياقتز وظيفه مزك  
اهميتنه كفايت ايتيمان ايشلرده بيله عمومك خير و منفعتنه

و ذات شو کتسمات حضرت تاجدار یلرینه مفروض اولان  
صد اقمتره مغایر حر کتنده بولنیده جغیزی پایه سریر معدلت  
مصیر شهر یار یلرینه عرض و بیانه اجتسار و ایفای وجبیه  
شکر گذاری به ابدار ایلدیکمز محاط علم عالم شمول جناب  
ملکدار یلری پیورلد قیده هر حالده امر و فرمان ولی الامر  
والاحسان افندمز کدر .

فی ۱۶ ربیع الاول سنه ۹۴ و فی ۱۹ مارت سنه ۹۳

﴿ هیئت مبعوثانک تشکرنامه سی ﴾

جناب رب عباد زیب اورنک خلافت کبرای اسلامیہ  
وز یور افزای سریر سلطنت عثمانیہ ولی نعمت بی منتز پادشاه  
عدالت اکتناه افندمز حضرتلرینک ایام عمر وعافیت وشوکت  
جناب شهر یار یلرین مزداد پیورسون مجرد تجدد بنیان  
دوات و سلطنت و از سرنو تشید رابطه ملک و ملت نیت  
خیریه سیله قریحه الهام صبیحه جناب پادشاهی لرندن احسان  
پیورلمش اولان وعموم ملت عثمانیہ نك وقایه حقوق مشروعه  
حریتی ایله هر بار ترقی حال رفاه و سعادتنه کافل وضامن  
بولنان قانون اساسی ایله اولبابده شرفصادر اولان خط هما یون  
جناب شهنشاهی لری احکام جلیله سنجه در بار معدلتقرارده  
اجتماع اتمی لازم کلان مجلس عمومینک اشبو طقسان درت  
بسینده ربیع الاولنک اوچنجی بازار ایرتسی کونی حضور



مهابت نشور جناب ملوكانه لنده بالین والجلال رسم کشادی  
اجرا بیورلدیغی انسادہ قرائت اولنان نطق عالی جناب  
پادشاهیلی جہلہ مرکز زینت ساز صماخ مفخرتی او اشدر .

نطق ہمایون ملوكانه لنده ارادہ بیورلدیغی اوزرہ دولت  
علیہ نک اوائل ظہورندہ فی الحقیقہ امر عدالت و اجرای  
سرستی آیین و مذہبہ صنوف تبعہ نک محافظہ حقوق  
و منافع قومہ لربنہ فوق العادہ دقت و رعایت اولئسیلہ شمشہ  
شان و شوکتی عکس اندازر بع مسکون و حتی نیجہ اقوام  
مظہر معاونت کونا کون اولش ایکن صکرہ لری کرچہ  
سرستی وجدان قاعدہ سی ہیج بروقت خلاپذیر اولیبوب  
بالآخرہ کیدرک دہا زیادہ تا کد اللش ایسہدہ امر عدالت  
و ادارہ امور مملکتلہ احکام شرعیہ و قانونیہ مطاوعت  
خصوصلرندہ قیدسزلق کوسترلمسی برخیلی او یغونسزلق  
وامور ادارہ ملکیکہ جہ بر طاقم نظامسزلق ظہوریلہ احوال  
ملک و ملتک انواع مشکلاتہ دوچار اولسنہ سبیت و یرمش  
و بنابرین دولت علیہ نک مالک اولدیغی شان و شوکتی تدنیہ  
یوز طوتمش ایدوکتی مشاہدہ بیورمش اولدقلرینک اوزرینہ  
جد امجد پادشاهیلی سلطان محمود خان حضرتاری شو  
احوال غیر منتظمیہ وقعہ خیرہ ایلہ ختام و یرمرک سلطنت  
سنیہ نک اعادہ قدرت و مکتبلہ ترقی احوال مملکت ایچون بر  
طریق مدنیت ایچش اولدیغی مثللو والد ماجد کثیر المجامد

جناب ملوکانه لری سلطان عبدالمجید خان حضر تاری دخی  
تنظیمات خیریه ایله امنیت جان و مال و محافظه عرض  
و ناموس اساسنک تشییدینی اعلان ایله جسم دولت و ملتک  
برقائدها تجرید حیاتنه صرف عنایت بیورمش و بوضورتله  
نام نامی هما یونلرینی صحائف تواریح عالمده اک بیوک مجددلر  
صره سنه پکوروب قریم محاربہ سی کی غائله عظیمده دخی  
بحول الله تعالی مظهر موفقیت اولشاریدی .

کرچه غوائل مذکورہ ہنکامندہ بالضرورہ باب  
استقراض آچلمش ایسہدہ ممالتک دولت علیہ نک وسعت  
و ثروت طبعیہ سیلہ اہالیسنک استعداد و قابلیت فطریہ سنہ  
نسبتله اوارالق موجود اولان دیونی لاشی مثابہ سندہ اولدیغی  
حالدہ صکرہ لری بر طرفدن تکثیر دیون دولت مدار سلامت  
ملک و ملت عد اولنق کی برقاعده غیر معقولہ نک دستور العمل  
حکمنہ کیرمسی و دیگر طرفدن اثر تسویلات اولہرق بر برینی  
متعاقب بر چوق غوائل داخلہ نک ظہور ایلسی و بوسیلہ  
اہالینک الزیادہ ایشہ یارایان صنعتک همان بہر سنہ سلاح  
التندہ طوتلمسنہ مجبوریت حاصل اولسی و ہر دولتک اسباب  
وقایہ شان و شوکتی اولان ادوات و اسلحہ جدیدہ حربیہ نک  
دولت علیہ جدہ دخی بالایجاب تدارک و استحضار قلمسی  
و بونلرہ برابر اصول تصرفیہ رعایتلہ واردات و صرفیاتک  
موازنہ صحیحہ التندہ جریان ایتدیرلماسی و امور اداره ملکپہ

ایله مصالح عدلیه نك وسائط اجراییه سنجه حقیقه اهمیت  
و برلیوب مأمورین و حکام ایچون پك ده مسلك و اقتدار  
ار انعامسی کبی برچوق اسباب مانعه یه مبنی و اقعامك و ملتجه  
تنظیمات خیریه دن منتظر اولدیغی درجه ترقیات ماده  
و معنویه وجوده کلامامش اولدیغی غیر منکر در تنظیمات  
خیریه نك آثار جلیله می و ممالك شاهانه لر یله اهالیسنك قابلیت  
طبیعیه سی نمرسی اوله رق کرچه سابقه نسبتله مملکت مزجه  
حاصل اولان ترقیات ماده و معنویه یار و اغیارجه قابل انکار  
اولدیغی اشکار ایسه ده اشبو درجه ترقینك عصر و زمانك  
ایستدیکی مرتبه ده بولنامسی دولت و ملنك برچوق مشکلاته  
دوچار اولسنی استلزام ایلمشدر.

مع مافیه ممالك شاهانه لر یله اهالیسنك قابلیت طبیعیه سنه  
نظراً اصول استبدادك رفیعله امر عدالتك نشر اولنسی  
غوائل موجوده ایله برابر بنیان سلطنت عثمانیه نك دفعه تجدیدی  
موجب اوله جغی امید و اعتقادنده کبار و صغار اهالی هم  
افکار و بناء علیه شو امیدك حیز حصوله و صولایچون عموماً  
ظهور الطاف خفیه الهیه یه چشم داشت انتظار ایکن جناب  
رب منان وجود مکام آلوده هایو نلری بوملك و ملته عطیه جلیله  
صمدانیه سی اولان ذات عالی جناب پادشاهیلر نك تخت البخت  
عثمانی یه جلوس یمینت مانوس خلافت پناهیلری شرف و قوعیله  
بالجمله تبعه وزیر دستانی غریق لجئه من و احسان پور مشلدر.

اعتقاد و افکار عمومیہ نك صحت و اصابتی ایشنه و قوعات  
 ایله ثابت اولمشدر . چونكه جلوس همايون ملوكانه لری  
 هر سك و صرستان ایله قره طاغده اثر تحریكات و افسادات  
 اوله رق ظهور ایدن غوائل اختلالیه نك موجب اولدیغی  
 مشكلات امور مالیه نك و خصوصیه سوابقنه قیاس قبول  
 ایتمز بر صورت فوق العاده ده نمایان اولان انواع شورشك  
 الك شدتلی زمانه تصادف ایتمش بولندیغی حالده ذات  
 جالات صفات حضرت پادشاهی لری بر طرفدن محافظه  
 حقوق مشروعه استقلال دولت و وقایه منافع ملك و ملت  
 امر جلیلنده ابراز كال متانتله ایفای وظائف خلافت و سلطنته  
 بذل عنایات و دیگر طرفدن دخی نمونه كائنات دینكه سزا  
 مملكتهمزه بخششایش جناب خدا اولان ثروت و قابلیت  
 طبیعیه سندن انتظار اوانان حال رفاه و سعادتك حصونه  
 پرده كش حیلولت اولان اصول استبدادك رفیعیه اداره  
 حكومتی قاعده مشروعه مشروطیه بالنحو یل صنوف  
 تبعه صادقه نك حقوق حرینی كافل اولان قانون اساسی  
 اعلان اولمق كبی بر امر عظیمك وجوده كتور لمسیله قوای  
 دولت و ملتی بر اساس عديم الاندراسه ربط و بوق صورته  
 عثمانلی نام نامیسیله عموم تبعه صادقه پادشاهی لری نك بر  
 قانون عدالت مشحون الته جعنه سز اوری لطف و عاطفت  
 بنور مشلر در .

نطق عالی همایون نکرده اراده بیورلدیغی اوزره هر دولت  
وملک بقای شان وشوکتی عدالته منوط وامر عدالتک فی  
زماننا هذا تمامی جریانی حکومتک قاعده مشروعه  
مشروطیت التذیه بولنمنه مربوط اولدیغنه وشو قاعده  
مشروعه ایسه لازم ملزوم قیلندن اولان دوات ایله ملک  
سلامت وسعادتی تأمین ایدن قواعد جلیله وسالمه دن بولندیغنه  
بناءقانون اساسی ایله اصول استبدادی بالالغ قاعده مشروطیتک  
اعلانی بخدد بنیان دوات عنوانیله نام نامی حضرت  
پادشاهیلرینی غبطه بخش ممالک و بلدان الطشدر کرک اداره  
امور ملکیه وعدلیه و کرک مسائل مهمه مالیه نک بولندیغی  
حال ودرجه سی کرچه بعض کوته یانه کوره قورقوله حق  
و بونکله برابر خلاف قواعد ملل ودول مشهود اولان  
مداخلات اجنبیه التندن چیقیللمیه حق کبی بر مرتبه ده  
کورینورایسه ده ذات حضرت پادشاهیلرینک عزم وثباتلرینک  
درجه متاننه وقانون اساسی ایله نطق عالی ملوکانه زری  
احکامنجیه بالجله اهالی ایچون اصول مشروطیتدن لایقیلله  
استفاده طریق آچلمش بولندیغنه نظر آ از بر زمان ایچنده  
بعنایه الله تعالی نه مشکلات داخلیه نک بر اثری ونه ده مغایر  
قاعده و حقانیت مداخلات اجنبیه نک بر حکم وتأثری قالمیه جفی  
بدیهیدر .

چونکه طرف اشرف شهنشاهیلرندن اراده وتوصیه

بیورلدیغی اوزره هیئت مبعوثان محافظه حقوق سلطنت  
 وملت ایله مادی و معنوی ترقیات مملکت امرینه خدمت  
 ایده جک هر درلو اسباب و وسائل - اصول استبدادک  
 بر اقدیغی سوء استعمالات آثارینک تمای رفع و احساسیه  
 تلافی مافات ایداسنه هر آن نصب نفس اهتمام و فوق الغایه  
 اقدام ایلیه جکدر .

بنابرین هیئت مبعوثانه حواله بیور یله جق لوایح  
 قانونیه نک صره سیله و لایقیله مذاکره و اصول اداره ملکیه  
 و موازنه مالیه و قوانین سایر نک تدقیقیله ایجاب حاله و حکم  
 زمانه و لزوم و احتیاج مکانه کوره ایفی وظائف موکوله یه  
 سعی ایده جکمر مثلاً احسان علی الاحسان اوله رق نطق عالی  
 حضرت پادشاهیلر یله اعطا بیور یلان رخصت و صلاحیت  
 کامله نک دخی بشقه جه قدر و قیمتنی یله رک کمال صدق  
 و استقامتله طوغری سونلکدن بر آن کیر و طور مقسزین  
 دولت و ملتله ابراز حسن خدمت و لاسیمما غوائل موجوده  
 فی الحقیقه سوابق احواله مقیس اولدیغندن وطن و ملتک  
 استحصال و سایل سلامت و سعادتیه صادقانه و غیورانه بالاتحاد  
 صرف نقدینه غیرتی جمله فریضه ذمت ییلدیگمر مستغنی  
 عرض و بیاندر . واقعا امور عدلیه ایله ضبطیه حق - فوق  
 عبادک تأمیننه واسطه مستقله اولدیغندن و اهالی تمامیه  
 حضور باله و لایقیله امنیت جان و ماله مظهر اولدقجه مملکتک

ترقی مادی و معنوی سی قابل اوله میه جغندن احوال محاسن  
ایله عساکر ضبطیه نك بر وجه مطلوب اصلاح و تنظیم لینه  
لازم کلان اسباب و وسائل استکمانه مسارعت اقدام و وظائف  
موکوله دن عد اولنه جغنی مثالو حسب ازمان هر برینك  
یکدیگر نندن اهمیت بی مسلم اولدیغندن هیئت عاجزانه مزه حواله  
بیور یله جق و بعد ما تنظیم اولنمی طلب اولنه جق قوانین  
لایحه نرینك همان مذاکره و تدقیقه جله سنك سرعت ممکنه  
ایله نتیجه قرار لرینك عرضنه مبادرت اولنه جق ومع مافیه  
بونلرک ایچنده بالنسبه تقدیم الهم علی المهم قاعده سنه ده  
رعایت ایدیه چکدر .

موازنه مالیه نظامنامه سی بخنده کلنجه چونکه هر دولت  
ولتک جقوق مشروعه سیله شان و شوکتک اسباب  
محافظه سنك موقوف علیهی آقچه اولدیغندن و امر عدالتی  
کاینبغی بالاجرا مملکت مزده بر وجه مطلوب امنیت و حریت  
شخصیه ایله ترقیات مادیه و معنویه نك استحصال چون صرف  
اولنه جق مساعیده کی جله مقاصد دن بری خزینه دولتک  
وسعت حال و اعتبار مالی سی اولوب اشو مطلبک حصولی  
ایسه مطلقا واردت و صرفیاتک قاعده تصرفیه رعایتله  
بر ابردا نما بر موازنه صحیحه و سالمه تختنده جریان ایتدیر یله رک  
خزینه دولتک بهر سنه مالا حال و موقع صحیحینك معلوم  
اولسپله موازنه نظامنامه سنك خارجنه حقیقاً سنه منوط



ایده و کندن هیئت عاجزانه مزجه الك زیاده احاله نظر دؤث  
ایدیله جك قانونلردن بری دخی اراده و توصیه ملوكانه لری  
موجبجه ذکر اولنان موازنه نظامنامه سی اوله جغنی کی  
وجوده کله جك صور اصلاحیه و تصرفیه نك اعتبار مالیزی  
حد لایقنه ابلاغنه کافل بولنه جغنی هویدادر .

ممالك محروسه عثمانیه نك ثروت و قابلیت طبیعیه سندن  
استفاده اولنق فی الحقیقه صناعت و امور زراعت و تجارتك  
توسیعنه و بوده وسائل مقتضیه نك استکمالنه منوط اولدیغنه  
و شو خصوصلرده وسائل لازمه نك اقدامی ایسه نشر و تعمیم  
علوم و معارف و توسیع و تنظیم طرق و معابر ایدوکنسه  
و ملل متمدنه نك بولندقلری درجه ثروت و مدنیته مجرد وسائل  
مذکوره دلالتیه و اصل اولدقلری آثار یله رهین مرتبه  
بدهت بولندیغنه بناء مجلس عاجزانه مزجه شواغورد دخی  
صرف ما حاصل اقتدار اولنه جقدر .

مستغنی عرض و بیان اولدیغی اوزه وضع قوانینندن  
مقصد تمامی جریان احکامندن عبارت اولدیغنه و قوانین  
موضوعه احکامنك حسن اجرایی مأمورین دولتک عهده  
کفایتلرینه حواله اولنمش بر وظیفه ایدوکنه و بو بابده حصول  
مقصد ایسه هر نوع مأمورینده مسلك و اقتدار اراشمسیله  
برابر مکافات و مجازات قاعده سنك صورت دائمده دستور العمل  
طو تلمنه وابسته بولندیغنه مبنی بو بابده دولته صورت

مخصوصه ده دقت ایدیه جگنی مبشر شرف صادر اولان  
امر و اراده حضرت تاجدار یلری موجب انواع فخر  
و سرور اولمشد .

هر صنف مأمور بنی یتشدر مک نیت خیر به سیله مصارفی  
خرینه خاصه شاهانه لردن تسویه اولنق اوزره بر مکتب  
مخصوص تأسیسی ایله نظامنامه اساسیمی موجبجه بو مکتب  
فیض مکسبه تبعه شاهانه لرنک مذهب استثناسی اولمیه رق  
هر صنفی دخول ایدیه یلوب اورادن چیفه جق شاگردانک  
اداره و بولتیقه مأمور یلرنک الیوک درجانه قدر قبول  
اولنه جقلری اراده و تبشیر یورلمش اولدیغندن طولایی و جیه  
تشکرک ایفاسته مسارعت ایدرن .

ایکی سنه دنبرو اثر اغفالات و افسادات اوله رق دولت  
و ملنجه دوچار اولنان غوائل داخلیه و خصوصیه صربستان  
و قره طاغ محاربه لری اناسنده عموم تبعه صادق شاهانه لریله  
عساکر ملوکانه لرنک بتوفیقه تعالی ابرازینه موفق اولدقلری  
غیرت و بساتلردن طولایی نطق عالی جناب پادشاهیلرنده  
مشهود باصره اقتخارمز اولان اثار تقدیر و محظوظیت سنیه  
طوغریسی جلّه جه باعث مسرات عظیمه اولدیغنی مثلاً  
حقوق مقدسه دولت و ملنک محافظه سی اغورنده هر بار  
عموم ملت عثمانیه نک هر صورتله حاضر و اماده بولندقلرینی  
کمال شکرانی و صداقتله عرض ایلرز .

ضرب امارتک دوجار اولديغی بلیه اغتفال عاقبت  
اهالیسنی انواع پریشانی واضطرابه گرفتار ایتش اولدیغنه  
وامارت مومی الیها ممالک دولت علیه نک اجزای متممه سندن  
اولدیغی کبی عفو و امان حضرت پادشاهیلرینه دخالت ایتش  
ایدوکنه مبنی بوکره نائل اولدیغی مساعدات جلیله حضرت  
پادشاهیلر بنی الطاف سابقهیه بر نعمت و عنایت لاحقه بیله جکی  
امیدنده یز .

نطق هیایون تاجدار یلرنده هیئت عاجزانه مزه حواله  
اولنه جغی اراده بیوریلان قره طاغ مسئله سنه دأر اوراق  
ورودنده مذاکرات مقتضیه سنی بانه عییل حاصل اوله جق  
قرارک عرضنه مسارعت اولنه جغنک بیانیه برابر قانون اساسی  
احکامنه تطبیقاً حقوق مقدسه ملک و ملتک تمامی محافظه سنی  
مجلس مبعوثان ایله عموم هیئت عثمانیان بالاتحاد نهایت ارزو  
و خلاصه افکار ایدنش اولدیغندن شمیدین ایماسنه مجاسرت  
ایدرز اولوقت نتیجه قرارک عرضنه مسارعت قلنه جقدر .  
انکلتزه دولتی ایله دول سائر نک ارزولری اوزرینه مسائل  
حاضره ایچون درسعادتنده تشکیل اولسان مجلس مکالمه  
ایتناسنده احکام معاهداتله قواعد حقوق دول و ملله موافق  
بر مسالک حقانیتکارانه ایله شان استقلال مملکتی خلادن وقایه  
سزاواری عنایت بیورلدیغی مثللو بعدما دخی اشبو مسالک  
ملوکانه نک نقطه نظر اتحاد قلنه جغی حقنده مظهر اولدیغمن

وَعَدَ وَبَشِيرَاتٍ جَلِيلَةٍ جَنَابِ مُلُوكَانِهِ لِرَى عُمُومِ عُثْمَانُلُورِجَةِ  
مُسْتَلَزِمِ اَنْوَاعِ شَادِمَانِي وَ مَفْعَرَتِ اَوْلَشْدَر .

دولت عثمانیه هر عصرده و هر درلو احوالده مفاہدات  
موجودہ یہ جدا رعایت ایتمکله شهرت بولمشدر . و هر  
زمان شو طریق مستقیمہ دوام ایدہ جکدر . و بونکله برابر  
ملت معظمہ عثمانیہ تمامی استقلال دولتی هر درلو و سائل  
ایله محافظہ یہ قویا عزم ایتش و جملہ بو اغورده جان و باش  
قویمش اولدیغنه شہادت ایدرز . ہیئت عثمانیہ نیک بقاسنه  
اس حقیقی بر استقلال حق مقدسی برده تمامی ملک قواعد  
مسلمہ سیدر . بوراسنی اجنبی تعرضندن وقایہ و هر درلو  
تعدیاتدن محافظہ حق انسانیتدر .

ایشته شو فریضہ ده ملتز قطعاً مسامحہ ایدہ میہ جکی  
جهتله عموم ملتک بو بایده اولان نیات و تمنیاتی عتبہ یلند  
مرتبه شهنشاهیله کمالی خضوع ایله عرضه استعجال  
براه ادای وجیبه مأموریتزه مجبور بولنورز . بو بایده  
دولت علیه نیک اختیار بیوردیغی اسلوب حرکتده ثبات  
ایدہ جکنه دائر طرف اشرف شهنشاهیله نندن نائل اولدیغیز  
وعد عالی جان بخش قلوب تبعه صادقینی اول مرتبه لوده  
امید سرور ایله مشکون الملشدر که بونک ایچون عرض تشکر  
و محمدتک تکرارینی کندومزه وجیبه مخصوصه بیلشدر  
و حقوق ملل و دول قواعدی ایله مقتضیات طبیعت بشریه

ایجابجه پادشاه ایله تبعه سی اره سنده و اداره ملکیه نیک صور  
اداره داخلیه سی تفصیلاً شده مداخله اجنیه بی متوکلا  
علی اه قطعاً و متحداً رد ایدرز •

هیئت مبعوثان ملت عثمانیه حقنده مبذول و رایکان اولان  
عنایت و احسان عال العال جناب ملوکانه لینه جملة شوصورتله  
عرض تشکر و محمدنله باکال خضوع ادای فریضه صدق  
عبودیه محاسرت ایلش اولدیغمز محاطعلم کائنات آرای جناب  
خلافتیناهیلری بیوردقده اولبابده و قاطبه احوالده امر و  
فرمان پادشاه فاروقی شیم و شهنشاه معالی هم افندمز  
حضر تکرینکدز •

---

72534.













21293

